



NAZ.  
Hunale III

XXV

F

44

OLI







2  
F. THOMÆ MARIE CERBONI

ORDINIS PRÆDICATORUM

IN COLLEGIO URBANO DE PROPAGANDA FIDE  
SACRÆ THEOLOGIÆ PROFESSORIS

THEOLOGIÆ  
NATURALIS  
LIBRI TRES.  
TOMUS II.



ROMÆ MDCCLXVIII.

IN TYPOGRAPHEO S. MICHAELIS AD RIPAM

SUMPTIBUS VENANTII MONALDINI BIBLIOPOLÆ, ET PAULI JUNCHI HEREDIS  
BIZZARRINI TYPOGRAPHI, ET PROVISORIS LIBRORUM S. R. E.  
IN BIBLIOTHECA VATICANA.

*SUPERIORIBUS ANNUENTIBUS.*



# THEOLOGIAE NATURALIS

INDEX LIBRORUM, QUÆSTIONUM, ET ARTICULORUM II. TOMI.

## LIBER III.

DE ATTRIBUTIS DEI RESPECTIVIS.

<b>Q</b> UÆSTIO I. DE DEO CREATORE.	p. 1.
ARTICULUS I. PROP. Fieri non potest, ut materiæ, vel corpori creandi virtus conveniat.	Ibid.
ART. II. PROP. Creandi virtus soli Deo ita convenit, ut eam nulla causa creata participare possit.	3.
ART. III. PROP. Deus materiam resque omnino omnes ex nihilo produxit.	6.
QUÆSTIO II. DE DEO PROVIDORE.	11.
ART. I. PROP. Providentiam in Deo esse oportet.	12.
ART. II. PROP. Nihil omnino esse potest, quod Divinæ providentiæ non subiaceat.	14.
ART. III. PROP. Deus quoad ordinem rerum provisurum in suum finem omnibus per se, & immediate prospicit; quoad executionem vero hujus ordinis causarum secundarum ministerio utitur, neque per se immediate omnia regit, atque gubernat.	19.
SCHOL. I. Rationales creaturæ Divinæ providentiæ peculiari modo subji- ciuntur.	22.
SCHOL. II. Deus mediantibus intellectualibus creaturis alias regit, intellectu- ales vero inferiores per superiores.	23.
SCHOL. III. Præter suæ providentiæ ordinem Deus agere quodammodo potest, & quodammodo non potest.	24.
SCHOL. IV. Præter ordinem inditum rebus, qui in eo consistit, ut inferiora per superiora moveantur, Deus agere potest; hoc est, potest nulla se- cunda, ac peculiari interveniente causa, aliquem effectum producere.	25.
SCHOL. V. QUÆ Deus præter naturæ ordinem operatur, ea non sunt contra naturam.	26.
ART. IV. PROP. Divina providentia certa est, atque infallibilis; tamen ex certitudine, & infallibilitate eius non sequitur, ut cuncta necessario eve- niant.	27.
COROL. I. Divinæ providentiæ convenire non potest, ut per eam libertas voluntatis tollatur, aut impediatur.	30.
COROL. II. Neque in rebus Physicis omnem corruptionem, atque defectum, neque in moralibus omne malum per Divinam Providentiam impediri oportet.	Ibid.
COROL. III. Divina Providentia neque casum, neque fortunam excludit si Toni. II.	casus,

# IV

- casus, & fortuna accipiantur eo sensu, quo debent. 31.  
**QUAESTIO III. DE DEO CONSERVATORE.** Ibid.  
**ART. I. PROP.** Deus omnia conservat. 32.  
**ART. II. PROP.** Si res creatæ considerentur absolute, & simpliciter, quatenus extra nihilum positæ manent, a solo Deo immediate conservantur: si autem spectentur, quatenus sub genere, vel aliqua specie continentur, nonnullæ earum non immediate a Deo conservantur. 35.  
**COROL.** Deus efficere potest, ut ea, quæ produxit, in nihilum redigantur. 37.  
**SCHOL.** Nullam rem tamen in nihilum re ipsa redigendam esse, dici debet. Ibid.  
**QUAESTIO IV. DE DEO SUPREMO OMNIUM DOMINO.** Ibid.  
**ART. I. PROP.** Summum jus in omnes creaturas Deo competit. 38.  
**ART. II. PROP.** Recte, atque ad Divinam voluntatem accommodate agere, est secundum naturam hominis. 39.  
**ART. III. PROP.** Ut quo fieri potest exquisitiori cultu tum interno, tum externo Deus colatur ab hominibus, evidentissima ratio postulat. 41.  
**COROL. I.** Ex iis, quæ usque modo disseruimus, hac quoque in re Hobbesii impietas manifeste constat. 47.  
**COROL. II.** Hic externus cultus, qui Deo debetur, talem esse oportet, ut vero interno cultui respondeat. Ibid.  
**QUAESTIO V. DE DEO LEGISLATORE.** 48.  
**ART. I. De Lege Naturali.** 49.  
**LEM. UNICUM.** Quædam ex sui natura turpia esse, contra honesta alia, & rectæ rationi consentanea, nemo in dubium revocare potest. 52.  
**PROP.** Homines legem naturalem habent, qua cognoscere possunt, quæ in se turpia, vel honesta sunt. 55.  
**COROL.** Si jus naturale non daretur, neque etiam artificiosa iustitia constitui potuisset, quam Hobbesius inde constitutam esse falsò putat, quia homines, qui jus habebant ad omnia, in multis suo juri cesserunt; quo factum fuerit, ut iustitiæ leges sancirentur, propter quas unusquisque obligationem sibi impositam servare deberet. 72.  
**COROL. II.** Superflue non sunt civiles leges, quamvis iisdem multa sæpe præcipiantur, aut prohibeantur, quæ ex sui natura bona, aut mala sunt. Talia ergo dum leges civiles præcipiunt, aut prohibent, eam, quæ ob legem naturalem in iis continetur, obligationem magis magisque confirmant. Ibid.  
**COROL. III.** Quamvis autem quædam ex sui natura independentes a Legislatoribus bonitatem, aut malitiam habeant; multa tamen esse possunt, quæ hanc, vel illam unice tantum a voluntate Legislatorum mutantur. 73.  
**ART. II. PROP.** Legis naturalis, quam omnes homines infusam habent, Deus auctor est, & qui illam violaverit, in Divinam maiestatem injuriosus exitit. Ibid.  
**COROL. I.** Deus infusione legis naturalis omnibus hominibus sapientissime providit, sive secundum privatam conditionem, sive secundum societatem naturalem, sive secundum confederationem civilem spectentur. 75.  
**COROL. II.** Regnandi ergo potestatem neque Principes propter suam potentiam, neque subditi obtemperandi obligationem propter suam imbecillitatem habent, uti Hobbesius falsò putavit. Ibid.  
**ART.**

ART. III. PROP. Si de mutatione improprie dicta sermo sit, lex naturalis mutari potest: secundum mutationem vero proprie dictam quoad prima principia est omnino immutabilis; quoad alia autem, quæ determinatam materiam non habent, cum qua honestas, vel turpitudinem necessario conjuncta sit, ob materiam, vel circumstantias mutari potest. 77.

SCHOL. I. Lex naturalis quoad prima principia a cordibus hominum deleri non potest, quamvis quoad usum, seu in particulari operabili, ut ajunt, deleri possit: quoad aliqua autem præcepta secundaria deleri potest. 79.

COROL. Hinc est, ut lex naturæ quoad prima principia communis sit apud omnes, sive cognitio, sive rectitudo illius spectetur; quoad ea vero præcepta, quæ ex primis principiis dimanant, apud omnes plerumque eadem est; aliquando tamen contingit, ut neque quoad cognitionem, neque quoad rectitudinem ab aliquibus teneatur. 80.

SCHOL. II. Omnes virtutum actus ad naturæ legem spectant, si generatim accipiantur, prout virtuosi sunt; si autem secundum propriam speciem, sive propriam rationem eorum considerentur, in naturæ lege non omnes continentur. Ibid.

QÆSTIO VI. DE DEO RETRIBUTORE PRÆMIORUM ATQUE POENARUM 81.

ART. I. PROP. Exercitatio virtutis plurimum felicitatis, atque utilitatis secum affert. 82.

ART. II. PROP. Virtus se ipsa contenta non est ad beate vivendum. 86.

COROL. I. Sicut ergo quod virtuti præmium, ita etiam quæ vitio poena debetur, sæpe nulla, vel non qualis deberetur, in hac vita retribuitur. 87.

COROL. II. Semper autem sicut in exercitatione virtutis aliqua vera felicitas est; ita etiam vitia aliquam delectationem secum afferunt, quamvis turpis hæc sit, & homine indigna. 88.

COROL. III. Quapropter neque perfecte beati, neque perfecte miseri in hac vita esse possumus. Ibid.

COROL. IV. Quapropter sicut virtus in se non habet, unde in hac vita iuste compensetur; ita neque etiam vitium unde iuste puniatur. 89.

ART. III. PROP. Altera præter præsentem vitam superesse debet, in qua iusti consequantur præmia virtutum, scelerum autem poenas impii sustineant. 90.

COROL. Deum modo etiam hominibus sapientissime prospicere ex eo quoque evincitur, quia post præsentem alter superest vitæ status. 116.

ART. IV. PROP. Ut etiam corpus simulcum anima in altera vita vel recipiat præmium, vel poenam sustineat, ordinis, atque æquitatis ratio postulat. 107.

ART. V. PROP. Dei virtute fieri potest, ut mortuorum corpora reviviscant. 113.

ART. VI. De perpetuitate alterius status futuræ beatæ vitæ. 121.

LEM. I. Vera, & completa beatitudo omne malum excludere, & omne desiderium explere debet. 122.

LEM. II. Vera, & completa beatitudo æterna, atque perpetua esse debet. 123.

LEM. III. Veram, & completam beatitudinem expetunt homines, eamque assequi possunt. Ibid.

LEM. IV. Vera, & completa beatitudo non poterit consistere in aliquo bono creato. 124.

LEM

# VI

- LEM. V. Vera, & completa beatitudo haberi non potest in hac vita. 125.  
 LEM. VI. Vera hominis beatitudo consistit in contemplatione Dei. Ibid.  
 LEM. VII. Vera, & completa beatitudo non consistit in cognitione Dei, quæ communiter habetur ab omnibus. 126.  
 LEM. VIII. Vera, & completa beatitudo non consistit in cognitione Dei, quæ habetur per demonstrationem. 127.  
 LEM. IX. Vera, & completa beatitudo non consistit in cognitione Dei, quæ per fidem habetur. 128.  
 LEM. X. Vera, & completa beatitudo in Dei visione, iisque omnibus quæ ad visionem consequuntur, consistere solummodo potest. 129.  
 LEM. XI. Homo suis viribus naturalibus non potest perungere ad hanc veram & completam beatitudinem, quæ in Dei visione solummodo consistere potest. 131.  
 LEM. XII. Intellectus creatus indiget aliquo influxu Divini luminis, ut ad videndam essentiam Dei pertingat. 132.  
 LEM. XIII. Intelligere Deum est ultimus finis ipsius hominis. Ibid.  
 LEM. XIV. Per visionem Dei fit homo particeps vitæ æternæ. 133.  
 LEM. XV. Qui Deum vident, in perpetuum eum videbunt. Ibid.  
 LEM. XVI. Qui hac visione perfruuntur, voluntatem immutabiliter convertant habent ad huiusmodi bonum. 134.  
 LEM. XVII. Qui Deum vident, semper eum videbunt, quia Deus nunquam subtrahet se ab iisdem. 135.  
 PROP. Præmium, quod in futuro vitæ statu iustis retribui rationi, & æquitati consentaneum est, æternum esse debet. Ibid.  
 ART. VII. De perpetuitate alterius status futuræ ærumosæ vitæ. 137.  
 LEM. I. Peccatum est offensæ Dei. Ibid.  
 LEM. II. Per peccatum nullum quidem detrimentum Deo affertur, inde tamen non consequitur, ut ipsi Deo non displiceat. 139.  
 LEM. III. Non omnia peccata, quibus offenditur Deus, sunt æqualia. 140.  
 LEM. IV. Peccata alia sunt, quibus ab ultimo vero fine quis avertitur, & convertitur ad creatura sicuti ad ultimum finem; alia vero, quæ secum afferunt inordinationem circa ea, quæ sunt ad finem; servato tamen ordine ultimi finis. Illa læthalia, illa autem levia vocantur. Ibid.  
 LEM. V. Peccata læthalia ex sui natura irreparabilia sunt, non vero levia. 141.  
 LEM. VI. Post læthale peccatum perpetratum macula quedam in anima remanet, quæ non tollitur, nisi voluntas sese avertat ab eo, quod peccando prosequuta fuit, atque ad illud redeat, unde defecit. 142.  
 LEM. VII. Voluntas impiorum post mortem est in malo immutabilis. 143.  
 LEM. VIII. Pœnæ reatus ad ipsum læthale peccatum consequi debet. 144.  
 LEM. IX. Pœna, quæ post læthale peccatum luenda superest, duplex est, alia, quæ pœna damni, alia vero, quæ vocatur pœna sensus. 145.  
 LEM. X. Utrumque genus pœnæ, quod post peccatum luendum superest, ex sui natura æternum esse debet. 146.  
 LEM. XI. Læthali peccato debetur æterna pœna, quamvis illud brevi mora temporis commissum fuerit, neque diutius perduraverit. 147.  
 PROP. Perpetuitas, atque immutabilitas alterius status vitæ, in quo impii luunt pœnas suorum scelorum, rationi, atque æquitati consentanea est. 149.

THEO-

# THEOLOGIAE NATURALIS SYNOPSIS

## INDEX LIBRORUM SECTION. CAPIT.

<b>L</b>	<b>LIBER I. De ente perfectissimo.</b>	<b>170.</b>
	SECTIO I. De possibilitate entis perfectissimi.	Ibid.
	SECTIO II. De existentia Dei.	175.
	CAP. I. De moralibus argumentis existentiae Dei.	Ibid.
	CAP. II. De physicis argumentis.	179.
	CAP. III. De argumentis metaphysicis.	185.
<b>LIB.</b>	<b>II. De Divinis attributis.</b>	<b>187.</b>
	SECTIO I. De immutabilitate Dei.	Ibid.
	SECTIO II. De simplicitate Dei.	193.
	SECTIO III. De infinitate Dei.	197.
	CAP. I. De infinitate absoluta essentiae, & attributorum Dei.	Ibid.
	CAP. II. De bonitate Dei.	200.
	SECTIO IV. De Unitate Dei.	202.
	CAP. I. De Unitate Dei excludente quamcumque multiplicitem.	203.
	CAP. II. De duobus principiis Manichaeorum sibi mutuo oppositis.	Ibid.
	SECTIO V. De Scientia Dei.	206.
	CAP. I. De Intelligentia Dei, illiusque objecto, atque medio.	Ibid.
	CAP. II. De Intelligentia quae entibus creatis convenire potest.	210.
	SECTIO VI. De Voluntate Dei, & entium intelligentium.	215.
	CAP. I. De Voluntate Dei, deque praecipuo objecto, ratione, libertate, atque efficacia ejusdem Divinae voluntatis.	Ibid.
	CAP. II. De Voluntate entium intelligentium.	220.
	SECTIO VII. De Potentia Dei.	221.
	CAP. I. De Potentia Dei in se spectata.	Ibid.
	CAP. II. De Potentia Dei quoad ea, quae exterius ab ipso producuntur, aut produci possunt.	224.
	SECTIO VIII. De Deo Creatore.	228.
	SECTIO IX. De Deo Providore.	231.
	SECTIO X. De Deo Conservatore.	237.
	SECTIO XI. De Deo Supremo omnium Domino.	249.
	SECTIO XII. De Deo Legislatore.	252.
	SECTIO XIII. De Deo Retributore praemiorum atque poenarum.	262.
	CAP. I. De conditione praesentis vitae hominum prout virtuose, vel contra rationem vixerint.	Ibid.
	CAP. II. De altero statu vitae hominum prout virtuose, vel contra rationem vixerint.	267.
	CAP. III. De Interminabili, & semper duratura beatitudine iustorum in altero vitae statu.	273.
	CAP. IV. De Interminabili, & semper duratura miseria impiorum in altero vitae statu.	278.

IMPRIMATUR;

SI videbitur Rmo P. Magistro Sacri Palatii Apostolici.

*Dominicus Jord. Archiep. Antioch. Vicefg.*

IMPRIMATUR,

F. Thomas Augustinus Ricchinius Ordinis Præd. Sacri Palatii Apost.  
Magister.

DE





# THEOLOGIÆ NATURALIS

## LIBER III.

DE ATTRIBUTIS DEI RESPECTIVIS.



OC tertio libro superest, ut agamus de eo genere Attributorum, quæ, quia intelligi non possunt sine aliquo ordine ad creata, *respectiva* a Theologis vocari consueverunt. Non minus autem temere, atque omnino impie contra attributa Dei *absoluta*, quam contra *respectiva*, recentiores Atheistæ, ac Deistæ blasphemant. Nam cuncta a Deo ex nihilo creata esse negant: non prospicere Deum rebus omnibus sive cælestibus, sive terrestribus, audacter obganniunt: exteriorem cultum Deo adhibendum esse incipient: nullam a Deo legem nobis naturaliter inditam esse propugnare audent, nullamque aliam post præsentem vitam superesse, in qua impii puniantur, iusti autem sua præmia recipiant, ad suam impietatem cumulandam effutunt. Quapropter semel ac tam magna absurditas, tamque singularis opinionum ponatur impietas, neque Creatoris, neque Provisoris, neque Supremi omnium nostrum Domini, neque Summi Legislatoris, Retributorisque bonorum, & malorum, prout quisque meruisset, attributa Deo amplius convenirent. Quæ sane omnia cum Dei natura ita necessario conjuncta sunt, ut non convenire non possint, & Deum ipsum e medio tollit, qui ea a Divina natura separari posse arbitratur. Hos ergo & quoad ista, & quoad alia quoque capita, quæ pugnant contra Dei attributa respectiva, ut refellamus, ab ipsa creatione exordium sumimus, reliqua vero, prout ordo doctrinæ postulaverit, ita deinde prosequemur, ut nemini non perispectum sit, hac una tantum de re dubitari posse, num magis absurda, an vero magis impia, ea omnia sint, quæ nostri recentiores pessime philosophantes homines confinxerunt, vel, ut verius dicam, ab Ethnicis, atque ab antiquis hostibus Christianæ Religionis mutuati tanto cum supercilio uti sua in medium protulerunt.

## QUÆSTIO I.

## DE DEO CREATORE.

**C**reatio est productio rei ex nihilo; sive productio rei ex nullo præsupposito subiecto. In creatione neque ulla mutatio proprie dicta, neque successio esse potest. Nam in mutatione proprie dicta aliquid præcedere debet, quod prius diversa ratione sese habeat: si ergo in creatione nihil præcedit, nulla quoque mutatio dari potest. Simili ratione quia motus terminatur ad id, quod existit, & sine subiecto nulla successio dari potest, ideo neque motus, neque successio in creatione locum habet. Est tamen in ipsa creatione secundum nostrum cognoscendi modum quædam mutatio improprie dicta, quatenus unam eandemque rem primo ut non existentem, deinde uti existentem intellegimus.

His expositis superest, ut videamus, creandi potestas cuinam conveniat. Hoc autem in tribus articulis præstabitur: in 1. creandi vim materiæ inesse, non posse, in 2. Dei tantum propriam esse, in 3. Deum revera omnia ex nihilo produxisse demonstrabimus.

## ARTICULUS I.

## NUM MATERIA, VEL CORPUS CREANDI VIRTUTEM HABERE POSSIT.

**P**ROPOSITIO. Fieri non potest, ut materiæ, vel corpori creandi virtus conveniat.

Prob. prop. Materia, vel corpus in id agere nullo modo possunt, quod non existit: ergo creandi virtus materiæ, aut corpori nullo modo convenire potest. Ante conit. actio enim materiæ, seu corporis per id, quod non existit, terminari non potest. Prob. con. In creatione nullum subiectum præexistens præsupponitur: ergo si materia, vel corpus in id agere nullo modo possunt, quod non existit, creandi virtus materiæ, aut corpori convenire non potest.

2. Ut materia, vel corpus in aliud agant, illud tangere debent, vel immediate per se, vel mediante alia materia, aut corpore: ergo in id tantum possibile est, ut agant, quod aliqua ratione tangi potest: ergo ubi nihil præexistit, suam virtutem exercere non possunt; sed in creatione nihil præexistit: ergo creandi virtutem materiæ, aut corpori convenire impossibile est (1).

3. „Potestas faciendi aliquid (ita recte Lactantius argumentatur *Divin. Instit.* lib. 2. cap. 9.) non potest esse nisi in eo, quod sentit, quod sapit, „quod cogitat, quod movetur. Nec incipi, aut fieri, aut consummari quidpiam potest, nisi fuerit ratione provisum, & quemadmodum fiat, antequam est, „& quemadmodum conilet, postquam fuerit effectum. Denique is facit aliquid „qui habet voluntatem ad faciendum, & manus ad id, quod voluit, implendum. Quod autem insensibile est, iners, & torpidum semper jacet, & nihil inde oriri potest, ubi nullus est motus voluntarius. „ Si autem materia, vel

(1) D. Thomas II. *contra Gentiles* cap. 30. num. 5.

vel corpus, quia per se insensibile, iners atque torpidum, sine voluntate, & sine ulla ratione, neque etiam ex se ipso aliquid efficere potest, multo minus rem quandam ex nihilo educere poterit, quum ad hoc præstandum virtus infinita requiratur, uti sequenti articulo demonstrabimus.

Dices. Radii solares in terræ visceribus ea procreant, quæ antea non inerant, ut sunt diversæ genera metallorum, atque alia similia: ergo etiam causis materialibus convenit creandi virtus. Deinde unum corpus, quod in motu sit, in altero corpore quiescente motum procreat: ergo.

R., dist. ant., ex præsupposita materia, con., absque materia præsupposita, ne. Quando metalla in terræ visceribus a radiis solaribus procreari dicimus, non id volumus, ut radii solares sua virtute ex nulla præsupposita materia in terræ visceribus metalla producant; sed ut materiæ jam præexistentis partes ita dissolvant, conforment, atque disponant, ut aurum, vel aliud metalli genus ex iisdem habeatur. Quapropter quod metalla in terræ visceribus a radiis solaribus procreantur, improprie tantum dici potest, quia vera, & proprie dicta procreatio nullum subiectum præsupponit.

Quia vero unum corpus ab altero movetur, non inde inferri potest creandi virtutem corporibus convenire. Nam motus non est ens aliquod in se existens, sed modificatio corporis: unum autem corpus aliud diversâ ratione modificare potest. Deinde motus non ex nihilo, sed ex vi præexistente (quæ vis non est ipsum corpus) producit, quum sine impulsione nullus motus haberi possit. Semper ergo constat, impossibile esse, ut creandi virtus corporibus conveniat.

## ARTICULUS II.

NUM CREANDI VIRTUS DEO CONVENIAT, EJUSQUE TANTUM ITA PROPRIA SIT, UT A NULLA ALIA CAUSSA PARTICIPARI POSSIT.

**C**reandi virtus duplici ratione alicui causæ convenire potest: primo, atque per se, & per participationem. Tunc primo, & per se illi convenit, quando hanc virtutem a se, & ex sui natura habet: convenit autem per participationem, quando ab alia causâ eam partecipat. Modo ergo querimus, num creandi virtus Deo conveniat, atque ita conveniat, ut nulla creata causâ eam partecipare possit.

**PROPOSITIO.** Creandi virtus soli Deo ita convenit, ut eam nulla causâ, creata partecipare possit.

**Prob. prior proposit. pars.** Ab ordine agentium ordo actionum ita pendet, ut nobiliori agenti actio nobilior, atque præcellentior semper respondeat: ergo creandi virtus soli Deo convenire debet. **Prob. conf.** Creatio est actio omnium prima, atque præcellentissima, quia nullam aliam actionem præsupponit, atque per eam independentem omnino a quæcumque alia causâ fit ut res existat: ergo si nobilioris agentis actio præcellentior, atque primæ omnium causæ propria esse debet, creandi virtus soli Deo convenire potest, quia est prima causâ omnium entium (2).

„ Quid autem magni esset, si Deus ex materia subiecta mundum faceret, „ ? (inquit S. Theophilus ad *Autolyicum* lib. 2. num. 4.) Opifex enim apud

A 2

„ nos

(2) D. Thomas II. *contra Gentiles* ca. 21. num. 1.

## THEOL. NATURALIS

„ nos quum materiam ab aliquo acceperit, ex ea, quidquid placuerit, effingit.  
 „ Dei autem potentia in eo spectatur, ut ex nihilo faciat quaecumque voluerit „.

Hac quoque de re Lactantius *Divin. Instit.* lib. 2. cap. 9. ita præclare disserit : „ Cicero, *inquit*, de Natura Deorum disputans, sic ait : (a) (Primum igitur non est probabile, eam materiam rerum, unde orta sunt omnia, esse Divinam providentiam effectam; sed habere, & habuisse vim, & naturam suam. Ut igitur faber, quum quid ædificaturus est, non ipse facit materiam, sed ea utitur, quæ sit parata, fictorque item cera: sic illi providentiæ Divinæ materiam præsto esse oportuit, non quam ipse faceret, sed quam haberet paratam... (O quam multa sunt vitia in his decem versibus! Primum quod is, qui aliis disputationibus, & libris fere omnibus providentiæ fuerit assertor, & qui acerrimis argumentis impugnaverit eos, qui providentiam non esse, dixerunt, idem nunc quasi proditor aliquis, aut transfuga providentiam conatus est tollere: in quo si contradicere velis, nec cogitatione opus est, nec labore; sua illi dicta recitanda sunt. Nec enim ab ullo poterit Cicero, quam a Cicerone vehementius refutari. Sed concedamus hoc mori, & instituto Academicorum, ut liceat hominibus valde liberis dicere, ac sentire, quæ velint. Sententias ipsas consideremus. Non est, inquit, probabile, materiam rerum a Deo factam. Quibus hoc argumentis doces? Nihil enim dixisti, quare hoc non sit probabile. Itaque mihi e contrario vel maxime probabile videtur: nec tamen temere videtur cogitanti plus esse aliquid in Deo, quem profecto ad imbecillitatem hominis redigis, cui nihil aliud, quam opificium concedis. Quo igitur ab homine Divina illa vis differet, si ut homo, sic etiam Deus ope indiget aliena? Indiget autem, si nihil moliri potest, nisi ab altero illi materia ministraretur. Quod si sit, imperfectæ utique virtutis, est, & erit jam potentior Judicandus materiæ institutor. Quo igitur nomine appellabitur, qui potentia Deum vincit? Siquidem inajus est propria facere, quam aliena disponere. Si autem fieri non potest, ut sit potentius Deo quidpiam, quem necesse est perfectæ esse virtutis, potestatis, rationis; idem igitur materiæ fictor est, & rerum ex materia constantium. Neque enim Deo non faciente, & invito, esse aliquid aut potuit, aut debuit. Sed probabile est, inquit, materiam rerum habere, & habuisse semper vim, & naturam suam. Quam vim potuit habere, nullo dante? quam naturam, nullo generante? Si habuit vim, ab aliquo eam sumpsit. A quo autem sumere nisi a Deo potuit? Porro si habuit naturam: quæ a nascendo dicitur, nata est. A quo autem, nisi a Deo potuit procreari?... „

„ Sequitur ineptissima comparatio. (Ut faber, *inquit*, quum quid ædificaturus est, non ipse facit materiam, sed utitur ea, quæ sit parata, fictorque item cera: sic illi providentiæ Divinæ materiam præsto esse oportuit, non quam ipse faceret, sed quam haberet paratam). Immo vero non oportuit; erit enim Deus minoris potestatis, si ex parato facit, quod est hominis. Faber si, ne ligno nihil ædificabit, quia lignum ipsum facere non potest; non potest autem imbecillitatis est humanæ: Deus vero facit sibi ipsi materiam, quia potest. Possit enim, Dei est: nam si non potest, Deus non est. Homo facit ex eo, quod est; quia per mortalitatem imbecillus est, per imbecillitatem definit, ac modicæ potestatis: Deus autem facit ex eo, quod non est; „ quia

(a) Vide fragmenta lib. 3. De Natura Deorum.

„ quia per æternitatem fortis est, per fortitudinem potestatis immense, quæ  
 „ sine, ac modo caret, sicut vita factoris. Quid ergo mirum, si facturus mun-  
 „ dum Deus, prius materiam, de qua faceret, præparavit, & præparavit ex  
 „ eo, quod non erat? Quia nefas est Deum aliunde aliquid mutuari, quum in  
 „ ipso sint omnia. Nam si est aliquid ante illum, & si factum est quidpiam  
 „ non ab ipso, jam & potestatem Dei, & nomen amittet „.

Deinde solus Deus est prima causa omnium, a quo cuncta entia contin-  
 gentia habent, ut sint, sicuti jam demonstravimus in Quæstione 2. lib. 1. : ergo  
 soli Deo creandi virtus convenit. Prob. con. Si solus Deus creandi virtutem non  
 haberet, ab alia etiam causa entia contingentia esse possent: ergo tunc Deus  
 neque prima, neque universalis causa amplius esset.

Prob. altera pars, quæ est contra nonnullos etiam Catholicos, Scotum di-  
 co ejusque discipulos. Instrumentum, quando agit, necesse est, ut moveatur,  
 quia est movens motum, sicuti fert commune axioma Philosophorum; sed in  
 creatione nullus motus esse potest, uti hujus quæstionis initio observavimus: ergo  
 in creatione nullus est causæ instrumentali locus [a].

Deinde ideo causa instrumentalis participat actionem causæ sibi superioris,  
 quia agendi ratione sibi propria dispositive operatur ad effectum agentis principalis;  
 alioquin & frustra ad agendum adhiberetur, & nihil necesse esset instrumenta esse  
 determinata: ita nalleus, vel ferra actione sibi propria dispositive concurret ad  
 producendum id, quod artifex sibi constituit; sed in creatione nullum subjectum  
 est, circa quod causa instrumentalis dispositive operari possit, quia non fit ex  
 præsupposito subjecto: ergo nulla causa secunda creandi virtutem participare  
 potest (b).

Dices contra priorem partem. Una substantia materialis alteram materialem  
 substantiam producere potest: ergo etiam substantia spiritualis, quum sit naturæ  
 solius perfectioris, alteram substantiam spirituales producere potest: sed substan-  
 tia spiritualis per creationem tantum produci potest, quia non fit ex præsuppo-  
 sito subjecto: ergo substantiæ spirituales creandi virtutem habent: ergo hæc vir-  
 tus soli Deo non convenit.

R., n. con. Quandoquidem substantia materialis alteram sibi similem produ-  
 cit, non quia naturam ipsam producat, sed quia facit, ut natura in hoc, vel  
 illo individuo sit: nam hic homo humanæ naturæ secundum se absolute acceptæ  
 causæ esse non potest, quia tunc etiam sui ipsius causâ esset, sed tantum effi-  
 cit, ut natura humana in hoc, vel illo homine sit. Quare quum in productione  
 substantiæ materialis semper aliquid præsupponatur, inde est, ut una substan-  
 tia materialis alteram sibi similem producere possit. At in productione substan-  
 tiæ spiritualis quum nihil præsupponi possit; ideo substantia spiritualis, quamvis  
 sit materiali longe perfectior, alteram sibi similem producendi virtutem non  
 habet.

Cont. Quod finitum est, id causa creata producere potest; sed omne crea-  
 tum finitum est: ergo omne creatum a causa secunda ex nihilo produci potest.

R., dist. na., si ad productionem illius virtus infinita requiratur, nec, si  
 non requiratur infinita virtus, con. Virtus facientis non solum ex substantia fa-  
 ci, sed etiam ex modo operandi attendenda est. Quapropter si operandi modus  
 infinit-

(a) D. Thomas II. contra Gentiles laud. cap. num. 4.

(b) D. Thomas 1. par. quæ. 45. art. 5.

infinitam potentiam requirit, quamvis effectus, si in se spectetur, finitus sit; tamen a causa creata produci non posse dicendum est. Quum ergo ut aliquid ex nihilo producat, virtus infinita requiratur, quia primum tantum, atque universale principium rerum omnium facere potest, ut sit, quod antea neque in se, neque in alio aliqua ratione præexistebat; ideo quamvis effectus per creationem productus sit finitus, illius tamen producendi virtus causæ creatæ tribui non potest.

Dices contra alteram partem. Ex eo quod causa secunda Deo omnino subijciatur, etiam ad illos effectus producendos a Deo elevatur, quos sua virtute producere non posset: ergo Dei virtute etiam instrumentum creationis esse potest.

R. dist. ant. ad illos, inquam, effectus, quos sua actione attingere potest, con., quos non potest, ne. Nam illos tantum effectus supernaturales causa secunda Divina virtute producere potest, uti causa instrumentalis, quos possibile est, ut attingat sua actione virtute supernaturali elevata: instrumentum enim licet virtute superioris agentis agatur, tamen actione sibi propria agat oportet semper, alioquin ut supra diximus, utque ait S. Thomas 1. par. qu. 45. art. 5. & frustra adhiberetur ad agendum, nec oporteret esse determinata instrumenta determinatarum actionum. Si ergo in creatione nullus actioni causæ instrumentalis proprius locus esse potest, uti jam demonstravimus, inde consequitur, ut agens creatum neque etiam per modum instrumenti aliquid ex nihilo producere possit.

### ARTICULUS III.

#### NUM DEUS MATERIAM EX NIHILLO PRODUXERIT.

**A**liquid ex nihilo produci, Athei tum veteres, tum recentiores impossibile esse putarunt. Inde vero consequens fuit, ut & materiam, & ea omnia, quæ ex ea originem habuerunt, increata esse putarent. Hinc Spinoza *Ethices* 1. par. proposit. 6. impossibile esse affirmavit, ut una substantia alteram substantiam produceret.

PROPOSITIO. Deus materiam resque omnino omnes ex nihilo produxit.

Prob. prop. Vel præexistebat aliquid ante ipsam materiam, omnesque res creatas; vel nihil præexistebat: si nihil præexistebat; omnia ex nihilo producta fuisse oportet: nam materiam a se, atque necessario existere non posse constat (Art. 4. quæst. 1. lib. 1.): si autem aliud præexistebat; ad aliquod primum omnium deveniendum est, ne in infinitum progrediamur, idque admittamus, quod maxime repugnat, ut sæpius demonstravimus; hoc est, infinitam seriem causarum sine prima causa. Hoc autem primum materia esse non potest, quia, ut diximus, est ens contingens, & neque a se, neque necessario existit: aliquid quoque aliud præter Deum esse non potest, cui ipse Deus non tribuerit, ut esset, quia Deus est prima causa omnium (Quæst. 2. lib. 1.): igitur reliquum est, ut quicquid existit, id Deus ex nihilo produxerit. Sicuti vero omnia a Deo ex nihilo producta fuisse evincitur, quia est prima causa omnium; ita etiam hoc idem inde concluditur, quia est Deus principium totius bonitatis, atque in se summe bonus, uti Quæst. 3. lib. 2. jam demonstravimus. „ Sed dicis mihi (inquit S. Augustinus lib. *de Vera Religione* num. 35.) quare deficiunt? quia mutabilia sunt. Quare mutabilia sunt? quia non summe sunt. Quare non summe sunt? quia inferiora sunt eo, „ a quo

„ a quo facta sunt. Quis ea fecit? qui summe est. Quis hic est? Deus incom-  
 „ mutabilis Trinitas, quoniam & per summam sapientiam ea fecit, & sum-  
 „ ma benignitate conservat. Cur ea fecit? ut essent. Ipsum enim quantum-  
 „ cumque esse bonum est; quia summum bonum est summe esse. Unde fecit?  
 „ ex nihilo. Quoniam quidquid est, quantulumcumque specie sit necesse est; ita  
 „ etsi minimum bonum, tamen bonum erit, & ex Deo erit. Nam quoniam  
 „ summa species summum bonum est, minima species minimum bonum est. Om-  
 „ ne autem bonum aut est Deus, aut ex Deo est. Ergo ex Deo est etiam minima  
 „ species. Sane quod de specie, hoc etiam de forma dici potest. Neque enim  
 „ frustra tam speciosissimum, quam etiam formosissimum in laude ponitur. Id  
 „ ergo est, unde Deus fecit omnia, quod nullam speciem habet, nullamque  
 „ formam; quod nihil est aliud, quam nihil. Nam illud, quod in comparatione  
 „ perfectiorum informis dicitur, si habet aliquid formæ, quamvis exiguum,  
 „ quamvis inchoatum, nondum est nihil, ac per hoc id quoque, in quantum est,  
 „ non est nisi ex Deo.”

2. Materiam a se non esse, neque sibi dare posse, ut sit: impossibile,  
 esse ut entia contingentia existant, nisi ens necessarium admittatur, quod illis  
 dederit, ut essent. Quæst. 2. lib. 1. evidenter jam demonstravimus: ergo si ni-  
 hil materiæ a se esse potest, nullumque ens contingens existit sine ente neces-  
 sario, a quo producatur, & aliunde plurimum materiæ existit, atque dantur  
 multa entia contingentia, a prima causa hæc omnia ex nihiloeducta fuisse oportet.

„ Si volueris querere (inquit S. August. in lib. *contra Secundum Mani-  
 „ chæum* cap. 4.) unde fecerit, & imaginari cœperis adjutorium materiæ, quam  
 „ ipse non fecit, ut ibi non videatur omnipotens facere quod vellet, nisi cum  
 „ aliqua res, quam non fecerat, adjuvaret, rursus inexplicabiles caligines er-  
 „ roris patieris... Si enim de aliquo fecit, utique aut de se ipso, aut non  
 „ de se ipso: si de se ipso; non ergo fecit, sed genuit: cur igitur inferiora  
 „ genuit? Nam eorum, nisi inferiora essent, rex esse non posset. Si non de  
 „ se ipso; non utique de aliquo, quod ipse non fecit: alioquin de alieno fe-  
 „ cit, & erat jam bonum, quod ipse non fecerat, unde sibi regnum statueret.  
 „ Quod si ita est, incipit non esse bonorum operum creator, quia erat bonum,  
 „ quod ipse non creaverat: non enim de malo alieno lumina, quibus regnaret,  
 „ efficeret. Relinquitur itaque, ut si de re aliqua fecit, de illa fecerit, quam  
 „ ipse jam fecerat.” Et re quidem vera uti Lactantius *Divinar. Institut.* lib. 2.  
 „ cap. 9. recte argumentatur: „ Quidquid enim est solido, & contrectabili corpo-  
 „ re, accipit externam vim. Quod accipit vim, dissolubile est. Quod dissol-  
 „ vitur, interit. Quod interit, ortum sit necesse est. Quod ortum est, habuit  
 „ fontem, unde oriretur, id est factorem aliquem sentientem, providum, pe-  
 „ ritumque faciendi. Is est profecto, nec ullus alius, quam Deus. Qui quo-  
 „ niam sensu, ratione, providentia, potestate, virtute præditus est, & ani-  
 „ mantia, & inanima creare, & efficere potest, quia tenet quomodo quidque  
 „ sit faciendum. Materia vero semper fuisse non potest, quia mutationem non  
 „ caperet, si fuisset. Quod enim semper fuit, semper esse non desinit; & un-  
 „ de abfuit principium, abesse hinc etiam finem necesse est. Quin etiam faci-  
 „ lius est, ut id, quod habuit initium, sine careat, quam ut habeat finem,  
 „ quod initio caruit. Materia ergo si facta non est, ne fieri ex ea quidpiam  
 „ potest. Si fieri ex ea non potest, nec materia quidem erit. Materia enim,  
 „ est

„ est, ex qua fit aliquid. Omne autem, ex quo fit, quia recipit opificis manum, destruitur, & aliud esse incipit. Ergo quoniam finem habuit materialium, tum quum factus est mundus, & initium quoque habuit. Nam quod destruitur, ædificatum est; quod solvitur, alligatum; quod finitur inceptum est. Si ergo ex commutatione, & sine materia colligitur habuisse principium, & a quo alio fieri, nisi a Deo potuit? Solus igitur Deus, qui factus non est, & ideo destrui alia potest, ipse destrui non potest.”

3. Dei actio eadem est cum substantia illius (Art. 1. qu. 6. lib. 2.) : ergo ut Deus aliquid producat, non requiritur materia præexistens. Prob. con. Materia præexistens ideo ab agente requiritur, ut recipiat actionem ejus, quia actio est actus agentis in patiente receptus : ergo si Dei actio est idem cum substantia ejus, Deus non agit per aliquam actionem, quam in patiente recipi oporteat : ergo ut Deus aliquid producat, non requiritur materia præexistens (a).

Tandem nonne mundus, atque materia, sicuti nunc disposita est, suæ creationis, & quidem a Deo factæ, argumenta evidentissima præbent? „ Sed hoc dico (inquit Lactantius *Divin. Institut.* lib. 7. cap. 3.), si semper mundus fuit, nullam potest habere rationem. Quomodo enim potuit in eo ratio moliri, quod nunquam sumpsit exordium? Nam prius quam fiat aliquid, aut struatur, opus est consilio, ut disponi possit, quemadmodum fiat, nec incipi quidquam potest sine provisione rationis. Itaque omne opus ratio præcedit : non habet ergo rationem, quod factum non est. Atqui mundus habet rationem, qua & constat, & regitur : ergo & factus est ; et si factus est, resolvetur. Eorum autem infans, qui dicebant : „ sed quid placuit Deo æterno tunc facere cælum, & terram, quæ antea non fecisset, ”? S. Augustinus de *Civ. Dei* lib. 11. cap. 4. num. 2. ita refellit : „ qui hoc dicunt, si mundum æternum sine ullo initio, & ideo nec a Deo factum videri volunt, nimis averſi sunt a veritate, & lethali morbo impietatis insaniunt. Exceptis enim propetis vocibus, mundus ipse ordinatissima sua mutabilitate, & mobilitate, & visibilibus omnium pulcherrima specie quodam modo tacitus & factum se esse, & nonnisi a Deo ineffabiliter, atque invisibiliter magno, & ineffabiliter, atque invisibiliter pulchro fieri se potuisse proclamant.”

Manifeste ergo constat, quam falso Philosophi nonnulli putaverint, materiam nullam dari causam. Ita enim opinati sunt, quia actioni agentium particularium aliquid semper præexistere observarunt, indeque intulerunt hoc principium : *ex nihilo nihil fit*, complecti omne agentium genus. Falso tamen : quia ex nihilo nihil fieri potest ab agente particulari, potest vero ab agente universalissimo, atque omnium primo.

Neque est, cur reponant, intelligi non posse, qua ratione cuncta ex nihilo prodierint, ideoque impossibile esse, ut ita contigerit : quandoquidem quam multa cogitatione, atque etiam ipso sensu comperimus, quæ nos latent, quomodo, & qua ratione comperiamus? anne nos ea comperiisse negandum erit? itaque neque etiam negari potest, cuncta ex nihilo producta fuisse, quia intelligere non possumus, qua ratione aliquid ex nihilo producatur. Semel ergo ac contiteri, sicuti revera constat, omnia ex nihilo produci debuisse, neque Deo ad hoc faciendum deesse virtutem, suam insipientiam quam maxime ille prodit, qui

(a) D. Thomas II, *contra Gentiles* ca. 16. nu. 6.



qui creationem ex nihilo ideo negat, quia non intelligit, qua ratione fieri illa possit (a).

Dices I. Quod simpliciter impossibile est, neque etiam a Deo fieri potest; sed talis est creatio ex nihilo: ergo. Prob. mi. Eadem res esset, & non esset: non esset, antequam crearetur; esset autem, postquam creata fuit: ergo.

R., diss. ant., simul, & eodem tempore, ne., diverso tempore, con. Utique simpliciter repugnat, ut eadem res simul, atque eodem tempore sit, & non sit, & hoc ne a Deo quidem fieri posse fatemur. Ceterum ut aliquid, quod antea nullo modo erat, esse incipiat, non repugnat, ut cogitanti patet. Per creationem ergo quum fiat, ut esse incipiat, quod antea non erat, non vero ut eadem res sit, & non sit, nemo non videt contradictionem ex ea nullam consequi. At vero quoniam Athei principio contradictionis contra nos pugnam contendunt, ipsos eodem undequaque implicatos esse, paucis demonstramus. Secundum opinionem eorum entia contingentia simul essent, & non essent: ergo. Prob. ant. Essent quidem, quia sibi dedissent, ut existerent: nam causa, ut agat, oportet, ut existat: non essent, quia entia contingentia existerent, fieri non potest, nisi ens necessarium admittatur, ut pluribus demonstravimus: ergo.

Dices II. Semel ac mundum, atque materiam aeterna esse admittamus, admittitur systema, quod omnium simplicissimum est: ergo (b).

Tom. II.

B

R., ex

(a) Hic tota de re consulatur Monella, qui cum summa eruditione, atque evidenti efficacia rationum contra materiam incretam pluribus disputavit in sua *Dissertat. contra Materialitatem* par. I. sect. 3. §. 1. & seq. Insuper autem Balus nobis obtrudit (*Did. Hist. Crit. Art. Spinoza Rem. O*) materiam ex nihilo produciam intelligi non posse, etsi admittatur nente concipere actum voluntatis, per quem in realem substantiam converatur, quod antea erat nihil. Unde, inquit ipse, hoc principium antiquorum; hoc est, ex nihilo nihil fit, imaginationi nostrae semper obversatur. Verum Antiqui Philosophi (inquit S. Thomas 1. par. qu. 45. art. 2. ad 1.) non consideraverunt nisi emanationem effectuum particularium a causis particularibus, quas necesse est praesupponere aliquid suae actione. Ex secundum hoc erat communis eorum opinio: ex nihilo nihil fieri. Sed tamen hoc locum non habet in prima emanatione ab universalium rerum principio. Qua vero de causis locum non habet? quia inquit S. Thomas ad 2. Creatio non est mutatio nisi secundum modum intelligendi tantum. Nam de ratione mutationis est, quod aliquid idem se habeat aliter nunc, & prius... Sed in creatione per quam producitur tota substantia rerum, non potest accipi aliquid idem aliter se habens nunc, & prius nisi secundum intellectum tantum: sicut si intelligatur aliqua

res prius non fuisse totaliter, & postea esse... Sed quia modus significandi sequitur modum intelligendi, ut dictum est, creatio significatur per modum mutationis. Et propter hoc dicitur, quod creare est ex nihilo aliquid facere: quamvis facere, & fieri magis in hoc conveniant, quam mutare, & mutari, quia facere & fieri important habitudinem causae ad effectum, & effectus ad causam; sed mutationem ex consequenti... Ad rationem autem, non ad imaginationem attendere debemus, dum in aliquam veritatem inquirimus. Ratio vero an fortasse aliquam contradictionem in eo detegit, ut aliquid ex nihilo producatur? immo nonne id fieri debuisse firmitissime conclusit? Praecedat autem haec falsa imaginatio, uti observavit S. Thomas ad 4., ex eo quod creatio significatur ut quaedam mutatio inter duos terminos existentes.

(b) Ita Auctor Philosophiae *du bon sens* tom. I. Reflex. 3. §. 2., qui illud quoque effutit §. 7., opinioni probabiliori contrarium esse, ut quispian mundum ex nihilo produisse patet. Fide ergo solummodo id tenendum dicit, qua fit, sicuti ipse inquit, ut intellectus noster itis quoque subsiciatur, quae repugnare ipsi videatur. Verum non solum opinioni probabiliori contrarium non est mundum ex nihilo fuisse productum, sed certe, atque evidentissimae rationi omnino consentaneum, uti jam demonstravimus. Dum vero

super-

Re, ea simpliciora dici recte posse, quæ tandem ad aliquod certum principium reducuntur; contra vero quæ infinitam causarum seriem sine ullo certo principio certaque ratione continent, non simplicia, sed obscura, involuta, immo & sibi contraria dici debent. Talis autem est opinio de æternitate increati mundi, atque materiæ: nam ea semel posita, infinita causarum series sine ullo certo principio, ordine, atque ratione ponitur, uti sæpius jam demonstravimus. At semel ac certissima ratione convicti, supremi Entis infinita Sapientia, atque Potentia omnia condita esse teneamus, nullus amplius est infinitæ seriei causarum sine ordine locus, sed cuncta recte disposita, atque inter se colligata esse debere, uti revera sunt, unusquisque videt. „ Nunc totam rationem (inquit „ Lætantius *Divin. Institut.* lib. 7. cap. 6.) brevi circumscriptione signemus. „ Iccirco mundus factus est, ut noscamus factorem mundi, ac nostri Deum. „ Ideo agnoscimus, ut colamus. Ideo colimus, ut immortalitatem pro mercede „ de laborum capiamus, quoniam maximis laboribus cultus Dei constat. Ideo „ præmio immortalitatis afficimur, ut similes Angelis effecti summo patri, ac „ Deo in perpetuum serviamus, & simus æternum Deo regnum. Hæc summa rerum est: hoc arcanum Dei, hoc mysterium Dei, hoc mysterium mundi, „ a quo sunt alieni, qui sequentes præsentem voluptatem terrestribus, ac „ fragilibus bonis se addixerunt, & animas ad cælestia genitas suavitatibus mor- „ tiferis, tamquam luto comove demerserunt. „ Quid vero hac re tota magis simplex, atque ordinatum esse potest? Ex hisce autem illud quoque constat, „ & non indignis Deum, ut mundum conderet, & a nobis conditori huius mundi omnem cultum, & honorem esse deferendum. Hinc recte Athenagoras in *Legatione pro Christianis* num. 16. „ Ac vos quidem Reges, inquit, vobis regias domos adornatis: mundus autem non ideo factus, quia eo indigeret „ Deus. Omnia enim ipse sibi Deus est, lumen inaccessum, mundus perfectus, „ spiritus, potentia, ratio. Quamobrem siue mundus concinnum quoddam „ est, & quod in numerum moveatur instrumentum; eum, qui sonos temperat, & pullat, ac numerosum concertum modulatur, non ipsum instrumentum adoro. „ Præclare quoque hæc eadem de re ita disserit S. Irenæus lib. 2. *cont. Hæreses* cap. 6. num. 1. „ nam de qua tandem re non præclare disserunt SS. „ Ecclesiæ Patres? Igitur non quasi indigens Deus hominis psalmavit Adam, sed ut „ haberet, in quem collocaret sua beneficia. „ Nec nostro ministerio indigens justus sit, ut eum sequeremur, sed nobis ipsis attribuens salutem. Sequi enim Salvatorem, participare est salutem: & sequi lumen, percipere est lumen. Qui „ autem in lumine sunt, non ipsi lumen illuminant, sed illuminantur, & illuminantur ab eo: ipsi quidem & nihil præstant, beneficium autem percipientes „ illuminantur a lumine. Sic & servitus erga Deum, Deo quidem nihil præstat, nec opus est Deo humano obsequio; ipse autem sequentibus, & servientibus ei vitam, & incorruptelam, & gloriam æternam attribuit, beneficium „ præstant servientibus sibi ob id, quod serviunt, & sequentibus ob id, quod sequuntur; sed non beneficium ab eis percipientes: est enim dives perfectus, „ & sine indigentia. Propter hoc autem exquirat Deus ab hominibus servitutem, ut quoniam est bonus, & misericors, beneficiat eis, qui perseverant „ in

superaddit hæc de re nobis fide persuasum esse debere; ipsam quoque silem pro suo more indirecte oppugnat; quum ex hoc con-

sequatur, aliquid rationi contrarium in fide contineri; quod proculsalum est.

in servitute ejus. Sed hæc obiter, atque in transcurso; nam de adhibendo Deo cultu post data opera agemus.

## QUÆSTIO II.

## DE DEO PROVISORE.

**P**rovidentia est ipsa illa Divina ratio in summo omnium principe constituta, quæ omnia disponit (a). Quæremus ergo 1. num providentia in Deo sit, 2. num Deus prospiciat rebus omnibus. 3. num immediate per se omnibus prospiciat. 4. num providentia ejus certa sit, & infallibilis.

In hac quæstione non solum Atheorum, sed etiam quorundam Deistarum opinionem confutandam suscipimus. Deistarum enim quoddam genus est, qui licet admittant Deum exiltere; tamen nullam curam illorum, quæ in mundo contingunt, gerere cum volunt. Talem horum opinionem esse, quæ ex sui natura ad Atheismum ducat, Clarkius de *Religione Naturali* cap. 2. recte monuit.

Nonnulli autem sunt tum veterum, tum recentiorum Philosophorum, qui contra Divinam providentiam blasphemare, atque eam de medio tollere ausi sunt, quia in hac universitate rerum multa deprehendisse sibi visi sunt, quæ conciliari cum ea nullo modo possent. Id quoque nuperrime summa cum impietate Voltæreus quodam peculiari opusculo facere non dubitavit (b).

## ARTICULUS I.

## NUM PROVIDENTIA IN DEO SIT.

**D**E Divina providentia quamvis nonnulli dubitaverint; saniorum tamen longeque plurium Philosophorum, etiam Ethnicorum communis semper consensus fuit, Deum sua providentia præesse huic mundo. Necessè est igitur ea (inquit S. Irenæus lib. 3. *adversus Hæreses* ca. 25. nu. 1.), quæ providentur, & gubernantur, cognoscere suum directorem: quæ quidem non sunt irrationabilia, neque vana, sed habent sensibilitatem perceptam de providentia Dei. Et propter hoc Ethnicorum quidam, qui minus illecebris, ac voluptatibus servierunt, & non in tantum superstitione idolorum cobducti sunt, providentia ejus moti licet tenuiter, tamen conversi sunt, ut dicerent, fabricatorem hujus universitatis Patrem omnium providentem, & disponentem secundum nos mundum. Hoc idem Lactantii testimonio confirmatur: Nam Divina providentia [inquit ipse *Divinar. Institut.* li. 2. ca. 9.] effectum esse mundum (ut taceam de Trimegisto, qui hoc prædicat, taceam de carminibus Sybillarum, quæ idem nuntiant, taceam de Prophetis, qui opus mundi, ac opificium Dei uno spiritu, ac pari voce testantur) etiam inter Philosophos pene universos convenit: id enim Pythagorei, Stoici, Peripatetici, qui sunt principes omnis disciplinæ. Denique a primis illis septem sapientibus

B 2

,, ad

(a) Boetius de *Consolatis. Philosoph.* li. 4. profa 6.

(b) Hoc Opusculum ita inscriptum est:

*Le Roman de l'Hermite* Tom. 8. pag. 259. Edit. Parisiens. an. 1757.

„ ad Socratem usque, ac Platonem pro confesso, & indubitato habitum est,  
 „ donec unus multis post seculis extitit delirus Epicurus, qui auderet negare,  
 „ id, quod est evidentissimum, studio scilicet inveniendi nova, ut nomine suo  
 „ constitueret disciplinam. Et quia nihil novi potuit reperire, ut tamen dissen-  
 „ tire a ceteris videretur, vetera voluit evertere. In quo illum circumlatran-  
 „ tes Philosophi omnes coarauerunt. Et re quidem vera tam manifesta Di-  
 „ vine providentiæ argumenta in hac universitate rerum occurrunt, ut qui aliquod  
 rationis iudicium habet, de ea dubitare non possit.

Illud vero, antequam hujus quæstionis singula capita discutiamus, monen-  
 dum esse censemus, ad ea omnia adverti debere, quæ art. 2. quæst. 4. libri 2.  
 tum in singulis Lemmatibus, tum in omnibus responsionibus ad Bælii objectio-  
 nes, pluribus discurimus: nam in iisdem cuncta uberius explicata unusquisque  
 deprehendet, quibus Divinæ providentiæ oppugnatores confutari possunt. Quapro-  
 pter, ne adum agamus, quæ ex malo physico, methaphysico, & morali, contra  
 Divinam providentiam Adversarii opponunt, hic non expendemus, neque consu-  
 tabimus, quia de hisce omnibus eo loco satis est a nobis disputatum.

PROPOSITIO. Providentiam in Deo esse oportet.

Probatur prop. Deus suæ naturæ conditione mundi ab se creati gubernacu-  
 la tenere, rebusque omnibus prospicere debet: ergo providentiam in Deo esse  
 oportet. Prob. ant. Omnia ad Deum ipsum, uti ad suum ultimum finem refe-  
 runtur, quia Deus vult omnia propter se ipsum (Art. 2. quæst. 6.): ergo dispo-  
 sitioni illius omnia subiacere debent, alioquin propter se ipsum frustra omnia  
 vellet: ergo quum ex sui natura rerum omnium ultimus finis sit, ex suæ na-  
 turæ conditione mundi gubernacula tenere, rebusque omnibus prospicere debet (1).

1. Deus summe bonus est, suæque bonitate ductus hunc mundum creavit;  
 atqui ab hac tanta bonitate omnino alienum est, despiciere, atque contemne-  
 re, quod per eam conditum fuit: ergo. Prob. nri. „ Etenim solus Deus [ in-  
 „ quit S. Joannes Damascenus lib. 2. de *Fide Orthodoxa* cap. 29. ] natura bonus  
 „ est, & sapiens. Igitur quatenus est bonus providet. Qui enim non providet,  
 „ non est bonus. Nam & homines, & bestię, propiorum sæculorum providen-  
 „ tiam habent naturali quodam instinctu: & qui non providet, vituperari solet.  
 „ Quatenus autem sapiens est, optime rebus prospicit. „ Unde etiam Salvianus: „  
 „ Quid enim tam furiosum est [ inquit lib. 4. de *Gubernatione Dei* ], quam ut  
 „ aliquis quum Deum creatorem rerum omnium non neget, gubernatorem ne-  
 „ get, & quum factorem esse fateatur, dicat negligere, quæ fecisset. Ego au-  
 „ tem in tantum eum curam creaturarum suarum habere dico, ut problem.,  
 „ priusquam etiam crearet, habuisset. Res quippe ipsa hoc evidenter ostendit.  
 „ Nihil enim fecerat, nisi curam facendi habuisset, antequam faceret: præfer-  
 „ tim quum etiam in ipso humano genere nullus sit ferme hominum tam he-  
 „ bes, qui ad hoc aliquid agat, atque perficiat, ut perfecta non curet. Nam  
 „ & qui agrum excolit, ad hoc colit, ut culta conservet: et qui vineam plan-  
 „ tat, ad hoc plantat, ut plantata custodiat; & qui initia gregum præparat,  
 „ ad hoc præparat, ut curam multiplicandis gregibus impendat: & qui domum  
 „ ædificat, vel fundamentum locat, etsi necdum habitationem paratam habeat,  
 „ jani tamen ipsa, quæ adhuc faber molitur, spe futuræ habitationis imple-  
 „ ctitur. Et quid de homine hoc loquor, quum etiam minima animalium ge-  
 „ nera

(2) D. Thomas III. contra Gentes. c. 64. num. 2., & 3.

„ nera futurarum rerum affectu omnia agant? Fornicæ in subterraneis latib-  
 „ lis varia frugum genera condentes, ad hoc cuncta contrahunt, ac reponunt,  
 „ quia affectu vitæ suæ diligunt, quæ recondunt. Apes, quum fundamina favis  
 „ ponunt, vel quum e floribus natos legunt, qua causâ vel thymum nisi stu-  
 „ dio, & cupiditate mellis, vel flosculos quosdam nisi futuræ sôbolis charitate  
 „ sectantur? Deus ergo, qui etiam minimis animantibus hunc effectum proprii  
 „ operis inseruit, se tantummodo solum creaturarum suarum amore pri-  
 „ vavit, præsertim quum omnis in nos rerum bonarum amor ex illius bono a-  
 „ more descenderit... Totus namque mundus, & totum humanum genus,  
 „ pignus est creatoris sui. Et ideo ex hoc ipso affectu, quo amare nos fecit  
 „ pignora nostra, intelligere nos voluit, quantum ipsè amaret pignora sua,,  
 „ Hac de causâ a Cicerone Epicurus merito irridetur [a], qui licet optimam præ-  
 „ stantissimamque Dei naturam fateretur, tamen providentiam in Deo esse nega-  
 „ bat, quæ optimæ præstantissimæque naturæ propria esse debet. Unde ex provi-  
 „ dentia cognosci Deum S. Teophilus Autolyco lib. 1. ad eundem num. 5. ita me-  
 „rito suadebat: „ Nam quemadmodum anima in homine non videtur, sed quum  
 „ fugiat humanos visus, ex motu corporis intelligitur; ita & Deus oculis hu-  
 „ manis videri non potest, sed ex providentia, & operibus videtur, & intelli-  
 „ gitur. Quemadmodum enim & navem quis in mari instructam, & currentem  
 „ videns, & ad litus appellentem, procul dubio gubernatorem in ea esse ju-  
 „ dicabit, a quo gubernetur; ita Deus omnium gubernator intelligendus est,  
 „ quamvis non videatur carnis oculis, quippe quum comprehendi non possit,,.

Dices. Intelligi non potest, neque qua ratione Deus tantam multitudinem rerum mente complecti, neque quomodo in tantis negotiis quietam vitam ducere possit., Si in mundo [ inquit Epicureus apud Ciceronem lib. 1. de *Natu-  
 „ ra Deorum* ] Deus inest aliquis, qui regat, qui gubernet, qui cursus altro-  
 „ rum, mutationes temporum, rerum vicissitudines, ordinesque conservet, ter-  
 „ ras, & maria contemplans, hominum commoda, vitalesque tueatur; nã ille  
 „ est implicatus molestis negotiis, & operosis,,. Deinde nonne Dei maiestate indignum est, hæc villora curare?

R., Dei infiniti, atque summe perfecti vires tum in agendo, tum in cognoscendo ad modum finitæ, atque imperfectæ nostræ naturæ expendere velle, summæ inscitæ, atque dementiæ esse. Quapropter quum Deum in sua essentia unico simplicissimo actu omnia videre jam demonstraverimus (Quæst. 5. lib. 2. art. 5., & corollario 1., 2., & seq. ejusdem articuli): quumque simili ratione de infinita quoque potentia Dei ex iis, quæ art. 3. quæst. 7. lib. 2. discussimus, apertissime constet; ridenda hæc potius sunt, quæ Atheistæ, atque Deistæ opponunt, quam longiori sermone confutanda.

Etiam quod ab iisdem inepte superadditur, confutatione non eget: nam magis indignum Deo esse non potest, minora curare, quam ea fecisse. Hinc illud S. Augustini, quod habet *Enarrat. in Psalm. 109. num. 2. O homo, quomodo te Deus factum non computabit, qui, ut fieres, ante curavit?* non solum ipsorum hominum, sed etiam quarumcumque rerum in Deo providentiam esse evincit. Nam, uti recte habet S. Gregorius Magnus *Moralium lib. 4. in ca. 34. Job num. 46. Qui necdum facta curavit, ut essent; quæ sunt facta, non deserit.*

## ARTI-

(2) Lib. 1. de *Natura Deorum*.

## ARTICULUS II.

NUM DIVINÆ PROVIDENTIÆ CUNCTA PRORSUS SUBJACIANTUR.

**I**ncorruptibilia Divinæ providentiæ simpliciter subiecta esse, corruptibilia autem secundum species tantum, non vero secundum individua, nonnulli asseruerunt. A corruptibilibus propter dignitatem intellectus homines exceptit quidam Rabbi Moyses, ut tradit S. Thomas 1.par. qu.22. art.2. Alii vero nihil omnino eorum, quæ in hoc mundo contingunt, Divinæ providentiæ subesse voluerunt.

**PROPOSITIO.** Nihil omnino esse potest, quod Divinæ providentiæ non sub-  
jaceat.

**Prob.** propositio iis omnibus moralibus, atque physicis argumentis, quibus Dei existentiam demonstravimus. Nam moralia argumenta ex utilitate hominum, ex interiori voce naturæ, exque communi consensu hominum petita fuere. Hæc autem Deum prospicere rebus omnibus manifeste suadent 1. quia cognitio otiosi Numinis, qui nostra non curet, tum ad privatam cuiusque solatium, tum ad naturalis, & civilis societatis præsidium nihil confert: 2. quia interior illa vox naturæ, qua Deum exilire monemur, nunc quoque cuncta ab eo regi, atque gubernari, certissime suadet: 3. quia homines in fidem aliquis Numinis, quod de nobis optime meritum esset, atque semper mereretur, unanimiter consenserunt.

Argumenta autem physica ex admirabili pulchritudine, atque ordine totius universitatis rerum, ex motuum naturalium constantia, omniumque agentium operationibus desumpta fuere. Hæc quoque omnia eadem ratione, qua existentiam, etiam Dei providentiam demonstrant: 1. quidem quia sicuti admirabilis pulchritudo rerum omnium a casu esse non potuit; ita neque etiam possibile est, ut casu constaret: 2. quia ea, quæ inter se distincta sunt, nisi ab aliquo in suo motu regantur, fieri non potest, ut certum ordinem servent: 3. quia quæ in determinatum finem constanter referuntur, ab aliquo supremo principio regi, & gubernari necesse est, præcipue si multiplicis generis sint, atque eorum multa nullam cognitionem habeant. „ Quis enim non sentiat [ inquit Lactantius *Divinarum Instit.* li. 3. ca. 19.] „ hunc mundum tam mirabili ratione perfectum aliqua providentia gubernari? „ Quandoquidem nihil est, quod possit sine ullo moderatore considerare. Sic domus ab habitatore deserta dilabitur: navis sine gubernatore abit pessum: & corpus relictum ab anima dissolvitur: nedum putemus, tantam illam molem aut construi sine artifice, aut stare tandiu sine rectore potuisse. „ Hoc eodem argumenti genere Julianum premit S. Cyrillus lib. 3. contra eundem & quidem ratione simul, atque auctoritate eorum, qui eandem, ac Julianus, fidem habebant. „ Sed ei fortasse persuaserit, inquit, immo vel nolentem in rectum, „ viam converterit, eorum, qui pariter cum illo sentiunt, fides. Alexander itaque eximia vir doctrina in eo de Providentia sic ait: nihil enim eorum, „ quæ in mundo sunt, citra providentiam fieri. Deo enim plena omnia, perque omnia eum ire, quæcumque sint: quare & quæ sunt omnia, ex Dei „ fieri voluntate, eique rei esse argumento, quæ cernantur. Eorum enim, quæ „ sunt, ordo, natura semper eodem se modo habens, magno indicio est non „ for-

„fortuito ea fieri. Et alibi. Nam eorum, quæ hic sunt, salutem, & generationem, & in sua specie permañsionem non sine Divina providentia fieri Aristoteles affirmat. Nam quæ a sole, & ceteris solis sociis syderibus vis est, per ipsum, generationis iis, quæ natura consilunt, & salutis ipsorum causam præbet. Ab ordine igitur, & concinno motu eorum, quæ videntur, haud obscurum est Imperatoris ea legibus subesse.

Peculiaribus quoque rationibus probatur nostra propositio. Bonum ordinis totius universitatis rerum inter cetera omnia creata quid præstantissimum est: ergo hunc ordinem Deus præcipue vult, atque intendit: ergo Deus omnia regit, & moderatur. Antecedens manifestum est: nam bonum universalis ordinis rerum omnium etiam cujuslibet peculiaris ordinis bonitatem in se continet. Prior consequens: probatur. Id, quod in rebus creatis est perfectissimum omnium, Divinam Bonitatem magis distincte repræsentat: ergo quum Deus propter suam Bonitatem omnia velit, consequens inde fit, ut si bonam ordinis totius universitatis rerum quid præstantissimum est inter cetera creata omnia, hunc præcipue velit, atque intendat. Altera consequentia manifesta est: nam quod Deus præ aliis omnibus potissimum vult, atque intendit, illud ipsum debet curare.

2. Ut Deus negligat, quæ tanta sapientia, atque bonitate condidit, nulla unquam ratione cuiquam non solum non suaderi, sed ne apparenter quidem verum videri poterit: regit ergo cuncta, atque gubernat. „Et quis operator (inquit „S. Ambrosius lib. 1. de Officiis cap. 13.) negligat operis sui curam? Quis deferat, & delituit, quod ipse condendum putavit? Si injuria est regere, nonne est major injuria fecisse? quum aliquid non fecisse, nulla iniustitia sit, non curare, quod feceris, summa inclementia. Præclare quoque hæc de re Theodoretus de Providentia Orat. 2. ita disserit: „Vide autem, inquit, quantæ illum iniquitatis accusas, dum has illi intendis calumnias. Cur enim hæc creavit, si eorundem curam habere noluit? Quam vero ob causam horum curam detrectat? Num quod illam quidem gerere posset, sed id facere nolit, aut velit quidem, sed non possit? Atqui hoc illum posse omnia, quæ facta sunt, testantur. Quomodo enim visibilium horum pulchritudinem, magnitudinem, & proportionem condidit, si potentiam menti, ac voluntati respondentem non habet? Quomodo item in consortium, & habitum unum redigit, quæ inter se diversa sunt, nempe aquam & ignem, diem, & noctem unamque ex omnibus istis harmoniam, & consonantiam constituit, qui nihil providere potest? Multo majus enim est, ea, quæ non sunt, ut sint efficere, quam iis, quæ sunt, providere. Veruntamen quod hæc possit, mundus ipse testis est: quod vero & velit, idem ipse locupletissime testatur. Nec enim, aliquo cogente, mundi opificium aggressus est, nec rerum indigus mundum introduxit, sed quia bonus est, & bonitatem omni mensura majorem possidet, iis, quæ non erant, ipsum Esse dare voluit. Qui ergo tanta erga hæc, quæ non erant, bonitate usus est, qua ratione ea, quæ jam facta sunt, negligeret? Multa quoque alia in rem istam præclare habet idem Theodoretus tum in hac Oratione, tum in aliis sequentibus, quæ unusquisque apud ipsum legere potest.

3. Omnia alia a se vult Deus, prout ad se ipsum referuntur (Ar. 2. quæst. 6. lib. 2.) : ergo omnia regit, atque moderatur. Prob. con. Repugnat, ut quis ea non curet, quæ in certum finem constituit, ut ordinarentur: ergo.

„Quis

„ Quis ergo tam expertus humanæ intelligentiæ est (ut cum Salviano lib. 1. de  
 „ *Gubernatione Dei* concludam) & hujus ipsius, de qua loquimur, veritatis  
 „ alienus, qui non cognoscat, ac videat pulcherrimum mundi opus, & inextin-  
 „ gibilem supernarum infernarumque rerum magnificentiam ab eodem regi,  
 „ a quo creata sit, quemque elementorum fabricatorem, eundem etiam guber-  
 „ natorem fore; qui cuncta scilicet qua poteitate, ac majestate condiderit, ea-  
 „ dem etiam providentia, ac ratione moderetur „.

Ex hisce vero omnibus Deum & singularia, atque minutissima quæque re-  
 gere, & gubernare intelligitur. Nam thulta est providentia illius, qui ea ne-  
 gligit, sine quibus esse non potest, quod regit, & gubernat: si autem parti-  
 cularia omnia a debito ordine deficerent, aut perturbarentur, totius quoque ordi-  
 nem deficere, atque perturbari necesse esset: simili ratione si nonnulla singu-  
 larium perturbantur, etiam ordo totius saltem aliqua ex parte turbari debet:  
 ergo fieri non potest, quin Deus etiam omnium singularium curam gerat, si rerum  
 universitatem regit, atque sapientissime moderatur (a) „. Sed quis de Deo illa  
 „ (ita S. Gregorius Magnus lib. 16. *Moralium* in cap. 22. *Job* nu. 12. eos refel-  
 „ lit, qui non omnia a Deo curari effutiebant, simulque Dei providentiam  
 „ præclare describit) vel desipiens suspicetur? Qui nimirum quum sit semper  
 „ Omnipotens, sic intendit omnibus, ut adsit singulis: ut simul omnibus nunquam  
 „ desit. Nam etsi quosdam peccantes deserit, eisdem tamen ipsis adeit per  
 „ iudicium, quibus desisse cernitur per adjumentum. Sic itaque exteriora cir-  
 „ cumdat, ut interiora impleat: sic interiora implet, ut exteriora circumdet,  
 „ sic summa regit, ut ima non deferat: sic imis præsens est, ut a superioribus  
 „ non recedat: sic latet in sua specie, ut tamen cognoscatur in operatione: sic  
 „ cognoscitur in suo opere, ut tamen comprehendi non valeat a cognoscentis  
 „ ælinatione: sic adeit, ut videri nequeat: sic videri non valet, ut tamen  
 „ ejus præsentiam ipsa sua judicia testentur: sic se nobis intelligendum præ-  
 „ bet, ut tamen ipsum nobis radium sui intellectus obnubilet: & rursum sic ca-  
 „ liginem nos ignorantiae reprimat, ut tamen menti nostræ radii suæ claritatis in-  
 „ termicet: quatenus & sublevata quidpiam videat, & reverberata contem-  
 „ plascit: & quia eum, sicuti est, videre non potest, aliquatenus vivendo co-  
 „ gnoscat „.

Ideo autem nonnulli falso putarunt, (b) Deum non curare singularia, quæ  
 parvi momenti sunt, quia hoc dignitati illius convenire non præter. Hoc vero  
 tam falsum, est, quam quod maxime: nam nemo in dubium revocare potest,  
 virtutem aliquam eo perfectiorem esse, quo plura complexitur, & præstantiorem  
 gubernationem illius, qui multa regit, atque moderatur: itaque Divinæ pro-  
 videntię dignitas, atque majestas non minuitur, aut deprimitur, sed potius co-  
 gnoscitur & clarior evadit, si singularia omnia, cujusvis tandem generis ea sunt,  
 illi subiecta esse dicamus. „ Hoc ergo, quod in maximis fieri cernimus (inquit  
 „ S. Gregorius Magnus *Moralium* lib. 25. in cap. 34. *Job* num. 33., (etiam in nobis  
 „ singularis caute timeamus. Sic enim intenduntur Divina judicia super unam animam,  
 „ sicut super unam urbem: sic super unam urbem, sicut super unam gentem, sic su-  
 „ per unam gentem, sicut super universam gentem humani multitudinem: quia &  
 „ „ sic

(a) D. Thomas III. *contra Gent.* c. 76. n. 1.

(b) Etiam Auctor lib. *intscript. Tellico*  
 in hac erroris impletate versatur. Nam

in præfatione affirmat nihil honoris Deo de-  
 ferri, semel ac ab eo rerum tam minutissi-  
 marum curam geri ponatur.



„ sic intendit Dominus singulis, ac si vacet a cunctis; & sic simul intendit omnibus, ac si vacet a singulis. Qui enim omnia administrando implet, regit implendo; nec universis deest, quum disponit unum; nec uni deest, quum disponit universos: cuncta scilicet naturæ suæ potentia quietus operatur. Quid ergo mirum, quia non angustatur intentus, qui operatur quietus? Et re quidem vera tanta est sapientia, quæ in singulis quibuscumque rebus, vel minutissimis relucet, ut ea quoque Divina providentia regi noverint, atque confessi fuerint Philosophi sapientiores. De hujus providentia certe (inquit S. Augustinus de Civit. Dei lib. 10. cap. 14.) Plotinus Platonius disputans, eamque a summo Deo, cujus est intelligibilis, atque ineffabilis pulcritudo, usque ad hæc terrena, & ima pertingere, stolorum, atque foliorum pulcritudine comprobatur: quæ omnia quasi abjecta, & velocissime pereuntia, decentissimos formarum suarum numeros habere non posse confirmat, nisi inde formentur, ubi forma intelligibilis, & incommutabilis simul habens omnia perseverat.

In his autem, quæ humana providentia reguntur, ideo contingit, ut ille, qui supremum dominatum gerit, inferiora aliis gubernanda committat, quia vel ad omnia per se sufficere non potest; vel ei nimis molestum esset singula curare; vel demum tanti non est, ut nihil eum latere possit. At vero Deus singularium omnium distinctam cognitionem habet (Coroll. 2. ar. 5. quest. 2. libri 2.) neque laborat intelligendo, quia uno actu omnia in sua essentia videt (Coroll. 5. ejusdem art. & quest.): rerum quoque minutissimarum cura atque dispositio nullam molestim, atque laborem illi exhibere potest, quia est Omnipotens, & a fine usque ad finem fortiter attingit: ergo singula quæque, vel minutissima, Deum curare dicendum est (a).

„ Qui summa regit (inquit S. Gregorius Magnus *Moralium* lib. 27. in cap. 37. *Job* nu. 35.) etiam extrema non deserit: quia sic impenditur maximis, ut tamen hæc eadem cura regiminis non præpediatur a parvis. Qui enim ubique præsens, & ubique æqualis est, etiam in dissimilibus sibi ipsi dissimilis non est. Hac eadem de re ita præclare habet S. Thomas 1. par. quest. 23. art. 7. „ Sicut edificator excogitat determinatam mensuram domus, & etiam determinatum numerum mansionum, quas vult facere in domo, & determinatum numerum mensurarum parietis, vel testæ. Non autem eligit determinatum numerum lapidum, sed accipit tot, quot sufficiunt ad explicationem tantam mensuram parietis. Sic igitur considerandum est in Deo respectu totius universitatis, quæ est ejus effectus. Præordinavit enim in qua mensura deberet esse totum universum, & quæ numerus esset conveniens essentialiter partibus universi: quæ scilicet habent aliquo modo ordinem ad perpetuitatem, quot scilicet spheræ, quot Stellæ, quot elementa, quot species rerum. Individua vero corruptibilia non ordinantur ad bonum universi quasi principaliter, sed quasi secundario, in quantum in eis salvatur bonum speciei. Unde licet Deus sciat numerum omnium individuorum, non tamen numerus vel bovum, vel culicum est per se præordinatus a Deo. Sed tot hujusmodi Divina providentia produxit, quot sufficiunt ad specierum conservationem.

Dices. Justa administratio rerum postulat, ut unicuique pro meritis præmia, vel poena dividantur; sed contra sæpe contingere videmus, ut improbi

Tom. II.

C

pro-

(a) D. Thomas III. contra Gentiles cap. 76. num. 3.



matum se gerere, certissime demonstrat. Hæc autem specimina virtutis a nemine edi possent, semel ac recte facta statim præmio afficienda esse admittatur. Quod vero spectat dilationem punarum, illud advertatur oportet, futurum esse, ut mundus brevi tempore omnino deleteretur, si per Divinam Justitiam admissa scelera illico punirentur: quotus enim quisque est, qui non aliquod grave scelus admiserit? Quum igitur Deus mundum servare velit, malos, atque improbos etiam sine ullo supplicio vivere aliquando patitur, ut a sua malitia resipiscant, atque ab omni scelere sese avertant: in quo sane singularis erga nos bonitas summopere commendari debet.

Deinde nonne Divinæ Sapientiæ, Bonitati, atque Justitiæ valde consentaneum est, quemdam statum esse, in quo uniuscujusque virtus probetur, aut mala agendi ratio manifesta fiat, ut præmia, vel pœnæ pro merito uniuscujusque retribui possint, uti quæst. 4. hujus libri art. 2. lemm. 17. jam demonstravimus? Quia autem ratione vel uniuscujusque virtus probari, vel mala agendi ratio omnino manifesta fieri posset, si statim vel crimina punirentur, vel recte factis sua merces tribueretur?

Tandem animam immortalem esse, ea etiam evidentissima ratione constat, quia quidam status superesse debet, in quo debitæ pœnæ, aut præmio certus locus semper esse possit (Art. 9. quæst. 5. libri 2.): ergo quamvis in hac vita neque impii puniantur, neque iusti suam mercedem obtineant, semper tamen præmio iutorum, tum illorum supplicio per Divinam Justitiam satis provisorie, dici debet. Verum hæc de re uberius, atque distinctius infra agemus.

At vero improbos vel in hac vita mortali plena felicitate frui posse, quamvis prospera fortuna utantur, hoc vero est, quod negamus. Profecto si ad dolorem leniendum, & minuendam pœnam cuiusvis generis conscientia recte factorum plurimum confert, etiam conscientia criminum, quæ a se perpetrata esse quispiam noverit, multum dulcedinis a voluptate detrachere necessario debet. Illud quoque accedit, quod felicitas, qua impii perfruuntur, neque diutius plerumque perseverat, neque omni timore vacua esse potest.

## ARTICULUS III.

NUM DEUS REBUS OMNIBUS PER SE IMMEDIATE PROSPICIAT.

**I**N Divina providentia duo spectari possunt; hoc est, & ratio ordinis rerum provisorum in finem, & executio hujus ordinis, quæ gubernatio dicitur. Num ergo Deus non solum per se omnia in finem ordinet, sed etiam nullo interveniente ministerio causarum secundarum, hanc ordinationem rerum omnium in suum finem per se exequatur, hoc est, quod modo quærimus.

**PROPOSITIO.** Deus quoad ordinem verum provisorum in suum finem omnibus per se, & immediate prospicit; quoad executionem vero hujus ordinis causarum secundarum ministerio utitur, neque per se immediate omnia regit, atque gubernat.

Probat prior propositionis pars. Ideo contingit, eum, qui supremum dominatum gerit, universalia tantum, & quæ magis præcipua sunt, in certum finem dirigere; rerum vero minimarum ordinem inferioribus committere, quia vel consilii rei peculiarem conditionem ignorat, vel per se ad omnia non



„ las partes fecit, ex nulla parte mutabilis, implens cœlum, & terram;  
„ præfente potentia, non indigente natura. Sic itaque adminiftrat omnia, quæ  
„ creavit, ut etiam ipfa proprios exercere, & agere modos finat, „

Dices contra priorem partem. Divinum regimen præ ceteris omnibus præ-  
cellentius effe debet; fed ad dignitatem fupremi moderatoris fpectat, habere  
multos, quorum opera in fuo regimine utatur: ergo.

R., dift. mi., quoad executionem eorum, quæ ipfe conftituit, con., quoad  
ordinationem eorum, quæ fieri debent, ne. Itaque quamvis ad proviforis digni-  
tatem fpectet, ut multa agentia habeat fibi fubjecta, quæ exequantur, quod  
conftitutum, & ordinatum ab ipfo fuerit; ita enim fit, ut virtus ejus magis  
late pateat; tamen imperfectionis argumentum eft, fi etiam ad ordinanda ea,  
quæ funt ad finem, cauffis inferioribus utatur. Id enim contingeret, quia om-  
nes res per fe cognoscere non poffet: quod fane ficuti ignorationem, ita etiam  
imperfectionem præferret. Inde vero eft, ut, quamvis Deus ad executionem  
eorum, quæ ordinavit in finem, cauffis, fecundis utatur; tamen quæ funt  
ad finem, ipfe per fe immediate difpofuit.

Dices contra alteram partem. Ex defectu virtutis contingit, ut quis mul-  
ta alius agenda committat, & ad executionem fuorum confiliorum alieni mi-  
nifterio utatur; fed in Deo nullus virtutis defectus effe poteft: ergo.

R., dift. ma., fi committat quia omnia per fe non poteft, con. fi com-  
mittat propter fuæ providentiæ perfectionem, ne. Virtus ergo hominis non fo-  
lum finita eft, fed etiam multo minora fæpe complectitur, quam ejus officii  
ratio pollularet. Hinc Reges, qui per fe adminiftrare non poffunt, quæ fuæ  
curæ commiffa funt, aliis ea regenda tradunt. Deus autem hoc idem facit non  
propter defectum virtutis, fed propter perfectionem fuæ providentiæ. Nam Di-  
vinæ providentiæ dignitas in eo quam maxime elucet, ut omnia inter fe mu-  
tuo connexa fint, & quamvis in fe mutuo agant, atque patiantur; tamen id  
agant tantum, quod a Deo conftitutum fuerit, & ne latum quidem unguem a  
præfcripto fine recedant. Quapropter Deum ad executionem eorum, quæ funt  
ad finem, cauffarum fecundarum ministerio uti, providentiæ illius propria per-  
fectio eft. Tunc autem tantum confequeretur, aliquid providentiæ Divina indi-  
gnum, fi cauffæ fecundæ non folum exequerentur, fed etiam ordinarent, quæ  
funt ad finem, ficuti propter defectum cognitionis in humana providentiâ con-  
tingit.

Ceterum illud obfervandum eft, Deum quidem non immediate exequi ea,  
quæ funt ad finem, & nihilominus immediate dici poffe quodammodo imme-  
diatè ea exequi. Nam fi Deum prætermittere intelligamus omnia media, quæ  
funt ad finem, aut quæ ad executionem finis conducere poffunt, relinquendo  
ea cauffis fecundis; tunc dicendum eft, Deum non immediate exequi, quæ  
funt ad finem. Quia tamen Deus omnia operetur immediate fuppofiti, at-  
que virtutis, quia ubique eft, rebusque omnibus, etiam cauffis fecundis exequen-  
tibus, quæ funt ad finem, intime præfens eft; ideo dici quoque poteft, Deum  
immediate agere non folum quoad ordinationem finis, fed etiam quoad execu-  
tionem eorum, quæ funt ad finem. Hoc vero quia non facit fine interventu  
cauffarum fecundarum; ideo fecundum priorem acceptionem verum eft, Deum  
non immediate exequi, quæ funt ad finem.

## SCHOLIUM I.

*Rationales creatura Divina Providentia peculiari modo subijciuntur.*

Ex iis, quæ jam differuimus, manifestum est, omnia sub Divina providentia contineri; tamen creaturas rationales peculiari ratione illi subiectas esse debere, inde constat, quia tum secundum naturæ perfectionem, tum etiam secundum dignitatem finis, aliis omnibus præcellunt. Nam quia sola creatura rationalis habet dominium sui actus, libereque operatur; ceteræ vero magis aguntur, quam agant; ideo ex suæ naturæ conditione aliis præminet. Simili ratione præminet quoque in dignitate finis, quia ad ipsum ultimam finem suam operatione pertingit, intelligendo, & amando Deum, quod ceteræ creaturæ assequi non possunt. Quum ergo diversam rationem ordinis servari in gubernatione debeat tam secundum diversitatem eorum, quæ reguntur, quam secundum finem, ad quem ea ordinantur; ideo ratio ordinis, qua creaturæ rationales reguntur, alia ab ea esse debet, qua ceteræ omnes ordinantur (a). „ Ac mea „ quidem sic est ratio (ita Origenes *contra Celsum* lib. 4. num. 74.) quemadmodum „ dum in urbibus, qui rebus venalibus foreque præfecti sunt, ii propter solos „ homines laborant, tametsi canes, aliæque bruta animantia annonæ copiam & ipsa „ fruuntur; sic ratione præditis præcipue consulere providentiam, sed hinc „ factum esse, ut etiam brutæ animantes rebus in hominum usum paratis possint „ tiantur. Peccaret ille tamen, qui, quod canes rerum venalium copia fruuntur, „ tur, ideo diceret, præfectos foro non magis hominibus, quam canibus providisse. Multo magis igitur Celsus, & qui eadem, ac ille, sentiunt, in „ Deum naturis ratione præditis providentem impii sunt, qui negent alimenta „ hominibus potius esse, quam stirpibus, arboribus, herbis, & spinis comparata (b). „

Hæc autem peculiaris providentiæ ratio in eo potissimum posita est, 1. ut creaturæ rationales propter se ipsas regantur, aliæ autem in ordine ad illas; 2. ut non solum secundum ordinem ad speciem, sed etiam secundum quod individuum congruit, ad suos actus a Deo dirigantur.

Prior pars duplici hac S. Thomæ ratione probatur. „ 1. Quod dominium „ sui actus habet, liberum est in agendo: liber enim est, qui sui causa est; „ quod autem quadam necessitate ab alio agitur ad operandum, servituti subiectum est, omnis autem alia creatura naturaliter servituti subiecta est. In „ quolibet autem regimine liberis providetur propter se ipsos, servis autem, ut „ sint in usum liberorum: sic igitur per Divinam omnipotentiam intellectualibus „ creaturis providetur propter se, ceteris autem creaturis propter ipsas.

2. Quandocumque sunt aliqua ordinata ad finem aliquem, si qua inter illa „ la ad finem pertingere non possunt per se ipsa, oportet ea ordinari ad illa, „ quæ finem consequuntur, quæ propter se ordinantur in finem. Sicut finis exercitus est victoria, quam milites consequuntur per proprium actum pugnando: „ qui soli propter se in exercitu quantur: omnes autem alii ad alia officia „ depu-

(a) D. Thomas III. *cont. Gentiles* ca. 112.

(b) Naturam ergo hominis *Epist. Philosophicarum* Auctor ep. 25. num. 6. imple de-

primit, dum sub eodem providentiæ ordine homines, & bruta eadem ratione ponit.

„deputati, puta ad custodiendum equos, ad operandum arma, propter milites  
 „in exercitu quaeruntur. Constat autem finem ultimum universi Deum esse,  
 „quem sola intellectualis natura consequitur in se ipso, eum scilicet cogno-  
 „scendo, & amando: sola igitur intellectualis natura est propter se quesita in  
 „universo, alia autem omnia propter ipsam (a) „.

Non repugnat autem assertioni nostrae, omnia ad bonum universi ordinata,  
 esse: quandoquidem, ut observat etiam S. Thomas, nihil obstat, quin unius,  
 ejusdemque rei plures sint subordinati fines.

Illud quoque peculiare habent creaturae rationales, ut in suis actibus a Deo  
 dirigantur, non solum prout eorum speciei, sed etiam prout unicuique indivi-  
 duo congruit. Hoc vero antequam demonstremus, illud observetur oportet, inter  
 actus creaturae rationalis, atque aliorum entium hoc discriminis intercedere,  
 quod ista ordinantur ad bonum speciei, ita ut si individui bonum intendatur,  
 non propter se ipsum, sed propter bonum speciei intendatur: contra in illis non  
 solum speciei, sed etiam individui bonum propter se intenditur, & hac de  
 causa dicimus, rationalem creaturam dirigi in suis actibus non solum secundum  
 quod congruit speciei, sed etiam prout convenit individuo.

Si ergo Deus eo, quo praediximus, modo rationalem creaturam non re-  
 geret, homo agendi, & non agendi libertatem non haberet, sed naturalem in-  
 clinationem speciei communem deberet, ut sequeretur; sed homo agendi vel  
 non agendi libertatem habet, uti jam pluribus demonstravimus: itaque eo, quo  
 diximus, modo a Deo dirigitur. Major propositio, de qua tantum aliquis du-  
 bitare posset, omnino certa est: nam agendi, vel non agendi libertas in iis esse  
 non potest, quae in suis actibus tantum diriguntur, prout ii ad speciem per-  
 tinent, atque ab bonum illius ordinantur, quia tunc ex instinctu naturae agunt,  
 & quatenus omnibus illius speciei individuis naturaliter convenit.

His accedit, solam creaturam rationalem ejus directionis capacem esse,  
 qua in suis actibus ordinetur, non solum quatenus ii ad speciem referri pos-  
 sunt, sed etiam quatenus ad individuum ordinantur, quum intellectum, atque  
 rationem habeat, quibus secundum loci, temporis, aliarumque circumstantiarum  
 diversitatem, aliquid bonum, vel malum esse, percipere possit. Quum ergo  
 Deus unicuique rei prospiciat secundum capacitatem ipsius, rationales creaturas,  
 prout diximus, regere debet (b). Hinc est, quod Deus hominibus dedit legem  
 naturalem, uti in sequentibus probaturi sumus, propter quam scilicet regere, at-  
 que gubernare ordinate possent.

## SCHOLIUM II.

*Deus mediantibus intellectualibus creaturis alias regit, intellectuales  
 vero inferiores per superiores.*

Nam ad Divinam providentiam spectat, ut ordo servetur in rebus: ergo con-  
 veniens est, ut per intellectuales ceteras creaturas regat. Prob. conf. Ratio ordinis  
 postulat, ut inferiora superioribus subiecta sint, atque ab illis pendeant; sed  
 creaturae intellectuales sunt ceteris omnibus praestantiores: ergo si ad Divinam  
 provi-

(a) Lib. III. contra Gentiles cap. 112. num. 2., & 3.

(b) D. Thomas lib. III. contra Gentiles cap. 112. num. 2., 4.

providentiam spectat, ut ordo servetur in rebus, per intellectuales creaturas ceteras regi, quam maxime convenit (a).

Quia vero inter substantias intellectuales alia aliis nobiliores sunt, quam maxime quoque deest, ut inferiores ob eandem rationem a sublimioribus regantur, & etiam inferiora corpora a precellentioribus (b). Alia ergo ab aliis secundum diversam suæ naturæ virtutem reguntur, non quidem quoad rationem ordinis rerum provisarum in finem, sed quoad executionem hujus ordinis.

### SCHOLIUM III.

*Præter suæ Providentiæ ordinem Deus agere quodammodo potest, & quodammodo non potest.*

Duplex ergo ordo 1. distingui potest: unus universalis, qui a prima causa pendet, atque omnia complectitur; alter particularis, qui proxime pendet a causa creata, & continet ea, quæ causæ creatæ subjiciuntur. Hic ordo multiplex est secundum causarum diversitatem, & unus sub altero, sicuti una causa sub altera continetur; omnes tamen sub illo universali ordine comprehenduntur, a quo derivant: tales enim sunt in causis secundis, quales a prima constituti fuerunt.

Rursus ordo universalis, secundum quem omnia ex Divina providentiâ disponuntur, considerari potest & quoad res, quæ illi subjiciuntur, & quoad ordinis rationem, quæ pendet ab ipso principio ordinis. Deus ergo præter ea, quæ sub ordine Divinæ providentiæ cadunt, etiam alia facere potest, neque virtus illius ad has, vel illas res alligata est. Etenim uti ait S. Thomas lib.III. *contra Gentiles* cap. 98. „res ipsæ, quæ a Deo sub ordine ponuntur, prove-  
„niunt ab ipso non sicut ab agente per necessitatem naturæ, vel cujuscunque  
„alterius, sed ex simplici voluntate maxime quantum ad primam institutionem  
„rerum,; nam quæ inde consequuntur, habent necessitatem suppositionis: ergo  
Deus hunc ordinem necessitate naturæ non constituit: ergo præter ea, quæ in hoc ordine continentur, alia quoque facere potest (c).

Si autem ordo consideretur quoad ipsam rationem, quam a suo principio habet, Deus præter illum agere non potest. Nam hic ordo ex scientiâ, & voluntate Dei procedit, omnia in suam bonitatem, sicuti in ultimum finem ordinantibus; sed Deus præter scientiam, & voluntatem suam agere non potest: ergo. Minor explicatur. Ut a Deo aliquid fiat, quod vel non voluerit, vel non noverit, vel in suam bonitatem non ordinaverit, fieri non potest. Simili ratione quum Deus sit omnino immutabilis fieri non potest, ut aliquid velit, quod prius non noverat, vel demum quidpiam non antea determinatum in suam bonitatem ordinet: ergo.

Quando ergo quaeritur, num Deus præter suæ providentiæ ordinem agere possit, duplex sensus est: 1. num Divina potentia absolute spectata alia objecta præter ea complectatur, quæ sub præsentī Divina providentiâ cadunt: & secundum

(a) D. Thomas lib.III. *contra Gentiles* cap. 78. num. 1.

(b) Idem S. Doctor lib.III. *contra Gentiles* cap. 79. & 85. num. 1. utriusque capituli.

(c) Quæ in quaestione 6. libri 2. de Divina voluntate pluribus articulis differimus, hic recolenda sunt.



secundum istam acceptionem Deus etiam alia facere posse dicitur : 2. utrum contingere possit, ut Deus aliquid actu agat, quod sub Divina praeordinatione non contineatur ; & secundum hanc acceptionem Deum alia facere posse negatur . Quapropter, ut paucis omnia complectamur, si Dei potentia absolute spectetur, nulla habita ratione Divinae praedeterminationis, quae est ab intellectu, & voluntate Dei, potest Deus alia agere praeter ea, quae providentiae illius subji- ciuntur : si autem consideretur prout exequitur, quod ab intellectu, & vo- luntate constitutum est, secundum quam acceptionem potentia ordinaria dici so- let ; alia ab iis, quae praeordinavit, facere non potest (a).

## SCHOLIUM IV.

*Præter ordinem inditum rebus, qui in eo consistit, ut inferiora per superiora moveantur, Deus agere potest ; hoc est, potest nulla secunda, ac peculiari interveniente causa, aliquam effectum producere.*

Nam ii omnes effectus per Divinam virtutem absque propriis illorum causis produci possunt, ad quos Deus per suum intellectum determinari potest ; sed ad omnem effectum cujuscumque particularis agentis Deus per suum intellectum determinari potest. ergo. Ma. constat : nam in Divina voluntate summam efficaciam esse ad ea producenda, quae Divinus intellectus producenda praeoverit, nemo negaverit. Prob. iii. Divinus intellectus non solum universales, sed etiam quascumque particulares causas sua cognitione complectitur : ergo. Deinde Deus in prima institutione rerum absque ullo ministerio causarum secundarum omnia ex nihilo produxit (Art. 3. quæst. præced.) : ergo etiam eos effectus, quorum productio spectat ad causas secundas, sine iisdem modo producere potest. Consequentia patet : nam quando Deus causas secundas ex nihilo produxit sine ministerio causarum, dedit eisdem virtutem operandi : ergo etiam sine ministerio causarum hac virtute uti potest ; ergo etiam, eos effectus, quorum productio spectat ad causas secundas, sine iisdem modo producere potest.

Neque est, cur dicatur, hunc ordinem a Deo rebus omnibus inditum esse, & hac de causa præter eum nihil agere posse. Nam, uti recte monet S. Thomas lib. III. *contra Gentiles* cap. 99. num. 7. „ Ordo inditus rebus a Deo se-  
„ cundum id est, quod in rebus frequenter accidere solet ; non autem ubique,  
„ vel secundum id, quod est semper. Multa enim naturalium causarum effe-  
„ ctus suos produciunt eodem modo ut frequenter, non autem ut semper. Nam  
„ quandoque licet ut in paucioribus, aliter accidit, vel propter defectum vir-  
„ tutis agentis, vel propter materiae indispositionem, vel propter aliquod for-  
„ tius agens, sicut quum natura in homine generat digitum sextum : non ta-  
„ men propter hoc deficit, aut mutatur providentiae ordo. Nam & hoc ipsum  
„ quod naturalis ordo institutus secundum ea, quae sunt frequenter, quandoque  
„ deficiat, providentiae subest Divinae. Si ergo per aliquam virtutem creatam  
„ fieri potest, ut ordo naturalis mutetur ab eo, quod est frequenter, ad id,  
„ quod est raro, absque mutatione providentiae Divinae : multo magis Divina  
„ virtus quandoque aliquid facere potest sine providentiae suae præiudicio præ-  
Tom. II. D „ ter

(a) D. Thomas lib. III. *contra Gentiles* cap. 98.

„ter ordinem naturalibus inditum rebus a Deo, quia sub ordine suæ providentiæ hoc ipsum quoque Deus complexus est, se quandoque præter hunc ordinem acturum esse.

Interdum autem ad manifestationem suæ gloriæ hoc Deus præstat: ita enim fit, ut, res omnes Divinæ voluntati subjectas esse, earumque ordinem non necessitate naturæ, sed libera voluntate a Deo processisse, certius, atque clarius cognoscatur. Quapropter quum Deus tam multa, & præclara in hoc mundo pro-luxerit, ut hominibus, qui ad eum cognoscendum creati sunt, ipsius gloriæ magis magisque manifestetur, etiam alia præter hunc ordinem aliquando operatur, quibus apud eos cognitio ejus clarior evadat, atque certior, sicuti recte monet idem S. Doctor laudato capite.

#### SCHOLIUM V.

*Quæ Deus præter naturam ordinem operatur, ea non sunt contra naturam.*

Nam omnia, quæ alia a Deo sunt, haberi debent veluti quædam ipsius instrumenta: ergo quacumque tandem ratione a Deo moveantur, nihil contra naturam contingit. Antecedens manifestum est: quia Deus est primum agens, cui omnia alia agentia subjiçuntur. Prob. con. Instrumenta instituta sunt, ut principalis agentis actioni deserviant: ergo quacumque tandem ratione ab eo moveantur, nihil contra naturam contingit. Sicuti ergo motus, qui a superioribus in inferiora corpora dimanant, violenti dici non possunt, neque contra naturam, quamvis non videantur convenientes motui naturali, quem habent corpora inferiora secundum suæ naturæ proprietatem; ita potiori jure quod præter naturæ ordinem a Deo fit, neque violentum, neque contra naturam dici debet (a).

2. Uti præclare prosequitur S. Doctor. (b): „Prima mensura essentia, & naturæ cujuslibet rei est Deus, sicut primum ens, quod est omnibus causæ, si essendi. Quum autem per mensuram de unaquaque re sumatur judicium, oportet, hoc naturale dici unicuique rei, per quod conformatur suæ mensuræ: hoc igitur erit naturale unicuique rei, quod a Deo ei inditum est: ergo & si adhuc eidem rei a Deo aliquid aliter imprimatur, non est contra naturam.

3. „Omnes creaturæ comparantur ad Deum, sicuti artificata ad artificem; unde tota natura est sicut quoddam artificiatum Divinæ artis. Non est autem contra rationem artificii, si artifex aliquid aliud operetur in suo artificio, etiam postquam ei primam formam dedit: neque ergo est contra naturam, si Deus in rebus naturalibus aliter operetur aliquid, quam consue-tus cursus naturæ habet. Hinc etiam S. Augustinus de Civitat. Dei lib. 21. cap. 8. num. 2. „Quomodo est enim, inquit, contra naturam, quod Dei sit voluntate, quum voluntas tanti utique Conditoris conditæ rei cujusque natura sit? Portentum ergo fit non contra naturam, sed contra quam est nota natura.

Aliquid ergo simpliciter, atque universaliter est contra naturam, quando cujus-

(a) D. Thom. lib. III. contra Gentiles cap. 100. n. 3. & 1. Ex actu autem maris probat S. Thomas hujusmodi motus non esse contra naturam. (b) Laudati cap. num. 4. & 5.

eiusvis naturæ ordinem, atque inclinationem tollit: est vero contra naturam particularem, quando ordini, & peculiari inclinationi illius opponitur. Itaque quod Deus facit, esse quidem potest contra aliquam peculiarem naturam, quatenus ordini, atque inclinationi illius opponitur, non vero contra naturam simpliciter, & universaliter, quum illud fiat secundum dispositionem naturæ universalis, & omnium primæ, quæ est Deus, a quo unumquodque suum proprium ordinem habet. Secundum hanc ergo acceptionem contra naturam non esse probavimus ea, quæ Deus præter naturæ ordinem operatur.

## ARTICULUS IV.

NUM DIVINA PROVIDENTIA CERTA SIT, ET INFALLIBILIS:

**I**deo de certitudine, atque infallibilitate Divinæ providentiæ quærimus, quia fieri non posse videtur, ut multa contingenter, & libere eveniant, & tamen prout a Deo provisum sunt, infallibiliter evenire debeant.

**PROPOSITIO.** Divina providentia certa est, atque infallibilis; tamen ex certitudine, & infallibilitate ejus non sequitur, ut cuncta necessario eveniant.

Duo modo supponimus, quæ jam demonstravimus: prius est; res omnes in Divinæ providentiæ ordine contineri: alterum vero; providentiam tum in præfinitione ordinis tanto perfectiorem esse, quanto plura complectitur, quia per hoc amplitudo cognitionis manifestatur; tum etiam excellentiorem apparere, si ad executionem eorum, quæ ordinavit, plurimorum agentium ministerio utatur; nam ipsa dispositio ministeriorum providentiæ ordinantis præclarissimum decus, atque ornamentum est. Quum ergo Divina providentia perfectissima sit, tum in ordine illius omnia contineri, tum etiam quæ ab ea moventur, instrumentaliter agere, atque executioni mandare oportet, quæ ab æterno constituta sunt. Hisce positis.

Probatur prior propositionis pars. Divinæ providentiæ executio impediri non potest: ergo Divina providentia certa est, atque infallibilis. Prob. ant. Quum causæ omnes illi subiectæ sint, contrarium agere non possunt, ac ab ea constitutum fuerit: itaque necesse est, ut Divinæ providentiæ semper interserviant. Neque etiam propter defectum alicujus causæ agentis, aut patientis, Divinæ providentiæ executio impediri potest, quia quævis activa, aut passiva virtus nonnisi secundum Divinæ providentiæ dispositionem in rebus inest. Tandem quia Deus est omnino immutabilis, fieri non potest, ut ea non velit, quæ semel voluit, ut essent: ergo Divinæ providentiæ executio impediri non potest: ergo Divina providentia certa est, atque infallibilis.

Probatur altera pars. Ideo propter Divinam providentiam nullum contingentis, aut libertati locum reliquum esse, putare quispiam posset, quia ea certa est, atque infallibilis, sed ex Divinæ providentiæ certitudine, atque infallibilitate non consequitur nullum libertati, & contingentis locum reliquum esse: ergo. Prob. m. Divina providentia certitudinem, atque infallibilitatem habet non ex certitudine, atque infallibilitate, quæ sit ex sui natura in rebus ipsis, sed ex ipsius providentiæ maxima perfectione, ob quam falli non potest: ergo Divinæ providentiæ certitudo, atque infallibilitas non efficit, ut causæ aliter se habeant, ac in se revera sunt: ergo per certitudinem, atque in-

D 2

falli-

fallibilitatem Divinæ providentiæ non efficitur, ut nulla in se contingentia, atque libere esse possint. Ant. manifestum est: nam Deus in suæ providentiæ ratione a rebus provisis pendere non debet.

2. Ad certitudinem, atque infallibilitatem Divinæ providentiæ illud quoque spectat, ut non solum quod futurum est, sed etiam qua ratione futurum sit, ab ipsa provideatur: ergo Divinæ providentiæ certitudo, atque infallibilitas modum quoque attingere debet, quo unumquodque futurum est: ergo certitudini, atque infallibilitati Divinæ providentiæ non opponitur, ut multa contingentia, vel libera sint. Ant. constat: nam ad providentiæ Divinæ perfectionem spectat, ut cadat sub certitudine illius etiam modus, quo unumquodque evenire potest. Prob. 2. conseq. Ideo quæ contingentia, & libera sunt, cum certitudine, atque infallibilitate Divinæ providentiæ simul stare non posse videntur, quia in se non habent, ut sint infallibiliter; sed quamvis in se non habeant, ut sint infallibiliter; tamen quomodo futura sint, Divina providentia attingit certo, atque infallibiliter: ergo certitudini, & infallibilitati Divinæ providentiæ non opponitur, ut multa contingentia, vel libera sint. Sicuti ergo, ut in superiori ratione demonstravimus, certitudo, & infallibilitas contingentiarum, & libertati causarum; ita etiam, ut modo vidimus, contingentia, & libertas causarum certitudini, & infallibilitati Divinæ providentiæ non opponitur.

3. Plura causarum genera in hoc mundo esse, non solum ad pulchritudinem illius quam maxime confert, sed etiam principii, a quo hæc universitas rerum dimanavit, sapientia, atque potentia inde perspicue agnoscitur. Immo Divinæ Sapientiæ Bonitati, Justitiæ consentaneum est, ut homo sit liber, atque sui juris; unde & liberum arbitrium præclarissimum donum Dei est, & bonitatem, ac sapientiam illius plurimum commendat (Quæ: 4. li. 2. art. 2. lemm. 3., & 4.); sed per Divinam providentiam id tolli non debet, quod non minus hujus mundi pulchritudini, quam Divinæ Justitiæ, Sapientiæ, Bonitati convenit: ergo.

Dices I. Causa immutabili semel posita, necesse quoque est, ut ponatur effectus: ergo si omnia Divinæ providentiæ subiciuntur, necessario contingere debent: ergo vel Divina providentia non est immutabilis, vel omnia necessario contingunt.

R., dist. ant., eo modo, quo in ipsa causa continetur, con., diverso modo, ne: Effectum ergo eo modo evenire oportet, quo in sua causa continetur; & ideo, si non solum quantum ad substantiam, seu, ut dicunt, quantum ad esse, sed etiam quantum ad modum suæ productionis, in ea continetur, tunc necessario, vel contingenter eveniet, prout in sua causa continetur. Quia ergo sub Divina providentia non solum secundum sui substantiam, sed etiam secundum modum, quo evenire debent, omnia continentur, quia, per eam unumquodque certam, ac determinatam causam habet, consequens inde fit, ut infallibiliter eveniant contingenter, quæ causam contingentem, infallibiliter autem necessario, quæ causam necessariam habere Deus voluit.

Cont. si Deus aliquid providit, illud infallibiliter futurum erit: ergo non esse non potest: ergo necessario futurum erit.

R., dist., eo modo, quo providit; hoc est, necessario, vel contingenter, con., diverso modo, ne: Responsio per se patet, atque id tantum observandum est, infallibilitatem tum ad substantiam effectus, tum ad modum, quo esse-

effectus provifus eft, referendam eſſe. Ex infallibilitate ergo effectus non fit, quin æque contingens, ac neceſſarius eſſe poſſit; immo vere eo ipſo infallibiliter contingens erit, cui providentia modum contingentem præſcribit.

Cont. Aliquem regnatum eſſe, Deum providiſſe ponamus: vel poſſibile eſt, ut non regnet, vel impoſſibile: ſi prius admittamus; ergo Divina providentia non eſt certa, atque infallibilis: ſi alterum: ergo omnia neceſſario evenire debent: ergo vel Divina providentia non eſt omnino certa, vel omnia neceſſario contingunt.

R., poſſibile eſſe, ut non regnet, ſi in ſe atque in ordine ad ſui proximam, atque peculiarem cauſam ſpectetur: eſt autem impoſſibile, ut non regnet contingenter, quia ita regnatum eſſe, a Deo proviſum fuit. Quapropter quam ad regnandum neceſſitatem habet, ea hypothetica eſt, propter quam non efficitur, ut aliquid in ſe absolute neceſſarium evadat: hæc enim, ut ſæpius diximus, non ab ipſius rei neceſſitate, ſed a certitudine Divinæ providentiæ deſumitur. Neque eſt, cur quiſquam reponat, ſi evenire admittatur, quod ſane quam maxime abſurdum eſt. Quandoquidem. „ Divinæ providentiæ non ſubeſt ( uti Ferrarienſis in III. lib. S. Thomæ *contra Gentiles* cap. „ 94. recte obſervat ), quod iſte ſit regnaturus absolute neceſſario, ſed quod, „ ſit regnaturus contingenter. Unde non poteſt poni in eſſe, quod ille non „ regnet contingenter, ſtante illa ſuppoſitione, quod ſit proviſum, ut contin- „ genter regnet, licet ſecundum ſe conſideratus poſſit non regnare. Si autem „ ponatur in eſſe, quod iſte non regnet, ſequitur non eſſe proviſum, quod „ eſſet regnaturus absolute, non autem ſequitur, quod providentia deſiciat „.

Dices II. cum Tullio de *Divinatione* lib. 2. ſi omnia proviſa a Deo ſunt, certus eſt ordo cauſarum, & euncta quodam fato agantur oportet: ergo nihil contingens, aut liberum eſſe poteſt.

Rurſus contingentiam, & libertatem cum infallibilitate Divinæ providentiæ pugnare, quis non videat?

Ad I. reſpondeo, liberis cauſis & contingentibus ideo, atque hæc poſſimum de cauſa ſemper locum eſſe, quia omnia a Deo undequaque proviſa ſunt. Nam quum Deus non ſolum quid futurum eſſet, ſed etiam qua ratione, aut quo modo, & per quam cauſam eſſet futurum, præviderit ( nam per ſuam providentiam, quia perfectiſſima eſt, cuncta omnino attingere debet ); ideo contingentia quoque, atque libertas cauſarum in ejus providentia continetur, & tam quæ neceſſario, quam quæ libere futura erant, ipſe prævidit. Quapropter certitudo præviſionis non in eo poſita eſt, ut itatus, vel conditio cauſarum per illam immutetur, ſed ut omnia, qualia futura ſunt, a Deo certiſſime agnoſcantur, nullaque diverſitas inter res dari poſſit, quatenus Deus eas futuras prænovit, & quatenus revera futuræ ſunt. Unde conſtat non repugnare certitudini Divinæ præviſionis, ut aliquid ſit liberum, vel contingens.

R., ad 2., infallibilitatem Divinæ providentiæ cum contingentia cauſarum, & arbitrii libertate conciliare, valde quidem difficile eſt; tamen & certiſſimæ rationes non deſunt, quæ utrumque uniri poſſe, maniſeſte demonſtrent, uti ſupra palam facimus & per eam, quam aſſert S. Thomas lib. III.

contra

contra *Gentiles* cap. 94., omnia, quæ opponi possunt, facile diluuntur, „ Opti-  
 „ mus modus evadendi difficultates ( ita Ferrariensis supra laudatus acute mo-  
 „ net), quæ circa hoc insurgunt, est modus, qui hic tangitur, scilicet, quod  
 „ quum Divinæ providentiæ & effectus, & causæ subsint, non solum secun-  
 „ dum esse, & secundum operationem, sed etiam secundum modum essendi,  
 „ & secundum modum operandi; non oportet omnia naturalia, aut humana,  
 „ absolute evenire ex necessitate, sed evenire ex necessitate suppositionis, &  
 „ immutabilitatis, eo modo, quo provisa sunt, scilicet contingenter, & li-  
 „ bere ea, quæ determinavit Deus, ut libere, & contingenter eveniant; ne-  
 „ cessario autem, quæ determinavit necessario evenire. Per hoc enim fun-  
 „ damentum, ut potuit, solvit S. Thomas omnes adductas instantias, & per  
 „ ipsum possunt etiam aliæ instantiæ solvi „.

## COROLLARIUM I.

*Divina Providentia convenire non potest, ut per eam libertas  
 voluntatis tollatur; aut impediatur.*

Rerum gubernatarum perfectionem conservare, aut augere, prudentis sapientisque gubernatoris est; sed arbitrii libertas donum Dei præclarissimum, est, quo homines ornati sunt (Quæst. 4. lib. 2. art. 2. lemm. 3., 4., atque 5.): ergo per Divinam providentiam voluntatis libertas tolli, aut impediri non debet.

2. Si libertas voluntatis tolleretur, multa quoque alia bona subtrahi oporteret: ergo. Prob. ant: Nulla enim amplius laus humanæ virtutis reliqua esset, si homo libere non ageret; nulla in consiliis capiendis, atque exequendis prudentia, & dexteritas, nullus præmio, atque pœnæ locus amplius esse posset: ergo. (1)

3. Dei Sapientiam quam maxime decuit, ut agendi, vel non agendi libertas homini communicaretur (Quæ. 6. lib. 2. art. 6. lemm. 1.): ergo quum per Divinam providentiam tolli non debeat, quod sapientiam Dei quam maxime decet, consequens est, ut voluntatis libertatem a Deo providere servari oporteat.

## COROLLARIUM II.

*Neque in rebus physicis omnem corruptionem, atque defectum,  
 neque in moralibus omne malum per Divinam  
 Providentiam impediri oportet.*

Nam Deus omnibus rebus ita prospicit, ut quoad executionem eorum, quæ providit, causarum secundarum ministerio utatur (Art. 3. hujus quæstionis): ergo actionem earum non excludit: ergo neque in rebus physicis omnem corruptionem, atque defectum, neque in moralibus omne malum tollere debet. Prob. secunda consequ. Res physice in se habent, ut aliquando corrumpantur, atque deficient: causæ vero libere tam bene, quam male agere possunt: ergo neque in rebus physicis omnem corruptionem, atque defectum, neque in rebus moralibus omne malum impedire debet, semel ac Deus quoad executionem

(1) S. Thomas lib. III. contra *Gentiles* cap. 73. num. 1., & 4.

nem eorum, quæ providit, utatur ministerio causarum secundarum.

2. Neque instrumenti defectus in artificem refunditur, neque claudicatio in vitium hominis decumbentis, sed in tibiæ curvitatē: libertas vero donum Dei præclarissimum est, quamvis homo illa male uti possit, atque etiam sæpe utatur, neque eam ab iisdem tolli debuit, quamvis multi peccaturi essent. (Quæst. 4. lib. 2. ar. 2. lem. 5., & 6.): ergo quum neque rerum physicarum corruptio, atque defectus, neque malum causarum liberarum in Deum refundi possit; ex Divina perfectione frustra quis inferat Divinam providentiam, ea mala tollere debuisse.

3. Nulla generatio, neque admirabilis ea rerum tam diversarum successio haberi possent, si, quæ physica sunt, non corruerentur, & aliquando deficerent: simili ratione patientia iustorum sese non proderet, nisi persequentium malignitas leviret; iustitiæ vindictivæ nullus esset locus, si nulla crimina admitterentur; tandem multa bona Deum colligere ex malo morali, constat ex iis, quæ art. 2. quæst. 4. lib. 1. contra Baïum pluribus disputavimus. ergo.

Advertendum tamen est, si proprie loqui velimus, dicendum esse, Deum providere de peccatis, non providere peccata. Providet quidem de peccatis, quia de illis disponit, eaque antea non provisæ, sed prævisæ, ordinat ad aliquod majus bonum, quam sit malum illud, quod permittit. Quo fit, ut peccata cadant non sub providentiæ approbationis, sed permissionis. Non providet autem peccata, quia procurat Deus, quæ providet. Deum autem curare peccata, nullo modo dici potest. „Iustus namque, & misericors (inquit S. Gregorius Magnus *Moralium* lib. 6. in cap. 5. *Job.* num. 33.) mortalium acta disponens, alia concedit propitius, alia permittit iratus: atque ea, quæ permittit, sic tolerat, ut hac in sui consilii usum vertat. Unde miro modo fit, ut quod sine voluntate Dei agitur, voluntati Dei contrarium non sit: quia dum in bonum usum male facta vertuntur, ejus consilio militant etiam quæ ejus consilio repugnant. Et lib. 18. in cap. 28. *Job.* num. 46. „Nam bonæ, inquit, faciens & ordinans Deus, mala vero non faciens, sed ab iniquis facta, ne inordinate eveniant, ipse disponens, considerat universorum finem, & patienter tolerat omnia, atque intuetur electorum terminum, quod ex malo mutantur ad bonum. Intuetur etiam reproborum finem, quod de malo operum dignum se trahantur ad supplicium. „

### COROLLARIUM III.

*Divina providentia neque casum, neque fortunam excludit, si casus, & fortuna accipiantur eo sensu, quo debent.*

Casu, atque fortuito id contingere dicitur, quod raro, & præter expectationem nostram evenire solet, quia causas ignoramus, quæ inter se concurrunt, aut concurrere possunt. Quamvis autem quoad nos eo sensu nonnulla casu, & fortuito contingant: nihil tamen quoad Deum fortuitum esse potest: nam omnium causarum concursus, atque effectus ipse ordinavit: ita si dominus duos servos aliquo mittat, ut, ipsi ignorantibus, sibi mutuo occurrant, ille occursum quoad servos fortuitus erit, non vero quoad dominum, qui, data opera, in hunc finem eos misit.

Modo

Modo ergo probatur, casum, atque fortunam per Divinam providentiam non excludi. Nam ad Divinam providentiam spectat, in causis secundis quemdam ordinem esse, quarum alie superiores, alie inferiores sunt; sed quanto aliqua causa superior est, tanto majorem virtutem ad agendum habet, atque causalitas illius plura complectitur; ergo ordo Divinae providentiae exigit, ut sint causae superiores, quae plura possint, quam causae inferiores: ergo exigit quoque, ut plura eveniant praeter intentionem, vel inclinationem causae inferioris: ergo ut sit casus, atque fortuna. Antecedens constat, quia aliquam supremam causam esse debere, quae omnia produxerit, ex admirabili ordine, quo res tam variae, atque diversi generis inter se continentur, supra jam confectum: quo fit, ut etiam Dei providentiae ista admirabilis tam multiplicium rerum simul unitarum diversitas potissimum conveniat. Secunda consequens manifesta est: nam quum nulla causa supra suam virtutem agere possit, inde est, ut nonnulla praeter inclinationem ejus a superiori causa procedant. Tertia quoque consequens patet, quia tunc aliqua casu, ac fortuito eveniunt, quando praeter intentionem, aut inclinationem agentium contingunt. Ad ordinem Divinae providentiae pertinet, (inquit D. Thomas lib. III. *contra Gentiles* cap. 74. num. 4.), ut sit ordo, & gradus in causis: quanto autem est aliqua superior causa, tanto est majoris virtutis: unde ejus causalitas ad plura se extendit. Nullius autem causae naturalis intentio se extendit ultra virtutem ejus: essent enim frustra. Oportet ergo, quod intentio causae particularis non se extendat ad omnia, quae contingere possunt. Ex hoc autem contingit aliquid causaliter, vel fortuito, quod eveniunt aliqua praeter intentionem agentium. Ordo igitur Divinae providentiae exigit, quod sit casus, & fortuna in rebus.

### QUESTIO III.

#### DE DEO CONSERVATORE.

Conservatio est continuata productio ipsius rei, quae conservatur: nisi enim quaecumque res a Deo producta, ab eodem conservetur, esse desinit. Quia ergo per conservationem fit, ut unumquodque esse perseveret, ideo conservatio sine continuata productione dari non potest.

### ARTICULUS I.

#### NUM DEUS OMNIA CONSERVET.

Actio Dei conservantis & secundum se, & secundum nostrum intelligendi modum spectari potest: si secundum se consideretur; non distinguitur a creatione; non enim Deus per actionem a creatione distinctam, sed per continuationem ejusdem actionis, qua primo effecit, ut essent, res omnes conservat, non quidem esse continue influens per modum incceptionis, sed esse prius productum manuteneus, ut ait Ferrariensis in lib. III. *contra Gentiles* cap. 65. Si autem accipiat secundum nostrum intelligendi modum; tunc a creatione distinguitur, quia creatio rem non antea existentem, conservatio autem jam existentem supponit.

PROPOSITIO. Deus omnia conservat.

Prob.



Prob. propositio. Res omnes, quum antea non essent, a Deo productæ sunt: ergo etiam a Divina voluntate habent, ut esse perseverent. Antecedens constat ex iis, quæ tum quæ.2. lib.1. ar.3., tum quæ.1.1. hujus lib. ar.1., & 2. differimus. Prob. con. Tam ut sint, quam ut non sint, a Divina voluntate pendet: nam non erant, quando Deus easdem esse non voluit; fuerunt autem, quando esse voluit: ergo si res tam ut sint, quam ut non sint, a Divina voluntate habent, necessario etiam ab eadem habere debent ut esse perseverent (a). Nam ex sui natura habent, ut sint nihil, ideoque & ad nihilum tendunt ex sui natura.

2. Conservatio rei, & continuata productio inter se non differunt: ergo cuiuslibet rei conservatio, & productio ejusdem agentis esse debet; sed ad solum Deum spectat aliquid ex nihilo producere (Art.1. qu.1. lib. hujus); & nihil eorum, quæ existunt, existere possent, nisi prima necessaria causa admitatur, quæ est Deus (Ar.3. qu.2. lib.1.): ergo etiam conservatio eorum, quæ producta sunt, ad solum Deum spectare potest (b).

3. Nulla res creata a se habet, ut sit; ergo neque conservationem a se habere potest. Ant. constat, quia solus Deus est ens necessarium, ut demonstravimus. Quod autem inde inferitur, non minus perspicuum est: nam, si aliqua res se ipsam conservaret, toto illo tempore, quo se conservaret, a se ipsa haberet, ut esset: ergo si nulla res creata a se habet, ut sit, ne conservare quidem potest seipsam. „Deus (inquit S. Thomas 1. part. quæ.104. „art.1.) non potest communicare alicui creaturæ, ut conservetur in esse, sua „actione cessante, sicut non potest ei communicare, quod non sit causa illius. In tantum enim indiget creatura conservari a Deo, in quantum esse „effectus dependet a causa essendi „.

Dices I. Multa sunt, quæ in se incorruptibilitatem habent, uti substantiæ spirituales: ergo necesse non est, ut a Deo conserventur.

R., dist. con.; indirecte, con. directe, ne. Duplici ratione aliquid ab altero conservari potest; indirecte, & per accidens; & directe, atque per se. Tunc indirecte, & per accidens aliquid ab altero conservatur, quando vel remouentur contraria ejus, vel alia ratione impeditur, ne detrimentum aliquod subeat: ita qui puerum custodit, & ab omnibus periculis illi cavet, puerum indirecte, & per accidens conservare dicitur. Hac autem ratione Deus non omnia conservat, quia multa sunt, a quibus, ut conserventur, contrarium removeri necesse non est, quum nullum habeant, uti sunt substantiæ spirituales, & materia cælestis secundum opinionem multorum. Tunc autem directe, & per se aliquid ab altero conservatur, quando ita a conservante pendet, ut sine eo esse nullo modo possit. Hac vero ratione cuncta etiam spiritualia a Deo conservari debent: nam creata omnia a Deo pendunt, ut sint: itaque nisi virtute Divinæ conservationis esse perseverent, oportet, ut in nihilum abeant. Ex quo constat sine directa conservatione Dei nihil omnino persistere posse.

Cont. Est contra naturam cuiuslibet rei, tendere ad sui destructionem: ergo nihil in sui destructionem tendit, si contraria causa in illud non agat; sed substantiæ spirituales causam contrariam non habent: ergo sine conservatione Dei perseverare possunt.

R., dist. ant., tendere ad sui destructionem ex se, con., ob defectum causæ  
Tom. II. E se

(a) D. Thomas lib. III. contra Gentiles c.65. n.7. (b) Idem S. Doctor. laud. cap. n.2.

sic conservantis, ne; & dist. 2. con., non indigent conservatione, quæ contraria removeat, con., quia esse perseverent, ne. Nihil ergo est, quod ad sui destructionem operetur, quo fit, ut in sui destructionem ex se tendere, contra naturam cujuslibet rei sit. Tamen quia quælibet res creata a Deo habet, ut sit, non est contra naturam ejus, si esse desinat, quando amplius ab eodem Deo non habet, ut sit: quod quidem, Deo non conservante, contingit. Quamvis autem, uti jam diximus, a rebus spiritualibus, ut conserventur, contraria removeri non debeant; quia nulla habent, & hac de causâ necesse non sit, ut a Deo indirecte conserventur; tamen quia etiam subistantiæ spirituales, sicuti omnia alia entia contingentia, a Deo sunt, a Deo quoque semper pendunt, & conservatione ejus indigent, quia ista quoque, æque ac alia, tam ut sint, quam ut non sint, a Divina voluntate habent; non erant enim, quando Deus ea esse non voluit, fuerunt autem, quando ille esse eas voluit.

Dices II. Omnia creata sunt Dei effectus; sed effectus perseverant, licet causâ amplius non agat: ergo.

R., dist. iii., quando a sua causâ quoad fieri tantum, vel quoad tale, esse pendunt, con., quando pendunt, quoad esse absolute, ne. Domus v. g. tunc construitur, quando cæmentum, lapides, ligna, atque alia, quæ ad ædificationem ejus requiruntur, certa quadam ratione ab artifice simul connecti, atque ordinari contingit. Quare ut domus sit, ab hisce omnibus; ut autem fiat, talemque figuram habeat, ab artifice pendet; & hac de causâ semel ac ab artifice constructa fuerit, esse perseverat, quamvis artifex nullam curam ejus amplius gerat. Si autem non solum rerum aliunde subsistentium compositio, sed ipsa earundem rerum domum componentium substantia, & esse ipsarum esset ab artifice; tunc domus eadem non modo quoad fieri, sed etiam quoad esse penderet ab artifice, & sublata, aut cessante artificis actione conservatrice, deficeret esse rerum componentium, & consequenter etiam esse domus. Quum ergo creata omnia, ut sint, a Deo pendeant, non est, cur miremur, si sine conservatione Dei nihil persistere possent. Ex quibus illud quoque perspicuum sit, quare quæ artifex produxit, etiam eo non conservante, esse perseverent, non vero quæ produxit Deus, sine conservatione ipsius persistent. „ Creatoris namque potentia (inquit S. August. de Genesi ad litteram lib. 4. „ num. 22.) & omnipotentis, atque omnitenentis virtus, causâ subsilendi est „ omni creaturæ: quæ virtus ab eis, quæ creata sunt, regendis si aliquando „ cessaret, simul & illorum cessaret species, omnisque natura concideret. Ne- „ que enim sicut instructor ædium quum fabricaverit, abscedit, atque illo cessante, atque abscedente stat opus ejus; ita mundus vel icu oculi stare poterit, si ei Deus regimen suum subtraxerit „ . Nam, uti superaddit idem S. Doctor num. 26. „ ex illo ita est, quidquid ex illo est, ut ei debeat, „ quod est „.

Cont. Etiam ea, quæ produxit Deus, in suo genere perfecta sunt: ergo sine Deo conservante perseverare possunt. Prob. con. Si a Deo conservari deberent, semper aliquid ab ipso reciperent, neque id omne haberent, quod illis convenit: ergo.

R., per actionem Dei conservantis nihil tribui creaturis, quod antea non haberent, sed solum id integrum servari, quod semel acceperunt, ut esse perseverent, neque ab esse deficiant. Perfectio enim creaturarum, & ipsarum esse,

se, non habet ex se ipso propriam virtutem essendi, sed ex se, atque ex sua sponte tendit in suum nativum, & originale nihilum; & sicut ab eo nihilo nunquam essent eductæ, nisi accessisset actio creantis Dei, ita sibi ipsis reliquæ continuo in suum nihilum relaberentur, nisi interveniret continua actio Dei conservantis. Aer enim, uti acute pro suo more observat S. Thomas 1. part. quæst. 104. art. 1., quia ex sui natura non habet recipere principium luminis, sicuti est in sole, ideo, sublato sole, omnem lucem amittit. Sic autem se, habet omnis creatura ad Deum (ita prosequitur idem S. Doctor (sicut aer, ad solem illuminantem. Sicut enim sol est lucens per suam naturam, aer autem fit luminosus participando lumen a sole, non tamen participando naturam solis; ita solus Deus est ens per essentiam suam, quia ejus essentia est suum esse: omnis autem creatura est ens participative, non quod sua essentia sit ejus esse).

## ARTICULUS II.

NUM OMNIA CREATA DEUS IMMEDIATE CONSERVET.

**D**UM quærimus, num Deus omnia creata immediate conservet, illud definire, atque statuere volumus, num Deus ad conservationem eorum, causarum secundarum ministerio utatur: uteretur enim, si non omnia immediate conservaret.

Observandum tamen est, res creatas duplici ratione considerari posse: secundum se, absolute, atque simpliciter; hoc est, prout habent, ut sint: & specificæ, atque in particulari; hoc est, prout sunt individuum alicujus speciei, & ad aliquod genus, ac speciem pertinent.

**PROPOSITIO.** Si res creatæ considerentur absolute, & simpliciter, quatenus extra nihilum positæ manent, a solo Deo immediate conservantur: si autem spectentur, quatenus sub genere, vel aliqua specie continentur, nonnullæ earum non immediate a Deo conservantur.

Probatur prior pars propositionis. Omnis res extra nihilum absolute ponitur, & manet, quia simpliciter est, non vero quia sub hoc, vel illo genere, aut specie continetur; immo sub hoc, vel illo genere, aut specie continetur, quia extra nihilum posita est: ergo ea causa, quæ aliquid ex nihilo producere non potest, neque etiam efficere potest, ne in nihilum redeat; sed nulla causa creata, neque etiam instrumentaliter, aliquid ex nihilo producere potest (Quæst. 1. hujus lib. 2. art. 2.): ergo nulla causa creata aliquid absolute, & simpliciter, ac secundum eam rationem acceptum, qua ex nihilo extractum fuit, conservare potest. Prob. 1. conseq.: nam utriusque virtutis, & quæ aliquid ex nihilo producere potest; & quæ efficere valet, ne aliquid in nihilum abeat, eadem est ratio, quia conservatio est continuata creatio.

Deinde sicuti aliquis homo humanam naturam participans humanam naturam in altero absolute non causat, sed tantum facit, ut existat sub hoc, vel illo individuo determinati generis, & speciei: ita nulla causa secunda res creatas conservare potest, si absolute, & simpliciter accipiantur, quatenus extra nihilum positæ sunt: nam quod causa creata producere non potest, conservare quidem non potest ob eandem rationem, quia conservatio est continuata creatio.

E 2, P 10-



dis tribuitur, quia præsupposita semper principali conservatione, quæ a Deo est, una res aliam conservat.

Dices II. Nulla res seipsam conservare potest: ergo ne aliam quidem poterit.

R. cum S. Thoma 1. part. quæst. 104. art. 1. ad 2. „ Quod quum propria causæ sit conservativa effectus ab ea dependentis, sicut nulli effectui præstari potest, quod sit causa sui ipsius, potest tamen ei præstari, quod sit causa alterius: ita etiam nulli effectui præstari potest, quod sit sui ipsius conservativus, potest tamen ei præstari, quod sit conservativus alterius „.

## COROLLARIUM

*Deus efficere potest, ut ea, quæ produxit, in nihilum redigantur.*

Summa Deus libertate pollet (Art. 4. quæst. 6. lib. 1.) & quamvis voluntas illius semper impleatur, non tamen iccirco evadunt necessaria, quæ ipse vult (Art. 5. ejusdem quæst.): ergo citra ullam necessitatem res omnes a Deo productæ fuerunt, & postquam productæ sunt, nullam necessitatem in se habent, ut conserventur. Sicuti ergo, antequam essent, Deus efficere poterat, ut non essent; ita etiam postquam facta sunt, in conservationem eorum non influere potest, & tunc esse desinerent, atque in nihilum abirent (a).

Nihil autem Divinæ Bonitati deperiret, quamvis res productæ non conservarentur. Et si enim Dei producentis Bonitas, atque Potentia ex ipsis rebus productis nobis innotescat, non tamen intrinsece augetur, aut locupletior evadit. Quapropter tunc etiam eodem modo in suis perfectionibus Deus infinitus existeret.

## SCHOLIUM

*Nullam rem tamen in nihilum reipsa redigendam esse, dici debet.*

Nam Divina potentia, atque bonitas magis innotescit ex conservatione, quam ex destructione eorum, quæ produxit, quia ex continuata productione, tum potentia, tum bonitatis Dei certa, atque non interrupta argumenta occurrunt: ergo nullam rem in nihilum redigendam esse dici debet (b).

## QUESTIO IV.

## DE DIO SUPREMO OMNIUM DOMINO.

**T**unc aliquis jus in alterum habere dicitur, quando æque ratio postulat, ut iste subiectus illi sit; indeque est, ut eo plus juris in uno experia-  
tur, quo major subiectio in altero esse debet. Quapropter si Deus in creata omnia jus summum habeat, creata quoque omnia perfecte illi subiciantur oportet. De subiectione, quam creaturæ rationales erga Deum servare debent, hic disputamus. Tribus autem articulis rem totam complectemur. In 1. agemus de jure Dei in creaturas, in 2. de subiectione creaturarum erga Deum,  
in

(a) D. Thomas 1. part. qu. 104. art. 3.

(b) D. Thomas 1. part. qu. 104. art. 4. & lib. III. contra Gentiles ca. ult.

in 3. de honore atque cultu, quo Creaturæ rationales Deum debent prosequi.

## ARTICULUS I.

NUM DEUS IN OMNIA CREATA SUMMUM JUS HABEAT.

**S**ummi juris nomine singularem quamdam præcellentemque potestatem intelligimus, qua nulla superior fingi, & excogitari possit. Hujus autem generis eam potestatem esse contendimus, quam Deus habet supra omnes creaturas.

**PROPOSITIO.** Summum jus in omnes creaturas Deo competit.

Ex iis, quæ usque modo disseruimus, veritas hujus propositionis abunde constat. Quandoquidem omnia a Deo habent, ut sint (Art. 3. quæst. 2. lib. 1.); atque ita habent, ut ex nihilo ab eo producta fuerint (Art. 2. & 3. quæst. lib. hujus); nullam quoque necessitatem in se continebant, ut essent, sed plenissima libertate Deus ea produxit (Art. 3. quæst. 6. lib. 2.): in se nihil habent, ut propter se ipsa Deus ea velle possit, aut debeat (Art. 2. ejusdem quæst.): Deus est rerum omnium provisor, atque gubernator (Art. 1., & 2. quæst. 2. libri), neque in sua providentia falli potest (Art. 4. ejusdem quæstionis); singula autem ita conservat, ut, eo non conservante, in nihilum essent abitura (Art. 1., & 2. quæst. præcedentis): itaque necesse est, ut Deus in omnes creaturas habeat summum jus, quia nulla momenta hisce graviora occurrere possunt, quibus supremum jus uni alicui in alterum competat (2).

Dices. Si Deus hoc summum jus in omnia haberet, omnia sibi subjiceret, sed non omnia sibi subjicit: ergo. Prob. mi. Creaturæ rationales contra Dei voluntatem sæpe agunt: ergo.

R., dist. ant., & tamen Deo amplius subjectas non esse consequitur, ne, semper Deo subjectæ manent, con. Sicuti jam sæpe diximus, ut creatura rationalis contra Divinam voluntatem libero arbitrio utatur, Deus permittit, quia tam potens est, ut etiam de malo benefacere possit, neque ullo modo convenit, ut quam illi semel dedit, agendi facultatem impediatur. Tamen inde non consequitur, creaturam rationalem Deo amplius subjectam non esse: nam, neque Deo resistente, atque contra obnitente, peccat, & nisi aliqua ratione satisfecerit, pœnam sibi a Deo inferendam evitare non potest.

## ARTICULUS II.

NUM CREATA OMNIA, QUÆCUMQUE TANDEM EA SINT,  
DEO SUBJECTA ESSE DEBEANT.

**D**E subjectione eorum, quæ liberi arbitrii facultatem non habent, nulla dubitatio esse potest; quum enim sint agentia necessaria, aliter, ac a Deo constitutum est, agere non possunt. Itaque id solum explicare modo aggredimur, num etiam naturali ratione consilet, homines semper recte agere debere, nihilque committere, quod contra voluntatem Dei esse cognoscant. **PRO-**

(2) Dominium ergo tam absolutum, atque supremum quum Deus supra nos habeat, quis scire deliria potest Auctoris *Epist. Philosophicarum* ep. 76. affirmantis, nihil contra Deum

peccare illum, qui vitam sibi eripiat, quia molestias hujus vitæ sustinere amplius non velit? Eadem ratione insanit etiam Auctor *Epist. Philosophicarum* ep. 25. num. 30.

**PROPOSITIO.** Recte, atque ad Divinam voluntatem accommodate agere est secundum naturam hominis.

Observandum est autem, id præcipue esse contra naturam alicujus entis, quod ei principio opponitur, a quo in determinata natura, seu specie constituitur. Istud autem principium in homine est anima rationalis: per eam enim, habet, ut distingatur ab aliis entibus, ac proprias actiones elicere possit. Hac autem acceptione dicimus, esse secundum naturam hominis recte, & ad Divinam voluntatem accommodate agere.

**Prob. propositio.** Sicuti vitium rectæ rationi adversatur; ita virtus ei est conformis: ergo est secundum naturam hominis recte agere. *Ant. constat:* nam ut ait S. Thomas 1. 2. q. 71. ar. 1. *vitium uniuscujusque rei esse videtur, quod non sit disposita secundum quod convenit suæ naturæ:* quum ergo, uti dicebamus, natura hominis sit rationalis, per vitium disponitur contra talem naturam, adeoque vitium rectæ rationi adversatur. **Prob. con.** Homo ex sui naturæ rationalis est: ergo quod adversatur rationi, naturæ quoque ejus adversetur oportet, & quod rationi conforme est, naturæ quoque ejus conforme est: ergo si vitium rectæ rationi adversatur, & virtus ei conformis est; recte agere est secundum hominis naturam (a).

Deinde quod est contra hominem, prout habet judicium rationis, idem est quoque contra naturam ejus; sed sicuti honeste agere est secundum hominem, prout habet judicium rationis, ita est contra illum turpiter agere: ergo turpiter agere est contra naturam hominis. Minor propositio constat: nam qui virtuose agit, secundum rectum rationis judicium agit, sicuti apud omnes in confesso est (b).

Dices. Vitium virtuti opponitur; sed virtutibus ex nostri naturæ præditi non sumus, etiam prout ea est rationalis: ergo vitium non est contra naturam.

R., dist. mi., & tamen exercitatio virtutis est secundum naturam rationalem con., est contra rationalem naturam, ne. *Virtus*, uti lib. 2. de *Inventione* habet Tullius, *est habitus in modum naturæ rationi consentaneus*: quia ergo habitus virtuosus rationi consentit, secundum naturam rationalem esse dicitur. Quo fit, ut vitia contra naturam sint, quia rectæ rationi opponuntur. Quamvis ergo virtutes nobis naturaliter non insint; tamen vitia opponi naturæ rationali, semper certissime constat.

Illud quoque est observandum, virtutes nobis inesse ab ipsa naturæ secundum quamdam aptitudinem, & inchoationem, quamvis non inhzreant secundum perfectionem. Ut enim advertit Sanctus Thomas 1. 2. quæst. 63. articulo 1., aliquid dicitur esse homini naturale dupliciter: uno modo, habita ratione ipsius speciei; altero autem, habita ratione individui. Homo

(a) D. Thomas 1. 2. quæst. 71. ar. 2.

(b) Hominem esse ratione præditi, atque per eam a brutis distingui quæ lib. 2. pluribus supra demonstravimus. Virtuose autem agere rationi consentaneum esse, neque etiam ipsi Atheistæ negare possunt, nisi contra communem confessionem omnium gentium, contra experientiam, ipsamque evidentissimam rationem pernegare velint, qua monstratur, homines, si lenocinio sensuum ob-

temperant, etiam brutis deteriores quandoque effici; si vero audiant monita rationis, virtuose agere. Ex hisce vero consequitur, ex eo quod nihil Deus præcipiat, quod non sit rationi consentaneum, idem esse agere, secundum rectam rationem, atque Divinam voluntati obtemperare. Hac autem omnis ex his evidentiora hent, quæ de Lege Naturali sequenti questione disputaturi sumus.

mo autem est talis speciei per animam, est vero tale individuum per materiam, sive corpus; Ideo [ita S. Thomas] id, quod homini convenit secundum animam rationalem, est ei naturale secundum rationem speciei: id vero, quod est ei naturale secundum determinatam corporis complexionem, est ei naturale secundum naturam individui. Quod enim est naturale homini ex parte corporis secundum speciem, quodammodo refertur ad animam, in quantum, scilicet tale corpus est tali animæ proportionatum. Utrouque autem modo virtus est homini naturalis secundum quamdam inchoationem. Secundum quidem naturam speciei, in quantum in ratione hominis insunt naturaliter quædam principia naturaliter cognita tam scibilium, quam agendorum, quæ sunt quædam seminaria intellectualium virtutum, & moralium; & in quantum in voluntate insunt quidam naturalis appetitus boni, quod est secundum rationem. Secundum vero naturam individui, in quantum ex corporis dispositione aliqui sunt dispositi vel melius, vel pejus ad aliquas virtutes, prout scilicet vires quædam sensitivæ actus sunt quarundam partium corporis; ex quarum dispositione adjuvantur, vel impediuntur huiusmodi vires in suis actibus, & per consequens vires rationales, quibus huiusmodi sensitivæ vires deserviunt: & secundum hoc unus homo habet naturalem aptitudinem ad scientiam, alius ad fortitudinem, alius ad temperantiam. Et his modis tam virtutes intellectuales, quam morales secundum quamdam aptitudinis inchoationem sunt in nobis a natura.

Cont. lis, quæ sunt contra naturam, nunquam assuescimus; sed nonnulli male agere assuescunt: ergo vitia non sunt contra naturam.

R., diss. ma., si destruant essentialia principia, aut proprietates, quæ ex principiis consequuntur, con., si non destruant, ne. lis ergo assuescere non possumus, quæ vel principia essentialia, vel proprietates inde manantes destruant, quum, ut in communi proverbio est, natura exui non possit. Nihil tamen obstat, quin iis assuescamus, quæ sunt contra naturales inclinationes, uti ipsa experientia compertum habemus. Vitium autem neque principia tollit, quibus homo constituitur, neque proprietates ejus destruit, sed illis inclinationibus tantum opponitur, quæ secundum naturam rationalem essent. Unde mirandum non est, si multi vitiis assuescant.

Contr. Homo est naturaliter defectibilis, & peccandi principium, quod est voluntas, naturaliter habet: ergo vitium esse non potest contra naturam illius.

R., diss. ant., est naturaliter defectibilis, quatenus sicut bene, ita etiam male agere æque potest, con., quatenus secundum naturam illius sit, male agere, ne. Sicuti homo nullam violentiam patitur, si bene, ita neque etiam si male agat; & hoc sensu naturaliter defectibilem esse, dici potest, non vero quia deficere sit secundum naturam ejus. Connaturale illi quoque est peccandi principium, quod est voluntas, non tamen peccatum ipsum. Etenim voluntas est libera, & tam peccare, quam non peccare potest; immo nunquam peccabit, si consulat leges rectæ rationis, quæ sunt secundum naturam hominis, prout homo est.

Cont. Quod est contra naturam, perraro accidit; sed homines male agere frequentius contingit: ergo.

R., diss. ma., si natura per se solitaria consistat, con., si cum altera sibi opposita simul unita sit, ne. Quando individuum componitur duabus naturis simul unitis,



unitis, esse potest, ut id sæpe agit, quod est contra alteram ex iis, si non curret præcepta illius. Hoc in hominibus male agentibus contingit: quum enim pareant inclinationibus naturæ sensitivæ, necesse est, ut contra rationalem agant. Hoc autem pluribus de causis sæpe contingit: 1. quia appetitus ad notiora, atque magis delectabilia tendit: 2. quia sensibilia ad sui prosecutionem vehementius alliciunt: 3. quia iis a nativitate assuevimus, quando nullum iudicium rationis in nobis adhuc inest.

„In homine (inquit S. Thomas 1. 2. q. 71. art. 2. ad 3.) est duplex natura, scilicet rationalis, & sensitiva. Et quia per operationem sensus homo pervenit ad actus rationis, ideo plures sequuntur inclinationes naturæ sensitivæ, quam ordinem rationis. Plures enim sunt, qui assequuntur principium rei, quam qui ad consummationem perveniunt. Ex hoc autem vitia, & peccata in hominibus proveniunt, quod sequantur inclinationem naturæ sensitivæ contra ordinem rationis. Et Cicero li. 1. de Legi: „Animis, inquit, omnes tenduntur insidit vel ab iis [parentibus, nutrice, magistro, Poeta, scena, multitudinis consensu] quos modo enumeravi, qui teneros, & rudes quam acceperunt, insciunt, & flectunt, ut volunt: vel ab ea, quæ penitus in omni sensu implicata insidet, imitatrix boni, voluptas, malorum autem mater omnium, ejus blanditiis corrupti, quæ natura bona sunt, quia dulcedine, ne hoc, & scabie carent, non cernimus satis. Hæc tamen omnia neque impediunt, quin recta ratio contra obstitere possit, neque efficiunt, ut homo rectam rationem exuat, & hac de causa contra naturam hominis, quæ rationalis est, amplius non sunt, quæ sensitiva natura vult, atque consecratur.

## ARTICULUS III.

NUM HOMINES DEUM SUMMOPERE COLERE, AC VENERARI DEBEANT.

ET illud quoque naturali ratione constare contendimus, Deum ab hominibus esse summopere colendum. Quia vero cultus & internus esse potest, qui animo, atque mente perficitur, & externus, qui in exterioribus observantiæ signis consistit: ideo utroque homines Deum prosequi debere affirmamus, contra ac multi impii falso, atque inepte putant. (a)

PROPOSITIO. Ut quo fieri potest exquisitiori cultu tum interno, tum externo Deus colatur ab hominibus, evidentissime ratio postulat.

Probat prior propositio pars. Jus summum in omnes creaturas Deo competit (Art. 1. hujus quæst.) recte, atque ad Divinam voluntatem accommodate agere, est secundum naturam hominis (Art. 2. ejusdem quæst.): ergo ut homines interno cultu, & quidem quo fieri potest exquisitiori, Deum prosequantur, evidentissima ratio suadet. Prob. con: Recta ratio monet, ut quis erga alterum summopere bene affectus sit, a quo non solum omnia ha-

Tom. II.

F

bet,

(a) Externi cultus inutilitatem proponit Voltaireus *Poème de la Relig. Naturelle* Auctor Epist. *Persecutum* ep. 4. 46., Epist. *Turcicarum* pag. 51., *Judaicarum* ep. 52., & 114. Idem quoque defendit in *Sionibus*, *Cabalisticis*, ac *Peruvians* epistolis. Libellus

inscriptus, *La Religion Essentielle*, totum in eo est, ut omnem cultum tollat: alter quoque inscriptus *Les Mœurs extérieures* cultu interius sublatum esse verius. Nonnullorum quoque aliorum, qui *Spiritus fortes* vulgo dicuntur, eadem insipientia, atque stultitia fuit.

bet, sed illius sola immensa bonitate, atque largitate habet; sed ob istas rationes in creaturas supremum dominium Deo competit; ergo ex hoc supremo dominio, ut homines erga Deum summo bene affectu esse debeant, necessario consequitur: Rursus: ut recte, & ad Divinam voluntatem accommodare quispiam sine simulatione; atque ex animo vivat, interius erga Deum bene affectum esse oportet; ergo si secundum naturam hominis est, recte, atque ad Divinam voluntatem accommodate vivere, secundum eandem quoque esse debet, ut Deum interno animi affectu colat, atque prosequatur. Ant. constat: quia verus cultus, & observantia erga alterum sine interna sinceritate, animi esse non potest. Quibus rebus apparet (ita Lactantius *Divin. Institut.* lib. 4. cap. 4.) quam inter se conjuncta sint sapientia & religio: sapientia spe, & ad filios, quæ exigit amorem; religio ad servos, quæ exigit timorem. Nam sicut illi patrem diligere debent, & honorare, sic hi dominum colere, ac vereri. Deus autem, qui unus est, quoniam utramque personam sustinet, & patris, & domini; & amare eum debemus, quia filii sumus, & timere, quia servi. Non potest igitur nec religio a sapientia separari, nec sapientia a religione secerni; quia idem Deus est, qui & intelligi debet, quod est sapientia; & honorari, quod est religionis. Sed sapientia præcedit; religio sequitur. Quia prius est, Deum scire, consequens, colere. Ita in duobus nominibus una vis est, quamvis diversa esse videatur. Alterum enim positum est in sensu, alterum in actu. Sed tamen similia sunt duobus rivis ex uno fonte manantibus.

2. Anima est pars præcipua, atque potissima, qua homines constant; ergo ut ipsa anima Deum peculiari ratione homines colant, recta ratio suadet; sed quia animam spirituales habent, tum intelligendi vi, tum libera voluntate præditi sunt: ergo tum quoad vim intelligendi, tum quoad liberam voluntatem ad Dei cultum summa cura intenti esse debent: ergo etiam actibus interioribus oportet, ut Deum diligentissime colant. Singula explicamus. Animam præcipuam, atque potissimam nostri partem esse, nemo dubitare potest: nam per eam non solum a brutis distinguimur, sed & quod præstantissimum est; operamur, & habemus, ut semper simus. Necessè autem esse, ut anima Deum peculiari ratione colamus, multa suadent: 1. quidem quia propter eam supra conditionem aliarum creaturarum elevamur: 2. quia ad Deum ipsa anima tantummodo pertingere possumus: 3. quia anima ex sui natura ad infinitatem tendit, & nunquam iis, quæ in hoc mundo continentur, expleri potest: quo constat, talem ejus naturam esse, ut ad solum Deum & converti debeat, & in eo quiescere possit: 4. quia ipsius Divinitatis peculiaribus argumenta in se habet. Si autem anima Deum peculiari ratione colere debet, quia vi intelligendi, ac libera voluntate prædita est; hisce duabus facultatibus suæ servitutis officium Deo exhibere debere, inde necessario consequitur.

Quapropter unusquisque summa cura occupatus esse debet tum ut cognoscat, quæ Dei sunt, prout fieri potest, tum ut quæ de Deo cogitanda, & in honorem ejus a se agenda esse videat, tum ut voluntatem illius perspicuum habeat. Quia ergo, ut ait S. Thomas lib. III. *contra Gentiles* cap. 118. nu. 2., sicut homo subditur Deo amando quantum ad voluntatem, ita subditur Deo credendo quantum ad intellectum, inde est, ut fide potissimum ipsum Deum intellectu colere debeat. Hoc vero est, quod Deistis quam maxime dispi-

displicet, quamvis rationi consentaneum omnino sit. Nam quando alteri certam, atque indubitatam fidem habemus, ei a nobis plurimum deferri, dubitari non potest: si ergo ipsi Deo supra omnes deferamus oportet, erga eum, quoque noster fidei cultus peculiaris esse debet. Deinde quæ nullo modo novimus, amare non possumus: quamvis autem, uti sapius observavimus, Deum & esse, & infinitas perfectiones habere debere, intellectui ailequamur; tamen tum quid sit, & quid ex perfectiones sint, ignoramus, neque fieri potest, ut Deum, sicuti in se est, modo videamus: ergo fide eum colamus oportet. Tandem quamvis fidelis sit, quæ de Deo certo noverimus, adhuc tamen plura supersunt, quæ noscere non possumus: utrumque autem constat ex iis, quæ usque modo discernimus, ergo oportet, ut intellectus noster fide illi subiciatur. Prob. con. Si ea definire, atque statuere velimus, quæ per nostram cognitionem non possumus, necesse est, fallamur: ergo ut quod de Deo debemus, sentire possimus, intellectus noster fide illi subiciatur oportet.

Jam vero, ut ait S. Thomas lib. III. *contra Gentiles* cap. 116. nu. 1., *adhæsiō, quæ est per intellectum, completionem recipit per eam, quæ est voluntatis, quia per voluntatem homo quodammodo quiescit in eo, quod intellectus apprehendit; quumque adhæsiō, quæ fit per amorem, sit potissima omnium, ideo ad adhæsiōnem intellectus nostri erga Deum, voluntatis quoque adhæsiō, quæ fit per amorem, consequi debet. Et re quidem vera semel ac libertate potissimum amplectendi quod volumus, nullum majorem cultum Deo exhibere possumus, quam si eum ceteris omnibus ita præferamus; ut nihil profus sit, quod nos ab amore illius amoveat: ergo si voluntate quoque oportet, ut omni cura Deum colamus, amore potissimum id præstare debemus. Inde vero consequitur, Divina lege, Divinique præceptis nihil apud nos antiquius esse debere, ita ut quavis jacturam potius subire, quam eam violare debeamus. Hinc recte Lactantius in initio *Epit. Dictionum Institutionum* 1., Quid tam, justum, inquit, ad aequitatem, tam pium ad honorem, tam necessarium ad salutem, quam Deum cognoscere ut parentem, venerari ut Dominum, ejusque legi, aut præceptis obtemperare? Et *Div. Instit.* lib. 4. ca. 3., si Divinitas, inquit, quæ gubernat hunc mundum, incredibili beneficio genus hominum sustentat, & quasi paternæ indulgentiæ fovet, vult profecto gratiam, sibi referri, & honorem dari. Nec constare homini ratio pietatis potest, si cælestibus beneficiis extiterit ingratus quod non est atque sapientis,.*

Prob. altera pars. Deus vel æquo jure, vel præter omne jus cunctarum rerum dominium obtinet. Hoc alterum dici non potest: nulla enim supremi domini argumenta occurrere possunt iis clariora, quæ in Deo sunt, uti jam demonstravimus; itaque quod habet dominium, æquo jure illi debetur: ergo creature rationales etiam exteriori cultu eum prosequi debent. Prob. con. Justum supremum dominium quoad eos, qui subiciuntur, obligationem secum affert, ut quibus possunt significationibus suam subjectionem profiteantur: ergo creature rationales peccant contra leges justitiæ, si etiam exteriori cultu Deum non prosequantur, quum & exhibere illum possint, & subiectio unius erga alterum hoc etiam genere cultus manifestari debeat.

2. Ut acceptum beneficium non solum animo, sed etiam re, prout ab unoquoque fieri potest, compensetur, officium est grati animi: ergo creature rationales exterioribus quoque significationibus suam erga Deum obligationem

cellari debent: ergo etiam exteriori cultu, qui consistit in actibus externis.

Hinc S. Bernardus ita unumquemque recte monebat de *Diversis* serm. 22. num. 9. „ Totum ergo, quod es, illi debes, a quo totum habes; illi præci-  
„ pue Domino; qui & te fecit, & benefecit tibi; qui tibi ministrat syderum  
„ cursus, aeris temperiem, fecunditatem terræ, fructuam ubertatem. Huic  
„ revera totis medullis, totis viribus serviendum „.

3. Internus verus cultus exteriorum quoque complectitur: ergo tum illo, tum isto Deum proficui debemus. Prob. ant. Neque verum obsequium habet illa cognitio, quæ ad id exterius quoque colendum non ducit, quod summò honore dignum esse perspicitur, neque veritatem amor ille habet, qui ea ratione, qua fieri potest, per dilectionem non operatur: ergo. Sed S. Augustinum audiamus lib. 10. de *Civit. Dei* cap. 19. contra eos, qui internum tantum cultum Deo offerendum esse contendebant, ita differentem: „ Qui autem putant,  
„ hæc visibilia sacrificia Diis aliis congruere, illi vero tamquam invisibili in-  
„ visibilia, & majori majora, meliorique meliora, qualia sunt puræ mentis, &  
„ bonæ voluntatis officia; profecto nesciunt, hæc ita esse signa illorum, sicut  
„ signa sonantia signa sunt rerum. Quocirca sicut orantes, atque laudantes ad  
„ eum dirigimus significantes voces, cui res ipsas in corde, quas significamus,  
„ offerimus; ita sacrificantes non alteri visibile sacrificium offerendum esse no-  
„ verimus, quam illi, ejus in cordibus nostris invisibile sacrificium nos ipsi  
„ esse debemus „.

4. Iis, quæ externo cultu peraguntur, nos excitari ad cultum internum, manifesta res est. „ Quia vero connaturale est homini ( inquit S. Thomas lib.  
„ III. contra *Gentiles* cap. 119. ) ut per sensus cognitionem accipiat, & diffi-  
„ cillimum est sensibilia transcendere, provifum est divinitus homini, ut etiam  
„ in sensibilibus rebus Divinorum ei commemoratio fieret, ut per hoc hominis  
„ intentio magis reducatur ad Divina. Ille etiam, cuius mens non est valida  
„ ad Divina in se ipsis contemplanda, & propter hoc instituta sunt sensibilia  
„ sacrificia, quæ homo Deo offert non propter hoc, quod Deus eis indigeat,  
„ sed ut representetur homini, quod se ipsum, & omnia sua debet referre in  
„ ipsum, sicut in finem, & sicut in Creatorem, & Gubernatorem, & Do-  
„ minum universorum. Adhibentur etiam homini quedam sanctificationes per  
„ quasdam res sensibiles, quibus homo lavatur, aut ungitur, aut pascitur, aut  
„ potatur, cum sensibilibus verborum prolatione, ut homini representetur  
„ per sensibilia intelligibilem donorum processum in ipso ab extrinseco fieri a  
„ Deo, cuius nomen sensibilibus vocibus exprimitur. Exerceantur etiam ab  
„ hominibus quedam sensibilia opera, non quibus Deum excitent, sed quibus  
„ se ipsos provocent in Divina, sicut prostrationes, genuflexiones, vocales cla-  
„ mores, & cantus, quæ non sunt, quasi Deus his indigeat, qui omnia  
„ novit, & ejus voluntas est immutabilis, & affectum mentis, & etiam mo-  
„ tum corporis non propter se acceptat; sed propter nos facimus, ut per hæc  
„ sensibilia opera intentio nostra dirigatur in Deum, & affectus accendatur;  
„ simul etiam per hoc profitemur Deum animæ, & corporis auctorem, cui &  
„ spiritualia, & corporalia obsequia exhibemus „. (a) Dices

(a) Ex hisce vero omnibus illud constat, quam manifeste pro suo more infirmas Auctor libri *Inferiptæ de Motu*, quando de part. art. 2. affirmat, exteriorum cultum in-  
„ iutatum non propter Deum, sed ut fo-

cietas omnium hominum unci posset in profusione uniti ejusdemque Religionis. Unde id quoque affirmare ausus fuit; si unus homo tantum existeret, exteriorum Deo cultum ab isto non esse exhibendum.

Dices contra secundam partem. Cultus externus in quibusdam actibus exterioribus consistit, qui majestate Dei indigni esse videntur : ergo nullo exteriori cultu Deum prosequi debemus.

R., dist. ant., indigni sunt Deo, si aliquid turpe in se contineant, con., si nihil habeant, quod honestati, ac recte observantiae consentaneum non sit, ne. Quamvis Deum etiam exteriori cultu nos prosequi debere defendamus ; tamen id simul omnino cavendum esse dicimus, ne in iis actibus, quibus perficitur cultus externus, aliquid contineatur, quod tum honestati, tum submissioris observantiae debito non conveniat, cujusmodi plura in prophanis Ethnicorum ritibus inerant. Ceterum si nihil non honestum, atque vera observantia plenum habeant actus exteriores, & per eos nostra subjectio erga Deum testata apertissime maneat, tum a nobis pro debito officio servitutis Deo reddendos, tum ipsi Deo gratiores futuros esse, quis non videat ? Quapropter ita Deitas omnem cultum exteriorum sublatus vellent, quia falsò, impieque arbitrantur, Deo convenire non posse, ut hac ratione colatur ; quemadmodum Epicalus ideo negavit, Deum rebus omnibus providere, quia falsò putavit indignum majestate ejus esse, hac inferiora curare.

Cont. Deus est spiritus : ergo spiritu tantum colendus est : ergo cordis solus cultus verus est.

R., ne. con. Externus cultus interiozem non excludit, sed tum distincte exprimit, tum etiam fovet. Et re quidem vera ut devotam erga Deum nos gerere voluntatem perspicuum fiat, nonne exterior cultus requiritur ? nonne ad Deum magis magisque diligendum per eum vel excitamur, & accendimur, vel elevamur, atque erigimur ? Nempe ita sumus ab ipsa natura, & constitutione nostra comparati, ut per externas actiones, & sensibiles animi quoque nostri moveantur. Deinde, cultu exteriori semel abrogato, quis inde futurum esse non videat, ut etiam internus vel omnino, vel saltem maxima ex parte abrogetur ? Nam tunc nihil amplius superesset, quo tum de existentia Dei, tum de dominio, potestate, atque auctoritate illius, homines imperiti facile, moneri possent. Quid ergo tunc futurum de plebe esset ? quid de aliis, qui studiis gravioribus non incumbunt ? quid de multis, qui vel præjudicio sensuum, vel lenocinio voluptatum abripiuntur ? Quid de omnibus, paucis exceptis, qui non semper graviora, & saniora meditantur ? Quapropter dubitari non potest, quin Deitas omnem Religionem de medio tollant, quando exterioris cultus inutilitatem defendunt. „ Est autem duplex cultus Dei ( uti recte monet „ S. Thomas 1. 2. quæst. 101. art. 2. ) interior, & exterior. Quum enim homo „ sit compositus ex anima, & corpore, utrumque debet applicari ad colendum „ Deum ; ut scilicet anima colat interiori cultu, & corpus exteriori : unde dicitur in Psal. 83. c. 3. *cor meum, & caro mea exultaverunt in Deum „ vivum*. Et sicut corpus ordinatur in Deum per animam ; ita cultus exterior „ ordinatur ad interiozem cultum. Consistit autem interior cultus in hoc, quod „ anima conjungatur Deo per intellectum, & affectum. Et ideo secundum „ quod diversimode intellectus, & affectus colentis Deum Deo recte conjun- „ guntur, secundum hoc diversimode exteriores actus hominis ad cultum Dei ap- „ plicantur „.

Cont. Religio est spiritualis : ergo.

R., Utique Religionem spiritualem esse maxime profitemur ; verum nihil inde

inde magis ineptum inferri potest, quam quod Deistæ vellent. Nam per cultum exteriorē interiorem animi devotionem tolli falso autumant, quum per eum excitetur, foveatur, atque nutriatur, uti ex iis, quæ usque modo disseruimus, apertissime constat. Quia de causâ si Deistæ cultum interiorem admittunt, & exteriorē negant, etiam quoad illum fides eorum merito suspecta esse debet. Uti enim recte monet S. Thomas 1. 2. qu. 108. art. 1. ad 1. „Regnum Dei in interioribus actibus consistit principaliter; sed ex consequenti etiam ad regnum Dei pertinent omnia illa, sine quibus interiores actus esse non possunt: sicut si regnum Dei est interior. iustitia, & pax, & gaudium spirituale, necesse est, quod omnes exteriores actus, qui repugnant iustitiæ, aut paci, aut gaudio spirituali, repugnent etiam regno Dei; & ideo sunt in evangelio Dei regni prohibendi.”

Tandem quando reponunt, cultum externum veræ pietati sæpe nocere, & homines ad superstitionem adducere, propriumque eorum tantum esse, qui stupidam devotionem nutriunt, insipientiam suam, atque impietatem aque produunt. Nam si factum est aliquando, ut nonnulli per cultum exteriorē ad superstitionem inclinaverint, id non cultus, sed ipsorum tribui debet vitio. Nihil enim etiam per ipsam naturæ rationem recte constitutum habemus, quod malitia, improbitate, vel infirmitate hominum perverti, & in pravam ulum applicari non possit. In hoc ergo per insipientiam peccant, dum cultui tribuunt, quod ad vitium hominum spectat. In altero autem quod faciunt, hoc est, dum cultum otiosorum hominum proprium esse blasphemant, suam impietatem promunt. Nam quid homini recta ratione prædito dignius, conformius, magisque curandum esse potest, quam ut debito officio servitutis corpore quoque internam erga Deum animi devotionem præseferat, illi famuletur, & obsequatur, atque ita non solum animi bona, sed etiam ipsius corporis, ab illo se accepta referre profiteatur? Vires corporis si non in Dei, in cuiusnam tandem obsequium applicari debent? Quid? ut alterum hominem externo honore prosequamur, recta ratio suadebit; Deum vero ut impense hoc quoque cultus genere prosequamur, momenti longe gravioribus manifestandum non erit? At nimis multa sunt, si singula referre vellemus, propter quæ Deistæ suæ impietatis pudere tandem aliquando deberet. Sicuti ergo quondam nonnulli exteriorē cultum Deo adhibendum esse inde negarunt, quia impie putabant, Deum non esse auctorem nostri corporis; ita quoque ab eadem rationem se idem sentire Deistæ recentiores aliis suspicandi occasionem præbent, quamvis pro naturali religione se pugnare profiteantur. Verum in hoc quoque, sicuti quondam illi se esse homines obliiti fuere, ita etiam isti obliiti sunt. „Propter hoc (inquit S. Thomas li. III. cō. Gent. cap. 139.) non est mirum, si hæretici, qui corporis nostri Deum esse auctorem negant, huiusmodi corporalia obsequia Deo fieri reprehendunt. In quo etiam apparet, quod se homines esse non meminerunt, dum sensibillum sibi representationem necessariam non iudicant ad interiorem cognitionem & affectionem. Nam experimento apparet, quod per corporales actus anima excitatur ad aliquam cognitionem, vel affectionem. Unde manifestum est convenienter etiam corporalibus quibusdam nos, uti ad mentis nostræ elevationem in Deum.”

## COROLLARIUM I.

*Ex iis, quæ usque modo differvimus, hæc quoque in re Hobbesii impietas manifeste constat.*

Nam lib. de Cive cap. 13. §. 4., & Leviathanis cap. 31., impius homo tradit, unamquamque creaturam propter suam imbecillitatem Deo obtemperare debere, qui idcirco habet jus dominandi, quia nemo est, qui potentia illius resistere possit (a). Quamvis enim verum sit, Divinæ potentia neminem resistere posse; origo tamen supremi juris, quod Deus supra omnia habet, aliunde repeti debet, (Art. 1. hujus quæst.). Deinde si potentia fundamentum esset supremi Divini juris, nihil inter Dei, & tyrannorum dominatum discriminis intercederet: nam quod juris illi habent, licet præter omnem rationem, tamen a potentia habent. Postremo illud quoque consequeretur, ut propter metum tantum Deo nos subiecti esse deberemus. Hobbesio autem consentire videtur etiam Auctor lib. inscripti: *Les Mœurs*, quum 1. par. cap. 2. affirmet, nos non debere Sultano cultum exhibere, quia ei non subijcitur; bene tamen Deo, non quia magnus est, sed quia illi subiecti sumus. Verum iste Philosophus, qui humanam rationem ita extollit, ut per se ad ea omnia assequenda, quæ homo etiam Deo præstare debet, sufficere posse contendat, luce ipsius rationis videre facile poterat, in Dei cultu duo simul contineri; hoc est, respectum, & ordinem ad excellentiam Dei, & quamdam professionem nostræ subjectionis, & unum sine altero esse non posse. Dicendum (inquit, S. Thomas 2.2. qu. 81. art. 3. ad 2.) quod eodem actu homo servit Deo, & colit ipsum. Nam cultus respicit Dei excellentiam, cui reverentia debetur. Servitus autem respicit subjectionem hominis, qui ex sua conditione obligatur ad exhibendum reverentiam Deo. Et ad hæc duo pertinent omnes actus, qui religioni attribuantur, quia per omnes homo proculatur Divinam excellentiam, & subjectionem sui ad Deum, vel exhibendo aliquid ei, vel iterum assumendo aliquid divinum. Et quidem verus cultus, qualis Deo debetur, sine cognitione, atque confessione Divinæ excellentiæ, esse non potest.

## COROLLARIUM II.

*Hic externus cultus, qui Deo debetur, talem esse oportet, ut vero interno cultui respondeat.*

Deo æque placere posse cultum, qui illi exhibetur secundum placita cunctis Religionis; etiam Mahumetana, Naturalistarum delirium est. Ita inter alios impie ita censet Auctor Operis inscripti: *Les Mœurs* par. 1. cap. 2. art. 2. Idem antea etiam Hobbesius docuerat lib. de Cive cap. 14., & 15., alique illi similes. Verum nihil magis impium, atque falsum dici potest. Nam, uti jam supra demonstravimus, cultus exterior ab interiori pendet, atque per eum manifestatur, quæ sit nostra de Deo sententia: ergo sicuti Deus pati non potest, immo etiam ratio ipsa non patitur, ut de eo malè turpiterque sentiamus,

(a) Hobbesio etiam Spinoza consentit de Monarchia cap. 2., & Tract. Theol. Polit. cap. 16.

mus, ita neque eos cultus pati potest, qui maiestati, & excellentiæ ejus nullo modo convenire possunt, praveque de eo nos sentire demonstrant. Deinde nonne ex eo quoque cultus exterior adhiberi debet, uti supra ex S. Thoma monuimus, ut mens nostra in Deum eleveatur? Qua vero ratione eo cultu, qui vel turpis, vel essentia Dei Divinisque attributis contrarius sit, id consequi possumus? Tandem quæro, an sincere Deum colere debeamus, an non? Si prius dederint; inde sequitur eos cultus a nobis repudiari debere, quos Divina maiestatis indignos esse videmus: si alterum; quid eo magis impium fingi potest? Religio ergo dicitur, ut ait S. Thomas 2.2. qu. 81. ar. 8. *secundum quod exhibet Deo debitum famulatum*, non qualemcumque sicuti illi impij volunt, in his; quæ pertinent specialiter ad cultum Divinum. Verum quærit: ultima Theologia Revelata hac de re contra Indifferentiam uberius differemus.

## Q U Æ S T I O V.

### DE DEO LEGISLATORE.

De ea lege hic loquimur, quæ cum ratione hominis indissolubili nexu ita coheret, ut una sine altera esse non possit. Hæc vero lex jus naturale dicitur, quod quidem quamvis a Deo suam originem habeat, non tamen provenit ab aliqua actione ejusdem Dei, quæ ab ea distinguatur, qua hominem condidit. Quum enim, ut diximus, hoc jus cum ratione hominis necessario conjunctum sit, consequens inde est, ut tum ipsa ratio, tum istiusmodi jus a Deo hominibus simul conferatur. Hinc, ut recte ait Cicero lib. 2. de *Natura Deor*; *seu ratione utentes, jure, ac lege vivimus*; bruta vero quamvis cognitione sensuum prædita sint, atque per ea id appetant, quod tum eisdem, tum humano corpori commune est; tamen certo jure, atque lege non agunt.

Est tamen advertendum, duplicem legem naturalem distingui posse, immo debere, quo nullus ambiguitatis locus superest, hoc est, unam promiscuam, atque omnibus naturis communem; alteram rationalis naturæ propriam, & ab ea inseparabilem: illa res omnes complectitur, quum sit ordo motuum omnium, quibus singula creata aguntur. Nam Deus, qui omnia sapientissime condidit, atque constituit, singulis rebus creatis, sive ex ratione, & sensu præditæ sint, sive neque rationem, neque sensum habeant, proprias inclinationes indidit, quibus earum natura regi posset, ita ut præter eas nihil aut pereat, aut oriatur, aut reviviscat. Lex autem, quæ rationalis naturæ propria est; homini necessario convenit, quatenus distinguitur ab omnibus creaturis irrationalibus. Hinc fit, ut & communem cum ceteris naturis, & propriam, ac peculiarem naturalem legem homo habeat. Hanc vero distinctionem S. Thomas 1. 2. qu. 104. art. 2. hisce verbis tradit: „ Inest enim primo inclinatio homini ad bonum, „ secundum naturam, in qua communicat cum omnibus substantiis, prout sci- „ licet quolibet substantia appetit conservationem sui esse secundum suam na- „ turam: & secundum hanc inclinationem pertinent ad legem naturalem ea, „ per quæ vita hominis conservatur, & contrarium impeditur. Secundo inest „ homini inclinatio ad aliqua magis specialia secundum naturam, in qua com- „ municat cum ceteris animalibus: & secundum hoc dicuntur ea esse de lege „ naturali, quæ natura omnia animalia docuit, ut est commixtio maris, &

„ for-



„feminar, & educatio liberorum, & similia. Tertio inest homini inclinatio  
 „ad bonum secundum naturam rationis, quæ est sibi propria; sicut homo ha-  
 „bet naturalem inclinationem ad hoc, quod veritatem cognoscat de Deo, &  
 „ad hoc, quod in societate vivat: & secundum hoc ad legem naturalem.  
 „pertinent ea, quæ ad hujusmodi inclinationem spectant; utpote quod homo  
 „ignorantiam vitet, quod alios non offendant, cum quibus debet conversari,  
 „& cetera hujusmodi quæ ad hoc spectant „.

Hac ergo de lege, quæ, ut diximus, inseparabilem cum ratione homi-  
 nis conjunctionem habet, ideo disputare instituius, ut qualis a Deo homo  
 prodierit, quæ ipsi Deo secundum leges rectæ rationis reddere debeat, quid  
 tandem a Deo in altera vita sibi expectandum sit, certius constare possit. To-  
 tam vero questionem tribus articulis complectemur: in 1. quæremus, num  
 hoc jus homines naturaliter institum habeant: in 2. a quo habeant: in 3. num  
 immutabiliter habeant.

## ARTICULUS I.

NUM DETUR LEX NATURALIS DIFFUSA IN OMNES HOMINES, PER QUAM  
 COGNOSCAN, QUOD SECUNDUM & BONUM, VEL MALUM EST.

**E**tiam inter antiquos Philosophos non defuerunt, qui legem naturalem omni-  
 no sustulerint: nam inter bonum, & malum morale aliqui nullum discrimi-  
 nen esse putarunt, ita ut nihil sua natura iustum, aut iniustum, honestum, aut  
 turpe esset. Carneadis hæc opinio fuit, Archelai, Aristippi, Epicuri, Pyrrho-  
 nis, & aliorum, uti apud Platonem tum lib. 11. de Republica, tum lib. 10. de  
 Legibus, legere est. Inter recentiores quoque Philosophos non defuerunt, qui  
 eadem ratione desipuerint: tanta enim Spinozæ insania fuit, ut in *Tractatu  
 Theologico-Politico* cap. 16. asserere non erubuerit, quod, Tam ille qui ratio-  
 nem nondum novit, vel qui virtutis habitum nondum habet, ex solis legi-  
 bus appetitus summo jure vivit, quam ille, qui ex legibus rationis vitam  
 suam dirigit: hoc est, sicut sapiens jus summum habet ad omnia, quæ ratio  
 dicitur, sive ex legibus rationis vivendi; sic & ignarus, & animi impo-  
 tens jus summum habet ab omnia, quæ appetitus suadet, sive ex legibus  
 appetitus vivendi... Jus itaque naturale cuiusque hominis non sana ratione,  
 sed cupiditate, & potentia determinatur. Homines illi boni, & mali ordi-  
 nis, & confussionis notiones sibi efformarunt, postquam sibi persuasissent om-  
 nia, quæ sunt, propter ipsos fieri: tunc in unaquaque re præcipuum judica-  
 re debuerunt, quod ipsis utilissimum, & illa omnia præstantissima æstimare,  
 a quibus optime afficiebantur „.

Hobbesius vero aliam rationem instituit, ut legem naturalem de medio  
 tolleret. In libro ergo, qui de Cive inscribitur, illud 1. tradit, homines na-  
 turaliter sibi invicem infestos esse, atque etiam lupis, ursis, atque serpentibus  
 ferociiores, & immaniores: 2. conformiter ad hæc principia asserit, in naturæ  
 statu unicuique licuisse facere in alterum, quod vellet: 3. legis naturalis hoc  
 præcipuum fundamentum esse statuit; pacem quærendam esse propter conserva-  
 tionem sui ipsius: 4. demum concludit (ut nonnulla alia hæc similia omittam) re-  
 gulas boni, & mali, iusti, & iniusti, honesti, atque inhonesti, esse leges ci-  
 viles; ita ut quod legislator præcepit, rectum, quod prohibuerit, impium

Tom. II.

G

sit „

fit. „ Natura (inquit ipse in lib. *de Cive* cap. 1.) dedit unicuique Jus in omnia ;  
 „ hoc est in statu mere naturali, sive antequam homines ullis pactis invicem  
 „ sese obstrinxissent, unicuique licebat facere quæcumque, & in quocumque  
 „ libebat, possidere, uti, frui omnibus, quæ volebat, & poterat. „ Hinc in  
 „ eodem capite affirmat : „ Omnium adversus omnes perpetuas esse suspensiones :  
 „ bellum omnium in omnes. „ Et ca. 5. „ Spes unicuique securitatis, inquit,  
 „ conservationis suæ in eo sita est, ut viribus, artibusque propriis proxi-  
 „ num suum, vel palam, vel ex insidiis præoccupare possit. „ Et de *Liber-  
 tate* cap. 2. Legem naturalem ita definit, „ Est igitur lex naturalis, ut eam de-  
 „ finiam, dictamen rectæ rationis circa ea, quæ agenda, vel omittenda sunt  
 „ ad vitæ membrorumque conservationem, quantum fieri potest, diuturnam. „  
 Tandem homo sibi inconstans cap. 12. de *Cive* ita concludit : „ Regulas boni,  
 „ & mali, iusti, & iniusti, honesti, & inhonesti, esse leges civiles ; ideoque  
 „ quod Legislator præceperit, id pro bono, quod vetuerit, id pro malo ha-  
 „ bendum esse. „ Quod actio iusta, vel iniusta sit, a jure imperantis prove-  
 „ nit. Reges legitimi, quæ imperant, iusta faciunt imperando ; quæ vetant  
 „ faciunt iniusta. „ Eadem etiam cap. 17. ejusdem libri tradit. Quis vero sum-  
 mam impietatem hominis cum adulandi libidine conjunctam non videat ?

Præter alios Lutheranos Samuel Pufendorfius Hobbesii hac de re doctri-  
 nam adoptavit. Hic siquidem lib. 2. de *Jure Natur.*, & *Gent.* cap. 3., in quo  
 agit de *Lege Naturali*, §. 4. affirmat, *objectum juris naturalis non esse neces-  
 sarium ante legem* : ex quo illud procul dubio efficitur, ne ipsam quidem legem  
 necessariam esse, sed omnino arbitrariam. §. 13. ejusd. cap. principia juris na-  
 turalis, seu universæ naturalis legis originem ex informatione populari, consue-  
 tudine, atque publico usu duci posse affirmat : ex quo consequitur, ut neque  
 una esse, & a multis ignorari possit. §§. autem 14. & 15. laud. cap. in amo-  
 re propriæ utilitatis, quæ rebus corporeis continetur, legis naturalis præcipuum  
 fundamentum reponit ; quamvis subinde fateatur, non oportere quemlibet *se,  
 ipsam solum reliquis omnibus ubique præferre, aut omnia propria utilitate meti-  
 ri*. Tandem lib. 1. de *Jure Natur.*, & *Gent.* cap. 11. §. 6. honestatem, vel  
 turpitudinem actionum etiam a legibus positivis repetit, ne ab Hobbesii doctri-  
 na tantisper defecisse videretur. Mirandum autem non est, Pufendorfium ita  
 sensisse : quamvis enim crassiores Hobbesii errores vel declinaverit, vel emol-  
 lire studuerit ; tamen quoad poterat, doctrinam illius affectabat, quo Electoris Pa-  
 latini gratiam sibi demereretur, uti Leibnitiussese audivisse refert : „ Relatum  
 „ mihi est, inquit, (a) quum primum ederet Pufendorfius elementa sua juris  
 „ prædictæ Hagæ Comitum an. 1660., hoc ipso captasse sibi favorem Electro-  
 „ ris Palatini, Caroli Ludovici, quod Hobbesium in præfatione commendave-  
 „ rit, ex eoque assumenda quædam putaverit sibi, quum nimium constaret ipsi,  
 „ summum Hobbesii admiratorem esse Electorem, cui & opus isthoc dedica-  
 „ vit, hæcque ratione meruisse, ut Professio Heidelbergensis ipsi demandare-  
 „ tur. „

Christianus Thomæus naturalem legem in eo reponit, ut unusquisque ea  
 prosequatur, quæ vitam ejus feliciorē, ac diuturniorem reddere possunt : „ Nor-  
 „ ma, (inquit ipse lib. 1. de *Norma Actuum humanorum* ca. 6. §. 21.) univer-  
 „ salis quarumvis actionum, & fundamentalis propositio juris naturæ, & gen-  
 „ tium,

(a) In *Ordo Hanoverano* pag. 181.

„tium, late sic dicti, hæc est: facienda esse, quæ vitam hominum reddunt  
„& maxime diuturnam, & felicissimam; & evitanda, quæ vitam reddunt infe-  
„licem, & mortem accelerant. „ Epicurus sane hæc certiora pro sua volup-  
tate fundamenta ponere non potuisset (a).

At longiores evaderemus, si singulorum hæc de re errores recensere ag-  
grederemur: nam posterioribus hæc temporibus Atheitarum, vel Deitarum  
nullus fere libellus prodiiit, in quo ejusdem auctor legem quoque naturalem  
de medio tollere omni ope non curaverit (b).

G 2

ceptis;

(a) Ad felicitatem autem vitæ anima-  
lis; non vero ejus vitæ, quæ secundum re-  
ctam rationem instituta sit, Thomæm ras-  
pexisse, inde constat, quia moralia præcepta,  
quæ in sacris literis continentur, diversæ esse  
rationis, diversumque sibi finem propositum  
habere, quam præcepta doctrinæ moralis,  
atque totius juris prudentiæ continentis de fin-  
damenti juris naturæ, & gentium ex sensu  
communis ducti cap. proximali §. 19. atque per  
illa veram felicitatem vitæ præsentis procura-  
ri dicit.

(b) Hujus generis sunt *Le Discours sur la  
vie heureuse*, Rousseau *sur l'origine de l'in-  
égalité des hommes*, *Les Mœurs*, *L'Esprit  
des Loix*, *L'Esprit*, Pope, atque similia.  
Impiissima Opuscula. Hic tamen illud obse-  
rvatum volumus, plerisque homines hujus sur-  
surus velles jus naturæ propriâ utilitate unius-  
cujusque esse definiendum. Quamvis non una  
eademque ratione id constituant, omnes ta-  
men in eo conveniunt, Hobbessius de Cive,  
cap. 1. §. 10. „Natura, inquit, dedit unicui-  
que jus in omnia; hoc est, in statu mere  
naturali, sive amicum homines ullis pa-  
cis invicem sese obstrinxissent, unicuique  
licebat facere quæcumque, & lo quoscum-  
que licebat, & possidere, uti, frui omni-  
bus, quæ volebat, & poterat. „ Ex quo  
etiam intelligitur in statu naturæ mensu-  
ram juris esse utilitatem. „ Spinosus *Tract.  
Theol. Polit.* cap. 16. „Quia, inquit, lex sum-  
ma naturæ est, ut unaquæque res in suo  
statu, quantum in se est, concure per seve-  
re, idque nulla alterius, sed tantum sui ha-  
bita ratione; hinc sequitur unumquodque in-  
dividuum jus summum ad hoc habere. „ Jus  
itaque naturale uniuscujusque hominis non sa-  
na ratione, sed cupiditate, & potentia deter-  
minatum est. „ Longe pejor itaque hominum,  
quam brutorum, erit conditio naturalis: nam  
cupiditates hominum nunquam expleri pos-  
sunt, contra vero brutorum; sicuti experien-  
tia compertum habemus. „ Nam lex huma-  
na naturæ (ita in suo systemate plinquam  
Epicureo habet Spinosus cap. 12. u.) univer-

salis est, ut nemo aliquid, quod esse bonum  
judicat, negligat, nisi spe majoris boni, vel  
metu majoris damni; nec aliquid malum  
perseverat, nisi ad majus evitandum, vel spe  
majoris boni. „ Atque hæc lex adeo fir-  
miter æternas veritates sit ponesda, quæ ne-  
mo ignorare potest. Ac ex ea necessaria  
sequitur neminem absque dolo promissi-  
um se jure, quod in omnia habet, ces-  
surum, & absolute neminem proquillis sta-  
turum nisi ex metu majoris mali, vel spe  
majoris boni. „ Ex quibus concludimus  
pactum nullam vim habere posse nisi ratio-  
ne utilitatis, qua sublata, pactum simul  
tollitur, & irritum manet. „ Hobbessius au-  
tem, & Spinosus vestigia præferunt non solum  
Samuel Pufendorfius, & Christianus Th. a-  
sius, uti jam vidimus, sed etiam novissimus  
Helvetius in suo impio Opere inscripto: *L'Esprit*.  
Discursus ergo primo hujus operis ca. 23.  
Scientiam morum adhuc esse in incubulis  
dolet, quando alix ad maturam ætatem jam  
pervenerunt. Se itaque omnibus manifestaturum  
principia veræ Moralitatis cap. 24. impudenter  
profiteretur. Ea vero esse ponit *dolorem, vor-  
lupatatem, & propriam utilitatem*. Unde etiam  
Discurs. 3. cap. 4. repetit a *physica sensibilitate*,  
ex qua dolor, & voluptas originem ha-  
bent; atque ex *propria utilitate* omnem ju-  
stitiam ac dimanare. Illud quoque fingit,  
homines initio mundi instar belluarum per de-  
seria loca fuisse dispersos omni lege, atque  
arte destitutos, postea tamen ob propriam  
utilitatem aliquam inter se inisse societatem,  
deindeque ad tuendam societatem fidas con-  
ventiones, quæ tamen propriæ utilitati, tan-  
quam sui præcipuo fundamento, insisteren-  
tur. Tunc vero primum actiones extitisse  
justas, aut injustas non minus impe, quam  
inepte Discurs. 3. cap. 4. concludit. Hæc vide-  
licet sunt præclarissima, atque subtilissima,  
principia scientiæ Moralitatis, quæ tanto cum su-  
percilio, atque audacia omnibus se manife-  
stare velle profiteretur. Verum non erat, cui  
huic se labori subiceret: nam ex eis multo  
jam

fit. „ Natura (inquit ipse in lib. *de Cive* cap. 1.) dedit unicuique jus in omnia ;  
 „ hoc est in statu mere naturali, sive antequam homines ullis pactis invicem  
 „ sese obstrinxissent, unicuique licebat facere quaecumque, & in quoscumque  
 „ libebat; possidere, uti, frui omnibus, quæ volebat, & poterat. „ Hinc in  
 „ eodem capite affirmat: „ Omnium adversus omnes perpetuas esse suspensiones:  
 „ bellum omnium in omnes. „ Et ca. 5. „ Spes unicuique securitatis, inquit,  
 „ conservationisque suæ in eo sita est, ut viribus, artibusque propriis proxi-  
 „ mum suum, vel palam, vel ex insidiis præoccupare possit. „ Et de *Liber-  
 tate* cap. 2. Legem naturalem ita definit, „ Est igitur lex naturalis, ut eam de-  
 „ finiam, disclamen rectæ rationis circa ea, quæ agenda, vel omittenda sunt  
 „ ad vitæ membrorumque conservationem, quantum fieri potest, diuturnam. „  
 Tandem homo sibi inconstans cap. 12. de *Cive* ita concludit: „ Regulas boni  
 „ & mali, iusti, & iniusti, honesti, & inhonesti, esse leges civiles; ideoque  
 „ quod Legislator præceperit, id pro bono, quod vetuerit, id pro malo ha-  
 „ bendum esse. „ Quod actio iusta, vel iniusta sit, a jure imperantis prove-  
 „ nit. Reges legitimi, quæ imperant, iusta faciunt imperando; quæ vetant  
 „ faciunt iniusta. „ Eadem etiam cap. 17. ejusdem libri tradit. Quis vero sum-  
 mam impietatem hominis cum adulandi libidine conjunctam non videat?

Præter alios Lutheranos Samuel Pufendorfius Hobbesii hac de doctri-  
 nam adoptavit. Hic siquidem lib. 2. de *Jure Natur.* & *Gent.* cap. 5. in quo  
 agit de *Lege Naturali*, §. 4. affirmat, *objectum juris naturalis non esse necessa-  
 rium ante legem*; ex quo illud procul dubio efficitur, ne ipsam quidem legem  
 necessariam esse, sed omnino arbitrariam. §. 13. ejusd. cap. principia juris na-  
 turalis, seu universæ naturalis legis originem ex informatione populari, consue-  
 tudine, atque publico usu duci posse affirmat: ex quo consequitur, ut neque  
 una esse, & a multis ignorari possit. §§. autem 14. & 15. laud. cap. in amo-  
 re propriæ utilitatis, quæ rebus corporeis continetur, legis naturalis præcipuum  
 fundamentum reponit; quamvis subinde fateatur, non oportere quemlibet *se  
 ipsum solum reliquis omnibus ubique præferre, aut omnia propria utilitate meti-  
 ri*. Tandem lib. 1. de *Jure Natur.* & *Gent.* cap. 11. §. 6. honestatem, vel  
 turpitudinem actionum etiam a legibus positivis repetit, ne ab Hobbesii doctri-  
 na tantisper defecisse videretur. Mirandum autem non est, Pufendorium ita  
 sensitse: quamvis enim crassiores Hobbesii errores vel declinaverit, vel emol-  
 lire studuerit; tamen quoad poterat, doctrinam illius affectabat, quo Electoris Pa-  
 latini gratiam sibi demereretur, uti Leibnitiussese audivisse refert, „ Relatum  
 „ mihi est, inquit, (2) quum primum ederet Pufendorfius elementa sua juris  
 „ prudentiæ Hagæ Comitum an. 1660., hoc ipso captasse sibi favorem Electro-  
 „ ris Palatini, Caroli Ludovici, quod Hobbesium in præfatione commendave-  
 „ rit, ex eoque assumenda quædam putaverit sibi, quum nimium constaret ipsi,  
 „ summum Hobbesii admiratorem esse Electorem, cui & optis isthoc dedica-  
 „ vit, hæcque ratione meruisse, ut Professio Heidelbergensis ipsi demandare-  
 „ tur. „

Christianus Thomassius naturalem legem in eo reponit, ut unusquisque ea  
 prosequatur, quæ vitam ejus feliciorẽ, ac diuturniorem reddere possunt: „ Nor-  
 „ ma, (inquit ipse lib. 1. de *Norma Actionis humanorum* ca. 6. §. 21.) univer-  
 „ salis quarumvis actionum, & fundamentalis propositio juris nature, & gen-  
 „ tium,

(2) In *Orio Hanoverano* pag. 181.

„ tium, late sic dicti, hæc est: facienda esse, quæ vitam hominum reddunt  
„ & maxime diuturnam, & felicissimam; & evitanda, quæ vitam reddunt infeli-  
„ licem, & mortem accelerant. „ Epicurus sane hæc certiora pro sua volup-  
tate fundamenta ponere non potuisset (a).

At longiores evaderemus, si singulorum hæc de re errores recensere ag-  
grederemur: nam posterioribus hæc temporibus Atheitarum, vel Deistarum  
nullus fere libellus prodiiit, in quo ejusdem auctor legem quoque naturalem  
de medio tollere omni ope non curaverit (b). Quam enim ipsius naturæ præ-

G 2

ceptis,

(a) Ad felicitatem autem vitæ anima-  
lis; non vero ejus vitæ, quæ secundum re-  
ctam rationem instituta sit, Thomassinus ex-  
spectasse, inde constat, quia moralia præcepta,  
quæ in sacris litteris continentur, diversæ esse  
rationis, diversumque sibi finem propositum  
habere, quam præcepta doctrinæ moralis,  
atque totius juris prudentiæ contineat de *Fun-  
damentis juris naturæ, & gentium ex sensu  
communis ducti* cap. proximal §. 19. atque per  
ista veram felicitatem vitæ præsentis procura-  
ri dicit.

(b) Hujus generis sunt *Le Discours sur  
la vie heureuse*, Rousseau *sur l'origine de l'in-  
égalité des hommes*, *Les Mœurs*, *L'Esprit  
des Loix*, *L'Esprit*, Pope, atque similia.  
Impiissima Opuscula. Hæc tamen illud obser-  
vatum volumus, plerique homines hujus sur-  
suris velle jus naturale propria utilitate unius-  
cujusque esse definiendum. Quamvis non una  
eademque ratione id constituant, omnes ta-  
men in eo conveniunt. Hobbessius de *Cive*,  
cap. 1. §. 10. „ Natura, inquit, dedit unicui-  
„ que jus in omnia; hoc est, in statu mere  
„ naturali, sive antequam homines ullis pa-  
„ ctis invicem sese obstrinxissent, unicuique  
„ licebat facere quæcumque, & in quocum-  
„ que licet, & possidere, uti, frui omni-  
„ bus, quæ volebat, & poterat. „ Ex quo  
„ etiam intelligitur in statu naturæ mensu-  
ram juris esse utilitatem „ Spinosus *Tract.  
Theol. Polit.* cap. 16. „ Quia, inquit, lex sum-  
ma naturæ est, ut unaquæque res in suo  
„ statu, quantum in se est, coarctetur perseveran-  
„ te, idque nulla alterius, sed tantum sui ha-  
„ bitu ratione; hinc sequitur unumquodque in-  
„ dividuum jus summum ad hoc habere. „ Jus  
„ itaque naturæ unicuique hominis non fa-  
„ na ratione, sed cupiditate, & potentia deter-  
„ minatur ei. „ Longe pejor itaque hominum,  
quam brutorum, erit conditio naturalis: nam  
cupiditates hominum nunquam expleri pos-  
sunt, contra vero brutorum; sicut experien-  
tia compertum habemus. „ Nam lex huma-  
na naturæ (ita in suo systemate pluriquam  
„ Epicureo habet Spinosus cap. 16.) univer-

„ sals est, ut nemo aliquid, quod esse bonum  
„ judicat, negligat, nisi spe majoris boni, vel  
„ metu majoris damni; nec aliquid malum  
„ perferat, nisi ad majus evitandum, vel spe  
„ majoris boni. „ Atque hæc lex adeo fir-  
„ miter naturæ humanæ inscripta est, ut in-  
„ ter æternas veritates sic ponenda, quæ ne-  
„ mo ignorare possit. At ex ea necessario  
„ sequitur neminem absque dolo promissio-  
„ rum se jure, quod in omnia habet, esse  
„ surum, & absolute neminem promissis sta-  
„ turum nisi ex metu majoris mali, vel spe  
„ majoris boni. „ Ex quibus concludimus  
„ pactum nullam vim habere posse nisi ratio-  
„ ne utilitatis, qua substat, pactum simul  
„ tollitur, & irritum manet. „ Hobbessius au-  
tem, & Spinosus vestigia præferunt non solum  
Samuel Pufendorfus, & Christianus Th. xi-  
sius, uti jam vidimus, sed etiam novissimi  
Helvetius in suo *Impio Opere* inscripto: *L'Esprit*.  
Discursu ergo primo hujus operis ca. 23.  
Scientiam morum adhuc esse in inenabulis  
dolet, quando alix ad naturam æternam jam  
pervenerunt. Se itaque omnibus manifestarum  
principia veræ Moralitatis cap. 24. impudenter  
proficitur. Ea vero esse ponit *dolorem*, *con-  
suetudinem*, & *proprium utilitatem*. Unde etiam  
Discurs. 3. cap. 4. repetit a *physica sensibilitate*,  
ex qua dolor, & voluptas originem ha-  
bent; atque ex *propria utilitate* omnem ju-  
stitiam ac dimittit. Illud quoque fingit,  
homines initio mundi instar belluarum per de-  
serta loca fuisse dispersos omni lege, atque  
arte destitutos, postea tamen ob propriam  
utilitatem aliquam inter se inisse societatem,  
deindeque ad tuendam societatem fidas con-  
ventiones, quæ rationi præcipue utilitati, tam-  
quam sui præcipuo fundamento, insisteren-  
tur. Tunc vero primum actiones extrinsecas  
justas, aut injustas non minus sumpe, quam  
inapte Discurs. 3. cap. 4. concludit. Hæc vide-  
licet sunt præclarissima, atque subtilissima  
principia Scientiæ Moralitatis, quæ tantum su-  
percilio, atque audacia omnibus se manife-  
stare velle proficitur. Vtrum non erat, cur  
hæc se labori subiceret: nam ea ex multis  
jam

ceptis, quæ nemini non nota esse possunt, impii homines semper sese redargui advertant, ideo, quo securius, quod vellent, assequantur, contra naturalem legem agere instituerunt.

Ad rem nostram modo deveniamus, & quid nomine legis naturalis intelligendum sit, quam distincte fieri potest, explicemus. *Participatio legis æternæ*, inquit S. Thomas 1. 2. quæ. 91. art. 2., *in rationali creatura lex naturalis dicitur*. Unde fit, ut jus naturale primo quidem in lege æterna contineatur, *secundario vero in naturali iudicatorio rationis humane*, ut ait idem S. Doctor 1. 2. quæ. 71. art. 6. ad 4. Ex eo autem; hoc est, iudicatorio rationis humane, proficiuntur *Diffusa rationis*, sive ex propositiones, aut iudicia, quæ in nostra mente excitantur, quando quidpiam agere, aut omittere debemus, quæque ostendunt, quid rectum, pravumve sit. Unde *huiusmodi propositiones universales rationis practica ordinata ad actiones habent rationem legis*, quæ quidem propositiones aliquando actualiter considerantur, aliquando vero habitualiter a ratione tenentur; ut observat S. Thomas 1. 2. quæ. 90. art. 1. ad 2.

#### LEMMA UNICUM.

*Quædam ex sui natura turpia esse, contra honesta alia, & rella rationi consentanea, nemo in dubium revocare potest.*

Qui hoc negaverit, illud oportet, ut affirmet, quæ honesta sint. & ad communem utilitatem quam maxime conferunt, talia esse vel institutione Legislatorum, vel principum decretis, vel iudicium sententis, aut consuetudine populorum; idem quoque quoad ea, quæ turpitudinem habent, & communem utilitatem pervertunt, ejus iudicium esse debet; sed hoc nullo modo fieri potuit: ergo. Prob. mi. Neque institutio Legislatorum, neque decreta principum, neque sententiæ iudicum, aut populorum consuetudines facere possunt, ut turpe sit, & communem utilitatem destruat, quod honestum est, & ad communem utilitatem confert; vel ut honestum sit, & ad communem utilitatem

jam tempore ab Epicureis didiceramus. Helvetio Rousseaus in eo antea præverat, & Hobbesium sequutus fuerat, ut putaverit homines vitam solitariam, atque sylvestrem instar brutorum primo egisse, deinde vero pauperum deposuisse rusticitatem, & quandam imperfectam societatem inisse, quæ deinde inventionem sermoris, atque artium aucta fuerit. Tunc enim, ipso delitante, contigit, ut homines, qui antea sensicivi tantum erant, rationabiles evaserint. Leges ergo ab inordinem duxisse arbitrat, qui eo tempore inter ceteros erant potentiores, atque altiores. Consultatur Opus illius inscriptum: *Discours sur l'Origine, & les fondam. de l'Inégalité parmi les hommes*, & Præfatio ad idem Opus. Quia vero semel ac leges suam vim a potentia sola Legislatoris habere ponitur, qui eas servat, propter propriam utilitatem servat; hoc est, ut poenam effugiat; inde

est, ut etiam Rousseaus jus naturale in propria utilitate reposuisse censendum sit. Navissime quoque Auctor impitissimi Opusculi inscripti: *Code de la Nature, ou le Véritablement de ses Loix* editi an. 1760., omnem legem naturalem a propria utilitate dimanare deliravit. Nam par. 3. pag. 141. affirmat, desiderium propriæ felicitatis facere, ut sine deliberatione ad nos omnia referamus; vult etiam quoniam aliis indigemus, per sensum amoris nostri nos poni in quadam necessitate benefaciendi aliis, nostramque imbecillitatem quandam inertis speciem esse, ob quam sicuti corpora ad recipiendum motum, ita etiam homines disponantur ad accipiendam moralem legem, quæ etiam moralia inter se ununtur. Hæc olimima fuit gravissima illa, atque solidissima principia, super quæ novam moralem legem summa cum impietate, atque absurditate ipse supererexit.

tem conferat, quod turpe est, & communi utilitati adversatur: id enim neque aliquando factum fuisse legimus, neque fieri posse constat: ergo tam honesta, quam turpia neque institutione Legislatorum, neque principum decretis, neque iudicium sententis, neque consuetudine populorum, talia esse possunt: ergo ex sui natura habent, ut sint.

Si autem Legislatorum sapientia, atque prudentia factum fuisse respondeant, ut ea præ ceteris selecta fuerint, quæ ad utilitatem boni communis, necesse erat, ut servarentur, reiectis aliis, quæ communi utilitati obfuerint; tunc nolentes, quod negant, admittunt; hoc est, quædam ex sui natura ita instituta esse, ut commune bonum ab iisdem pendeat, contra alia talem naturam habere, ut commune bonum per ea tollatur. Hinc recte Cicero lib. 1. *de Legibus*: „ Jam vero stultissimum illud, existimare omnia iusta esse, quæ scita sint in populorum institutis, aut legibus. Etiamne si quæ sunt tyrannorum leges? si triginta illi Athenis leges imponere voluissent; aut si omnes Athenienses delecerent tyrannicas legibus; num iccirco hæc leges iustæ haberentur? . . . . Quod si populorum iussis, si principum decretis, si sententiis iudicum, jura constituerentur; jus esset latrocinare, jus adulerare, jus testamenta falsa supponere, si hæc suffragiis, aut scitis multitudinis probarentur. Quæ si tanta potestas est iustorum sententiis, atque iussis, ut eorum suffragiis rerum natura vertatur; cur non faciunt, ut, quæ mala, perniciosaque sunt, habeantur pro bonis, ac salutaribus? aut cur, quum jus ex injuria lex facere possit, bonum eadem non facere possit ex malo? atqui, nos legem bonam a mala nulla alia, nisi naturæ, norma dividere possumus; nec solum jus, & injuria natura dijudicatur, sed omnino omnia honesta, ac turpia. Nam & communis intelligentia nobis notas res efficit, eaque in animis nostris inchoavit, ut honesta in virtute ponantur, in vitis turpia. Hæc autem in opinione existimare, non in natura posita, vere dementis est. Nam nec arboris, nec equi virtus, quæ dicitur, in quo abutimur nomine, in opinione sita est, sed in natura. Quod si ita est; honesta quoque, & turpia natura dijudicanda sunt. „

Horum argumentorum vim Hobbesum quoque sensisse apparet. Unde, quanvis in lib. *de Cive* cap. 12., 14.; & 17. docuerit, boni, & mali regulas esse leges civiles; tamen in cap. 6. ejusdem libri nonnulla esse tradit, quæ fieri non debent, etiam si a civili lege præcipiantur. Quo fit, ut turpitudinem aliquarum actionum independentem a legibus civilibus ipse quoque, vel invitus, agnoscat.

Verum quoniam res ista gravissima est, atque ab ea potissimum pendent, quæ de lege naturali mox disputaturi sumus, age, in eandem ex S. Thoma adhuc diligentius inquiremus.

Homines ex Divina providentia iudicium rationis naturaliter sortiti sunt, per quod, veluti per naturale principium, in suis actionibus dirigerentur (a):

princi-

(a) Homini iudicium rationis naturaliter inesse non solum per se constat, sed & ex iis quoque manifeste patet, quæ de anima hominis uberius differimus lib. 1. quæ 5. art. 7. & 8. Quum vero sit homini naturale, ut recte agat, quemadmodum ar. 2. quæst. 5.

hujus libri demonstravimus, atque tunc recte agat; quando sequitur principia rationis; naturaliter institutum esse bene concluditur, ut per rationem, veluti per naturale principium, in suis actionibus homo dirigatur.

principia autem naturalia ordinantur ad ea, quæ sunt naturalia, alioquin talia principia naturalia dici non possent: ergo debent dari aliquæ operationes naturaliter homini convenientes, quæ secundum se rectæ sint., Homines ex Divina providentia (inquit S. Thomas lib. III. *con. Gent.* ca. 129. nu. 2.) sortuntur naturale iudicatorium rationis, ut principium propriarum operationum: naturalia autem principia ad ea ordinantur, quæ sunt naturaliter: sunt igitur aliquæ operationes naturaliter homini convenientes, quæ sunt secundum se rectæ, & non solum quasi lege positæ.,

Præterea, uti prosequitur S. Thomas in eodem cap. nu. 3., Quorumcumque est natura determinata, oportet esse operationes determinatas, quæ illi nature convenient (a): propria enim operatio naturam ipsius sequitur: constat autem hominum naturam esse determinatam (b): oportet igitur operationes esse aliquas secundum se homini convenientes.,

Supra ostensum est (c) (inquit S. Doctor nu. 5.), quod omnis homo naturaliter hoc habet, quod utatur rebus inferioribus ad suæ vitæ necessitatem: est autem aliqua mensura determinata, secundum quam usus prædictarum rerum humanæ vitæ est conveniens, quæ quidem mensura si prætermittatur, sit homini nocivum, sicut apparet in sumptione inordinata ciborum: sunt igitur aliqui actus homini naturaliter convenientes.,

Secundum naturalem ordinem (pergit idem S. Doctor nu. 6.) corpus hominis est propter animam, & inferiores virtutes animæ propter rationem, sicut & in aliis rebus materia est propter formam, & instrumenta propter principalem agentem. Ex eo autem quod est ad aliud ordinatum, dicitur ei auxilium provenire, non autem aliquod impedimentum: est igitur naturaliter rectum, quod sic procuretur ab homine corpus, & inferiores vires animæ, ut ex hoc & actus rationis, & bonum ipsius minime impediatur, magis autem juvetur. Si autem secus accideret, erit naturaliter peccatum: vinolentiæ igitur & commensationes, & inordinatus venerorum usus, per quæ actus rationis impeditur, & subditi passionibus, quæ liberum iudicium rationis esse non sinunt, sunt naturaliter mala.,

Tandem nu. 7. ita concludit: Unicuique naturaliter convenienti ea, quibus tendit in suum finem naturalem; quæ autem e contrario se habent, sunt ei naturaliter inconvenientia. Ostensum est enim supra (d), quod homo naturaliter ordinatur in Deum, sicuti in finem. Ea igitur, quibus homo inducitur in cognitionem, & amorem Dei, sunt naturaliter recta; quæcumque vero e contrario se habent, sunt naturaliter homini mala.,

Hoc ergo semel constituto; hoc est, quædam ex sui natura turpia esse, contra alia honesta, legem naturalem hominibus inditam esse, probare aggredimur.

PROPO-

(a) Etiam ipsa experientia hoc abunde compertum habemus.

(b) Spirituale enim, immortaleque animam habet, quæ brutis convenire non potest, sicut ar. 2. qu. 5. lib. 2. ius civimus.

(c) Non oportet, ut hoc nos suadere contendamus illis, qui negant legem naturalem; nam illi plus etiam quam par est, uti in huius articuli initio observavimus, quærent commoda vitæ præsentis.

(d) Cyp. 112. lib. III. *cont. Gent.* S. Thomas hoc demonstravit. Idem vero constat ex illis, quæ huius lib. quæ. 11. differimus de Supremo dominio Dei in creaturas, de quæ rationalium creaturarum subiectione, atque cultu, quibus Deum uti suum principium, & ultimum finem agnoscere, ac profiteri debent.



**PROPOSITIO.** Homines legem naturalem habent, qua cognoscere possunt, quæ in se turpia, vel honesta sunt.

**Prob. prop.** Homines præditi sunt libera facultate agendi, vel non agendi (Art. 6. quæst. 6. lib. 2.); itemque recte, & ad Divinam voluntatem accomodate agere, est secundum naturam hominis (Art. 2. quæst. 2. lib. hujus): ergo naturaliter quoque id homines cognoscere debent, quod turpe, vel honestum est, seu quid agendum, vel omittendum sit. **Prob. consi.** Ex eo quod homines liberi sint, tam agere, quam non agere, tam unum, quam alterum agere possunt: ex eo autem quod eis secundum naturam conveniat recte, & ad Divinam voluntatem accomodate agere, secundum naturam eis convenire quoque debet, ut non agant, quod turpe, agant vero quod honestum est: ergo etiam secundum naturam convenire debet, ut cognoscant quod turpe, vel honestum est, alioquin non posset convenire secundum naturam, ut quod rectum, & honestum est, agerent, non agerent autem, quod est turpe: ergo naturaliter quoque id homines cognoscere debent, quod turpe, vel honestum est, seu quid agendum, vel omittendum sit; sed lex naturæ continet ea præcepta, quæ jubent, ut recte agamus, & ab omni malo abstinemus: ergo lex naturæ indita esse debet omnibus.

1. Lumen naturale in nobis inest, quo cognitionem multarum rerum assequi possumus: ergo lumine quoque naturali præditi esse debemus, quo cognoscamus ea, quæ agenda sunt. **Prob. consequ.** Ut præ ceteris omnibus ea nobis verimus, quæ agere, vel non agere debemus, nostræ naturæ potissimum convenit, tum quia rationalis est, tum quia ipsa sua sponte ob certum finem operari debet: ergo. „ Manifestum est (inquit S. Thomas 1. 2. quæst. 91. art. 2.), „ quod omnia participant aliquantulum legem æternam, in quantum scilicet ex „ impressione ejus habent inclinationes in proprios actus, & fines. Inter ce- „ tera autem rationalis creatura excellentiori quodam modo Divinæ providen- „ tiæ subijcet (hoc nos jam demonstravimus hujus lib. quæst. 2. ar. 3. schol. 1.), „ in quantum & ipsa sit providentiæ particeps, sibi ipsi, & aliis providens: „ unde & in ipsa participatur ratio æterna, per quam habet naturalem incli- „ nationem ad debitum actum, & finem. Et talis participatio legis æternæ in „ rationali creatura lex naturalis dicitur „.

Verum ex internis quoque sensibus animi nostri, ex conscientia, exque naturalibus inclinationibus, seu propensionibus hæc eadem res constat. Et quidem ut ab interioribus animi nostri sensibus exordiamur, nemo in dubium revocare potest, quoddam esse vitæ genus, quod necessario probamus, quædam esse vitæ principia tam evidentis æquitatis, atque sapientiæ, ut de eorum rectitudine nullus dubitare possit. Flagitiosum verò vitæ genus, pravum, atque inhonestum vivendi rationem, facere nemo potest, quin summopere aversetur: ut enim Cicero lib. 1. de Legibus recte observat: *Quæ natio non comitatem, non benignitatem, non gratum animum, & beneficii memorem diligit? Quæ superbos, quæ maleficos, quæ crudeles, quæ ingratos non aspernatur, non audit?* sed hic tum communis nationum sensus non allunde esse potest, nisi quia animis nostris insita sit lex naturalis: ergo interni animi nostri sensus manifesto argumento sint, naturalem legem mentibus nostris insculptam esse. Hinc uti sapienter observat S. Augustinus *Enarrat. in Psal. 56. vers. 1.* „ Cui iniquo non facile est loqui iustitiam? aut quis de iustitia interrogatus, quando non habet causam, non fa-

„ cile

„ esse respondeat quid sit iustum? Quandoquidem manu informatoris nostri in  
 „ ipsis cordibus nostris veritas scripta; quod tibi non via fieri, ne facias alte-  
 „ ri. Hoc & antequam Lex daretur, nemo ignorare permittus est, ut esset  
 „ unde judicaretur & quibus Lex esset data „

Etiam ex conscientia hominum hoc idem comprobatur: nam sicuti recte  
 institutam vitam grata, atque jucunda voluptas consequitur; ita etiam flagitia,  
 actionesque pravas metus, terrores, ac moleste sollicitudines comitantur. Im-  
 probos quidem impietati aliquando ita aduiscere posse fateor, ut ad stimulus  
 impietatis amplius non attendant; verum hi & rationalem naturam prope exuif-  
 se, atque aliam fere induisse videntur, & non semper sine omni sollicitudine,  
 atque timore fuerunt, & ad conscientia stimulus obsuadescere omnino non pos-  
 sunt, si ad ea, quæ agunt, serio advertant; ergo unusquisque ea principia in-  
 tra se habet, quibus quid turpe, vel honestum est, non cognoscere non possit.

„ Homo in specie constituitur (inquit S. Thomas 1. 2. qu. 2. ar. 2.) per ani-  
 „ mam rationalem, id autem ex iis quoque constat, quæ de anima rationali  
 „ quæ 5. lib. 2. fuisse jam disseruimus) & ideo id, quod est contra ordinem ra-  
 „ tionis, propriè est contra naturam hominis, in quantum est homo: quod  
 „ autem est secundum rationem, est secundum naturam hominis in quantum est ho-  
 „ mo. Bonum autem hominis est secundum rationem esse, & malum hominis præter  
 „ rationem esse „. Ex his vero consequitur, ut homo, quoadvisque tale ef-  
 „ se perlexerit, semper ex sui natura quæ bona, aut mala sunt, cognoscere pos-  
 „ sit „. Secundum naturalem ordinem (inquit idem S. Doctor III. lib. con. Gentiles  
 „ cap. 129. nu. 6.) corpus hominis est propter animam, & inferiores virtutes  
 „ animæ propter rationem... Ex eo autem quod est ad aliud ordinatum, di-  
 „ citur ei auxilium provenire, non autem aliquod impedimentum. Est igitur  
 „ naturaliter rectum, quod se procuretur ab homine corpus, & inferiores vi-  
 „ res animæ, ut ex hoc & actus rationis, & bonum ipsius minime impedia-  
 „ tur, magis autem juvetur: si autem secus acciderit; erit naturaliter pecca-  
 „ tum. Violentia igitur, & commellationes, & inordinatus venereorum usus,  
 „ per quæ actus rationis impeditur, & subdi passionibus, quæ liberum judi-  
 „ cium rationis esse non sinit, sunt naturaliter mala „.

Interno autem sensui, atque conscientia naturales quoque inclinationes,  
 seu propensiones respondent. Nam si omnia officia vitæ nostræ, sive erga Deum,  
 sive erga alios, sive erga nos, attente consideremus, multa sane recte facta  
 occurrunt, ad quæ naturaliter non inclinatos esse experimur. Si enim Dei na-  
 turam, ejusque infinitas perfectiones contemplemur, facere non possumus, quin  
 summa admiratione capti, eam colamus, atque veneremur. Quosnam vero gra-  
 tum animi sensus experimur, si ulterius advertamus, quanta beneficia a Supre-  
 mo Numine semper in nos profluxerint, & quotidie profluant? Hinc vero fa-  
 ctum fuit, ut omnes gentes suam Religionem haberint.

Neque ad amoris benevolentiaque officia erga alios præstanda minus in-  
 clinamur: nam tanta est illa vis, qua vel ad benivolum de aliis, vel ad  
 eorum miseria levandas commovemur, ut vel ignotis periclitantibus ultro ex  
 animo succurramus. Deinde amor prolis in parentibus, filiorum pietas erga  
 parentes, observantia erga eos, qui laude, atque honore digni sunt, familia-  
 res, & benevole consuetudines amicorum, præmiorum retributio, atque infi-  
 nitio pœnarum, aliaque multa his similia, nonne præclara officia sunt, quibus  
 natu-

naturaliter nos addictos esse sentimus, Tertio (inquit S. Thomas 1. 2. quæst. 94. art. 2.) inest homini inclinatio ad bonum secundum naturam rationis, quæ est sibi propria: sicut homo habet naturalem inclinationem ad hoc, quod veritate cognoscat de Deo, & ad hoc, quod in societate vivat: & secundum dum hoc ad legem naturalem pertinent ea, quæ ad huiusmodi inclinationem spectant, utpote quod homo ignorantiam vitet, quod alios non offendat, cum quibus debet conversari, & cetera huiusmodi, quæ ad hoc spectant.

Demum naturaliter quoque nos ad ea ferri, quæ commendant vitam nostram, experientia compertum habemus: nam & recte factorum gloria ducimur, & vitæ honestate letamur, ac diuturnos labores propter virtutem sustinuisse, gaudemus: contra autem si veris futilia bona præposuerimus, si nostræ inco-  
lunitati fugientem voluptatem prætulerimus, si parvum malum sustinere non volumus, ut maximum evitarem, interno dolore angimur, atque discredimur. Et re quidem vera etiam affectiones ipsius corporis, quid naturæ legibus consentaneum sit, manifeste declarant. Quandoquidem ut hilariorem vultum induamus, bona consentia, ac recte facta efficiunt; contra propter admissa crimina tristemur, atque conturbamur. Hinc Cicero. lib. 3. de *Natura Deorum* recte affirmavit, quod *virtutis, & vitiorum sine ulla Divina ratione grave ipsius conscientia pondus est*. Deinde uti argumentatur S. Thomas lib. III. con. Gent. cap. 129. nu. 5. „Omnis homo naturaliter hoc habet, quod utatur rebus inferioribus ad suæ vitæ necessitatem. Est autem aliqua mensura determinata, secundum quam usus prædictarum rerum humanæ vitæ convenientis est; quæ quidem mensura si prætermittatur, fit homini nocivum, sicut apparet in sumptione inordinata ciborum: sunt igitur aliqui actus homini naturaliter convenientes.

Apertissimum quoque pro lege naturali argumentum ex iudiciis nostris depromi potest. Nam etiam perditii homines, qui sine pudore, atque honestate vivunt, tamen facere non possunt, quin alienam virtutem laude dignam putent. Si autem impiorum propter insitam naturæ legem tale iudicium est, quamvis illorum agendi ratio contraria omnino sit; potiori jure ceterorum idem iudicium erit. Hoc vero potissimum constabit ex antiquiorum historia temporum, cuius nihil ad res nostras interesse possit. Quando enim alicujus recte facta legimus, facere non possumus, quin illa celebremus, atque commendemus, necque quin condemnemus, quando novimus male facta. Immo ne eum quidem celebrare possumus, ex cuius fraude plurimum utilitatis in nos diminuit. Hinc Cicero de *Finibus* lib. 5. *Quis, inquit, illum Numitorem Fregellanum proditorem, quamquam Republica nostra profuit, non odit?*

Diversam autem ut aliorum de hac re iudicii rationem, quam nostri, habemus, non patitur ea lex, quam in nostris animis insculptam habemus. Nam „Quis est, aut quis unquam fuit (ut ait Cicero lib. 3. de *Finibus*) aut avaritia tam ardenti, aut tam effrenatis cupiditatibus, ut eandem illam rem, quam adipisci scelere quovis velit, non multis partibus malit ad sese, etiam omni inpunitione proposita, sine facinore, quam illo modo pervenire „? Hinc etiam est, ut unusquisque aut occultare, aut excusare, vel etiam si opus sit, tamquam honesta ea traducere contendat, quæ se male gessisse videt: ac, quemadmodum lib. 1. de *Legibus* idem ait Cicero: impiorum „nemo tam audax unquam fuit, quin aut abnueret esse commissum a se facinus, aut iusti

Tom. II.

H

„ sui

„ sui doloris causam aliquam fingeret, defensionemque facinoris a naturæ jure aliquo quæreret.,,

Hæc omnia etiam Seneca lib.4. de Beneficiis cap.17. hisce verbis complexus est: „ Placet, inquit, siapte natura, adeoque gratiosa est virtus, ut insitum sit etiam malis, probare meliores. Quis est, qui non beneficis vi-  
„ deri velit? qui non inter scelera, & injurias opinionem bonitatis affectet?  
„ qui non ipsis, quæ impotentissime fecit, speciem aliquam induat recti? ve-  
„ lit quoque iis beneficium dedisse, quos læsi? Gratias quoque agi sibi ab iis,  
„ quos afflixere, patiuntur, bonosque se, ac liberales fingunt, quia præstare  
„ non possunt. Quod non facerent nisi illos honesti, & per se expectandi amor  
„ egeret moribus suis opinionem contrariam quærere, & nequitiæ abdere,  
„ cujus fructus concupiscitur, ipsa vero odio, pudorque est. Nec ququam,  
„ tantum a naturali lege descivit, & hominem exiit, ut animi causa malus  
„ sit. Dic enim cuilibet ex iis, qui rapto vivunt, an ad illa, quæ latro-  
„ cinis, & furtis consequuntur, malint ratione bona pervenire. Optabit ille,  
„ cui gratiari, & transeuntes percutere quævis est, potius illa invenire, quam  
„ eripere. Neminem non reperies, qui non nequitie præmiis sine nequitia,  
„ frui malit. Maximum hoc laudemus naturæ meritum, quod virtus in omnium  
„ animos lumen suum præmittit; etiam qui non sequuntur, illam vident.,,

Tandem, ut multa alia omittamus, consensionem populorum sapientum au-  
„ thoritate firmatam, quamdam naturæ vocem esse negari non potest (Quæst. lib.1.  
„ art.1. §.1.); sed & naturalem legem nobis inditam, & insulsi notions in  
„ omnium animis insitas esse, cunctæ gentes agnoverunt, & Sapientiores semper  
„ testati sunt: nam ut ait Tullius lib.2. de Legibus: „ Hanc video sapientissimo-  
„ rum fuisse sententiam, legem neque hominum ingenio excogitatam, nec sci-  
„ tum aliquod esse populorum, sed æternum quiddam, quod universum mun-  
„ dum regeret, imperandi, prohibendique sapientiam, : nullus ergo hac de re  
„ dubitandi locus superesse potest.

Dices I. Quod vocamus jus naturæ, præjudicatæ infantie, atque educa-  
„ tionis opiniones quædam sunt, ad quas docti, & instituti sumus: ergo.

R., nihil stultius hac argumentatione fingi posse, quam contra legem na-  
„ turalem perique Deitæ afferunt; si tamen hæc, quæ opponunt, quamdam  
„ argumentationem in se continere, dici possit. Quandoquidem educationem, ac  
„ institutionem non unam omnium eandemque esse, quis non novit? ergo si lex  
„ naturalis ab educatione, atque institutione penderet, nulla præcepta commu-  
„ nia apud omnes essent; sed multa sunt præcepta communia apud omnes, uti  
„ jam demonstravimus: ergo fieri non potest, ut lex naturalis ab educatione,  
„ & institutione pendeat. Quapropter quamvis rectam, aut pravam institutionem  
„ ad explicandas, vel obscurandas eas leges, quibus ipsa natura imbuti sumus,  
„ plurimum conferre posse concedamus; tamen ab ea neque suam originem ha-  
„ bent, neque omnino deleri possunt. Et re quidem vera præjudicia educatio-  
„ nis, atque institutionis non solum a sapientioribus, sed etiam ab imperitis ho-  
„ minibus exui quotidie videmus; contra ac contingit in naturæ judiciis. Unde  
„ quod neminem unquam naturæ legem, seu quoddam præjudicium, a se omni-  
„ no abjecisse legimus, argumento est, non in præjudicata opinione, sed in ipsius  
„ rationalis naturæ principiis eam consistere.

Contr. Quod naturale est, id & nobiscum congenitum, & commune est  
omni-

omnibus, ac semper constans; sed leges, quæ naturales dicuntur, neque nobiscum congenitæ, neque omnibus sunt communes, neque in omni ætate ædem semper fuerunt: ergo. Minor quoad primam partem constat, quia nullum est principium vitæ moralis, quod ab ipsa infantia noverimus. Evidens quoque est quoad alias partes: neque enim nationes desunt, quæ ferarum more vivant, & virtutis, atque vitii etiam nomina ipsa incognita habeant: ergo.

R., dist. ant. quoad primam partem; atque inde connaturalia nobis non esse moralia principia inferri potest, ne, aliquid temporis requiri, ut in nobis evolvantur, con., & distingo etiam quoad alias partes: quoad prima principia speculative accepta, ne, quoad prima principia prædictæ accepta, vel quoad ea, quæ inferuntur ex illis, con. Plura ergo esse, quæ licet ab ipsa natura insita sint, tamen non statim apparent, sed requirunt aliquod temporis spatium, ut explicentur, dubitari non potest. Ita ferre flores, atque fructus arboribus connaturale est, quamvis statim ac in terra defixæ sunt, nihil horum producant. Plures quoque in hominibus, sicuti in ceteris animantibus propensiones sunt, quæ decurrentibus annis sese produunt. Unde quamvis præcepta vivendi nonnisi post confirmatam ætatem nobis assurgant; tamen ea connaturalia esse, dici debet, quia una cum ratione ipsa evolvuntur, atque explicantur.

Duplici autem ratione legis naturalis prima principia sumi possunt; & prout in mente hominis ea existunt, & prout ad praxim reducuntur. Rursus lex naturalis non solum quædam prima principia quam maxime communia completitur, sed etiam nonnulla alia continet, quæ ex iisdem prodeunt, aut facili ratiocinio inferuntur. Si ergo secundum primam rationem accipiantur, omnibus communia sunt, neque fieri potest, ut ab aliquo mente deleantur: si autem sumantur secundum alteram, contingit aliquando propter improbitatem, & pravam agendi modum, ut deleantur, & tunc quispiam etiam in re evidenti, ac maxime perspicua aliter operatur, ac agendum esse cognovit. Unde fit, ut deleantur in *particulari operabili*, ut inquit S. Thomas 1. 2. qu. 94. art. 6. Quod vero attinet alia præcepta, quæ ex primis consequuntur, propter pravam educationem, falsas persuasiones, aut turpem agendi modum, ex hominum cordibus deleri posse concedimus. Hinc autem factum fuit, ut apud nonnullos atrocissima peccata esse non reputarentur. Neque mirandum est, legem naturalem vel in *particulari operabili*, vel quoad ea, quæ ex primis ejusdem principii consequuntur, deleri posse: quandoquidem etiam in primis principiiis speculativis; quæ ab ipsa natura nobis insita esse nemo diffitebitur, idem contingit. Nam nunquam fiet, ut putet aliquis totum non majus esse sua parte, & tamen homo imperitus talem argumentationem insinulare potest, ut contra evidentiam hujus principii peccet. Simili modo ea, quæ ex primis speculativis principiiis inferuntur, non omnibus æqualiter nota sunt, quia ad ea major advertentia adhibeatur oportet. Sic igitur (inquit S. Thomas 1. 2. qu. 94. art. 4.) in speculativis est eadem veritas apud omnes tam in principiiis, quam in conclusionibus, licet veritas non apud omnes cognoscatur in conclusionibus, sed solum in principiiis, quæ dicuntur communes conceptiones. In operativis autem non est eadem veritas, vel rectitudo practica apud omnes quantum ad propria, sed solum quantum ad communia, & apud quos est rectitudo in propriis, non est æqualiter omnibus nota. Quantum vero ad propria conclusiones rationis speculativæ est eadem veritas apud omnes, non tamen æqua-

„liter omnibus nota. Apud omnes enim verum est, quod triangulus habet  
 „tres angulos aequales duobus rectis, quamvis hoc non sit omnibus notum. Sed  
 „quantum ad proprias conclusiones rationis practicae nec est eadem veritas, seu  
 „rectitudo apud omnes, nec etiam apud quos est eadem, aequaliter nota...  
 „Sic igitur dicendum est, quod lex naturae quantum ad prima principia com-  
 „munia est eadem apud omnes & secundum rectitudinem, & secundum noti-  
 „tiam; sed ut in paucioribus potest deficere & quantum ad rectitudinem pro-  
 „pter aliqua particularia impedimenta (sicut etiam naturae generabiles, & cor-  
 „ruptibiles deficiunt ut in paucioribus propter impedimenta), & etiam quantum  
 „ad notitiam, hoc propter hoc quod aliqui habent depravatam rationem ex  
 „passione, seu ex mala consuetudine, seu ex mala habitudine naturae... „

Quod autem naturale est, est etiam similiter quoad prima principia, seu quoad substantiam, non vero quoad ea, quae ex primis principiis consequuntur, seu quoad modum constans, atque uniforme. Hujus autem rei praeter alias, quas adduximus, haec quoque ratio esse potest, quia haec secundaria principia mentem hominum ita vivide non afficiunt, ut vel institutione, vel consuetudine, vel prava persuasionem facile deleri haud possint.

Ad nonnullarum gentium exempla, quae Deitae opponunt, quibus gentibus in usu fuit, aut vesci humanis carnibus, aut agros morti proximos inclementiae aeris exponere, aut alia similia facere, quae cum lege naturali manifeste pugnant, praeter ea, quae supra diximus, hoc est legem naturalem *in particulari operabili* in aliquibus extingui posse, reponimus inquam, 1. haec, & alia similia vel falsa omnino esse, quia in mores illarum gentium non satis diligenter inquirere, qui haec de illis posterorum memoriae prodiderunt; vel calumniandi studio eadem ratione conficta, quae primis christianis contigit, ut ab Ethnicis tamquam Athei traducerentur. 2. Illud quoque advertatur oportet, iudicium legis naturalis ex paucis quibusdam ferendum non esse, qui bellicarum vivendi morem sequuti sunt, & naturam humanam propemodum exuisti videntur: quemadmodum ex monstros, quae humanae speciei conditio sit, desinendum non est. 3. Fieri potuisse constat, ut illae consuetudines, quae ab omni humanitate alienae nobis videntur, & revera sunt, fuerint a rectis principiis non recte derivatae, & male ad usum accommodatae. Ita qui agros morti proximos inclementiae aeris exponebant; ob commiserationem hoc fortasse fecerunt, ne, scilicet aegrotantium poena diutius protraheretur. 4. Sicuti contingit, ut qui ira, atque odio in alterum perciti sunt, vitam ei vel crudeliori, ac immaniori modo contra evidentissimam naturae legem eripere audeant; ita quoque fieri potuit, ut nonnullae gentes quo plenius odium, quod erga suos inimicos conceptum habebant, exlaturare possent, postquam eos in sui potestatem redegerant, eorundem caribus vescerentur: nam inimicorum potissimum carnibus nonnullos vesci consuevisse legimus. Unde sicuti non propter sevitiam illorum ita nec propter illorum crudelitatem dici potest sine lege naturali nos esse 5. Etiam, sine causa odii, sola ciborum delectatione, praesertim quum humanam carnem gustu esse suavem ferant, ita potuit fieri, ut homines contra naturae legem carne humana vesci amarent, quemadmodum aestu, & delectatione libidinis filii parentibus, & parentes filii carnaliter commiserentur contra naturae legem sua sponte commixtionibus ejusmodi interno quodam sensu abhorrentem. Verum, uti jam diximus, de lege naturali iudicium ferri non debet ex pravis, atque  
 omni-

omnino irrationabilibus consuetudinibus aliquorum, qui ipsam humanam naturam, exiisse videntur, atque a ceteris omnibus habentur, & revera sunt, veluti quædam monstra ipsius humanæ naturæ.

Cont. magnam tum in Religione, tum in iis omnibus, quæ ad Religionem aliquo modo pertinere possunt, diversitatem opinionum apud varias nationes fuisse, & etiam modo esse, atque tum Legislatores, tum Philosophos alia, atque alia de Religione sensisse, nemini ignotum est: ergo lege naturali nihil certe constitutum est, ideoque nulla datur lex naturalis.

R., primorum principiorum unam semper omnium gentium consensionem fuisse, quamvis non idem quoad ea contingerit, quæ ex primis principiis consequuntur. Ita aliquod supremum Numen colendum esse, apud omnes semper certum fuit: quamvis circa modum, quo coli deberet, nonnulli tam inepte desipuerint, ut etiam proprios filios Diis immolandos esse censuerint. Simili ergo ratione contigit, ut gentes, vel in modo, quo prima principia moralia executioni demandari debent, vel in iis, quæ ex iisdem consequuntur, inter se non consenserint: ceterum notio primorum principiorum & communis, & una apud omnes semper fuit, quamvis nonnulli, etiam repugnante conscientia, contra illa egerint, ac etiam quotidie agant.

Philosophi autem, & Legislatores in rebus obscurioribus tantum inter se dissentiunt. Quare bonum fugiendum, malum amandum esse, neminem eorum unquam præcepisse legimus, quamvis sæpe contigerit, ut pro bono malum, & pro malo habuerint bonum. Hinc etiam est, ut Legislatores injuriam alteri faciendam esse nunquam præceperint, licet quandoque ea statuerent: per quæ injuria alteri inferretur. Non ergo dubitari potest, quin tum Philosophi, tum Legislatores quoad prima principia inter se consenserint, etsi de iis, quæ ex primis principiis consequuntur, varia, atque anceps illorum opinio fuerit.

Dices II. cum Spinoza (a). Summo jure id unusquisque appetit, quod sibi utile esse putat, sive sana ratione, sive affectum cupiditate ducatur: illud autem quacumque ratione potest, aut vi consequi, aut dolo, aut precibus, studere debet: nam juris, & naturalis institutionis nomine ex regulæ intelliguntur, quæ unicuique propriæ sunt; & secundum quas ad certa ratione agendum determinatur: itaque nulla sunt naturæ præcepta, quæ omnibus communia sint (b).

R., in

(a) *Tract. Theologico-Politico* cap. 6.

(b) Velle Spinozam unum cum ceteris impiis hominibus unusquisque secundum utilitatem propriam constituendum esse, hujus rei initio jam adnotavimus. Propriam autem utilitatem esse fundamentum juris naturalis Spinozam contemnens, dubitari non potest non solum in eo statu naturæ, in quo uti ipse effusi *Tract. Theol. Polit.* cap. 19., nullus erat *justus*, ut *impia*, *puro*, *acimpuro*, sed etiam postquam unusquisque, sicuti ipsa impie prosequitur, *juri suo naturali cessit*, & omnes idem *in omni*, vel *in aliquo*, vel *in unum transiisse*; & tum demum nobis primum innotuit, quid *justitia*, quid *injustitia*, quid *equitas*, quidque *iniquitas* esset. *Qua autem ratione*, in-

quit *Tract. Theol. Polit.* cap. 16. *passum hoc* (societatis) *iniri debeat*, ut *ratum fixumque sit*, *hic jam videndum*. Rationem ergo exponere aggreditur, qua conventiones inunda sunt, Videamus itaque, num unusquisque propriam utilitatem præcipuum conventionum fundamentum esse constituat. Lex humanæ naturæ, *inquirit*, universalis est, ut nemo aliquid, quod bonum esse judicat, negligat, nisi ipse majoris boni vel ex metu majoris damni; nec aliquid malum perlerat, nisi ad majus evitandum, vel ipse majoris boni hoc est, unusquisque de duobus bonis, quod ipse majus esse judicat, & de duobus malis, quod minus sibi videtur, eligat: dico expecte, quod sibi eligenti majus, aut minus videtur, non quod res necessario ita se

ita.

R., in hac argumentatione & plura Atheisticæ impietatis argumenta infestæ, & multa contineri, quæ politicam, atque civilem societatem omnino destruant. Nam nullum Supremum Numen præesse supponitur, ad cuius nutum actiones regere, ac moderari debeamus. Rationi autem, propter quam homo a brutis distinguitur, idem ac inferioribus appetitibus dominatus tribuitur. Quo fit, ut una, atque eadem tum hominum, tum brutorum, agendi ratio sit, atque esse possit. Si autem, quod sibi utile est, vi, dolo, precibus, atque alia quavis inipudentiori ratione quis contendere potest, nulla certe non solum Religionis sanctitas, sed neque etiam iusti domini maiestas, magistratuum auctoritas, mutua, familiarisque confociatio inter homines reliqua esse potest. Quandoquidem omnes tum politicæ, tum civiles leges pervertantur oportet, semel ac unusquisque conari possit, ut quavis arte consequatur, quod sibi utile esse putaverit. Unde recte Tullius lib. 1. *de Legibus* : „ Si utilitate omnia metienda sunt, negliget leges, easque perumpet, si poterit, is, qui sibi eam rem fructuosam putabit fore. Ita fit, ut nulla sit omnino iustitia, si neque natura est, & ea, quæ propter utilitatem constituitur, utilitate alia convellitur; atque si natura confirmata jus non erit, virtutes omnes tollantur. Ubi enim liberalitas? ubi patriæ charitas? ubi pietas? ubi ad benemercendi de altero, aut referenda gratiæ voluntas poterit existere? Nam hæc nascuntur ex eo, quod natura propensi sumus ad diligendos homines, quod fundamentum juris est. „

At

habet. Atque hæc lex adeo firmiter naturæ humanæ inscripta est, ut inter ceteras veritates sit ponenda, quas nemo ignorare potest. „ Quod vero eandem illud est, quod ex hac lege consequi vult? At ex eo necessario sequitur, neminem absque dolo promissurum, se jure, quod in omnia habet, casurum, & absolute neminem promissis staturum, nisi ex metu majoris mali, vel spe majoris boni. Duo ergo sunt, quæ ex hac lege consequi vult æquæ impia, atque humana societati perniciosa: 1. eum, qui cum altero de re aliqua convenit, eum fraude cedere, juri, quod in omnia habet: ergo omnis conventio dolosa esse debet propter propriam utilitatem; 2. solam spem majoris boni, vel timorem majoris mali facere posse, ut quispiam promissa servet: nisi ergo assulgeat spes majoris boni, vel instet metus majoris mali, hoc est, nisi quis videat majus bonum sibi provechire posse, si promissionem servet, quam si non servet; vel sibi majus malum advertat impendere, si promissionem non servet, quam si servet, promissionem frangere poterit: ergo propter propriam utilitatem promissionem frangere poterit. Ita sana. *Ita quibus concludimus, inquit Spinoza, pactum nullam vim habere posse nisi ratione utilitatis, quæ subleat, pactum simul tollitur, & irritum manet.... Unusquisque natura jure dolo agere potest, nec pactis stare tenetur, nisi spe majoris boni, vel metu majoris mali, At Spino-*

za hæc alia quoque habet, quibus standum esse conventionibus videtur innuere; semel ac quispiam suo juri cedit. Verum, loquitur, quia, jam ostendimus, juri naturale sola potentia terminari, sequitur, quod quantum unusquisque potentia, quam habet in alteram, vel vi, vel sponte transferi, tantum etiam de suo jure alteri necessario cedere. Verum pactis standum esse, scietis ac quispiam cedit suo juri in favorem alterius, illa vel succedent, vel non succedent: si prius, in eodem cap. Spinoza sibi contradicit, quia pactum nullum vim habere potest nisi ratione utilitatis: si alterum; semper habemus, quod volumus. At vero in pactis nullam vim inesse nisi ob solam utilitatem, hic quoque Spinoza tradit. Nam juxta eum nemo promissis stare debet, nisi metu majoris mali; quinam vero ille est, cui propter istam conventionem obtemperare alii debent? Qui summam habet potestatem, inquit Spinoza, qua omnes vi cogunt, & metu summi supplicii, quod omnes universales timeant, retinere potest: ergo Spinoza semper illud concludit propter metum majoris mali standum esse promissis. Hoc autem ita ultimo confirmat: Quod quidem juri tandem tantum retinebit, quando hanc potentiam quicquid vellet exequendi conservabit; alias precario imperabit, & utrum fortior, nisi vellet, si obtemperare tenetur tunc enim nullum amplius damnum metuere poterit.



At mirandum non est, Spinosam eo usque desipuisse, ut legem naturalem in cupiditate repositur: quum enim nullius Religionis homo sit, consequens inde est, ut animalis vite jura tuenda suscipiat.

Cont. Saltem quoad eos, qui ignorant præcepta rationis, jus naturale a potentia, vel cupiditate originem ducit: ergo quoad istos nulla datur lex naturalis (a).

R., fieri non posse, ut aliqui sint, qui in eorum omnium ignoratione versentur, quæ recta ratio suadet: sicut enim impossibile est, ut aliquis homo sit, qui rationem non habeat; ita etiam esse non potest, ut omnia præcepta rectæ rationis ignoret.

Dices III. Tum ex ea societate, ad quam homines naturaliter inclinare, tum ex illis officiis, quæ sibi mutuo naturaliter præstare dicuntur, legis naturalis existentia probatur; atqui nihil tale in homine naturaliter inest: ergo. Prob. mi., Illud axioma: hominem esse animal politicum, seu ad societatem natum, a plurimis receptum, falsum est; errorem a nimis levi naturæ humanæ contemplatione profectus est, inquit Hobbesius (b): ergo.

R., nihil magis a veritate alienum esse posse, quam hominem ad societatem naturaliter inclinatam non esse: nam Philosophi omnes, qui de officiis, aut re politica scripserunt, homines societatem naturaliter appetere, pro certo habuere. Falsum ergo est, a nimis levi naturæ humanæ contemplatione hunc errorem profectum esse: immo vero Hobbesii impudentiam quis ferat nimis levem naturæ contemplationem omnibus omnium temporum philosophis arroganter obicientis? Et re quidem vera esse hominem animal sociale, ex hoc ostenditur (inquit S. Thomas lib. III. con. Gen. cap. 129. nu. 4.) quod unus homo solus non sufficit ad omnia, quæ sunt humanæ vitæ necessaria. Ea igitur, sine quibus societas humana conservari non potest, sunt homini naturaliter convenientia. Humani autem sunt, unicuique, quod suum est, conservare, & ab injuriis abstinere.

At vero etiam ipsa experimentia constat, neminem unquam fuisse, qui ab omni societate naturaliter abhorreret. Nam etiam ipsi pueri vel a teneris annis aliorum societatem querunt, atque amant. Id autem argumento est, quod, natura vi rationis hominem conciliat homini, & ad rationem, & ad vitæ societatem: ingeratque imprimis præcipuum quemdam amorem in eos, qui procreati sunt: impellitque, ut hominum cæteris, celebrationes, & esse, & a se obiri velit; ob easque causas studeat parare ea, quæ suppedient & ad cultum, & ad victum (c).

Quæ autem in pueritia eadem semper ad mutuam societatem naturalis inclinatio perseverat: nam & semper avenus aliquid audire ab aliis, & quæ ipsi noverimus, aliis referre gestimus. Quin etiam si quis ea asperitate est, & immanitate naturæ, ut congressus, & societatem hominum fugiat, arque, oderit, qualem fuisse Athenis Timonem nescio quem accepimus; tandem is per se non possit, ut non acquirat aliquem, apud quem evomat virus acerbissimum suum (d).

Contr. Infantes ad societatem apti non sunt: adultorum quoque multi, & furati.

(a) Spinoza in eodem cap.

(b) Initio libri de Civitate.

(c) Cicero de Officiis lib. 1.

(d) Cicero de Amicitia.

fortasse plurimi vel propter aliquam imperfectionem animi, vel propter disciplinæ defectum in eadem sunt ineptitudine; & tamen tum illi, tum illi ad humanam naturam pertinent: ergo homo non natura, sed disciplina, atque institutione ad societatem aptus evadit (a).

2. Si societas inter homines quoddam vinculum naturale esset, mutua benevolentia potissimum contineretur. Nulla autem benevolentia est in hominibus. Nam si homo (inquit Hobbesius) (b) hominem amaret naturaliter, id est, ut hominem; nulla ratio reddi possit, quare unusquisque unumquemque non æque amaret, ut æque hominem; aut cur eos frequentaret potius; quam alios, quibus defertur honor, & utilitas. Non socios igitur, sed ab illis honore, vel commodo affici natura querimus. Hæc primario, illos secundario appetimus.

3. Si homines mercaturæ causa in unum conveniant, unusquisque non alienum, sed sui bonum, atque utilitatem tantum querit: si officii; furens quædam amicitia nascitur, quæ plus habet metus, quam amoris: si ad animi recreationem; quod sibi magis jucundum est, unusquisque querit. Plerumque vero contingit: ut in hujusmodi conventibus lædantur absentes, & tota eorum, vitæ ratio condemnentur. Denique & ii quoque, qui ceteris sapientiores se esse profitentur, si philosophandi causa simul uniantur; omnes magistri & esse, & haberi volunt, atque illos oderunt, qui non ita de se opinantur. & experientia ergo constat, non ob naturalem inclinationem, sed vel propter utilitatem, vel propter aliquam rationem politicam in unum convenire homines.

4. In omni societate unusquisque querit, quod sibi bonum esse videtur. Quidquid autem bonum, vel jucundum esse videtur, aut ad animam, aut ad corpus pertinet. Animi voluptas vel a gloria est, vel ad gloriam ultimo refertur: cetera vero spectant ad sensus, quæ commodorum nomine designantur. Omnis ergo societas vel propter gloriam, vel propter propria uniuscujusque commoda congregatur.

5. Homines non solum inter sese ad mutuo diligendum non sunt propensi, sed etiam sibi invicem naturaliter infesti sunt, atque alter alterum insidiosè præoccupare studet. Hoc autem naturale bellum oritur, 1. a competitione seu quia plures unam eandemque rem appetunt: 2. a defensione, seu a metu, ne alii res nostras invadant; qua de causa securitatis viam meliorem novit nemo anticipatione: 3. a gloria cupiditate, qua homines ad bellum inclinant, ut a rebus gestis gloriam sibi comparent (c).

Ad 1. respondeo, nonnisi inepte inferri posse, hominem ad societatem naturaliter non ferri, quia infantes, & plures homines propter aliquem defectum societatem non appetunt. Nam hac eadem ratione effici quoque posset, intelligendi vim hominibus naturalem non esse, quia pueri, & amentes nullam habent. Quando ergo homines ad societatem naturaliter propendere dicimus, de iis præcipue loquimur hominibus, qui & sanæ mentis sunt, & usum rationis habent, quia multa sunt, quæ hominibus naturaliter conveniunt, & tamen nonnisi per usum rationis perfecte explicantur, & sine usu rationis nullo modo explicari possunt. Ceterum id quoque advertatur oportet, in pueris, etiam antequam ad usum rationis pervenerint, desiderii naturalis, quo aliorum societatem

ap-

(a) Ita Hobbesius in *Adnot. ad cap. 1. lib. de Civ.*

(b) *Leviathanis cap. 13.*

(c) Hæc Hobbesius opponit *Leviathanis laud. capite.*

appetunt, certissima argumenta apparere. Quapropter, nihil est tam illustre, (ut ait Cicero lib. 5. de Finibus) nec quod latius pateat, quam conjunctio inter homines hominum, & quasi quadam societas, & communicatio utilitatum, & ipsa charitas generis humani, quæ nata a primo statu, quo a procreatoribus nati diliguntur, & tota domus conjugio, & stirpe conjungitur, serpit sensim foras cognationibus primum, tum affinitatibus, deinde amicitias, post civitatibus, cum civibus, & iis, qui publice socii, & amici sunt, deinde totius complexu gentis humanæ. Quæ animi affectio suum cuique, tribuens, & hanc, quam dico societatem conjunctionis humanæ, munificet, & æque tuens, iustitia dicitur, cui sunt adjunctæ pietas, bonitas, liberalitas, benignitas, comitas, quæque sunt generis ejusdem.

Ad 2. dico, hoc eodem principio naturæ legem constitui, quo eam Hobbesius e medio tollere conatur. Quandoquidem ut parentes, & consanguineos nostros peculiari quadam ratione colamus, atque veneremur, naturæ præceptum est, quod in animis nostris insitum habemus: simili modo ut gratum animum erga eos peculiari-ter geramus, qui nobis bona contulerunt, ab ipsa natura monemur: tandem naturaliter, si tamen naturæ nostræ rationalis memores simus, eos supra ceteros non diligere non possumus, qui recte honesteque agunt, contra non naturaliter inclinamur ad alios, qui turpiter se gerunt. Aliæ quoque afferri rationes possunt, ob quas naturaliter erga aliquos peculiarem affectionem habeamus, eorumque consuetudinem præ ceterorum expetamus; verum non est opus multis, ut perspicitur, quandam legem naturalem nobis insitam esse, inde scilicet evidenter constare, unde Hobbesius eam e medio tollere conatur; hoc est, ex inæqualitate amoris, quo unus alterum persequitur. Quod vero de honore atque utilitate opponit, quæ quispiam ex hominum consuetudine quaerit, hoc unum evincit, homines quandoque abuti consuetudine aliorum, quemadmodum proxime in responsione ad tertium fusius dicemus.

Ad 3. ita 1. cum Tullio de Amicitia respondemus: Nec verum est, quod a quibusdam dicitur, propter necessitatem vitæ, quod, quæ naturæ desideraret, consequi sine aliis, atque efficere non possemus, iecirco initum esse cum hominibus societatem, & communitatem: quod si omnia nobis, quæ ad vitam, cultumque pertinent, quasi virgula divina, ut ajunt, suppeditarent, tum optimo quisque ingenio, negotiis omnibus omisso, totum se in cognitione, & scientia collocaret. Non est ita: nam & solitudinem fugeret, & socium studii quaereret: tum docere, tum discere vellet, tum audire, tum dicere (a). Quare falsum est, non nisi vel propter utilitatem, vel propter aliquam politicam rationem id unum convenire homines consuevisse.

2. Respondemus Hobbesii argumentatione id unum tantum evinci posse, nonnullos aliquando sua malitia abuti ea societate, ad quam naturaliter inclinantur; sicuti etiam sæpe accidit, ut qua intelligendi vi naturaliter pollent, pessime abutantur. Ceterum tantum abest ut ex hoc colligi possit, hominem ab societate naturaliter non inclinari, quin potius contrarium inde manifeste apparet. Nam indidem constat, falsæ quoque bonæ, quæ ab hominibus sæpe quaeruntur, ab ipsidem sine aliqua societate obtineri non posse. Quo fit, omnia

Tom. II.

(a) Tullii suppositio hypothetica est; vult enim homines societatem inter se esse institutos, quamvis sine muno, adiutorio habere possent, quæ soli necessaria sunt. Unde non est adversus S. Thomæ supra laudato te-

stimonio lib. III. c. 2. *Gen. cap. 12. v. 4.* asserant inde quoque constare homines naturaliter appetere societatem, quia unus homo non sufficit ad omnia, quæ sunt humanæ vitæ necessaria.

fortasse plurimi vel propter aliquam imperfectionem animi, vel propter disciplinæ defectum in eadem sunt ineptitudine; & tamen tum illi, tum isti ad humanam naturam pertinent: ergo homo non natura, sed disciplina, atque institutione ad societatem aptus evadit (a).

2. Si societatis inter homines quoddam vinculum naturale esset, mutua benevolentia potissimum contineretur. Nulla autem benevolentia est in hominibus. „Nam si homo (inquit Hobbesius) (b) hominem amaret naturaliter, id est, ut hominem; nulla ratio reddi possit, quare unusquisque unumquemque non aequè amaret, ut aequè hominem; aut cur eos frequentaret potius; quam alios, quibus defertur honor, & utilitas. Non socios igitur, sed ab illis honore, vel commodo affici natura querimus. Hæc primario, illos secundario appetimus.”

3. Si homines mercaturæ causâ in unum conveniant, unusquisque non alienum, sed sui bonum, atque utilitatem tantum querit: si officii; forensis quædam amicitia nascitur, quæ plus habet metus, quam amoris: si ad animi recreationem; quod sibi magis jucundum est, unusquisque querit. Plerumque vero contingit: ut in hujusmodi conventibus lœdantur abientes, & tota eorum vitæ ratio condemnetur. Denique & si quoque, qui ceteris sapientiores se esse profitentur, si philosophandi causâ simul uniantur; omnes magistri & esse, & haberi volunt, atque illos oderunt, qui non ita de se opinantur. Experiencia ergo constat, non ob naturalem inclinationem, sed vel propter utilitatem, vel propter aliquam rationem politicam in unum convenire homines.

4. In omni societate unusquisque querit, quod sibi bonum esse videtur. Quidquid autem bonum, vel jucundum esse videtur, aut ad animam, aut ad corpus pertinet. Animi voluptas vel a gloria est, vel ad gloriam ultimo refertur: cetera vero spectant ad sensus, quæ commodorum nomine designantur. Omnis ergo societas vel propter gloriam, vel propter propria: uniuscujusque commoda congregatur.

5. Homines non solum inter sese ad mutuo diligendum non sunt propensi, sed etiam sibi invicem naturaliter infesti sunt, atque alter alterum insidiosè præoccupare studet. Hoc autem naturale bellum oritur, 1. a competitione seu quia plures unam eandemque rem appetunt: 2. a defensione, seu a metu, ne alii res nostras invadant; quæ de causâ securitatis viam meliorem novis nemo anticipatione: 3. a gloria cupiditate, qua homines ad bellum inclinant, ut a rebus gestis gloriam sibi comparent (c).

Ad 1. respondeo, nonnisi inepte inferri posse, hominem ad societatem naturaliter non ferri, quia infantes, & plures homines propter aliquem defectum societatem non appetunt. Nam hac eadem ratione effici quoque posset, intelligendi vim hominibus naturalem non esse, quia pueri, & amentes nullam habent. Quando ergo homines ad societatem naturaliter propendere dicimus, de iis præcipuè loquimur hominibus, qui & sanæ mentis sunt, & usum rationis habent, quia multa sunt, quæ hominibus naturaliter conveniunt, & tamen nonnisi per usum rationis perfecte explicantur, & sine usu rationis nullo modo explicari possunt. Ceterum id quoque advertatur oportet, in pueris, etiam antequam ad usum rationis pervenerint, desiderii naturalis, quo aliorum societatem

ap

(a) Ita Hobbesius in *Adnotat.* ad cap. 1. lib. de Cive.

(b) *Leviatharis* cap. 13.

(c) Hac Hobbesius opponit *Leviatharis* laud. capite.

appetunt, certissima argumenta apparere. Quapropter „ nihil est tam illustre  
 „ ( ut ait Cicero lib. 5. de Finibus ) nec quod latius pateat, quam conjunctio  
 „ inter homines hominum, & quasi quadam societas, & communicatio utili-  
 „ tatum, & ipsa charitas generis humani, quæ nata a primo statu, quo a præ-  
 „ creatoribus nati diliguntur, & tota domus confugio, & stirpe conjungitur,  
 „ serpit sensim foras cognitionibus primum, tum affinitatibus, deinde amicit-  
 „ tiis, post civitatibus, cum civibus, & iis, qui publice socii, & amici sunt,  
 „ deinde totius complexu gentis humane. Quæ animi affectio suum cuique  
 „ tribuens, & hæc, quam dico societatem conjunctionis humane, munificet,  
 „ & æque tuens, iustitia dicitur, cui sunt adjunctæ pietas, bonitas, liberalitas  
 „ benignitas, comitas, quæque sunt generis ejusdem „.

Ad 2. dico, hoc eodem principio naturæ legem constitui, quo eam Hobbesius  
 e medio tollere conatur. Quandoquidem ut parentes, & consanguineos nostros pe-  
 culiari quadam ratione colamus, atque veneremur, naturæ præceptum est, quod in  
 animis nostris insitum habemus: simili modo ut gratum animum erga eos peculiari-  
 ter geramus, qui nobis bona contulerunt, ab ipsa natura monemur: tandem natu-  
 raliter, si tamen naturæ nostræ rationalis memores simus, eos supra ceteros non  
 diligere non possumus; qui recte honesteque agunt, contra non naturaliter inclina-  
 mur ad alios, qui turpiter se gerunt. Aliæ quoque afferri rationes possunt, ob  
 quas naturaliter erga aliquos peculiarem affectionem habeamus, eorumque con-  
 suetudinem præ ceterorum expetamus; verum non est opus multis, ut perspicitur  
 quamdam legem naturalem nobis insitam esse, inde scilicet evidenter constare, unde  
 Hobbesius eam e medio tollere conatur; hoc est, ex inæqualitate amoris, quo unus  
 alterum prosequitur. Quod vero de honore atque utilitate opponit, quæ quispiam ex  
 hominum consuetudine quarit, hoc unum evincit, homines quandoque abuti consu-  
 tudine aliorum, quemadmodum proxime in responsione ad tertium fusiis dicemus.

Ad 3. ita 1. cum Tullio de Amicitia respondemus: „ Nec verum est,  
 „ quod a quibusdam dicitur, propter necessitatem vitæ, quod, quæ natura  
 „ desideraret, consequi sine aliis, atque efficere non possemus, iecirco insitam  
 „ esse cum hominibus societatem, & communiter: quod si omnia nobis  
 „ quæ ad vitam, cultumque pertinent, quasi virgula divina, ut ajunt, suppe-  
 „ ditarent, tum optimo quique ingenio, negotiis omnibus omissis, totum se  
 „ in cognitione, & scientia collocaret. Non est ita: nam & solitudinem fugeret,  
 „ & socium studii quæreret: tum docere, tum discere vellet, tum audire,  
 „ tum dicere (a). „ Quare falsum est, nonnulli vel propter utilitatem, vel  
 propter aliquam politicam rationem in unum convenire homines consuevisse.

2. Respondemus Hobbesii argumentatione id unum tantum evinci posse,  
 nonnullos aliquando sua malitia abuti ea societate, ad quam naturaliter incli-  
 nantur; sicuti etiam sæpe accidit, ut qua intelligendi vi naturaliter pollent,  
 pessime abutantur. Ceterum tantum abest ut ex hoc colligi possit, hominem  
 ab societate naturaliter non inclinari, quin potius contrarium inde manifeste  
 appareat. Nam indidem constat, falsa quoque bona, quæ ab hominibus sæpe  
 quærantur, ab ipsidem sine aliqua societate obtineri non posse. Quo fit, omnia

Tom. II.

(a) Tullii suppositio hypothetica est;  
 vult enim homines societatem inter se esse  
 institutos, quamvis sine munio adjuvatorio habere  
 possent, quæ sibi necessaria sunt. Unde  
 non est adversus S. Thomæ supra laudato te-

stimonio lib. III. cap. 129. nu. 4.  
 affirmanti inde quoque constare homines na-  
 turaliter appetere societatem, quia unus homo  
 non sufficit ad omnia, quæ sunt humane vi-  
 tæ necessaria,

omnino bona a naturali societate pendere, quia etiam vera bona cum ea infallibiliter conjuncta esse, jam probavimus.

3. Dicimus, aliquorum tantum, non vero omnium, ea vitia esse, quæ Hobbesius commemorat. Sunt enim, qui communi bono potissimum prospiciant, quando simul congregantur, qui amicitiam aliorum ob propriam tantum utilitatem non expetant, qui vel aliorum, vel communi voluptate lætentur. Alienam autem existimationem ut lædant, ii solum inter se conveniunt, qui & male morati sunt, & turpi otio abundant. Tandem quamvis aliqui, qui se ceteris sapientiores profitentur, magistri esse, atque haberi velint; at sunt quoque multi, qui solo amore veritatis delectantur. Quapropter id tantum Hobbesius in hac argumentatione consequutus est, plura vitia in humana societate occurrere facile posse, si homines non consulant eam legem, quam naturaliter insitam habent, non vero egestatem, vel gloriam ejusdem humanæ societatis præcipuum fundamentum esse. „Id patebit (ut de Legibus lib. 1. Tullius inquit), si hominum inter ipsos societatem, conjunctionemque perspexeris: nihil est enim unum uni tam simile, tam par, quam omnes inter nosmetipsos sumus. Quod si depravatio consuetudinem, si opinionum vanitas (addo autem, quod ignoravit Cicero, si concupiscentia) non imbecillitatem animorum torqueret, & flecteret, quocumque cepisset; sui nemo tam similis esset, quam omnes sunt omnium, ... Quod si quomodo est natura, sic judicio homines, ut ait Poeta, nihil a se alienum putarent, coleretur jus æque ab omnibus: quibus enim ratio natura data est, eisdem etiam recta ratio data est. Ergo & quæ est recta ratio in iubendo, & vetando: si lex, jus quoque. At omnibus ratio: jus igitur datum est omnibus.“

Ad 4. quamvis eadem responsio adhiberi posset; tamen peculiariter falsitas argumentationis paucis detegenda est. In eo ergo fallitur Hobbesius, quod putat, id solum bonum dici posse, quod vel jucundum est, & sensus afficit, vel inanem gloriam fovet. Nam bonum istud omnino futile est, inane, apparens, atque indignum homine, qui recta ratione utatur, si in sensuum delectatione conquiescat. Bonum ergo honestum, quod consistit in exercitatione virtutis, veram bonitatis rationem habet, atque ipsum per se ex sui naturâ summam jucunditatem affert. Jucunda enim est pietas in Deum; jucunda charitas in alios; jucunda recordatio pietatis, elementaræ, atque commiserationis; fidei demum, justitiæ, & magnanimitatis memoria est valde delectabilis. In hisce sane bonis, & non in iis, quæ sensus afficiunt, aut superbiam foveant, vera jucunditas reposita est. Hæc, qui legis naturalis precepta consulit, necessario consecrari debet.

Ad 5. respondeo, falsum omnino esse ad bellum naturaliter inclinare homines, vel quia unam eandemque rem multi appetant, vel quia sua defendere, & inimicum præoccupare studeant, vel quia ad gloriam bello comparandam naturaliter agantur. 1. enim Hobbesius toto humano generi impudentissime detrahit, quum unumquemque neque rebus suis contentum esse, & alias sibi usurpare velle præsupponat. 2. Tantum abest, ut homines ad bellum naturaliter inclinent, vel quia multi unam eandemque rem naturaliter appetant, vel quia sua defendere, atque inimicum præoccupare studeant, vel demum quia ad gloriam bello comparandam naturaliter agantur, quin potius ratio, & quotidiana experientia ostendunt hæc omnia a natura hominis aliena esse. Quandoquidem

ut

ut ea, quæ naturaliter appetimus, aversemur, vim maximam nobis ipsis oportet ut inferamus. Quotus vero quisque est, qui violentiam sibi inferre debeat, ne rebus alienis inhiando eas sibi usurpare studeat, ne rei suæ ab omnibus timeat, ne alios omnes ut sibi inimicos, atque infensos habeat? Gloriam vero ut bello sibi comparent, quam pauci sunt, qui conantur? nonne perique, pacis tranquillitate uti, ac quietam vitam ducere amant? Quam ergo inclinationes, quæ a natura sunt, omnes homines sentire debeant, consequens inde est, ut tum experientia, tum ratione consistat, falsum omnino esse, homines ob eas rationes, quas Hobbesius vellet, ad bellum naturaliter inclinare.

Quamvis ergo ab aliquorum improbitate sibi cavere, eorumque conatus præoccupare, unusquisque studeat; tamen quum li, a quibus metuiamus, & longe pauciores sicut liis, a quibus nihil habemus, quod metuamus, & familiarem vitam cum aliis plerumque ducamus, hoc est, cum parentibus, liberis, consanguineis, & amicis, qui erga nos maximam benevolentiam habent; ideo nulla omnino causa est, cur nos ab bellum naturaliter inclinari, dici possit. Gloriam autem non solum bello, sed etiam magnificencia, liberalitate, misericordia, omnique recte factorum genere sibi comparare, nonnulli conantur. Unde quamvis homines gloria acquirendæ studio sape ducantur; tamen ab bellum naturaliter inclinari, inde inferri non potest (1).

I 3

At

(1) Verum quidem est, affirmasse Hobbesium lib. de Cive cap. 1. & 12. omnium adversus omnes perpetuas esse suspiciones, & bellum omnium in omnes in eo statu naturæ, in quo homines fuisse fingit, antequam aliqua conventione inter se convenirent. Tamen negari non potest *Leviathanis* laud. 13. cap. loqui de hominibus secundum eum statum, quem, inter se inita societate, etiam modo retinent. Nam in isto capite quosdam homines mutuo amore inter se colligatos esse supponit, pluresque vel civitates, vel aliquo alio iure inter se conjunctos in unum ad varia negotia conficiendi convenire, atque dum conveniunt, propriam utilitatem querere. Hæc autem omnia dici tantum de hominibus possunt, quatenus aliquam societatem tenere, non vero quatenus sunt in naturali statu belli. Si ergo inter homines, etiam postquam inter se societatem inierunt, naturale bellum a competitione, a defensione, a gloria cupiditate esse impius homo voluit, argumento est, homines in quocumque statu contra se invicem esse naturaliter animatos eum sensisse, atque unum invicem aliorum declinaret, bellum statum expressisse possuisse tantum inter homines, quando aliqua societate inter se nondum conveniant. Neque enim hæc agenditatio ab Hobbesii ingenio aliena fuit, uti modo observatur sumus. Fingit ergo impius homo, & sibi contradicere, quando de Cive cap. 3. §. 1. ait: *lex naturalis est, pactis standum est, five si dem observandum est*. Sibi contradicere tum

quia, si hæc lex, ipso consentiente, est naturalis, repugnat statui hominum, qualem ipse continet, in quo sunt perpetuæ suspiciones, & bellum omnium adversus omnes; tum quia hanc legem naturalem dicit, & tamen nullum lapidem non movet, ut omnem naturalem legem e medio tollat. Fingit autem, tum quia naturale bellum admittit inter homines etiam postquam societatem inter se inierunt, ut modo observavimus, tum quia juxta systema illius nulla obligatio esse potest, ob quam fides servari debeat, seu pactis standum sit. Nam dum pactis standum dicit, vel loquitur de eo statu naturæ, in quo est bellum omnium adversus omnes, & unicuique, uti ipse habet de Cive cap. 1. §. 10. licebat facere quacumque, & in quocumque libebat, uti, frui omnibus, quæ volebat, & poterat; & tunc falso dicitur fuisse, bellum omnium adversus omnes, & unicuique licuisse facere quacumque, & in quocumque libebat: vel pactis standum dicit, postquam; ut ipse habet de Cive cap. 12. §. 1. regula boni, & mali, iusti, & iniusti, honesti, & inhonesti sunt leges civiles, ideoque quod Legislator præceperit, id pro bono, quod veterit, id pro malo habendum est; & tunc quoque juxta Hobbesii systema nulla obligatio esse potest servandi pacta. Nam leges civiles nulla conventio inter homines præcedere potuit ob statum belli, ut modo dicebamus; tunc est quoque nihil bonum, aut malum, nihil iustum, aut iniustum præsupponi potest: ergo civiles leges.

At serio, quaeso, expendamus, quam Hobbesius sibi contradicit. *Natura*, inquit ipse de Cive cap. 1. §. 10. *dedit unicuique jus in omnia; hoc est, in statu mere naturali, sive antequam homines ullis pactis invicem sese obstrinxissent, unicuique licebat facere quacumque, & in quoscumque libebat; & possidere, frui, uti omnibus, quae volebat, & poterat*: ergo jure naturae eadem res ad unum pertinebat & non pertinebat: ad unum pertinebat, quia ad illam jus habebat; non pertinebat vero, quia alteri quoque idem jus competeat: ergo iustum erat, ut eam possideret propter proprium jus; iniustum erat propter alienum: ergo possidere eam poterat, & non poterat. At non hoc solum, sed alia quoque graviora ex Hobbesii principiis, ipso dante, inferuntur. *Spes unicuique securitatis*, ita ipse de Cive cap. 5. §. 1. *conservationisque suae in eo sita est, ut viribus, artibusque propriis proximum suum, vel palam, vel ex insidiis praecipuare possit*. Aptus quidem, atque consentaneus ad sua principia hoc affirmat: nam si unicuique jus est in omnes & quoad omnia, inde quoque consequitur, ut alter alteri vitam eripere possit. Ergo nemo securus vivere poterit: ergo si proximum suum praecipuaverit, ut sibi caveat, recte quispiam, atque secundum naturae leges faciet: ergo unus omnes praecipuet oportet, ut certus de sua salute sit: ergo jure.

leges propter solum timorem poenarum ad sui observationem homines inducere possunt: ergo non leges obligationem inducunt, sed fortior potestas Legislatoris: ergo leges eandem obligationem in hominibus inducere possunt, ac grillator viarum in itinerantibus, ut sua omnia ei prodant, atque dent. Bella sane obligatio! Et re quidem vera obligationem obtemperandi Hobbesium in imbecillitate ceposuisse, dubitari non potest. Quod si jus regnandi (inquit de Cive cap. 15. §. 7.) habet Deus ab omnipotentia sua, manifestum est obligationem ad praestandum ipsi si obedientiam, insumbere hominibus propter imbecillitatem. Ita vero in adnotatione se explicat. Si cui durum hoc videbitur, illum rogo, ut tacita consideratione considerare velit, si essent duo Omnipotentes, uter utri obedire obligaretur. Coorerebitur, credo, neutrum neutri obligari. Hoc si verum est, verum quoque est, quod possint homines ideo Deo subiectos esse, quia omnipotentes non sunt. In quo Hobbesius philosophus acutus non animadvertit, hypotheseum se de duobus Omnipotentibus ponere, quae intrinsece est impossibilis; & impossibilem autem semel posito sequi absurdum quodlibet; quod ne tyrones quidem ignorans.

Deinde illud quoque demus, aliquam in hominibus obligationem induci posse propter potentiam Legislatoris; tamen ea non efficiet, ut leges serventur: nam haec obligatio relativa est potentiae legislatoris; & nemini datum esse debet, ut inquit Hobbesius de Cive cap. 1. §. 2., quia aviditas ferrentur homines natura sua, si metus abesset, ad domi-

nationem, quam ad Societatem: ergo quacumque ratione poterunt, contentend homines ab hac obligatione sese eximere. Quid vero facient, si poenam eludere possint, si subterfugere judicia legum, si sit minor poena, quam per leges constituitur, quam damnum, quod subleant, si leges servarent? Nimis ergo maiusculum est iuxta Hobbesii systema etiam per leges civiles nullam obligationem induci posse, quia pacta serventur.

Postremo sicuti per constitutiones Legislatorum fieri non potest, ut quod dulce est, amarum sit, aut verum, quod falsum est; ita etiam fieri non potest, ut iniustum intinsus evadat, quod in se nullam iniustitiam ante habebat, vel iustum sit, quod antea tale non erat: nam eadem ratione, qua salubritas veritas, ita etiam iniustitia iustitia, vel iustitia iniustitia deest; sed iuxta Hobbesium lib. de Cive cap. 12. §. 1., ante imperia iustum, & iniustum non existeret, ut quorum natura ad mandatum sit relativa, atque omnis sua natura adiaphora est: ergo.

At, inquit Hobbesius de Cive cap. 14. §. 10., *lex naturalis omnes leges civiles jubet observari*. Ita sane. Verum sicut impius homo fingit, atque sibi contradicit, quando affirmat: *lex naturalis est, pactis standum est, sive idem servandum est*, quemadmodum iam demonstravimus; ita quoque ob eisdem rationes, nonnullaeque alias, quae ex demonstratis unicuique evidentes esse possunt, veritate fingit, atque sibi contradicit, quando tradit, *legem naturalem jubere, ut leges civiles serventur*.



jure naturæ unus eadem omnium meditari poterit, immo etiam propter securitatem sui debeat: ergo natura ad sui destructionem tendit. Sed, inquit ipse de Cive cap. 3. §. 4., necesse inde fuit, quo suæ incolumitati prospicerent, ut homines certis legibus inter se convenirent, quas servare unusquisque deberet: unde concludit: *ex his sequitur, injuriam nemini fieri posse, nisi ei, quocumque initur pactum . . . Si quis alicui noceat, quocumque nihil pactus est, damnum ei infert, non injuriam. Etenim si is, qui damnum recipit, injuriam expostularet, is, qui fecit, sic diceret: quid tu mihi? quare facerem ego potius tuo lubito, quam meo? in qua oratione ubi nulla intercesserunt pacta, non video quid sit, quod possit reprehendi*. Multa sane sunt, atque gravissima, quæ reprehendantur; verum de his jam egimus. Illud tantum modo contendo legem aliquam naturalem ipsam quoque, vel invitum admittere. Quandoquidem hæc firmitas conventionis, qua pactis standum esse dicit, unde nam tandem dimanat? profecto non ab alia lege conventionis, quam nullam intercessisse præsupponitur: ergo a lege naturali: ergo velit Hobbesius, nolit, legem naturalem, quam negat, oportet, ut admittat. Sed non est, cur ad hoc eum cogamus: ipse enim per se, uti jam monuimus, evidenti contradictione implicatur. *Lex naturalis est*, inquit de Cive cap. 3. §. 1., *pactis standum esse, sive fidem observandam esse*; & cap. 14. §. 10. *Lex naturalis omnes leges civiles jubet observare*: negat ergo simul, & admittit naturalem legem.

Dices IV. Jus non natura, sed pactis constitutum est: ubi non præcessit pactum, nihil fieri potuit injustum, nec ullibet inferri injuria; & vocabula *injustum*, & *injuria* ante potentiam civilem, quæ violationem pactorum ulcisci possit, usurpata non fuerunt. Ita Hobbesius *Leviathanis* 15. cap., & de Cive cap. 12. Ex quo principio postea infert, leges civiles esse regulas boni, & mali, justi, & injusti.

R., hunc quoque Hobbesii errorem a Cicerone fuisse confutatum: nam ut perbelle ad rem nostram ait lib. 1. de Legibus. „ Si populorum justis, si „ principum decretis, si sententiis iudicum jura constituerentur; jus esset latrocinari, jus adulterare, testamenta falsa supponere, si hæc suffragiis, & „ scitis multitudinis probarentur. Quod si tanta potestas est stultorum sententiis, „ atque justis, ut eorum suffragiis rerum natura vertatur; cur non faciunt, ut „ quæ mala perniciosaque sunt, habeantur pro bonis, & salutaribus? aut cur „ quum lex ex injuria jus facere possit, bonum eadem facere non possit ex „ malo? Atqui nos legem bonam a mala nulla alia, nisi naturæ norma dividere possumus: neque solum jus, & injuria natura dijudicantur, sed omnino „ omnia honesta, ac turpia. Nam communis intelligentia nobis res efficit, ut „ honesta in virtute ponantur, in vitiis turpia: ea autem in opinione existimare, non in natura posita dementis est „.

Inter naturales ergo leges, atque civiles maximum discrimen interest: nam quæ naturali lege præcipiuntur, aut vetantur, simpliciter in se bona, vel mala sunt, ita ut, nullo etiam alterius interveniente mandato, unusquisque quæ in se bona sunt, servare, quæ autem mala, cavere debeat. At vero quæ civiles leges prohibent, aut vetant, dum tamen non versantur circa confirmationem eorum, quæ per naturalem legem præcipiuntur, aut prohibentur, in se spectata bona, vel mala non sunt, sed talia evadunt propter auctoritatem præcipientis. Hinc vero constat, non a sola voluntate Legislatoris pendere, ut quæ

ab eo rogantur, mandata iusta sint, & obligationem inducant, sed potissimum a naturali iustitia, atque æquitate, quæ alteri jus imperandi, & auctoritatem tribuit, obediendi obligationem alteri imponit. Quæ de causâ (hoc vero diligenter observandum est) qui leges ferunt, nunquam se velle significant, ut subditi sibi obedire obligentur; sed, ut hoc, vel illud omittatur, tartum decernunt, iisque, qui secus fecerint, poenas comminantur. Quapropter quum obligatio obtemperandi legibus nulla unquam lege constituta sit, origo illius non a voluntate imperantis repeti debet, sed a jure naturæ, quod nonnullis obediendi obligationem imponit, aliis vero tribuit facultatem ferendi leges in commune bonum.

At non est, cur in hisce deliriis confutandis diutius immoremur: nam neque ipse Hobbesius ad eam naturæ vocem, qua unusquisque monetur, quædam natura sua bona, vel mala esse, omnino obliuiscere potuit. In libro ergo de *Homine* cap. 14. : *An, inquit ipse, de Deo honorifice sentiendum sit, an sit amandus, timendus, colendus, nullo pacto disputari potest. Sunt enim hæc Religio- num per omnes gentes communia; Et in lib. de Cive cap. 6. : Si is, inquit, qui summum habet imperium, se ipsum interficere alicui imperet, non tenetur, quia intelligi non potest, ut id pactus fuerit. Neque parentem, sive is innocens, si- ve nocens sit, & jure condemnatur... Multi alii casus sunt, in quibus quum mandata aliis quidem factu inhonesta sunt, aliis autem non sunt, obedientia ab his præstari, ab illis negari jure potest. Deinde vero Magistratus, qui injusta decernunt, contra Deum, & naturæ legem peccare, hisce verbis statuit: Qui sic interficiunt, etsi jure concessio ab eo, qui habet; tamen eo jure aliter utitur, ac recta ratio postulat mentes, peccant contra leges naturales; id est, contra Deum. Nullus ergo dubitandi locus superest, etiam Hobbesium ipsius naturæ stimulus omnino sedare non potuisse; nisi fuisse, uti Mosheimius prudenter monuit (a), dicere velimus, sensisse revera Hobbesium nullam esse in hominibus naturalem legem; tamen ne ad benevolentiam aliorum omnem aditum sibi præcluderet, a pristina suæ disciplinæ regula paulatim descivisse.*

Dices ult. Quæ ex sui natura turpia, vel honesta sunt, prohibentur, aut præcipiuntur: hæc enim in re omnes Scholastici consentiunt. Si autem ab iisdem quæras, cur natura sua turpia, vel honesta sint; respondent: quia naturali lege præcipiuntur, aut prohibentur. Quis ergo circulo vitioso eos implicatos esse, & petitione principii, ut ajunt, laborare non videat? Inde vero etiam aliud absurdum consequitur; hoc est, aliquid honestum, vel turpe esse, antequam Deus existeret, vel Stoicorum fatum admittendum, cui etiam Deus adstrictus sit (b).

R., Scholasticos vitioso circulo implicatos non esse, sicuti Pufendorffius contendit. Etenim ea honesta esse dicunt, quæ cum Divina essentia, utpote prima regula omnium, debitum ordinem habent; turpia autem, quæ ab illa defleunt. Si autem ulterius ab iisdem quæras, cur ante omnem legem quædam primæ regulæ consentiant, vel non consentiant, non id respondent, quia turpia, vel honesta sunt; sed ita reponunt: quum a Divina essentia creata omnia pendeant, sicuti a prima exemplari causâ; ideo quæ huic respondent, recta sunt quæ autem ab ea deficiunt, turpia dicuntur. Vel negat ergo Pufendorffius omnia a Divina essentia, sicuti a prima exemplari causâ pendere, & ab ipso Deo producta esse; vel concedit:

(a) In cap. 5. sect. 5. §. 22. *Syst. mat. Intell.* Cudvörcki

(b) Ita Pufendorffius in *Erde Seandica*

dit: si negat; Atheistarum numero accensendus est: si autem, concedit; illud quoque concedat oportet, omnia, quæ contingunt, aut contingere possunt; Divinæ essentia consentanea esse, vel non esse: si prius; honesta: si alterum; turpia esse dicuntur. Quia in re nullus est circulus vitiosus, neque aliqua petitio principi occurrit. Nam si quæras, cur paries ille non sit rectus; æquo iure alter reponet, qui regulæ rectæ non respondet, nec aliquis vitiosus circulus in huiusmodi responsione latet. Quapropter sicuti numerus binarius, & ternarius simul accepti, nulla regula præsupposita, æquales sunt numero quinario, & ista illis: ita quoque ante omnem legem quædam turpitudinem, vel honestatem habent, quia sicuti illa ex se manifesta sunt, hæc quoque ex se sunt honesta, vel turpia. „ Lex „ quum sit regulæ, & mensura (inquit S. Thomas 1. 2. qu. 91. ar. 2.) dupliciter po- „ test esse in aliquo: uno modo sicut in regulante, & mensurante: alio mo- „ do sicut in regulato, & mensurato: quia in quantum participat aliquid de „ regulæ, vel mensuræ, sic regulatur, vel mensuratur. Unde quum omnia, „ quæ Divinæ providentiæ subduntur, a lege æterna regulentur, & mensurentur, „ ut ex dictis patet (art. præced.) manifestum est, quod omnia participant „ aliquam legem æternam, in quantum scilicet ex impressione ejus habent „ inclinationes in proprios actus, & fines. Inter cetera autem rationalis crea- „ tura excellentiori quodam modo Divinæ providentiæ subjacet, in quantum „ & ipsa sit providentiæ particeps, sibi ipsi, & aliis providens. Unde & in „ ipsa participatur ratio æterna, per quam habet naturalem inclinationem ad „ debitum actum, & finem. Et talis participatio legis æternæ in rationali „ creatura lex naturalis dicitur. Unde quum psal. 3. dixisset: *sacrificate sacri-* „ *ficium iustitiæ*, quasi quibusdam quærentibus, quæ sint iustitiæ opera, sub- „ jungit: *multi dicunt, quis ostendit nobis bona?* cui quæstioni respondens di- „ cit: *signatum est super nos lumen vultus tui, Domine*: quasi lumen rationis „ naturalis, quo discernimus, quid sit bonum, & quid malum, quod pertinet „ ad naturalem legem, nihil aliud sit, quam impressio Divini luminis in nobis. „ Unde patet, quod lex naturalis nihil aliud est, quam participatio legis æter- „ næ in rationali creatura. „ Prohibentur ergo, aut præcipiuntur, quæ ex sui „ natura sunt turpia, vel honesta: ideo autem sunt ex sui natura turpia, vel ho- „ nestæ, quia naturali lege præcipiuntur, aut prohibentur: ea vero, de causâ „ naturali lege præcipiuntur, aut prohibentur, quia quum lex naturalis sit parti- „ cipatio æternæ legis, æterna lege primo sunt præcepta, aut prohibita.

Neque vel Stoicum fatum, vel aliquod principium, quod ipsum Deum præcedat, admittendum esse, inde consequitur. Nam Divina essentia, quæ velut divino intellectu, & voluntate prior per nostrum concipiendi modum intelligitur, rerum omnium exemplar est, atque ad eam omnia creata referuntur. Dum ergo Deus suam essentiam contemplatur, videt, quæ cum illa conveniunt; & hæc recta sunt: videt quoque quæ ab ea recedunt & hæc sunt turpia. Quapropter vel fatum Stoicorum, vel aliquam Deo præexistentem, aut coæternam causam nihil necesse est fingere.

## COROLLARIUM.

*Si jus naturale non daretur, neque etiam artificiosa iustitia constitui potuisset, quam Hobbesius (a) inde constitutam esse falso putat, quia homines, quod jus habebant ad omnia, (b) in multis suo juri cesserunt; quo factum fuerit, ut iustitia leges sentirentur, propter quas unusquisque obligationem sibi impositam servare deberet.*

Etenim quum secundum Hobbesii opinionem nihil natura sua iustum, aut iniustum sit, unusquisque aequo jure repetere potest, quod concessit in favorem alterius. Nam sicuti solum arbitrium voluntatis in causa fuit, ut quod ad omnes aequè pertinebat, sicuti Hobbesius dicit, in favorem alicujus cederet; ita quoque in causa esse potest, ut unusquisque repetat, quod ad se antea pertinebat; atque ita de artificiosa iustitia omnino actum erit.

Neque vim argumentationis Hobbesius eludit, quando asserit, neminem obligari nisi a se ipso, & injustitiam in dati repetitione simpliciter considerare. Si enim homines nullam naturæ legem habent, quidnam eos obligare potest, ne id rescindant, quod semel esse voluerunt? vel ne, re melius perpensa, sponte sua tollant, quod antea sponte quoque constituerant? Homines itaque se ipsos ligare tæderibus, propter quæ evadunt iniusta, atque verita, quæ iusta, & indifferentia antea erant, & nos quoque Hobbesio damus; verum nullam vim fœderum esse posse contendimus, si non detur lex naturalis, a qua ipsa fœdera obligandi virtutem accipiant.

## COROLLARIUM II.

*Superflua non sunt civiles leges, quamvis iisdem multa sæpe præcipiantur, aut prohibeantur, quæ ex sui natura bona, aut mala sunt. Talia ergo dum leges civiles præcipiunt, aut prohibent, eam, quæ ob legem naturalem in iis continetur, obligationem magis magisque confirmant.*

Tanta enim est humanæ naturæ infirmitas, atque fragilitas, ut quamvis homines bona videant, tamen, si præcipue citra aliquod præsens sui damnum agere possint, sæpe deteriora sequantur. Unde fit, ut vel propter metum poenarum, vel propter spem præmiorum, quæ per leges civiles constituuntur, & quod bonum in se est, homines facilius amplectantur, & quod malum est, diligentius fugiant. Quum vero ante civilem legem quod bonum, aut malum in se est, bonitatem, aut malitiam habeat; ideo leges civiles obligationem, quæ antea in iisdem inerat, declarant, atque confirmant.

COROL-

lib. de Cive esp. 2. §. 4. &amp; 24. 241.

(b) Eiusdem lib. esp. 1. §. 10.

## COROLLARIUM III.

*Quamvis autem quædam ex sui natura independenter a Legislatoribus bonitatem, vel malitiam habeant; multa tamen esse possunt, quæ hæc, vel illam unice tantum a voluntate Legislatorum mutantur.*

Quædam enim adinveniri, quæ ad bonitatem, vel malitiam ex sui specie sunt indifferentia, nemo diffitebitur: hæc ergo si per Legislatores præcipiantur, aut prohibeantur, bona, vel mala evadunt. Nam quamvis ex sui natura bona, vel mala non sint, quia iisdem, si spectentur in se ipsis, commune bonum neque tollitur, neque promovetur; tamen fieri potest, ut ad gentem, vel nationem aliquam plurimum referat, si præcipiantur, aut prohibeantur. Id autem Legislatorum auctoritate fiat oportet, quia quæ ad commune bonum in singulis circumstantiis pertinere possunt, ipsi prospicere debent.

## ARTICULUS II.

## NUM JUS NATURALE A DEO DIKANAVERIT.

**Q**uoniam naturæ jus, seu lex naturalis conjuncta est essentialiter cum humana natura, quam Deus produxit, & hujus quoque Deum auctorem esse oportet.

**PROPOSITIO.** Legis naturalis, quam omnes homines insulam habent, Deus auctor est, & qui illam violaverit, in Divinam majestatem injuriosus exilit.

**Prob. 1.** propositionis pars. Ad Divinam providentiam spectat singula regere secundum conditionem suæ naturæ; sed per legem naturalem cognoscunt homines, quid bonum, & suæ naturæ conveniens, quid malum, & a sua natura alienum sit: ergo quum recte agere, & malum devitare, sit secundum naturam hominis (Ar. 2. qu. 4. hujus lib.), ipse Deus legis naturalis auctor esse debet.

2. Homo, quia est libertate præditus, tam agere, quam non agere potest: [Ar. 6. qu. 6. lib. 2.]: ergo naturalem legem Deus illi dare debuit. **Prob. con.** *Lex*, ut ait S. Thomas 1. 2. qu. 90. art. 1., *quædam regula est, & mensura actuum; secundum quam inducitur aliquis ad agendum, vel ab agendo retrahitur*: ergo quum homines tam agere, quam non agere possint, ut viderent quid agendum, vel non agendum a se esset, naturalem legem eis a Deo infundi oportuit, alioquin nullam suorum actuum directionem haberent.

3. Ut ait S. Thomas lib. III. *contra Gentiles* cap. 114. nu. 3., *Quum lex nihil aliud sit, quam quædam ratio, & regula operandi, illis solum convenit dari legem, qui sui operis rationem cognoscunt*; hoc autem convenit soli rationali creaturæ: soli igitur rationali creaturæ fuit conveniens dari legem.

Tandem sicuti si tollerentur leges motus, quibus constat systema hujus mundi, tota moles dissolveretur, atque omnis pulchritudo evanesceret; ita etiam nulla amplius societas inter homines reliqua esse posset, atque omnis moralis ordo perverteretur, semel ac leges naturales sublatae essent: ergo sicuti

Tom. II.

K

Dei

Dei providentia fuit, motum, qui in rebus advenitur, producere ut rerum ordo servare-ur; ita etiam legem naturalem hominibus infundere debuit, quo & societas inter eos consilire posset, & certum ordinem haberent, quem sequerentur.

Prob. altera pars. Recte, & ad divinam voluntatem accommodare agere, est secundum naturam hominis (Ar. 2. qu. 4. lib. hujus); & evidentissima ratio suadet, ut quo fieri potest, exquisitiori cultu tum interno, tum externo ab hominibus Deus colatur: (Ar. 3. ejusdem quæ.): ergo si homines legem a Deo sibi inditam, per quam ista cognoscunt, transgrediantur, & nullam excusationem habent, & contra Deum gravissime peccant.

3. Summa juri summa quoque obligatio respondet; sed Deus habet summum jus in omnes homines (Art. 1. qu. 4. hujus libri); ergo eam legem, cuius Deus auctor exiit, omnes homines servare diligentissime debent; ergo si eam non servant, injuriam Deo inferunt. Verum in re tam perspicua non est, cur diutius immoremur.

Dices contra priorem partem. Lex Divina vel voce prolata, vel litteris scripta esse debet; sed lex naturalis neque voce prolata est, neque litteris scripta: ergo lex naturalis Deum auctorem non habet.

R., dist. ma.; quæ non provenit a Deo uti auctore naturæ, con., quæ provenit a Deo, uti auctore naturæ, ne. Lex, quæ a Deo provenit, quatenus naturæ auctor est, cum ipsa natura ad nos transmitti debet, neque opus est, ut litteris exarata sit, aut verbo tradita. Quum ergo lex naturalis nostræ naturæ congenita sit, atque ab ea separari non possit, ecquid opus fuit aut scripto, aut verbo? Nam ea aut scripto, aut verbo docentur, quæ ignoramus, aut quæ scita oblivisci possumus. Naturæ autem nostræ congenitam esse, inde abunde constat, quia nemo est, qui honestatem ipso honestatis nomine vituperare, turpia autem facta præcise propter turpitudinem celebrare possit. Ut enim art. præcedenti ex Cicerone (a) observavimus: „Quæ autem natio non benignitatem, non gratum animum, „ & beneficii memorem diligit? quæ superbos, quæ maleficos, quæ crudeles, „ quæ ingratos non aspernatur, non odit „?

Verum Hobbesii levitas hac quoque in re sese mirifice prodit: nam cap. 4. lib. de Cive postquam objecit, quæ in argumentatione a nobis allata sunt, ita prosequitur: „Quæ naturalis, & moralis, eadem & Divina lex appellari „ solet, nec immerito: tum quia ratio, quæ est ipsa lex naturæ, immedia- „ te unicuique pro suarum actionum regulâ tributa est; tum quia vivendi præ- „ cepta, quæ inde derivantur, eadem sunt, quæ a Divina majestate pro le- „ gibus regni cælestis per Dominum nostrum Jesum Christum, ac per San- „ ctos Prophetas, & Apostolos promulgata sunt „. Sanctum hominem, & religiofum!

COROL-

(a) lib. 1. de Legibus

## COROLLARIUM I.

*Deus infusione legis naturalis omnibus hominibus sapientissime providit, siue secundum privatam conditionem, siue secundum societatem naturalem, siue secundum considerationem civilem spectentur.*

Nemo enim non videt, cujusvis conditionem valde beatam esse, si quæ sui partes sint, & esse debeant, naturaliter cognoscat; quid ut turpe fugere, ut honestum amplecti oporteat; sed hoc per legem naturalem efficitur; ergo per legem naturalem omnium privato bono recte consultum est.

Est quoque lex naturæ potissimum, atque præcipuum fundamentum ipsius societatis naturalis. Nam per eam fit, ut omnes homines quodam communi vinculo inter se colligati consentiant in iis, quæ recta, aut turpia sunt, vel esse possunt. Unde propter legem naturalem contingit, ut & virtus in pretio habeatur apud omnes, vitium autem dedecori, atque infamiz sit, atque peculiaris quædam, & potissima habeantur, in quibus omnes conveniant. Per hæc autem societatem naturalem regi, & sustentari, nemo non videt.

Potremo neque civilis confederatio inter homines esse posset, si legem naturalem infusam non haberent. Quomodo enim tam multarum diversarumque nationes, quibus non iidem mores sunt, longe dispar agendi consuetudo est, inter se convenire quoad omnia possent, quæ civiles confederationes spectant, si eadem jura naturæ omnibus per se comperta non essent, si in primis præceptis honestatis, atque turpitudinis inter se naturaliter non convenirent? Deinde confederationes civiles necessario exigunt, ut pactis fides servetur; pactis autem fidem servandam esse, sola naturali lege comperi posse; inde constat, quia quæcumque hac de re conventio fiat, semper aliam legem præsupponi oportet, ob quam conventiones servari debeant. Itaque ea etiam de causa, Deum nobis sapientissime providisse, dicendum est, quia lege naturali instruxit, ne civilis confederationis fructibus careremus.

## COROLLARIUM II.

*Regnandi ergo potestatem neque principes propter suam potentiam, neque subditi obtemperandi obligationem propter suam imbecillitatem habent, uti Hobbesius falso præavit [a].*

Ut civitates, atque regna consilire possint, legem quamdam esse oportet, propter quam magistratibus jus imperandi conveniat, subditi vero obediendi obligationem habeant; sed nulla hujusmodi lex esse potest, si illi dumtaxat propter potentiam imperare possint, illi solum propter imbecillitatem obedire debeant; ergo. Maj. constat: nam si nulla sit hujusmodi lex, æque omnes imperare poterunt, & æque omnes obtemperare debebunt. Prob. mi. Qui nonnisi propter imbecillitatem obtemperant, æquo jure conari semper possunt, ut eum, qui sibi imperat, e principatu deturbent; contra qui imperant, ne e principatu deturbentur, sibi sudditos gravissima, atque durissima,

K 2 fer-

(a) De Civ. c. 14. §. 1. & c. 15. §. 5.

servitute premere conarentur: qui autem prævaleret, dominium sibi adjudicare posset: ergo nulla lex reliqua esset, propter quam magistratibus jus imperandi conveniret, subditi autem obtemperare deberent. Deinde quænam fidelitas in subditis esse posset, quinam in magistratibus iustitiae, æquitatis, atque boni regiminis ordo remaneret, si illi nonnulli propter imbecillitatem obedire deberent, illi propter solam potentiam supremum jus obtinerent? Postremo supremum illud jus, quod Hobbesius in potentia, & obligatio obtemperandi, quam in imbecillitate reponit, dari non possunt: ergo. Nemo enim ad omnia sibi sufficere, & contra omnes prævalere potest: ergo uniuscuiusque potentia tanti non est, ut alios sibi subdicere possit, sicuti etiam uniuscuiusque infirmitas non est talis, ut suis viribus contra alterum prævalere non possit: ergo tum supremum illud jus, tum obtemperandi obligatio nomina inanæ sunt: ergo si nullam naturalem legem esse ponatur, quæ magistratibus jus imperandi tribuat, subditis autem obediendi obligationem imponat, neque in illis verum supremum jus, neque in istis aliqua legitima obligatio esse potest.

Pœnas ergo, atque supplicia ad improbos in officio continendos necessaria quidem esse fatemur; verum nisi ad ea infligenda supremum jus in magistratibus inesse præsupponatur, iniustitiae, atque tyrannidis accusandi erunt, quando improbos coercent pœnis, atque suppliciis.

### ARTICULUS. III.

#### NUM NATURÆ LEX IMMUTABILIS SIT.

**D**uplex esse potest mutatio legis. Una proprie dicta, quæ sit, quando lex in se mutatur, vel quia desinit, uti contingit, quando ad tempus lata, est, vel quia injusta evadit, vel quia a Principe abrogatur, vel quia demum per dispensationem restringitur. Altera improprie dicta, quæ habetur, non quando ipsa lex mutatur, sed quando aliquid illi superadditur.

Id quoque observetur oportet, præcepta legis naturalis non omnia unius ejusdemque esse generis: quædam enim omnino prima, atque universalissima sunt, uti ista: *declina a malo, & fac bonum: quod tibi non vis fieri, alteri ne feceris: homini secundum rectam rationem vivendum est.* Hæc vero præcepta hujusmodi sunt, ut vel honestatem generationi præscribant, vel turpitudinem prohibeant, atque ad nullam determinatam materiam referantur. Alia secundaria dicuntur, quæ quidem duplicis generis sunt: nam nonnulla etiam secundaria sunt, quia omnino prima, ac universalissima dici non possunt, sed ex illis derivant; tamen secundum aliquam acceptionem prima sunt, quia ex iis quoque multa alia manare possunt, uti sunt Decalogi præcepta: quædam vero ita secundaria sunt, ut non solum ex primis, atque universalissimis principiis, sed etiam ex aliis minus universalibus consequantur.

Rursum observandum est, nonnulla secundaria præcepta primi generis aliquid determinate jubere, aut vetare, quod honestatem, & turpitudinem necessario conjunctam habet; seu quod intrinsece bonum, aut malum est, ita ut contingere nunquam possit, ut bonum evadat, quod antea malum erat, vel malum, quod erat bonum. Hujus autem generis ista, atque alia similia sunt: *Deus est colendus: iustitia est servanda: temperate vivendum est: non est mœtendum:*

non



*non iniuste occidendum.* Secundaria autem præcepta secundi generis, atque etiam nonnulla primi generis determinatam materiam non habent, cum qua turpitudine, vel honestas infallibiliter conjuncta sit, uti sunt: *non occides: deposti- tum reddes*: nam, servato iustitiæ ordine, & occidi homines publica auctoritate possunt, & depositum reddi non debet, si restitutio tendat in perniciem alterius.

**PROPOSITIO.** Si de mutatione improprie dicta sermo sit, lex naturalis mutari potest: secundum mutationem vero proprie dictam quoad prima principia est omnino immutabilis, quoad alia autem, quæ determinatam materiam non habent, cum qua honestas, vel turpitudine necessario conjuncta sit, ob materiam, vel circumstantias mutari potest.

Probatur prior pars propositionis. Nam multa lege positiva constituta sunt, quæ in lege naturali non continentur; plura quoque superaddita sunt iis, quæ in lege naturali sancita erant: ergo lex naturalis improprie mutari potest. Id autem summa totius humani generis utilitate factum est: quum enim multa, quæ ad publicum bonum spectant, in lege naturali distincte non continerentur, lege positiva distincte ea explicari operæ pretium fuit.

Probatur altera pars. Etenim illis principiis id solum præcipitur, quod intrinsecè, & ex sui natura bonum est; idque solum prohibetur, quod intrinsecè, & ex sui natura malum est, ita ut in nulla circumstantia fieri aliquando possit, ut malum evadat, quod bonum erat, vel bonum, quod erat malum: ergo mutari non possunt.

**Prob. 3. pars.** Quum enim hæc præcepta determinatam materiam non habent, cum qua honestas, vel turpitudine necessario conjuncta sit, ideo ob materiam mutari possunt, ita ut ob diversam materiam, quæ illis subiicitur, modo servanda, modo non servanda sint. Illud ergo præceptum: *non occides*, si generatim accipiatur, ex parte materiæ mutationem subire potest, quatenus, interveniente rationabili causa, & legitima auctoritate, sit, ut occisio alicujus hominis illicita censeri non possit. Simili quoque ratione hoc præceptum: *deposita reddi debent*, ex parte materiæ mutari potest: quod quidem tunc contingit, quando restitutio in alterius detrimentum cedit. Itaque hæc secundaria præcepta ejus naturæ sunt, ut propter materiam, vel aliquam circumstantiam mutari possint, immo & aliquando debeant, ut communi, vel privatæ utilitati consulatur.

Dices contra 1. partem. Deus naturali lege ita hominibus providit, ut quæ agere, vel non agere deberent, cognoscere per eam possent: ergo si Deus omni ex parte hominibus ita providit, legi naturali nihil est, quod superaddi possit.

R., dist. conf., quod contra eam sit, con., quod magis eam explicet, ejusque præcepta in memoriam hominum reducat, ne. Quæ ergo leges præter naturalem late sunt, eam non tollunt, neque destrunt; sed vel id, quod legi naturali adjici poterat, cum distinctione suppleant; vel efficiunt, ut lex naturæ, quæ ex aliquorum cordibus propter improbitatem eorum quoad nonnulla præcepta obliterata erat, iterum reviviscat, aliiisque omnium menti imprimatur (1).

Dices contra 2. partem. Tam de communi possessione bonorum, quæ de unicuiqueque libertate lege naturæ constitutum est; sed utrumque lege humana immutatum esse videmus: ergo quævis præcepta legis naturalis mutari possunt.

R.,

(1) D. Thomas 1, 2. qu. 94. ar. 5. ad 1.

R., dist. ma., quatenus ab ipsa natura nihil in utramque partem præstitutum sit, con., quatenus naturæ præceptum de communi possessione bonorum, tum de uniuscujusque libertate constituitur, ne. „ Dicendum ( inquit „ S. Thomas 1. 2. qu. 94. ar. 5. ad 3. ) quod aliquid dicitur esse de jure naturali, si dupliciter: uno modo quia natura ad hoc inclinatur: sicut non esse injuriam alteri faciendam: alio modo quia natura non inducit contrarium: sicut posses- semus dicere, quod hominem esse nudum est de jure naturali, quia natura non dedit ei vestitum, sed ars adinvenit: & hoc modo communis omnium possessio, & omnium una libertas dicitur esse de jure naturali, quia scilicet distinctio possessionum, & servitus non sunt inductæ a natura, sed per hominum rationem ad utilitatem humanæ vitæ. Et sic etiam in hoc lex naturæ non est mutata nisi per additionem „.

Deinde illud quoque reponere possumus, nos affirmare, ea tantum principia immutabilia esse, quibus id præcipitur, quod ex sui natura est intrinsece bonum, vel malum, non vero alia, quæ hoc non habent, cujusmodi ea sunt, quorum modo in argumentatione mentio facta est.

Cont. Lege positiva iis quoque derogatum fuit, quæ naturali lege *positiva* constituta erant: ergo. Prob. ant. Ut filium suum immolare, Deus Abrahamo præcepit, sicuti *Genesis* 22. cap. legitur: Israelitis, ut Ægyptiorum vasa aurea, & argentea subriperent: Patriarchis quoque indulgit, ut ducerent plures uxores: demum Osæ jussit, ut mulierem fornicariam in uxorem duceret: sed contrarium horum omnium lege naturali *positive* constitutum erat: ergo.

R., dist., & hæc præcepta talia sunt, ut vel ratione materiæ, vel ratione circumstantiarum mutari possint, con., sunt omnino immutabilia, ne. Omnia ergo ista præcepta, in quibus Deum dispensasse legatur, talia sunt, ut vel propter materiam, vel propter aliquam circumstantiam in iis dispensari possint, quia non id respiciunt, cum quo honestas, vel turpitudine necessario conjuncta sit. Singula expendamus. Lege ergo naturæ sancitum est, ut tam nostram, quam aliorum vitam servemus, atque tueamur. Huic præcepto standum est, si simpliciter in se spectetur. Tamen si vitæ unus, aut alterius cum publica utilitate comparatio fiat, & certo constet, publicæ utilitati consultum iri, si uni, aut alteri reo vita eripiat, tunc illud naturæ præceptum amplius servandum non est, sed ea lex prævalere debet, quæ communi bono prospicit. Qua de causâ nihil contra naturæ legem committitur, si publica, auctoritate jure occidatur. Quum autem Deus sit omnium nostrum Dominus, & pius faciendâ sit manifestatio gloriæ ejus, quam uniuscujusque vitæ, ideo citra aliquam offensionem legis naturalis, ut sibi filium suum immolaret, Abrahamo præcipere potuit.

Lege quoque naturæ præceptum est, ne res alienæ subripiantur: tamen naturæ legem non violat, qui rem alienam sibi debitam publica auctoritate subripit. Qua de causâ Israelitis Deus præcipere potuit, ut argentea, & aurea vasa Ægyptiis subriperent, tum quia illis impie abusi erant, tum quia Ægyptii, prout justitiæ leges postulabant, Israelitarum laboribus debitam mercedem non reddiderant, tum quia Deus, uti supremus rerum omnium Dominus, sicuti de cunctis rebus disponere potest, prout ipse voluerit: ita etiam idem juris supra vasa Ægyptiorum exercere potuit.

Ea etiam naturæ lex, qua unus uni tantum conjungi debet, servanda est, si in

si in se simpliciter spectetur. Verum si propter communem utilitatem populum fidelem propagari necesse sit, uti Patriarcharum tempore contigit; tunc ea lex amplius non obligat. Unde mirandum non est, si Deus, qui omnia optime novit, suumque populum augeri volebat, cum Patriarchis hac in lege dispensaverit.

Demum quum ex Sacris litteris manifestum sit, Oseam accessisse ad mulierem fornicariam, vel adulteram, quæ ex Divino mandato erat illius, sequitur, quod mœchatus non fuerit, quando ad eam accessit. Verum hac tota de re S. Thomam differenter audiamus 1., „Quando filii Israël (inquit S. Doctor 1. 2. qu. 100. art. 8. ad 3.) præcepto Dei tulerunt Ægyptiorum spolia, non fuit furtum, quia hoc eis debebatur ex sententia Dei. Similiter & Abraham quum consensit occidere filium, non consensit in homicidium, quia debitum erat eum occidi per mandatum Dei, qui est Dominus vitæ, & mortis. Ipse enim est, qui poenam mortis infligit omnibus hominibus iustis, & iniustis pro peccato prius parentis: cujus sententiæ si homo sit exequutor auctoritate Divina, non erit homicida, sicut nec Deus. Et similiter etiam Osea accessit ad uxorem fornicariam, vel mulierem adulteram, non est mœchatus, nec fornicatus, quia accessit ad eam, quæ sua erat secundum mandatum Dei, vinum, qui est auctor institutionis matrimonii. Sic igitur præcepta ipsa Deo calogi quantum ad rationem iustitiæ, quam continent, immutabilia sunt, sed quantum ad determinationem per applicationem ad singulares actus (ut scilicet hoc, vel illud sit homicidium, furtum, vel adulterium, aut non), hoc quidem est mutabile quandoque sola auctoritate Divina in his scilicet, quæ a solo Deo sunt instituta, sicut in matrimonio, & in aliis huiusmodi: quæ quoque etiam auctoritate humana sicut in his, quæ sunt commissa hominum iurisdictioni. Quantum enim ad hoc homines gerunt vicem Dei, non autem quantum ad omnia.”

## SCHOLIUM I.

*Lex naturalis quoad primâ principia a cordibus hominum deleri non potest, quamvis quoad usum, seu in particulari operabili, ut ajunt, deleri possit: quoad aliqua autem præcepta secundaria deleri potest.*

Etenim lex naturalis, quoad prima, & communissima principia, naturæ hominum congenita est: tam ergo fieri non potest, ut e cordibus hominum deleatur, quam ut homines amittant eam naturam, quam habent. Inde vero est, neminem rationis usu præditum ignorare posse, mala fugienda esse; bona amplectenda.

Quia vero ratio hominum vel a concupiscentia, vel a pravis consuetudinibus sæpe impeditur, ne ad ea prima principia conformiter agat; ideo in particulari operabili, ut ajunt, lex naturalis a cordibus hominum etiam quoad prima principia deleri potest. Ita quamvis mala fugienda esse, bona amplectenda nemo dubitare possit; tamen sæpe contingit, ut vel pro bono habeat, quod malum est, vel pro malo, quod bonum est.

Sicuti autem quoad nostrum cognoscendi modum in iis errare possumus, quæ ex primis principiis speculativis necessario consequuntur; ita etiam ac multo magis falli quoad ea possumus, quæ consequuntur ex primis principiis morali-

ralibus. Hoc autem vel propter falsas persuasiones, vel propter pravas consuetudines, habitusque vitiosos potissimum contingit. Hinc nonnulli eo excitatis devenerunt, ut parentes senio confectos interficiendos esse putaverint, filios demonibus immolandos, latrocinia exercenda, fornicationem, aliaque luxuriz opera committenda, quæ omnia ex primis naturæ præceptis mala, ac turpia esse, manifeste inferri possent (a).

## COROLLARIUM.

*Hinc est, ut lex natura quoad prima principia communis sit apud omnes, siue cognitio, siue reſtitutio illius spectetur; quoad ea vero præcepta, quæ ex primis principiis dimanant, apud omnes plerumque eadem est; aliquando tamen contingit, ut neque quoad cognitionem, neque quoad reſtitutionem ab aliquibus teneatur.*

Tunc ergo aliqua lex quoad cognitionem eadem est apud omnes, quando principia, atque præcepta illius, ut vera ab omnibus recipiuntur. Simili ratione lex quoad reſtitutionem eadem apud omnes esse dicitur, quando nullus de reſtitutione, atque æquitate præceptorum dissentit.

Etenim prima principia hoc habent proprium, ut vocum notitia naturaliter cognoscantur; suntque omnium naturali inclinationi consentanea, quia sunt inseparabilia a natura specifica hominum, quæ eadem est in omnibus: ita sit, ut tam quoad cognitionem, quam quoad reſtitutionem in omnibus eadem sint. Nemo ergo, qui rationis est particeps, illorum principiorum veritatem, ac reſtitutionem ignorare potest, *bonum faciendum est, malum fugiendum.*

Quoad alia autem principia eam deleri posse, siue cognitio, siue reſtitutio illorum spectetur, ex iis constat, quæ paullo ante in secunda parte scholii primi discevimus (b).

## SCHOLIUM II.

*Omnes virtutum actus ad naturæ legem spectant, si generatim accipiantur, prout virtuosi sunt; si autem secundum propriam speciem, siue propriam rationem eorum considerentur, in naturæ lege non omnes continentur.*

Recte, atque ad Divinam voluntatem accommodate agere, est secundum naturam hominis (Art. 1. quæst. 4. hujus lib.); sed omnium virtutum actus secundum rectam rationem fiunt: ergo omnium virtutum actus sunt secundum naturam hominis. ergo omnium virtutum actus spectant ad legem naturæ, quam habent homines.

Plurimi tamen occurrunt virtutum actus, qui secundum propriam speciem considerati in naturæ lege non continentur. Hujus generis ii sunt, qui pro variis temporum, personarum, locorumque circumstantiis, utiles, commendabilesque sunt, quique licet secundum propriam speciem spectati virtuosi non sint, tamen

(a) D. Thomas 1. 2. qu. 94. art. 6.

(b) D. Thomas laud. quæst., &amp; art.

tamen vel propter legem humanam, vel propter aliam circumstantiam, & virtuos evadunt, & laudabiliter fiunt (a).

## QUÆSTIO VI.

DE DEO RETRIBUTORE PRÆMIORUM, ATQUE PœNARUM.

Ultimum hoc, non minus grave, quam cetera omnia, de quibus jam egimus, contra Deistas disputandum superest; hoc est, num alter post præsentem sit vitæ status, in quo is, qui in hac vita sese recte gesserunt, Deus bonaretribuat, aliis, qui contempnere præcepta rationis, & Divinæ voluntati non obtemperarunt, corripiat, atque puniat. Quia vero nonnulli eorum, qui alterum vitæ statum negant, ita desipere, ut Epicuri doctrinam manifeste profiteri non erubuerint, & in voluptatibus felicitatem quærendam esse dixerint; alii e contra virtutis ipsam exercitationem præmium sibi sufficiens esse posse propugnant, ne alterum vitæ statum admittere cogerentur; ideo utroque refutaturi, primo quidem demonstrabimus etiam in hac vita exercitationem virtutis valde utilem, atque delectabilem esse: 2. præsentem nostram vitam a virtute beatam effici non posse: 3. alterum vitæ statum superesse debere, quo supplicia, aut præmia unicuique retribuuntur: quumque etiam de corpore quid futurum sit, inquiri possit; ideo ostendemus rationi valde esse consentaneum, ut corpus quoque alterius vitæ aut mala sustineat, aut bonis fruatur: 4. non pugnare contra rationem, ut corpora Dei virtute integra reviviscant, firmissimo argumenti genere evincemus: tandem illud quoque naturali ratione evincere conabimur perpetuum, atque interminabile futurum esse alterius vitæ statum, qui superesse debet.

## ARTICULUS I.

NUM IN HAC QUOQUE VITA EXERCITATIO VIRTUTIS SIT VALDE UTILIS, ATQUE DELECTABILIS.

Aristippus, nonnullique alii Philosophi antiquiores, felicitatem in virtute quærendam non esse censuerunt. Hos nonnulli impii homines novissimè imitati sunt, & præter alios Auctor eniujdam libelli inscripti: *Apum Fabula* (b) sicuti etiam Auctor sermonis de *Vita Felici*: nam ille per vitia plurimum utilitatis reipublicæ afferri posse tueretur; iste in omni eo, quod sensus duleiter afficiat, & voluptatem inducit, ipsam felicitatem reponit. Alii quoque sunt *Fortes Spiritus*, ut vocantur, qui & omnem larvam deponere, & tam aperte contra rationem insanire ausi sunt (c).

Tom. II.

(a) D. Thomas 1. 2. qu. 94. art. 3.

(b) Istud impiissimum Opusculum Mandevillo Medicinæ doctori vulgo tribuitur.

(c) Inter istos Helvetius in suo *Esprit* ceteros in impietate superavit: nam non solum frangit omnem legem pudoris, dum turpiora narrat, quæ elapsis sæculis homines ediditi voluptatibus, & ipsi brutis effecti deteriores, perpetrare ausi sunt, sed ausulo ma-

L

PROPO-

gis impudenter agit, dum ad ea addit theorematæ moralia, atque tantam pravitatem morum, uti originem privatæ, & publicæ felicitatis habendam esse, impudentissime contendit. Helvetio consentit Auctor impiissimi Opusculi inscripti: *Code de Nature, Ou le Vritable Esprit de ses Loix* editi an. 1760. quod loco regionis, in qua impressum est, in sui fronte hæc habet *Par-Tout Chez le Vrai Sage*:

**PROPOSITIO.** Exercitatio virtutis plurimum felicitatis, atque utilitatis, secundum affert.

Hanc propositionem tum contra veteres, tum contra recentiores Epicureos defendendam suscipimus: quæ de causâ, nulla habita ratione præmiorum, quæ ob exercitationem virtutis homo in altera vita a Deo consequitur, felicitatem, atque utilitatem in exercitatione virtutis inesse probabimus.

Probatur propositio. Per exercitationem virtutis conciliari pacem, atque tranquillitatem animi, mentemque jucunda suavitate repleri; contra autem vitium & molestias parere sollicitudines, & mentem ægritudinibus naturaliter excidere, ipsa experientia compertum est, & evidenti ratione comprobatur. Nam per exercitationem virtutis tum rationis præceptis, tum conscientiæ monitis obtemperamus; vitium impellit, ut contra præcepta rationis, conscientięque monita agamus; sed quando contra conscientiam agimus, quieti esse non possumus; quando operamur contra rationem, contra naturam nostram operamur, quia recte, & ad Divinam voluntatem accomodate agere est secundum naturam hominis (Art. 2. qu. 4. lib. hujus): ergo animi tranquillitas per exercitationem virtutis producit, quam vitium omnino tollit, atque destruit. Major constat, quia legem nobis insitam naturaliter habemus, quæ continet omnia præcepta rationis, quæque nos continuo monet, ut illis pareamus (Art. 1. præced. quæst.) Minor quoque evidens est; nam, exprobatæ conscientia, & ipsius rationalis naturæ principii repugnantibus, quieti esse non possumus. Hinc est ut sine tranquillitate animi nullum verum gaudium consulat, quamvis sensus dulcedine voluptatum perfruantur: contra vero etiam si ea omnia desint, quæ sensus dulciter afficiunt, tamen, si animus in quiete sit, gaudemus, atque lætamur.

Et re quidem vera, uti in art. 1. quæst. præcedentis observavimus, ex Cicerone de Finibus lib. 3. „ Quis est, aut quis unquam fuit, aut avaritia tam ardens, aut tam effrænata cupiditatis, ut eandem illam rem, quam ad ipsi scelere quovis velit, non multis partibus malit ad sese, etiam omnino impunitate proposita, sine facinore, quam illo modo pervenire? „ Hoc autem evidenti argumento esse potest, nunquam conscientiam nostram, atque legem naturalem ab ipsa ratione inseparabilem non clamare contra vitia, & turpes actiones, quamvis homines eisdem assuevisse sibi videantur, aut etiam si non valde acres patiantur conscientię stimulos. Deinde nonne propter conscientię stimulos contingit, ut unusquisque aut occultare, aut excusare, vel etiam si urgeatur, tamquam honesta ea traducere velit, quæ se male gessisse videt? quemadmodum supra in eodem art. ex Cicerone lib. 1. de Legibus animadvertimus: „ Impiorum nemo tam audax unquam fuit; quin aut abrueretur esse committum a se facinus, aut iusti sui doloris causam aliquam fingeret, defensionemque facinoris a naturæ jure aliquo quæreret. „ Et Seneca lib. 4. de Beneficiis cap. 17. „ Placet, suapte natura, adeoque gratiosa est virtus, ut insitum sit etiam malis, probare meliores. Quis est, qui non beneficium vide-

, ri

Sage: postquam enim tum in prima, tum in secunda parte veram naturæ legem subvertere, aliamque principii Epicureorum conformem substituire impietate contendit, par. 2. pag. 82. concludit, per spiritum Christiani destrui moralia principia, quia per eum

sit, ut homo ab affectionibus terrestribus avocetur. Verum Christianismus ea quædam moralia principia destruit, quæ ipsa in se omnino absurda, atque impia sunt, non verum, quæ ab ipsa ratione proficiuntur.

„ri velit? qui non inter scelera, & injurias opinionem bonitatis affectet? qui non ipsis, quæ impotentissime fecit, speciem aliquam induant recti? Tandem undenam provenit, ut nullus impius homo sit, qui suam malitiam tegere, & occultare non omni ope contendat. Per vitia ergo tolli animi tranquillitatem, atque hanc repositam esse in exercitatione virtutis, nullo modo dubitari potest.

1. Virtus etiam præsentis vitæ commoda sua efficientia promovet: ergo & plurimum felicitatis sæcum affert, & est valde utilis, atque delectabilis. Consequē, manifesta est. Prob. ant. Si temperate, ac sobrie vivamus, longe facilius prospera salute utimur, ac si voluptates consecremur: si quæ erga alios recta ratio suadet, officia colimus, facile contingit, ut non solum omnes nos diligant, sed etiam plurimum ament: quæcumque sit vitæ nostræ conditio, semel ac nos recte, atque honeste gerimus, apud homines plerumque in honore sumus, dignitates consequi facile possumus, ac ad fortunæ altiorē statum pertingere. Contra etsi hæc omnia etiam vitiosi homines aliquando consequantur; tamen vel quæ consequuntur, propter sui improbitatem diutius non retinent; vel ideo consequuntur, quia virtutem simulant, & vitia tegunt.

3. Ex civili, atque politica societate recte instituta uniuscujusque quietem, & felicitatem pendere, cuiusvis, tandem conditionis ipse sit, nemo negare potest; sed, sublata exercitatione virtutis, nulla reliqua esse potest bene instituta civilis, ac politica societas: ergo, sublata exercitatione virtutis, nemo vel quietus, vel felix esse potest. Prob. mi. Bona fide, ac iustitia civilis, & politica societas potissimum continetur; sed officia bonæ fidei, & iustitiæ cum virtute necessario conjuncta sunt: ergo. Et re quidem vera unumquemque ea omnia contra alium facere demus, ad quæ propter vitia inclinamur; quis inde futurum non videt, ut nemo quietus, ac securus esse possit? sibi, suis, ac rei familiari unumquemque semper timere necesse erit: modo a fraudibus, atque deceptionibus sibi cavere, modo invidiam aliorum, atque injusta odia devitare, modo graves quoque injurias pati oportebit. Sed in hac conditione rerum neque etiam improbi haberent, cur gaudere possent: nam si virtuosos homines ab aliorum injuria securi non forent, improbis profecto propter ipsam suam improbitatem multo magis semper sibi ab aliis timerent. Verum in re tam manifesta non est, cur diutius operam nostram impendamus. Id unum tantum observatum volumus, ideo ab impiis recentioribus omnem religionem, repugnante conscientia, atque evidenti ratione, exutam esse, ut falsa, & impia perivassione soluti a quacumque lege voluptatibus liberius indulgere possent. Unde factum fuit, ut nonnulli eorum exercitationem virtutis aperte oppugnaverint, alii autem paulo verecundiores vel sensibilia consecranda, vel animalis naturæ motibus obtemperandum esse dixerint.

Dices I. Iusti prospera fortuna, adversa improbi uti deberent, si tanta in virtute quies, & felicitas, in vitio miseria reposita esset; sed contra contingere sepe videmus: ergo.

R., dil. na., si conditio fortunæ nostræ non penderet aliquando vel ab improbis hominibus, vel ab iis, qui meritum virtutis perspicuum non habent, con., si aliquando pendeat vel ab improbis hominibus, vel ab aliis, qui virtutis meritum perspicuum non habent, ne: Illud ergo primo quero ab adversariis, an etiam ipsi, qui vitiorum causam defendendam susceperunt, injustos,

& raptores rei alienæ præfici, avaros, & crudeles exercendis iudiciis præponi, præfecturas demandari iis, qui prudentia, æquitate, ac iustitia populos regere non norunt, voluptuosos demum, & somno, ac ludo deditis reipublicæ graviora officia committi, æquo animo videre possint? Profecto si non omnem humanitatem prorsus exuerunt, facere non poterunt, quin in lignentur, si hisce hominibus talia officia committantur: ergo etiam ipsi vitia vituperant: ergo vitia ad dignitates, atque ad quæcumque officia aditum intercludere debere, ipsi quoque sentiunt: ergo per vitia tum privato, tum publico bono maximum detrimentum afferri nolentes concedunt.

Quamvis ergo aliquando extrinsecis de causis contingat, prospera fortuna, uti eos, qui male agunt, adversa autem illos, qui recte operantur, tamen quia neutrum horum vitii, aut virtutis efficientia sit; non inde philosophi est negare, plurimum utilitatis ex sui natura a virtute proficisci, contra plura mala ad vitia consequi. Intueris enim iustitiam (inquit S. Augustinus de *Libero Arbitrio* lib. 2. num. 50.) qua nemo male utitur. Hæc inter summa bona, quæ in ipso sunt homine, numeratur, omnesque virtutes animi, quibus ipsa recta vita, & honesta constat. Nam neque prudentia, neque fortitudo, neque temperantia male quis utitur: in his enim omnibus, sicut in ipsa, etiam, quam tu commemorasti, iustitia recta ratio viget, sine qua virtutes esse non possunt. Recta autem ratione male uti nemo potest. . . . Virtutes igitur, quibus recte vivitur, magna bona sunt: species autem quorumlibet corporum, sine quibus recte vivi potest, minima bona sunt: potentia vero animi, sine quibus recte vivi non potest, media bona sunt. Virtutibus nemo male utitur: ceteris autem bonis, id est mediis, & minimis, non solum bene, sed etiam male, quisque uti potest. Et ideo virtute nemo male utitur, quia opus virtutis est bonus usus istorum, quibus etiam non bene uti possumus. Lib. autem 3. de *Civitate Dei* c. 3. num. 1. Hæc enim (inquit S. Doctor, id est virtus) bene utitur & se in ipsa, & ceteris, quæ hominem faciunt beatum, bonis. Ubi vero ipsa non est, quamlibet multa sint bona, non bono ejus sunt, cunctis sunt, ac per hoc jam nec ejus bona dicenda sunt, cui male utenti utilia esse non possunt. Sicuti autem vitium virtuti opponitur; ideo qua ratione ab ipsa virtute omnia rectitudinem acquirunt, eadem quoque a vitio cuncta deformantur, & corrumpuntur. Nam esse vitium, & non nocere, non potest; uti pro suo more S. Aug. acute infert li. 12. de *Civitate Dei* cap. 3. Neque mirari debemus, si vel improbitate, vel ignorantia hominum aliquando eveniat, ut impii gaudeant, iusti autem patiantur: nam ubi recta ratio non dominatur, omnem quoque ordinem turbari necesse est. Illud etiam advertatur oportet, hoc discriminis quoad rem illam inter vitium, & virtutem interesse, quod vitiosi homines ut in honore habeantur, virtutem simulare debent, contra autem virtuosus propter ipsam virtutem in honore sunt. Inde vero sæpe contingit, ut illi, detecta fraude, exilimationem, quam acquisierant, omnem amittant; illi autem majori in pretio semper habeantur: Quod si vitiosis perpetua simulatione uti posse eveniat, nunquam profecto fiet, ut eam animi tranquillitatem, & pacem, qua virtuosus fruuntur, asequi possint. Hac autem semel sublata, cetera omnia suavitatem, & dulcedinem, si quam habent, amittunt.

Cont. Plurimum difficultatis inesse in exercitatione virtutis, contra naturam nostram ad vitia valde proclivem esse, nemo negaverit: ergo exercitatio virtutis neque felicitatem, neque utilitatem habet; contra si vitiosis obtemperemus dulcem, ac tranquillam vitam ducere possumus.

R.



R., nos concedere plurimum difficultatis sæpe inesse in exercitatione virtutis; verum hæc difficultas uberiori dulcedine compensatur tum in ipsa exercitatione virtutis, tum multo etiam magis reliquo totius vitæ tempore: nam virtus sui recordatione animum reficit, atque recreat. Verum nonne etiam ut pravæ cupiditates expleri possint, plurimum laboris sæpe subeundum est? quid avarus non pati, quid injuriarum ultor non sustinere, quid simulator acute non præcavere, quid mendax non timere, quid demum omnes vitiosi homines non deglutire debent, ut, quod volunt, assequantur? Quamvis autem vitiosi homines aliqua dulcedine perfrui possint, dum in vitiorum cæno voluntantur; tamen ut recordatione vitiorum revera gaudeant, atque latentur, præcise ut viria sunt, id nunquam profecto fiet: nam vitium nimis turpe per se est, & sua sponte vituperatione dignum. Deinde dulcedo, & suavitas, quam voluptates parere solent, potest ne cum ea comparari, quæ ex virtute percipitur? Non solum constans, atque perpetua hæc est, sed etiam sincera, & germana, quæ meliorem partem nostri afficit, quia animus in ea gaudet, & lætatur; illa vero & cito transit, & futilis est, ac nobis brutisque communis. Postremo nonne sæpe contingit, ut vitiosi homines omnino frustra laborent, quia, quod vellent, non consequuntur? nonne inquieti inde evadunt, æstivantes, angustia, atque mœrore pleni? Exercitatio autem virtutis quando nam est sine aliquo fructu? Profecto saltem dulcedo, quam illius recordatio parit, nunquam deesse potest: e contra autem nunquam fiet, ut vitiosi homines propter admissa scelera animi mœrore careant.

Verum enim vero virtutis exercitationem plurimum felicitatis, atque utilitatis sibi conjunctum habere, hoc vero est, quod contra Epicureos modo volumus; num vero plus laboris infundendum sit, si virtuti, quam si vitis obtemperemus, hic non disputamus. Nam quamvis daremus, neminem in virtute sine molestia, atque fastidio se exercere posse, quid inde Epicurei inferre contra nos possent? anne utile, & felicitatis plenum id esse repugnat, quod sine labore comparari non potest? Profecto ut ea, quæ valde utilia sunt, acquiramus, plurimum laboris plerumque sustinendum esse, ipsa experientia comperit habemus. At mirandum non est, si Epicureis, quæ in exercitatione virtutis pati debemus, fastidio, atque etiam odio sunt: non aliter enim, ac bruta, in sensibus omnem felicitatem reponunt; unde fit, ut veluti inutile, atque insuflum id omne rejiciant, quod sensus non dulciter fovet. Nos autem eam felicitatem, atque utilitatem, quam in exercitatione virtutis repositam esse propugnemus, animum præcipue afficere dicimus, quamvis inde sensus quoque, secundum rectam rationem gaudere possint.

Dices II. Intemperantia civium ad vires imperii promovendas multum confert: ita intemperantia cibi, atque potus, occasio est, ut multi lucrum faciant, luxus mercatorum numerum augeat: alia quoque vitia suam utilitatem habent, quæ cedit in commune bonum: ergo (a).

R., hunc opinandi modum non magis impium, quam ab omni ratione abhorrentem esse: unde multus Legislator usque modo fuit, qui in virtute patrociniū non quaesierit, vitia autem severitate poenarum nam coercuerit. Imperia quoque maxima incrementa a virtute accepisse, contra vero propter vitia, sensim imminuta, ac tandem deleta esse, omnium gentium historia confirmant. Ea ergo Reipublicæ utilia sunt, quæ cives ad virtutem informant, & non mi-

nus

(a) Ita Auctor impii libelli inscripti: *Apud Tebula.*

nus privatum, quam publicum bonum promovent. Tantum autem abest, ut vitia hoc præstare possint, quin potius omnino deservant, atque tollunt. Quid enim magis, quam vitium, homines molliores reddit, rei familiaris curandæ incapaces, ineptos obcundis reipublicæ muneribus, atque etiam propriæ valetudinis immemores? Si paterfamilias vitiis cæno involutus sit, quanta in domum illius mala redundant? quanta in totam civitatem, si magistratus eodem morbo laborent? Propter vitia mercatura deficit, languent artes liberales, contemnitur virtus, injulitiæ, rapinæ, odia, & cetera omnia mala dominantur. Vicia ergo aliquid utilitatis in se habere posse, quæ in commune bonum referatur, ille tantum asseruerit, qui contra apertam rationem impudentissime insanire præsumpserit. Denique qui id argumenti monstrum obijciunt, concludunt pari jure, morbos, & mortem bona quædam esse naturæ humanæ, quia ex morbis licrum ad medicos, ex morte opes ad hæredes perveniunt. Nimirum ad has absurditates labi necesse est, qui virtuti, & rationi bellum indixerunt.

## ARTICULUS II.

NUM AD BEATE VIVENDUM VIRTUS CONTENTA SE IPSA SIT; SEU NUM PER SOLAM VIRTUTEM EFFICI POSSIT, UT QUIS VITAM OMNINO BEATAM DUCAT.

**Q**ui virtuose operatur, omnino beatum dici posse, Stoici arbitrabantur, & propterea virtutem se ipsâ contentam esse ad beate vivendum contendebant: nos vero etsi plurimum felicitatis, atque jucunditatis in exercitatione virtutis inesse fateamur; tamen vitam beatam per eam reddi posse negamus. Hoc vero antequam demonstremus, observandum est, omnes ærumas tum animi, tum corporis a vita beata procul abesse debere: nam beatus esse non potest, qui vel interius in animo cruciatur, vel exterius affligitur in corpore.

**PROPOSITIO.** Virtus se ipsâ contenta non est ad beate vivendum.

**Prob. propositio.** Et 1. quidem illud manifestum est, vel propter varios fortunæ casus, vel propter levitatem, aut improbitatem hominum sæpius contingere, ut neque etiam quæ ab hominibus in hac vita deberentur, præmia virtuti reddantur, neque qui virtuose egit, debitum honorem apud alios consequatur, quin potius & sæpius contra improbos animo obniti debet, & plura deglutire ab iis, qui contrariam agendi rationem inierunt. Ita iustitiæ, fidei, fortitudinis, ceterarumque omnium exercitatio virtutum, non solum gravem laborem plerumque secum affert, verum etiam nullum aliquando præmium consequitur, & apud aliquos contemptui habetur. Itaque cum ea animi tranquillitate, quam producit virtus, plures quoque ærumæ conjunctæ sunt, quibus vitæ beatæ statum omnino perturbari necesse est.

2. Quamvis plurimum utilitatis etiam in ipsam corpus redundet ab exercitatione virtutis; verumtamen aut graves dolores per eam tolli, vel sedari, aut assidua valetudo omnino curari non possunt. Paupertatem vero, interperiem aeris, aliæque physica mala, quibus vitæ præsens obnoxia est, facit quidem virtus, ut aquo animo feramus, eorum tamen incommoda ut non sentiamus, facere non potest. Perfectum autem bonum est (inquit S. Thomas lib. III. *con. Gent.* cap. 48. nu. 5.) quod omnino caret admixtione mali: sicut perfectum album est, quod est omnino impermixtum nigro. Non est autem, possibile, quod homo in statu istius vitæ omnino sit immunis a malis non so-

lum

lum corporalibus, sive carnalibus, quæ sunt fames, sitis, frigus, & alia huiusmodi, sed etiam a malis animæ. Nullus enim invenitur, qui non aliquando inordinatis passionibus inquietetur, qui non aliquando prætereat modum, in quo virtus consistit, vel in plus, vel in minus: qui non etiam in aliquibus decipitur, vel saltem ignoret, quæ scire desiderat: aut etiam debili opinione concipiat ea, de quibus certitudinem habere vellet: non est igitur aliquis in hac vita felix. Num. 6. Adhuc homo naturaliter refugit mortem, & tritator de ipsa non solum ut nunc quum eam sentit, & eam refugit, sed etiam quum eam recogitat. Hoc autem quod non moriatur, hoc non potest assequi qui in hac vita: non est igitur possibile, quod homo in hac vita sit felix.

3. Multa mala esse, quæ ab improbitate hominum tum animo, tum corpori imminet, quæque exercitatione virtutis præcavere non possumus, nemo negaverit: ergo extra omnem dubitationis aleam positum est, per solam virtutis exercitationem vitam beatam effici non posse.

Dices. Plurimum utilitatis tum in animam, tum in corpus redundat ab exercitatione virtutum, ut in art. præced. demonstravimus: quo ergo perfectior erit exercitatio virtutis, eo quoque major utilitas profluere ab ipsa debet: ergo si exercitatio virtutis sit perfectissima, maximæ quoque utilitatis causa erit, proindeque etiam beatæ vitæ.

R., & nos quoque ultro concedere, maiorem utilitatem a virtute dimanare, quo perfectior ejus exercitatio fuerit; tantam vero utilitatem, quæ præsentem vitam beatam omnino reddat, a virtute profluere posse, hoc vero est, quod negamus. Uti enim jam prædiximus, quævis ærumna corporis, aut animi a vita beatæ procul abesse debet. Quis vero sibi unquam fingere potest, tantam in hac vitæ conditione esse efficientiam virtutis, ut animi corporisque ærumnas avertat? Anne quotidiana experientia non contra docemur? Non enim ea solum mala, quæ ex animi vitio oriuntur, quæque corrigi possunt virtute, miseria, & molestias producant; sed etiam ea mala, quorum remedia a nostra potestate non pendunt: beatæ autem vitæ omnem periculum molestiam excludit. Itaque licet utilitas, quæ a virtute dimanat, maxima sit, nunquam tamen vitam beatam efficere potest.

## C O R O L L A R I U M I.

*Sicuti ergo quod virtuti præmium, ita etiam quæ vitio pena debetur, sapientia nulla, vel non qualis deberetur, in hac vita retribuitur,*

Nam multi, qui sunt insignis improbitatis propter externam speciem virtutis, aut propter malitiam hominum, debita virtuti præmia sæpe consequuntur, atque apud multos in honore sunt: alii propter divitias non solum effugiunt pœnas scelerum, sed etiam sibi vindicant obsequia plurimorum: quidam in patrandis sceleribus tanta calliditate utuntur, ut hominum inquisitionem eludant nullasque pœnas ab iisdem sustineant. Denique sicut illi, quæ intra nos recte, nullum præmium, ita quoque illis, quæ intra nos improbe fiunt, nulla pœna in hac vita per homines rependi potest: ergo sicut virtus suo præmio, etiam vitium sua pœna in hac vita sæpe fraudatur. In interna autem exercitatione virtutum, aut turpitudine vitiorum, semper hoc eveniat oportet, quia occulta cordium inquisitionem hominum semper latent.

COROL.

## COROLLARIUM. II.

*Semper autem sicuti in exercitatione virtutis aliqua vera felicitas reposita est; ita etiam vitia aliquam delectationem secum afferunt, quamvis turpis hac sit, & homine indigna.*

Hoc, quod volumus, ita experientia compertum est, ut pluribus probari non oporteat. Quid enim efficit, ut homines, iis etiam relictis, quæ meliora esse noverint, deteriora sequantur? ut, repugnante conscientia, brutorum more vivant? ut, quasi exuta ratione, quam sibi congenitam habent, furta, rapinas, adulteria, & omne flagitiorum genus committant? quid superbum impellit, ut deprimat alios, ambitiosum, ut quamdam tyrannidem super alios exerceat, avarum, ut egentes quoque opprimat? voluptates autem sensuum quæ, de causa tanto studio, ardore, atque etiam sæpe cum sui periculo, nonnulli consecantur? Vitiis ergo dulcedine, atque delectatione, licet falsa ea sit, & rationali naturæ contraria, ad male agendum pertrahi homines, dubitari non potest: ergo vitia aliquam secum delectationem semper afferunt.

## COROLLARIUM III.

*Quapropter neque perfecte beati, neque perfecte miseri in hac vita esse possumus.*

Sicuti enim a perfecta beatitudine omnis ærumna sive animi, sive corporis, procul abesse debet; ita etiam perfecta miseria cujusvis solatii, sive animi, sive corporis, omnino expers esse debet. Neutrum tamen in hac vita contingere posse, experientia testatur. Impossibile esse, ut etiam virtuosi homines perfecta beatitudine in hac vita fruantur, jam demonstravimus, non minus autem constat, etiam fieri non posse, ut quispiam in summa miseria sit: nam qui omnium miserrimi revera sunt, quamvis sibi esse non videantur, hoc est, qui vitiis indulgent, & ipsi suam delectationem habent, uti jam probavimus, voluptatum dulcedine fruuntur, gaudent, atque latantur. Qui autem malitia aliorum injulte opprimuntur, ex sua innocentia habent, unde aliqua ratione sese consolari possint. Si autem summa paupertas, & egestas rerum omnium, adversa valetudo, persecutio, & odium aliorum, cum maxima improbitate in aliquo conjuncta sint, vel ipsa improbitate ob fructum aliquem gaudet, vel quodam spe ab hisce tantis malis sese eripiendi erigitur, dum tanta mala ipse a se avertere quærit. Adeo verum est, nullius vitam tam miseram esse posse, ut quovis vel interno, vel externo solatio careat: nam, quamvis omnia desint, profecto solatium, quod ex futuro ærumnarum sine capitur, nunquam desine potest.

## COROLLARIUM IV.

*Quapropter sicuti virtus in se non habet, unde in hac vita iuste compensetur; ita neque etiam vitium, unde iuste puniatur.*

Nam sicuti virtus, quamvis plurimum veræ felicitatis, atque utilitatis conjunctum habeat; tamen omni molestia vel interna, vel externa nunquam caret; ita quoque licet vitium sine pungentibus conscientie stimulis, vel sine timore, iactura bonorum, atque valetudinis, rixa, odio, metu poenarum, aliisque similibus malis, quæ ipsum comitantur, esse non possit; nihilominus suam dulcedinem, ac delectationem habet: ergo tam in vitio, quam in virtute non inest, unde ista iuste, & pro merito in hac vita compensetur, illud iuste, & pro merito in hac vita puniatur.

Et re quidem vera si tam virtus præmium, quam vitium poenam in se, haberet, nunquam contingere posset, ut paterentur, qui virtuose agunt, gauderent autem, qui vitiose vivunt; sed hoc propter improbitatem, vel ignorantiam hominum sæpe contingit: ergo neque virtus præmium, neque vitium poenam in se habent, unde iuste in hac vita compensetur illa, istud puniatur.

Tandem si virtus præmium, vitium poenam in se haberet, qui magis virtuosus, frui ampliori præmio etiam apud homines, qui autem magis vitiosus essent, poenam graviolem pati deberent; sed non solum sæpe contingit, ut vitiosus bona consequatur, ac gaudeant, iusti autem mala patiantur, & lugeant, sed etiam ut minus boni consequatur, qui majori virtute præditus est; minus mali sustineat, qui est magis insigniter vitiosus: ergo semper manet, neque virtutem in se habere, unde in hac vita iuste, & pro merito compensetur; neque vitium, unde in hac vita iuste, & pro merito puniatur.

Hinc vero constat, virtutem sufficiens sibi præmium, vitium autem sufficientem sibi poenam in hac vita esse, quam inepte, & imperite Deistæ contendunt, ne argumentorum vi pressi alterum vitæ statum admittere cogantur. Sed age, rem quoque istam contra eos diligenter expendamus.

## ARTICULUS III.

NUM POST PRÆSENTEM ALIA QUOQUE VITA ESSE DEBEAT, IN QUAPRÆMIA JUSTIS, IMPROBIS SUPPLICIA RETRIBUANTUR.

**G**Ravissima de re modo agere institimus, de qua nemo quam maxime non sollicitus esse debet: nam præsentem vitam nostram, sive affluat deliciis, sive ærumnis plena sit, semper duraturam non esse, omnes noverunt. Quapropter num altera supersit, & qualis superesse possit, sollicite omnes, ac maxima cura inquirere debent.

Eorum ergo impietatem vesanumque errorem confutandum modo suscipimus, qui post præsentem nullam aliam vitam superesse timentur, in qua Deus referat præmia bonis, malos autem puniat, prout meruerunt.

Epicurus, ejusque discipuli in horum censum primo veniunt, qui quum animam simul cum corpore interire putarent, consequens fuit, ut alterum vi-

ta statum negarent, in quo premio, vel pœnæ locus esse posset. In eandem sententiam ex Hebræa gente etiam Sadducæi concesserunt, ex Christianis vero Eunomiani, Gnostici, Aibaneses, nonnullique recentiores, qui vulgi præjudicia se detexisse, impudentissime jactitant. Tales sunt Hobbesius, Bælius, Collinsius, Tindalius, Woolstonus, nonnullique alii eorum, qui *Spiritus Fortes* se dici amant. Quamvis autem in hac opinione sese esse dicant propter nonnullas rationes, quas licet omnino futes, atque inanes, specioso apparatu verborum proponunt; revera tamen iccirco sunt, quia id omne a sua cogitatione averti vellent, per quod hujus vitæ felicitas turbari potest. Hinc in oppugnando futuro impiorum statu tori sunt, de futura felicitate iustorum vel parum, vel nihil omnino curant: nam ille eos angit, atque excruciat, quum suum vivendi genus tale esse, vel inviti cogascent, ut eum sibi quoque paratum videant (a).

Hic autem error quamvis tum Atheistis, tum Deistis, qui vel Dei providentiam negant, vel inter bonum, & malum morale nullum discrimen esse ponunt, communis sit; tamen, uti Clarkius de *Religione Naturali* cap. 2. observavit, quorundam Deistarum proprius esse videtur, qui & moralia attributa in Deo admittunt, & animam mortalem esse volunt. Suum vero errorem inde confirmari posse, falso putant, quia quum inter Dei nostratque virtutes magnum discrimen sit; alteram vitam, in qua præmia bonis, impiis mala rependantur, admitti non oportere affirmant, quamvis distributio bonorum, & malorum in hac vita inæqualis esse nobis videatur. At quam pessima eorum, æque ac aliorum eis similitum, conditio sit, quam turpiter a manifesta, & per se nota veritate aberrant, serio expendamus.

PROPOSITIO. Altera, præter præsentem, vita superesse debet, in qua iusti consequantur præmia virtutum, scelerum autem pœnas impii sustineant.

Prob. 1. propositio testimoniis Ethnicorum Philosophorum, quibus contra Deistas eo libentius utimur, quia eos propter Religionis, aut infantie præjudicia ita sensisse, calumniari non poterunt. Supplicia ergo malis, præmia bonis in altera vita repõta esse, putavit Socrates, ejus auctoritas summo semper apud omnes in pretio fuit. Hæc enim de Socrate Xenophon discipulus illius refert: „ Deum, non casum, hujus mundi rerumque omnium conditarum  
„ causam esse, ipsum omnia cognoscere quæ hic aguntur, non quemadmo-  
„ dum vulgus opinatur: hi enim opinantur quædam Deos scire, quædam autem  
„ ignorare: ac ubique adesse, & de omnibus consulere. Omnia præterea gu-  
„ bernare, & imprimis hominum curam gerere, sive corpus spectes, sive ani-  
„ mum, qui omnium aliorum facultates excellit. „ Inde vero colligebat:  
„ Præmia manere illos, qui Deo placuerint, iis autem, qui Deo displicent,  
„ pœnas decerni: idque probare ejus id ipsum facendi potentiam, humani-  
„ que animi conscientiam, „ (b).

Idem quoque censuit Xenophon Socratis discipulus, ut constat tum ex vindictis sui magistri ab eo factis, tum ex ejus ep. 5. a Leone Allatio inter Socraticas relata, & a Stanlejo producta.

Verum hac de re magis diserte præ ceteris omnibus Plato loquutus est.

Non.

(a) Auctor tamen *Epist. Persecutorum* ep. 125. utrumque vitæ statum; hoc est tum miserum, tum felicem æque continuit.

(b) Lib. de *Falsis*, & *Disiis Socratis* ex interpret. Beffarionis.

Nonnulla eorum summation attingemus, quæ in lib. 10. de *Repubblica* habet. Initio ergo hujus libri rem istam magni momenti esse tradit, quum ratio instituentis vitæ nostræ ab ea pendeat. Deinde vero justitiæ præmia ita disponit, ut quamvis nonnulla etiam in hac vita habeantur, longe tamen majora in altera supersint. Inde infert ea præcipue supplicia metuenda esse, quæ post hanc vitam improbis parata sunt, quia sicuti ad Dei justitiam spectat, ut iusti præmia consequantur, ita etiam pertinere debet, ut impii pro merito patiantur. Demum vitam immortalem esse debere concludit, in qua iusti numeris omnibus absoluta felicitate potiantur, impii vero summa mala sustineant, quia distributio bonorum, & malorum modo non pro merito fit. Heri cujusdam Armenii exemplo hoc omne confirmat, quo fateris iustorum impiorumque status per belle representatur. Aristotelem quoque in hac opinione fuisse, quoniam Augustinus *Eclogibus* lib. 4. de *Perenni Philosophia* cap. 6., & 9. ex iis, quæ ipse Aristoteles tradidit lib. 10. *Moral.*, perspicue demonstravit, non est, cur nos evincere contententes actum agamus.

Præclarissimum hoc argumenti genus etiam Cicero prosequutus fuit *Tusculanarum Quaestionum* lib. 1., in quo hæc, quæ Socratem jam iam moriturum dixisse refert, laudat, atque probat: „Duas esse vias, duplicesque cursus „animorum e corpore excedentium: nam qui se humanis vitiis contami- „nassent, & se totos libidinibus dedidissent, quibus cæcati vel in domesticis „vitiis, atque flagitiis se inquinassent, vel in Republica violanda fraudes inex- „plicabiles concepissent, iis devium quoddam iter esse, seclusum a consilio „Deorum: qui autem se integros castosque servavissent, quibusque fuisset mi- „nima cum corporibus contagio, seseque ab his semper sevocassent, essentque „in corporibus humanis vitam imitanti Deorum, his ad illos, a quibus essent pro- „fecti, reditum facilem patere. „Hinc est, ut in fine ejusdem libri ita statuatur: „Non enim temere, nec fortuito sati, & creati sumus; sed profecto fuit quæ- „dam vis, quæ generi consuleret humano, nec id gigneret, aut aleret „quod quum exantlavisset omnes labores, tum incideret in mortis malum sem- „piternum. Porum potius paratum nobis, & perfugium putemus: quo utinam „velis passis perveli liceat. „Demum ea, quæ tradit in *Somnio Scipionis*, alterum vitæ statum ab eo admissum esse, nos dubitare non sinit.

At, omiſſa auctoritate Ethnicorum Philosophorum, quam Deistæ fortasse contemnent, rem ipsa ratione expendamus, quam contemnere non poterunt, nisi omnem rationem exarcent. Et 1. quidem anima est immortalis, sive in seipsa, sive quoad sui principium spectetur (Art. 9. quæ. 7. lib. 2.): ergo alter vitæ status superesse debet, in quo iusti præmium recipiant, impii puniantur, quum in hac vita, ut vidimus, tum illi debitum præmium non consequantur, tum isti debitam penam non sustineant. Anima libera est (Art. 6. quæ. 6. lib. 2.), ideoque legem, quam sibi a Deo naturaliter inditam habet, ut servet (Art. 1. quæst. 5. hujus libri), tam libere servat, quam libere non servat; aliunde vero virtus se ipsa contenta non est ad beate vivendum (Art. 2. hujus quæ.), & neque perfecte beati, neque perfecte miseri in hac vita esse possumus, quia sicuti virtus in se non habet, unde in hac vita iuste compensetur, ita neque etiam vitium, unde iuste puniatur (Coroll. 3. & 4. laudati art.): ergo quia libera est, & legem, quam naturaliter inditam habet, tam servare, quam non servare potest, si eam servaverit, præmium, si autem non servaverit,

pœnam meretur: ergo quum virtus in se non habeat, unde in hac vita iuste compensetur, neque vitium, unde iuste puniatur; aliunde vero apud homines virtus sæpe sit sine præmio, vitium autem sine pœna, inde necessario confequitur, ut iustis præmium, pœna impiis in altera vita rependi debeat: ergo & alter vitæ status esse debet, & qui male egerunt in eo puniri, qui autem bene, præmium consequi debent.

2. Sicuti ait S. Thomas Lib. III. *contra Gentiles* cap. 140. nu. 1., „Ejus est punire, vel præmiare, cujus est legem imponere: legis enim latores per præmia, & pœnas ad observantiam legis inducunt, sed Deus hominibus legem dedit (Ar. I. qu. 5. lib. huius): ergo ad Deum pertinet homines punire, vel præmio donare; sed utrumque in hac vita vel nullo modo fit, vel omnino diminute; quin potius sæpissime contingit, ut bene sit iis, qui male egerunt, male autem, qui Dei legem servarunt: ergo quum neque virtus iustum præmium, neque vitium iustam pœnam modo in se habeant, utrumque in altera vita a Deo rependi debet.

3. Deus est ens summe perfectum: ergo sanctitate, iustitia, atque providentia in hac omnia præditus esse debet: ergo bona iustis, mala impiis post hanc vitam retribuat oportet: alia ergo vita præter præsentem superesse debet, in qua iusti virtutum præmia consequantur, pœnas scelerum impii sustineant. Deum summe perfectum esse, etiam Deistæ non negant; neque vero negare possent, si vellent, quia summa perfectio cum natura Dei ita essentialiter conjuncta est, ut ab ea separari non possit (Ar. I. qu. 3. lib. 2.). Inde autem sequi sanctitatem, iustitiam, atque providentiam præditum esse debere, per se manifestum est, quia sanctitas, iustitia, atque providentia præcellentes quædam perfectiones sunt. Quod ergo ex his inferitur, oportet, ut evincamus. Quamvis ergo Deus ob publica flagitia publicas quoque calamitates aliquando immitat; vel privata scelera privata pœna aliquando puniat; tamen sæpe contingere, ut hominum crimina inulta dimittantur; immo impios ad ultimam usque diem prospera, adversa autem fortuna uti eos, qui se recte gesserunt, ipsi experientia compertum habemus: ergo quum sanctitatis sit, prodesse bonis, & corripere malos; iustitiæ recte facta donare præmio, & crimina punire; providentiæ parare omnibus, quæ sibi meruerunt; si Deus sanctitate, iustitia, atque providentia præditus est, bona iustis, mala impiis post hanc vitam oportet, ut retribuat (a).

Et sane si nulla est bene instituta Respublica, in qua neque virtuti præmium rependitur, neque vitia debita pœna plectuntur: si optimi gubernatoris est, non solum honesta probare, & damnare turpia, sed etiam præmio bonos, supplicio afficere malos; quo potiori jure id Deo convenit, qui est origo totius sanctitatis, & iustitiæ, cui nemo in recto providentiæ ordine æqualis esse potest?

Deistæ, de quibus in hoc articulo ultimo loco mentionem fecimus, Dei virtutum longe aliam, ac nostrarum, rationem habendam esse dicunt; unde alteram superesse vitam, in qua præmia bonis, impiis mala rependantur, inferri

(a) Quum ergo spectet ad iustitiam Dei, ut peccata plectantur debita pœna, Aug. *Epist. Persicorum* ep. 83. sibi adversatur, dum Deum iniustum esse, ut quid impossibi-

le statuit, & recte quidem statuit, & tamen contra eos insurgit, qui peccatum a Deo odio haberi, atque puniri decernunt.



ri non posse contendunt, quamvis distributio bonorum, & malorum in hac vita inæqualis sit, atque etiam præter ordinem rationis facta esse videatur.

At illud ego ab iisdem quero, in quo tandem repositum sit illud discrimen, quod inter Divinas, & humanas virtutes intercedit. Profecto Dei virtutes ab humanis differre, inde affirmare non audebunt, quia istæ præcellentiores sint, illæ autem imperfectiores; sed quia Dei virtutes in sui excellentia humanas infinite excedunt, atque superant: ergo quidquid imperfectionis est in virtutibus humanis, a Divinis detrahi debet; peculiari autem modo, atque præcellentiſſima ratione iisdem tribui, quidquid illæ perfectionis habent; sed homo, quo majorem bonitatem habet, eo magis bonis prodesse, & malos corrumpere studet; quo insigniori iustitia præditus est, eo magis recte facta præmio donare, & crimina punire curat; quo in suæ providentiæ dispositione est prudentior, eo magis contendit, ut cuncti consequantur, quæ sibi meruerunt: contra tum bonitatis maximum vitium est, si per eam profectui bonorum, & malorum correptioni negligenter consulatur; tam iustitiæ, si per eam nec iusti, quod merentur, præmium consequantur, neque impii debitam pœnam sustineant; tum providentiæ, si per eam omnibus non retribuatur, prout sibi quique meruerunt: ergo si Dei sanctitas, iustitia, & providentia sunt infinite perfectæ, necessario sequitur, ut per eas boni juventur, mali corripiantur, recte facta præmium, crimina pœnam accipiant, perfectissimæque ratione omnibus parata sint, quæ sibi meruerunt: ergo ea etiam potissimum de causâ quia Dei virtutes ab humanis differunt, alterum vitæ statum admittamus oportet, in quo impii puniantur, iusti autem debita præmia recipiant.

4. Deus non potest non amare virtutem, non odisse vitium: ergo præmia, aut supplicia unicuique, prout meruerit, in futura vita rependere debet. Prob. con. Eorum, quæ Deus amat, felicitatem, eorum quæ autem odit, supplicium velle debet; alioquin amor, & odium Dei saltem ab impiis contemni possent, quia nullum per ea damnum, vel utilitas asferretur: ergo quum sæpe contingat non completum in hac vita consequi præmium, qui virtuti student, nullam pœnam pati eos, qui male agunt; agnoscendam est præmia, aut supplicia, unicuique, prout meruerit, in altera vita a Deo retribuenda esse.

5. Si post mortem nulla operum retributio sit, non solum bruta sæpe ipsæ hominibus beatiora erunt, quia illa sine molestia, & dolore vitam plerumque degunt; sed etiam inter homines ille beator erit (quatenus scilicet suæ cupiditati indulserit, prout voluerit), qui omnia vitia consecutus fuerit, latrocinia commiserit, vitam aliis eripuerit, aliaque similia egerit, quæ in se maximam turpitudinem habent. Contra autem qui nemini malum intentasset, suis pravis cupiditatibus restitisset, semperque præcepta virtutis sequutus fuisset, vel nullum tantorum operum præmium, vel omnino exiguum consequeretur, quod labori non responderet. Quis vero contra rectam rationem hæc esse non cognoverit?

Postremo. Non minus Divinæ legi, Divinæque voluntati consentaneum, est, quod exterius opere, quam quod interius voluntate, & mente recte perficitur; sicuti a contrario non minus Divinæ legi, Divinæque voluntati adversatur, quod exterius opere, quam quod interius mente, ac voluntate impie committitur; sed licet operibus externis bonis, aut malis aliquod præmium, vel pœna ab hominibus in hac vita aliquando referatur; tamen internis neutrum horum refertur, aut referri potest: ergo si altera vita non superesset, in qua

qua iusti præmium consequerentur, impii poenam sustinerent, multa, immo pleraque bona, aut mala opera, quæ æque, ac alia, Deo placent, aut displicent, ejusque Divinæ legi consentanea, vel contraria sunt, sine debito præmio, vel sine debita poena remanerent. Hoc autem si Divinæ bonitati, iustitiæ, & providentiæ non adversatur, nihil sane adversari posse arbitror (2).

Deiitæ ad hæc omnia unum tantum reponere possunt, & revera reponunt; hoc est, sufficiens sibi præmium esse virtutem, vitium autem tum propter sui turpitudinem, tum propter conscientie reatum, quem causat, sufficientem, sibi poenam.

Verum hoc illorum effugium quam inane sit, abunde constat ex iis, quæ in articulo præcedenti, & in ejus corollariis, data opera, ut omnem evadendi aditum iisdem præcluderemus, pluribus disseruimus. Hic ergo unum tantum, querimus, an ea Respublica recte constituta dici posset, in qua iis, qui bene agunt, virtutis honestas pro præmio, aliis, qui male agunt, vitii turpitudine pro poena proponeretur? an ab eo magistratu servarentur iustitiæ leges, atque omnibus recte prospiceretur, qui impiis nullam aliam præter illam, quam in sua mali-

mali-

- (2) Hac multiplici argumentatione, qua nos uti sumus, etiam Apologizæ Christianæ Religionis contra impios pugnavimus, uti Sanctus Justinus Martyr *Apolog. 2. pro Christianis*, Athenagoras lib. 1. de *Resurrect. mortuorum*, Sanctus Theophilus lib. 3. ad *Autolyum*, Sanctus Augustinus lib. 20. de *Civitate Dei* cap. 20. Lactantius l. 3. *Divinarum Instit.* & alii forte omnes, qui Ethnicos confutarunt; Verum id omitendum non est, etiam ab Ethnicis poetis extollatum, alterum futurum esse vitæ statum, quemadmodum, eorumdem allatis testimoniis demonstrat S. Theophilus lib. 2. ad *Autolyum* su. 37. „Quod autem qui male fecerint, inquit, necesse habeant pro meritis actionum puniri, id jam & poetarum nonnulli futurum veluti quodam oraculo pronuntiarent, tum in se ipsos, tum in eos, qui iniqua faciunt, testimonium dicentes. Æschylus dixit:
- Qui namque fecit, debitum illi etiam pati.*
- Ipse etiam Pindarus ait:
- Namque facientem aliquid, æquum est & pati*
- Similiter & Euripides.
- Pater haud iniquus: fecerat enim lubens.*
- Lex est in hostem ut seviat, si ceperit.*
- Et rursus idem.
- Hosti necere fortis arbitror viri.*
- Similiter & Archilocus:
- Unum est novi maximum, si quid mali infixeris quis, graviter rependere.*
- Quod autem Deus omnia videt, nec cum quidquam lateat, sed quum patiens sit, expectat dum judicet, ea quoque de te Dionysius dixit;

- Iustitiæ oculus est: videtur leniter Spectare, semper prospicit tamen omnia.*
- Futurum autem Dei judicium, ac im-
- probos mala ex improviso deprehensura,
- Æschylus significavit his verbis:
- Haud tarda gressu hominibus ingruunt mala,*
- Theminque tristibus poena deferentibus.*
- Invisam, & absque voce iustitiam vides.*
- At sine dormis; sive eas, seu fuderis,*
- Obliqua sequitur proxime, interdum eminus:*
- Nullumque prociis nox nefas celaverit.*
- Si grave agas quid, est qui cernat, puta.*
- An non etiam Simonides?
- Haud ulla præter spem accidunt homini mala,*
- Horæque momento omnia evertit Deus.*
- Rursus Euripides:
- Hominis mali res prosperat*
- Nunquam, aut opum superbiæ*
- Stabiles speret credere.*
- Sed nec malorum filius.*
- Parente nam tempus caret
- Demonstrat hominum crimiua.
- Rursus Euripides:
- Non enim Deus*
- Prudentia experti, sed valet personare*
- Qui prava jurant, quique sponte nam sua.*
- Et Sophocles:
- Mala si dedisti, oportet & pati mala.*
- Quum ergo de iniquo juraturo, &
- alio quovis peccato inquisitum Deum,
- iisdem quoque pene prædixerunt; tum etiam de mundi conflagratione volentes dolentes consentanea prophetis dixerunt, quamvis multo juniores natu fuerint, atque ex lege, & prophetis hæc fuisse sint.

malitia, & iniquitate habent, pœnam infligeret, iustos autem sua tantum aequitate contentos esse vellet? Sed mirandum non est, si dum ea Deitas negant, que Divinæ bonitati, iustitiæ, & providentiæ necessario conveniunt, tribuant eisdem, quæ impia sunt, & convenire nullo modo possunt.

Deinde nonne si semel constituatur, solam turpitudinem peccati, atque internos conscientię stimulos, esse peccati pœnas, nome, inquam, sequitur, fore, ut homines, quo improbiore erunt, eo minus pœnæ sustineant? nam apud omnes in confesso est, & conscientię stimulos minus actus evadere, & peccati turpitudinem leviores apparere, quo peccandi consuetudo diuturnior fuerit. Ita ergo fiet, ut impii, quo omnino omnino pœnam evadant, improbitati sine ulla intermissione studere debeant.

At Deitas suo se gladio confodiunt, dum ad conscientię stimulos, & animi tranquillitatem recurrunt. Rem, quæso, serio expendamus. Hi conscientię stimuli, qui ex peccato oriuntur, si recte advertamus, nihil sunt aliud, quam quidam sensus naturales, quibus impii supremæ potestati, cui subijciuntur, & rationem scelærum sibi reddendam, & eorundem pœnas luendas esse, duce ratione, præsentunt. Simili modo animi quies, tranquillitas, & gaudium, quibus ob exercitationem virtutis iusti fruuntur, sunt sensus quidam naturales, quibus plura bona ab eo sibi expectant, a quo, legem accepere, quam servaverunt: nedum ergo quod Deitas vellent, ex conscientię stimulis, exque tranquillitate animi, inferri non potest, sed omnino contrarium evincitur, quia cognitiones naturales, quæ ab animi interno sensu derivant, fallaces esse non possunt.

Dices I. Plures omni tempore extiterunt; qui tum immortalitatem animæ, tum alterius vitæ præmia, aut pœnas negarent: utrumque enim olim Epicurei negarunt, utrumque etiam multi Philosophorum hodie negant: ergo naturali ratione perspectum non est, præmia bonis, malis vero pœnas in altera vita superesse.

R., quamvis certissimum sit, consentire omnes gentes, alterum vitæ statum admittendum esse; tamen nos hoc argumenti genere Deitas premere noluisse, tum quia in suo præclarissimo opere de *Futuro Impiorum Statu* Patuzius id egregie præstitit, tum quia hac quoque de re ex iis omnibus certissime constare potest, quæ de consensione omnium gentium in admittenda aliqua Religione 1. libri initio abunde disseruimus. Philosophos ergo præstantiores sensibile nobiscum, hoc vero est, quod volumus, Epicureorum auctoritatem non moramur: nam & *minutos Philosophos* Cicero eos appellavit, (a) & a doctissimo quoque contemptui habitos esse dixit (b). Et re quidem vera ea semper Philosophorum præstantiorum opinio fuit; ideo Epicureos tum animæ immortalitatem, tum futuræ vitæ negasse supplicia, ut, excusso metu pœnarum, impudentius peccare possent. Unde Tullius lib. 1. de *Natura Deorum*; Epicurum ita loquentem inducit *Imposuisti in cervicibus sempiternum dominum, quem dies, ac noctes timeremus. Quis enim non timeat omnia providentem, & cogitantem, & animadvertentem Deum?*

Quæ autem Epicuri, eadem & recentiorum quorundam Philosophorum ratio haberi debet: nam, uti jam demonstravimus, & contra apertum pugnant naturæ lumen, & nullam post præsentem vitam superesse vellent, quo omnem a se metum exuere, & voluptatibus liberius indulgere possent; unde futurus impiorum,

(a) Lib. de *Senectute*. (b) Lib. 1. *Tusculan. Quæst.*

piorum, non autem iustorum status eos turbat, atque angit, hunc de medio omnino tollere vellent, quia si detur, in eo vident sese esse permanfuros. Quandoquidem illud naturæ lumen, quo præmia iustis, supplicia autem impiis in altera vita reposita esse cognoscitur, fieri quidem poteit, ut obscuretur, non vero ut omnino deleatur. Hinc recte Tullius de Epicuro lib. 1. de *Natura Deorum*: *Nec quemquam, inquit, vidi, qui magis ea, quæ timenda esse negaret, timeret, mortem dico, & Deos*. Unde mirandum non est, si etiam isti nostri Philosophi recentiores, vel potius veræ sanæque philosophiæ corruptores, qui *Spiritus Fortes* se dici amant, immo & gloriantur, alterum vitæ statum negent, etiam repugnante conscientia, ut & metum, quem conceptum habent, a se avertant, & intemperantius vivere possint.

Cont. Politiorum quoque Philosophorum opinio fuit, post præsentem nullam vitam superesse: ergo. Prob. ant. Tullius lib. 3. de *Natura Deorum* ea contra Divinam providentiam, atque futurum vitæ statum Cœtam differentem inducit, ut de utroque saltem dubium eum fuisse, certo colligi debeat. In *Quæstionibus Tusculanis* ut fabulas rejicit, atque contemnit, quæ de Inferis a poetis prædicabantur. In oratione autem pro Cluentio hæc habet: „ Quid tandem illi mali, mors attulit, nisi forte ineptiis, & fabulis ducimur, ut exilitemus, illum, apud inferos impiorum supplicia perferre, ab uxorum necatarum penis actum, esse præcipitem in sceleratorum sedem, atque regionem? Quæ si falsa sunt, id quod omnes intelligunt, quid tandem ei mors eripuit, nisi sensum doloris? „ Tullio etiam Seneca consentit: nam in libro de *Consolatione ad Marciam* cap. 19. ita de morte diserit: „ Cogita nullis defunctum malis affici: illa, quæ nobis inferos faciunt terribiles, fabulam esse. Nullas imminere mortuis, tenebras, nec carceres, nec flumina flagrantia igne, nec oblivionis amnem, nec tribunalia, & reos, & in illa libertate tam laxa ullos iterum tyrannos. „ Luserunt ista poetæ, & vanis nos agitare terroribus. Mors omnium dolorum & solutio est, & finis, „.

R. quod ad Ciceronis sententiam pertinet, dubitari non posse, quin ei persuasum fuerit de altera vita post præsentem futura, ut jam ostendimus: qui autem loca ejus in contrarium asserunt, quæ objecta sunt in argumento, illos non solum sententiam Ciceronis non assequi, sed etiam ipsos prodere suam imperitiam, & in ejus libris nullam exercitationem. Ac primum quidem ineptum, est, philosophicas Ciceronis sententias exponere velle ex ejus orationibus: in his enim non illa ponebat, quæ ipse sentiebat, sed illa, quæ causæ probandæ aptiora esse exillimabat. In ipsa enim Oratione pro Cluentio, ex qua locus prolatus est in argumento, sic loquitur: „ Errat vehementer, si quis in Orationibus nostris, quas in judiciis habuimus, auctoritates nostras se consignatas habere arbitrat. Omnes enim illæ Orationes causarum & temporum sunt, non hominum ipsorum, ac patronorum. „ Sane autem idem, qui ibi pro Cluentio, quia ita causæ commodum erat, futura impiorum supplicia ineptias, & fabulas appellavit; idem, inquam, in *Philippica* 14., quia contrarium commodum fuit, sic loquitur: „ Illi impii, quos cæcidistis, etiam apud inferos poetas paricidii luent: vos vero, qui extremum spiritum in victoria effudistis, piorum etiam sedem, & locum consequuti. „ Quorum similia scribit in Oratione 4. Catilinaris. Non igitur in Orationibus, ut diximus, sed in libris philosophicis querenda est Ciceronis sententia: in quibus tamen libris duo sunt ob-

servari.

servanda, 1. an Cicero loquatur; an alius quisquam ab eo Dialogi causa inductus; 2. eam fuisse Ciceronis sententiam, quam ipse sibi dicit apparere maxime verisimilem. Nam quia sectam Academicam sequebatur, nihil certum poterat esse, quod, ut ipse loquitur, percipi, & comprehendere possit. Non enim si sumus (inquit ipse lib. 1. de Nat. Deor.) quibus nihil verum (hoc est in se) esse videatur; sed si, qui omnibus veris falsa quædam adjuncta esse dicamus tanta similitudine, ut in his nulla insit certa (quoad nos) iudicandi, & assentiendi nota; ex quo exiit & illud multa esse probabilia; quæ, quamquam non perciperentur, tamen quia visum quemdam haberent insignem, & illustrem, his sapientis vita regeretur. Quibus observatis, inquiramus nunc sententiam Ciceronis de hac controversia. Sane lib. 3. de Nat. Deor. in loco obsecro non ipse Cicero suam prodat sententiam, sed Cottam, & ipsum Academicum loquentem inducit, eundemque sic contra Lucilium Stoicum concludentem: Hæc fere dicere habui de Natura Deorum, non ut eam tollerem, sed ut intelligeretis, quam esset obscura, & quam difficile explicatus haberet. Et quamquam additis non est a Cicerone quartus liber, in quo Cottæ argumentationi Lucilius ibidem promissit se respondurum; ipse tamen Cicero sententiam suam futuræ vitæ faventem aperte promittit, tertium librum concludens his verbis, Hæc, quum essent dicta ita discessimus, ut Vellejo Cottæ disputatio verior, mihi Balbi ad veritatis similitudinem videretur esse propensior. Nimirum Vellejo Epicureorum sectæ addicto probante Cottæ orationem, qui Academicus inuito Stoicos impugnaverat; Cicero, tamen Academicus, tamen aperte dicit anponere se sententiæ Stoicorum ponentium providentiam, & futurum vitæ statum sententiæ Epicureorum, qui hæc negabant. Abeant nunc philosophi ibi nostri recentes. & Ciceronem in sui patrocinium advocent. Jam vero in 1. lib. *Tusculanarum Questionum*, etiam si initio, causa introductionis, & tanquam, prolusionis inter se, & auditorem illa deridet; & deinceps, ubi sententiam suam explicat, apertissime, quantum Academicus facere potuit, illa omnia defendit. Atque in omnibus libris generatim, ubi ex sua mente agit, totus est in illis rebus suadendis. Ita eodem lib. 1. *Tusculanarum Questionum* animam immortalem esse pluribus conatur esse; & lib. 2. de *Legibus*; omnium animi, inquit, sunt immortales, sed bonorum fortunæque diviti; & in *Somnio Scipionis* rursus; habetote animum non esse mortalem, sed corpus. Bonorum quoque animas sempiternum suarum actionum premium percipere commemorat in libris de *Senectute*, & de *Amicitia*, & in *Somnio Scipionis*. Tandem iustorum felicem, impiorum vero miseram alterius vitæ conditionem futuram esse, se existimare ostendit tum lib. 1. *Tusculanarum Questionum*, tum in fine *Somnii Scipionis*; nam, *Consolationem* de morte filia, tamen si fere ex ipsius Ciceronis fragmentis collectam, nihilominus omitto, quia non est genuina. Sed de Ciceronis fragmentis collectam, nihilominus omitto, quia non est genuina. Sed de Ciceronis fragmentis collectam, nihilominus omitto, quia non est genuina. Sed de Ciceronis fragmentis collectam, nihilominus omitto, quia non est genuina.

Unum autem eundemque tum animi, tum corporis interitum esse, ne Seneca quidem sensit, quamvis in libro de *Consolatione ad Marciam*, & potissimum, laudato capite, ita aliquando loquutus fuerit, ut non superesse alteram vitam, putare vileatur. Quam quidem quæ non solum in aliis suis operibus, sed etiam in hoc libro tum pro immortalitate animæ, tum pro altero vitæ statu habet, nimis manifesta, atque perspicua sunt. Facilius ad superos iter est (inquit ca. 23. ejusdem libri). amicis cito ab humana conversatione dimissis; animus enim foras ponderisque traxerunt; antequam obducerentur; & altius terrena concipiunt,

perent, liberati, leviores ad originem suam revolant, & facilius, quicquid est illud, absoluti transiunt. „Ca. 24. „: Imago dumtaxat filii tui perit, & effigies non simillima; ipse quidem aternus, meliorisque nunc status est, despoliatus oneribus alienis, & sibi relictus. Hæc quidem ossa circumvoluta, nervis, & obductam cutem vultumque, & ministros manus, & cetera, quibus involuti sumus, vincula animorum, tenebræque sunt. Obruitur his animus, offuscatur, inficitur, arcetur a veris, & suis, in falsa conjectus. Omne illi cum hac carne grave certamen est, ne abstrahatur, & fidat: nititur illo, unde dimissus est: ibi illum æterna requies manet, & confusus crassissimè pura, & liquida visentem. Tandem ca. 25. „ Integer ille, nihilque in terris relinquens, fugit & totus excessit; paulumque supra nos commoratus, dum expurgatur, & inhxrentia vitia, situmque omnis mortalis ævi excutit, deinde ad excelsa sublatus, inter fœlices currit animas, excipitque illum cœtus sacer, Scipiones, Catonesque, uti contemptores vitæ, & mortis beneficii liberi. Parens tuus, Marcia, illic nepotem suum, quamquam illic omnibus omne cognatum est, applicat sibi, nova luce gaudentem, & viciniorum siderum meatus docet; nec ex conjecturis, sed omnium ex vero peritus, in arcana naturæ libens ducit. „

Dices II. Deus propter offensam, quam accepit ex peccatis hominum, creditor existit, non vero debitor: ergo tam condonare potest, sicuti nunc sepe condonat, neque vitæ statum ponere necesse est, in quo puniantur peccata hominum. (a)

Supposita veritate Christianæ Religionis hujus argumentationis falsitatem, primo detegamus; deinde vero, etiam præcise a Christiana doctrina, idem præstabilimus. Quamvis Deus, dum sumus in hac vita, nobis crimina remittat, atque semper se remisurum esse promiserit, quoties sincero corde veniam ab eo petierimus; tamen omnes, qui in iniquitate perseveraverint, se pro merito eorum in altera vita puniendum, immo & perpetua supplicia illidem illaturum esse, sapissime, & citra omnem ambiguitatem manifestavit, indixitque omnibus, ut bene agerent, quo, tantas ærumnas evadere possent: ergo nihil aliud male agentibus, atque in sua iniquitate ad mortem usque perseverantibus superest, nisi ut, post hanc vitam a Deo æterna mala sustineant: ergo hi quam miserrime sibi illudunt, si a Deo expectent condonationem eorum, quæ contra ipsum admiserunt. Deinde illud quoque a Collinsio quarimus, num Deum nos decipere voluisse arbitrat? Profecto non adeo impie insanierit, ut hoc affirmare audeat: ergo quum omnia mala impiis in altera vita superesse, tam diserte, tamque luculenter sapius ipse Deus testatus sit, quo ore, quæve fronte alterum non superesse vitæ statum, in quo impij puniantur, etiam supposita veritate christianæ religionis non constare, ipse affirmare potest? Illud quoque ab eo, quarimus, cur ei felicitati, qua iusti in altera vita gavisuri sunt, se non repugnare demonstret; supplicia vero, quæ impij sustinebunt, de medio tollere contendat? quandoquidem ex Divinis testimoniis æque constare tum de felicitate iustorum, tum de impiorum suppliciis, manifestum est. At mirandum non est, si de eo dubiterit, quod sibi metuebat.

Verum enimvero, etiam præcise a veritate christianæ religionis, allatam argu-

(a) Ita Collinsius argumentatur, etiam supposita veritate Christianæ Religionis in Opusculo inscripto: *de la Liberté de penser.*

argumentationem futilem, atque inanem esse contendo. Deus & summe iustus, & totius iustitiæ fons, & origo est: ergo sicuti præmia iustis, ita etiam impiis supplicia in altera vita retribuere debet. Probi. cons. iustitia est perpetua voluntas, atque constans, qua ius suum unicuique tribuitur; & hac de causa, quum nomen iustitiæ aequalitatem importet, ex sua ratione iustitia habet, quod sit ad alterum: nihil enim est æquale sibi, sed alteri (a); sed tum iustus, tum impiis ius suum in hac vita à Deo sæpe non tribuitur, quia illi vel nullum, vel non quale mererentur, præmium consequuntur; isti quoque vel nullas, vel non quales mererentur, sustinent pœnas: ergo si Deus est summe iustus, sicuti præmia bonis, ita etiam supplicia malis in altera vita retribuere debet. Major constat: nam in ipsa iustitiæ notione continetur, ut per eam ius suum unicuique tribuatur, sive ut quivis recipiat, quod, æquitatis habita ratione, meretur. Hinc nemo dicitur iustus, vel quia condonat, quæ exigere posset, vel quia munera largitur, vel quia parcat offensis, aut quidpiam simile facit. Aequalitatem quoque iustitia secum asserre debet: illud enim in opere nostro, ut ait S. Thomas 1. 2. qu. 57. art. 1., dicitur esse iustum, quod respondet secundum aliquam aequalitatem alteri, puta recompensatio mercedis debite pro servitio impensa. Aliunde autem commutativa iustitia, quæ in mutua acceptione, & retributione consistit, in Deo esse non potest: quia ut ait Apostolus: quis prior dedit illi, & retribuatur ei? ab ipsis namque sumus, atque habemus, quicquid habemus, & sumus, ut constat ex illis; quæ de prima causa rerum omnium in libro primo, & in secundo de Deo creatore, provisorio, & conservatorio differuimus. Itaque solam distributivam iustitiam in Deo esse dici debet: ergo quum negari non possit, tum impios, tum iustos in hac vita sæpe non recipere, quæ merentur, reliquum est, ut alter vitæ status admitti debeat, in quo Dei iustitiæ distributivæ locus sit reservatus.

Neque est, cur Deistæ reponant, quamvis alter futurus non sit vitæ status, in quo præmia bonis, malis supplicia retribuuntur; tamen Deum in se iustum esse semper dici debere, quia quum etiam antequam existeremus, semper iustus fuerit, ab ea retribuendi ratione, qua nobiscum utitur, illius iustitia pendere non potest. Quandoquidem, ut acute observat S. Thomas 1. par. quæst. 21. art. 1., Quum bonum intellectum sit objectum voluntatis, impossibile est, Deum velle, nisi quod ratio lux sapientiæ habet. Quæ quidem est sicut lex iustitiæ secundum quam ejus voluntas recta, & iusta est. Unde quod secundum suam voluntatem facit, iuste facit, sicut & nos quod secundum legem facimus, iuste facimus. Sed nos quidem secundum legem alicujus superioris, Deus autem sibi ipsi est lex; Unde nemo non videt, Deum quia in se iustus est, præmia iustis, impiis mala retribuere. Nam semel ac existere ponatur Deus, sanctitas, iustitia, atque providentia, quæ a natura illius inseparabiles esse debent, necessario exigunt, ut bona iustis, impiis autem mala retribuuntur; ergo. Unde Deus non est sanctitatis, iustitiæ, atque providentiæ præditus, quia bona iustis, impiis vero mala retribuit, sed quia ex sui natura sanctitatem, iustitiam, atque providentiam habet; utrumque facere debet. Verbo dicam: non ideo Deus iustus est, quia præmia bonis, & malis futura supplicia reservantur; sed quia Deus iustus est: ideo hæc utrisque pro meritis reservari necesse est, ut hæcenus explicavimus.

N 2

2. Deus

(a) D. Thomas 1. 2. qu. 58. art. 1., &amp; 2.

2. Deus eam legem dedit hominibus, quam servandam a se esse, unusquisque naturaliter cognoscit. (Art. 1. quæst. præcedentis): ergo si post hanc vitam præmia iis retribuere oportet, qui legem sibi inditam servarunt, potiori jure ejusdem violatores punire debet. Prob. conf. Deus habet summum jus in omnia creata (Art. quæst. 4. hujus lib.); aliunde autem est secundum naturam hominis recte, atque ad Divinam voluntatem accomodate agere (Art. 2. ejusdem quæst.); unde ut quo fieri potest, exquisitiori cultu tum interno, tum externo Deus colatur ab hominibus, evidentissima ratio suadet (Art. 3. ejusdem quæstionis): ergo si quamvis Deus supremum jus habeat in omnes homines, quamvis omnes homines ex sui natura ei omnino subjecti esse, atque omne genus cultus exhibere debeant; tamen alteram vitam supersse oportet, in qua iusti, & qui ea omnia præsterunt, quæ ex sui natura præstare debebant, fructum suorum laborum consequantur; longe potiori jure alteram vitam supersse oportet, ut ii puniantur, qui repugnante sui natura, atque obdilatante conscientia, impune peccarunt, & in peccata semper perliterunt.

Sed paucioribus quod volo contra Deistas, qui alterius vitæ supplicia de medio tollere vellent, iustorum autem præmia non morantur. Ut homo Divinæ legi semper subjectus omnino sit, ex sui natura habet; est autem contra naturam illius, & contra lumen sibi naturaliter infusum agit, si Divinæ legi, rationisque præceptis repugnet: ergo jure longe potiori impii in altera vitæ pœnas, & supplicia perferre debent, quam iusti suorum laborum percipere fructum: hi enim quod secundum suæ naturæ conditionem debebant, præstiterunt, illi non perfecerunt, quod secundum suæ naturæ conditionem par erat, ut perficerent.

Tandem, ut tradit S. Thomas III. lib. contra Gentiles cap. 140. num. 4. „Ad perfectam Dei bonitatem, pertinet, quod nihil inordinatum in rebus re-  
„linquat.... excedit autem homo debitum suæ quantitatis gradum, dum  
„voluntatem suam Divinæ voluntati præfert, satisfaciendo ei contra ordinem  
„Dei, quæ quidem inæqualitas tollitur, dum contra voluntatem suam homo  
„aliquid pati cogitur secundum ordinationem: oportet igitur, quod peccata hu-  
„mana puniantur divinitus: & eadem ratione bona remunerationem accipiant..

Cont. Ratio Divinæ administrationis semper constans esse debet; sed ea est conditio præsentis administrationis, ut Deus sæpe numero neque impiorum flagitia puniat, neque iustorum recte facta compenset: ergo necesse non est admittere alteram vitam, in qua tum iustis, tum impiis, quod meruerunt, retribuatur.

R., dist. ma., quoad unitatem consilii, atque finis, con. quoad externum effectum ne. Constantia, atque uniformitas cujuslibet administrationis in eo potissimum elucet, ut idem consilium, atque finis semper proposita sint, non vero ut una semper, atque eadem agendi ratio teneatur. Nullus enim ignorare potest, agendi modum locis, temporibus, aliisque circumstantiis, quæ occurrere possunt, accommodatum esse debere, ut rectæ rationi consentaneus sit. Quæ de causâ licet ratio Divinæ administrationis quoad consilium, sineque propositum nonnisi constans esse potest, non tamen quoad agendi rationem & uniformitatem in effectibus spectatam. Alterius autem vitæ conditionem a præsentis diversum esse debere, manifestum est. Etenim in hac vita homines bene, vel male agendi locum habent; quia Divinæ Sapientiæ, Bonitatis, atque Iustitiæ consentaneum est, ut homo sit liber, atque sui juris (Lib. 2. quæst. 4. art. 2.

lem-



lemm.3.) : quemdam statum esse, in quo homo, si bene agat, æternam felicitatem consequatur ; sin autem male ; perpetuæ miseræ obnoxius sit, Divinæ Sapientiz, Bonitati, atque Iustitiæ non solum non opponitur, sed etiam, convenientissimum est (Lemm.17. ejusdem-articuli). Quum ergo Deus unamquamque rem juxta suæ naturæ conditionem regat, atque gubernet ; ideo mirandum non est, si aliquando patiatur, ut iusti propter ignorantiam, vel improbitatem aliorum, non obtineant, quod mererentur, & impii suâ caliditate, & malitia eam poenam effugiant, quæ eisdem conveniret ; vel si aliquid illi, non omne tamen, quod par esset, præmium recipiant ; si aliquam illi, non omnem tamen, quam deberent, poenam sustineant. Postquam vero iustum in male agendo obstinatio probata fuerit, iustitiæ, rectæque administrationis ratio postulat, immo etiam flagitat, aliquem terminum constitutum esse, in quo ea, quæ meruerunt, omnibus retribuantur. Unde mirandum non est, si in præfenti vita indulgentiæ locus sit iis, qui male agunt, & si illi, qui bene operantur, suam mercedem non recipiant : constantiam illorum Deus sæpe diutius probat, ut majus deinde præmium obtineant : illos ut respiciant expectat ; si tamen non respuerint ; in altera vita acius punit, ita ut sicut iustus dilati præmii poenitere non poterit, sic etiam impii de dilato supplicio, multiplicibusque sceleribus magis dolebunt. Ex hisce vero constat, rationem Divinæ gubernationis quoad consilii, & finis unitatem semper constantem esse.

Dices III. Homines imatam propensionem ad suam beatitudinem a Deo habent : ergo propter hanc propensionem, quæ a Deo est, supplicii in altera vita eos excruciaci repugnat (a).

R., ex hoc desiderio beatitudinis nihil minus evinci posse, quam quod Deistæ vellent. Et primo quidem quum experientia conslet, perfectam beatitudinem modo obtineri non posse, ad quam tamen unusquisque naturali inclinatione fertur, satis evidenti argumento id esse debet, alteram vitam superesse, in qua hoc desiderium expleri possit, ne illud frustra nobis a Deo datum esse dicatur. 1. Illud desiderium intra annorum determinatum numerum non continetur, sed totam æternitatem complectitur : ergo nullus esse debet alterius beatæ vitæ finis : ergo neque etiam infelicitis, quam impios ducunt : nam sicuti æternam beatam vitam ii consequuntur, qui dum in hac terra morarentur, Divinæ legi paruerunt ; ita quoque ratio æquitatis postulat : ut ii, qui Divinam legem transgressi sunt, in perpetuum puniantur : utrisque enim vel ut in perpetuum gaudere possent, vel ut semper infelices essent, præsentis vitæ spatium æquali ratione concessum fuit. 2. Ex hoc desiderio illud quoque constat, animam nostram immortalem esse, quia finito tempore non concluditur ; & tamen animam immortalem esse, Deistæ negant. 3. Hoc desiderio angimur, quando male operamur, lætamur autem, quando consentaneæ ad rectam rationem nos egisse videmus : ergo. His ipsis animi sensibus monemur, tum legis naturalis, quæ nobis est indita, tum alterius vitæ status felicitis, si bene, ærumnosi autem, si male egerimus. Hoc ergo desiderium tale est, ut per illud Deistæ confutari quoad omnia possint.

Ut autem directæ argumentationi respondeamus, illud tantum ex hoc desiderio

(a) Ita Auctor Opusculi Inscripti *La Religion Essentielle* pag.25. Hoc vero argumentum quamvis contra æternitatem poenarum

ipse proponat, tamen eodem etiam contra æternam vitæ statum, in quo impii puniantur, Deistæ abuti possunt.

siderio evinci posse dicimus, omnes capaces esse consequendi beatitudinem, non vero ad eam actu pertingere. Hujus rei ea ratio est, quia hoc desiderium a Deo quidem est, verum simul opera nostra talia esse debent, ut per ea ab ejusdem fine, atque termino non avertamur. Si ergo nostram agendi rationem Divinæ legi contrariam esse contingat, tunc non consequimur, quod naturaliter appetimus, verum non quia ex sui natura desiderium inutile, atque inane sit, sed nostra culpa, & malitia. Quædam namque (uti recte observat S. Thomas lib. III. *contra Gentiles* cap. 1.) sic a Deo producta sunt, ut intellectum habentia, ejus similitudinem gerant, & imaginem representent: unde & ipsa non solum sunt directa, sed & seipsa dirigentia secundum proprias actiones in debitum finem: quæ si in sua directione regimini Divino subdantur, ad ultimum finem consequendum ex Divino regimine admittuntur; repelluntur autem, si secus in sua directione processerint.

Dices IV. Hæc opinio de Deo scelerum vindice commentum est humanæ politicæ ideo excogitatum a Legislatoribus, ut homines metu perarum futurarum facilius in officio contineri possent: illud autem in nationes sensum pervagavit, ac tandem apud plerasque earum commune evasit: itaque non certa ratione, sed hominum præjudiciis hæc omnis opinio constat. Quia vero homines tum superbia elati, tum propriæ conservationis studio dacti, animam immortalem esse, facile crediderunt; inde quoque factum fuit, ut alterum vitæ statum superesse, libenter admisserint.

R. tum Atheistis, tum Deistis familiare esse ad præjudicia confugere: nam pressi vi rationum quum nihil habeant, quod contra reponere possint, ne omnino convicti esse videantur, hoc modo quibusdam imperitis illudere contendunt, dum Principes, ac Legislatores altitæ, calliditatis, inimo & nequioris malitiæ, totum vero reliquum genus humanum stupiditatis, & ignorantie summa cum audacia, & temeritate insimulant.

Verum quum nihil omnino, quamvis futile, & inane, quod ab iisdem obijcitur, a nobis negligendum esse censeamus, illud quarimus, quo modo contingerit, ut astutia Legislatorum hæc opinio in omnes propagaretur? Quinam primi eam evulgarunt, & lege lata edixerunt; ut populi sibi subiecti alterum vitæ statum superesse tenerent? Quonam vero convenerunt, ut in promulgatione tantæ rei inter se consentirent? Quisnam factum fuit, licet regione longe distiti, lingua diversi, usu, consuetudine, institutione, atque moribus inter se contrarii ad commune bonum procurandum ita decipere populos, necessarium esse probaverint?

Verum demus, omnes tum Principes, tum Legislatores in hac opinione firmamda consensisse; ane omnium temporum homines ita stupidos fuisse, dici poterit, ut tantum mendacium detegere non valuerint? ane hujusmodi error totum orbem terrarum invadere, & tandem consistere potuisset? ane tot viri omni doctrinarum genere præstantiores, qui singulis sæculis floruerunt, totque sapientissimi Philosophi, qui solo veritatis amore ducebantur, tam impune sibi illudi, passi fuissent? Apage ergo hujusmodi deliria hominum infantium.

Alterum, quod opponunt, est etiam ejusdem rationis; nihil tamen necessè est, ut nos contra reponamus, quum art. 9. quæst. 5. lib. 1. hanc Materialistarum objectionem abunde confutaverimus. Multa quoque in eo articulo disseruimus, quæ ad istam quæstionem pertinent, & non solum alterum vitæ sta-

rum

rum superesse, sed etiam semper perdurare debere demonstrant.

Dices ult. Quamvis homo offendatur propter morale malum, non tamen Deus, qui neque mutari, neque perire potest. Deinde est cognoscere non valeamus, qua ratione Deus accidentia physica, & moralia consideret; tamen semper certum est, quod nobis inordinatum apparet, tale non esse Deo, qui omnia ordinavit, aliquin imprudentiæ, atque imbecillitatis accusari posset (a). Ex hisce vero consequitur, alterum vitæ statum superesse non debere, in quo impii ideo puniantur, quia in hac vita in Deum peccarunt.

R. in impiis nostri temporis, qui naturæ leges absurde explicare, atque ut verius dicam, omnino pervertere aggressi sunt, una cum summa audacia malam quoque fidem, atque fraudem conjunctam semper esse: nam, ut facilius suæ doctrinæ virus saltem apud imperitos insinuare possint, Dei quidem existentiam aperte non negant; tamen ea ponunt, atque suadere contendunt, quæ cum Dei existentia nullo modo consistere possunt. Talia profecto ea omnia sunt, quæ impius Auctor in Opusculo inscripto *Codex Natura* uti theromata certissima, atque evidentissima, prout mos est hujusmodi hominum, novissime proposuit. Et quidem ut a re nostra non abeamus, nonne Deum e medio tollit, qui eundem offendi iis non posse blasphemari, quæ rationales creature male agunt? Illud enim ex hoc primo consequeretur, neque homines in suis actionibus Deo subiectos esse debere, neque Deum supra eos iustum obtinere dominium. Semel enim ac ponatur, per nullam actionem in Dei offensionem nos posse incurrere, non est amplius, cur ad voluntatem ejus accommodatè agere studeamus. Semel ac autem a Dei subiectione soluti esse dicamus, illud quoque inde ultro consequitur, ut Deus nullum dominium supra nos habeat: nam nulla iusta dominatio sine iusta subiectione dari potest. Deinde Deum æque se habere ad ea, quæ vel bene, vel male a nobis committuntur, si maxime sanctitati illius non repugnat, nihil sane est, quod repugnare possit. Postremo quidquam ne magis impium fingi potest, quam Deum tum ad ea, quæ bene, tum ad alia, quæ male agimus, indifferentem esse, ad quæ indifferentes neque sunt, neque vero esse homines possunt propter lumen rationis, quod a Deo sibi inditum habent? Præter hunc autem errorem, quem refellimus, alios quoque multos in eodem Opusculo impius Auctor habet, per quos Dei existentia e medio tollitur: verum non est nunc de iis differendi locus.

Nego itaque aliquid malum morale dari posse, per quod Deus non offendatur. Habet autem actus humanus (inquit S. Thomas 1. par. qu. 71. ar. 6.), quod sit in alius ex eo, quod caret debita commensuratione: omnis autem, commensuratio cujuscunque rei attenditur per comparisonem ad aliquam regulam, a qua si divertat, incommensurata erit. Regula autem voluntatis humane est duplex: una propinqua, & homogenea, scilicet ipsa humana ratio; alia vero est prima, scilicet lex æterna, quæ est quasi ratio Dei. Ergo quum actus humanus malitiam, quam habet, ex eo primo accipiat, quod Divinæ legi adversatur; consequens inde est, ut si per malitiam actus Deus non offenderetur, neque etiam Divinæ legi ea adversaretur, ideoque actus humanus dici malus non posset. Si ergo quis jure, ac merito offenditur, quando iustam legem a se positam violari videt, Deus quoque offendatur oportet, quando transgredimur

(a) Ita Auctor impiissimi libelli inscripti *Codex de la Nature, ou le Vritable Es-*

*prit de ses Loix* edit. an. 1760. par. 2. pag. 215. & seq.

dicuntur legem illius. Omnis ergo humana actio, in quantum bona, aut mala est, apud Deum meriti, vel demeriti rationem habet, proindeque premio, vel poena ab ipso Deo affici debet. Dicendum (inquit S. Thomas 1. 2. quæst. 21. art. 4.), quod sicut dictum est (Art. præced.) actus alicujus homini habet rationem meriti, vel demeriti, secundum quod ordinatur ad alterum, vel ratione ejus, vel ratione communitatis. Utrouque autem modo actus nostri boni, vel mali habent rationem meriti, vel demeriti apud Deum. Ratione quidem ipsius; in quantum est ultimus finis hominis: est autem debitum, ut ad finem ultimum omnes actus referantur, ut supra habitum est (Quæst. 19. art. 10. (a): unde qui facit actum malum non referibilem in Deum, non servat honorem Dei, qui ultimo fini debetur. Ex parte vero totius communitatis universi: quia in qualibet communitate ille, qui regit communitatem, præcipue habet curam boni communis: unde ad eum pertinet retribuere pro his, quæ bene, vel male sunt in communitate. Est autem Deus gubernator, & rector totius universi, sicut in primo habitum est (quæst. 103. art. 6. (b). & specialiter rationalium creaturarum. Unde manifestum est, quod actus humani habent rationem meriti, vel demeriti per comparisonem ad ipsum: alioquin sequeretur, quod Deus non haberet curam de actibus humanis. In hoc eodem articulo illud primo loco objicit S. Doctor, quod actio hominis vel bona, vel mala sit, non cedit in profectum, aut damnum ipsius Dei, ideoque neque etiam meriti, aut demeriti rationem apud eum habere debet. Ita vero respondet: Ad primum ergo dicendum, quod prædictum hominis Deo secundum se nihil potest accrescere, vel decipere: sed tamen homo, quantum in se est, aliquid subtrahit Deo, vel exhibet, quum servat, vel non servat ordinem, quem Deus instituit. Quapropter meriti, aut demeriti ratio apud Deum non in eo consistit, ut Deus ex nostris actionibus aliquam utilitatem, aut damnum accipiat, sed in debita subjectione consistit, quam in nostris actionibus servamus; ideoque premio affici, vel puniri a Deo mereamur, prout bene, vel male operati fuerimus, quamvis ex nostris actionibus nullam utilitatem, aut damnum Deus recipiat. Observandum tamen est quod eam ultionem, quam Deus sumit de peccatis, uti recte monet idem S. Doctor 1. 2. quæst. 47. art. 1. quod Ira non dicitur in Deo secundum passionem animi, sed secundum iudicii iustitiæ, prout vult vindictam facere de peccato. Peccator enim peccando Deo nihil nocere effective potest. Tamen ex parte sua dupliciter contra Deum agit. Primo quidem in quantum cum in suis mandatis contemnit. Secundo in quantum nocumentum aliquod infert alteri, vel sibi, vel alteri: quod ad Deum pertinet, prout ille, cui nocumentum infert, sub Dei providentia, & tutela continetur.

Quapropter ex eo quod Deus sit summum, atque infinitum bonum, impossibile quidem est, ut homines peccando aliquod detrimentum illi afferant; tamen inde non consequitur, ut, dum peccant, ei inobedientes non sint, non transgrediantur præcepta ejus, debitamque subjectionem uti supremo Domino, & Legislatori, ei præstare non recusent. A nostra obligatione procul dubio deficiamus, quando non servamus, quod servare deberemus: dum vero deficiamus

ab

(a) Hoc vero in articulo evincit S. Doctor oportere nos dum operamur conformes esse voluntati Divinæ.

(b) Vide, quæ hæc de re nos uberius differimus in tribus articulis, & scholis 1. quæst. 2. hujus libri.

ab obligatione nostra, præceptum aliquod nobis iuste impositum violamus: præceptum autem aliquod iuste impositum si violetur, aliquid injuriæ juxta violationem præcepti ei inferatur oportet, qui servandum præceptum iuste nobis imposuit: quum ergo Deus rationem nobis dederit, ut secundum eam ageremus, quoties secundum rectam rationem non agimus, Deum aliquo modo offendimus. Habet autem actus humanus (inquit S. Thomas 1. part. qu. 71. art. 6.) quod sit malus ex eo, quod careat debita commensuratione: omnis autem commensuratio cujuscumque rei attenditur per comparisonem ad aliquam regulam, a qua si divertat, incommensurata erit. Regula autem voluntatis humanæ est duplex: una propinqua, & homogenea, scilicet ipsa humana ratio; alia vero est prima, scilicet lex æterna. Humanus ergo actus suam malitiam inde primo accipit, quia Divinæ legi adversatur; sed quisque jure merito offenditur, quando iustam a se positam legem violari videt: ergo etiam Deus offendatur oportet, quando transgredimur legem ejus. Et quidem jure merito offendatur oportet, quia, uti habet S. Thomas 1. 2. quæst. 21. art. 4. ad 1., „Per adum hominis Deo secundum se nihil potest accrescere, vel deperire: sed tamen homo, quantum in se est, aliquid subtrahit Deo, vel exhibet, quum servat, vel non servat ordinem, quem Deus instituit.”

At enim Deus mutari non potest: ergo neque etiam ob nostra crimina offendi debet. Immo vero quia est immutabilis, ideo nostris criminibus offendi debet. Dicendum (inquit S. Thomas 1. 2. qu. 100. art. 8. ad 2.) quod sicut Apostolus dicit ad *Timot. 4.* *Deus fidelis permanet, negare se ipsum non potest:* negaret autem se ipsum, si ordinem suæ justitiæ auferret, quum ipse sit suæ justitiæ. Et ideo in hoc Deus disponere non potest, ut homini liceat non ordinate se habere ad Deum, vel non subdi ordini justitiæ ejus etiam in his, secundum quæ homines ad invicem ordinantur. Verum impius pseudo-Codicis naturæ auctor (atque hinc eo magis constabit quod supra dicebamus; *Incredulos* nostri temporis Dei existentiam, quam fingunt se admittere, per ea tollere, quæ ipsi deinde ponunt) unam eandemque Dei, & nostri rationem esse putavit, ita ut sicuti nos propter aliquam offensionem mutamur, ita etiam Deus mutari debeat. At Deo reverentiam, & honorem exhibemus (sicuti inquit S. Thomas 1. 2. qu. 81. art. 7.) non propter se ipsum; quia ex se ipso est gloria plenus, cui nihil a creatura adfici potest; sed propter nos; quia videlicet per hoc, quod Deum reveremur, mens nostra ei subijcitur, & in hoc ejus perfectio consistit. Quælibet enim res perficitur per hoc, quod subditur suo superiori, sicut corpus per hoc, quod vivificatur ab anima, & aer per hoc quod illuminatur a sole. Quapropter sicut Deus aliquid perfectionis non acquirit per hoc, quod eum colamus, quia in se est undequaque perfectus, sed nos ipsi sumus, qui perficimur; ita etiam aliquid perfectionis ex eo non amittit; quod illi non obsequamur, sed nos ipsi sumus, qui amittimus, quia a nostro primo principio recedimus. Quapropter si bene, si male agamus, nulla inde mutatio in Deo nascitur.

Omnia quidem Deus ordinavit; atque sapientissime, atque summa cum potestate ordinavit: & quia sapientissime omnia ordinavit, consequens inde est, ut ab eo gravius plecti debeant, qui illius sapientissimæ ordinationi resisterint: quia vero etiam cum summa potestate cuncta disposuit, inde inferitur, futurum non esse, ut, ipso invito, ejus ordinationi homines oblitescere possint. At vero vo-

luit Deus, ut homo liberi arbitrii esset, & quidem convenienter ad suam Sapientiam, Bonitatem, atque Iustitiam, quamvis hac arbitrii libertate contra Divinas leges esset abusus, uti supra lib. 2. quæst. 4. ar. 2. pluribus lemmatibus contra Bælium demonstravimus.

## COROLLARIUM.

*Deum modo etiam hominibus sapientissime prospicere ex eo quoque evincitur, quia post præsentem aliter superest vitæ status.*

Mala tum physica, tum moralia occasionem fuisse, cur nonnulli impii putaverint, Deum non prospicere hominibus, satis nota, & pervulgata res est. Verum tum physica, tum moralia mala a Deo impedienda non esse, non solum ex iis liquet, quæ contra eos suo loco abunde differimus, sed constat etiam ex eo quia alter vitæ status superesse debet. Quandoquidem, uti sapius S. Thomas lib. III. *contra Gentiles* cap. 71. & 73. recte monet, per Divinam providentiam oportet, ut rebus omnibus secundum earum naturam prospiciatur; alioquin per eam non fieret, ut iisdem consuleretur, sed ipsæ tollerentur, atque destruerentur: ergo quum homines animam immortalem habeant (Ar. 9. qu. 5. lib. 2.), & libertate præditi sint (Ar. 6. qu. 6. lib. 2.); & quemdam statum esse, in quo homo, si bene agat felicitatem consequatur, sin autem male, ut poenam recipiat, Divinæ Sapientiæ, Bonitati, & Iustitiæ convenientissimum, sit (Lemm. 17. art. 2. quæst. 4. lib. 2.): aliunde autem quum status revera super sit, in quo impii puniantur, nulli autem recte factorum præmia recipiant; sit ex his omnibus, Dei etiam nunc sapientissime providentis non esse, ut vel physica, vel moralia mala impediat: ergo futuræ vitæ status nunc quoque a Deo nobis recte prospici demonstrat. In eo autem Divina providentia completur, quia omnia, quæ hic disponit, suum ultimum finem in eo consequantur.

Verum qui Divinam providentiam accusant, Deum sibi consulentem ea ratione vellent, quam falso sibi confixerunt: propriæ oblii conditionis nihil aliud nisi hujus vitæ spatia respiciunt, negligent vero, atque contemnunt æternam beatitudinem, ad quam naturaliter inclinant, & quam ut adipiscantur, se factos esse, non nosse non possunt.

Tamen, velint, nolint, nunc quoque Deum hominibus recte prospicere etiam per alterum futuræ vitæ statum vel inviti cognoscant necesse est. Nam semper verum est, homines ratione, & libertate esse præditos, legemque naturalem instam habere, qua quid facere, quid omittere debeant, cognoscere possint; sunt quoque participes immortalitatis, quam miseram, vel felicem sortiri non debent, nisi prius aut virtus eorum, aut oblatio in malo probata fuerit: ergo quum Deus, uti superius dicebamus, rei unicuique juxta suam naturam prospiciat; non est, cur quispiam providentiam illius calumniari possit. Per alterum quoque futuræ vitæ statum Deum etiam nunc hominibus recte prospicere, inde constat, quia quum in eo potissimum unusquisque id, quod sibi meruerit, consequatur, id evidenti argumento est, singula præsentis vitæ opera diligentissime curari a Deo.

## ARTICULUS IV.

NUM ETIAM CORPUS SIMUL CUM ANIMA IN ALTERA VITA VEL  
PRÆMIUM RECIPERE, VEL PŒNAM SUSTINERE DEBEAT.

**Q**Uæ de alterius vitæ statu usque modo differuimus, ad animam potissimum referri debent; nunc autem ordinis ratio postulat; num etiam corpus cum anima conjunctum in altero vitæ statu vel puniri, vel præmium recipere debeat, expendere aggrediamur.

Id autem 1. observatum volumus, hominem neque esse solam animam, neque solum corpus, sed id, quod ex utriusque conjunctione resultat: 2. ut monet S. Thomas in *Supplemento* 3. par. quæ. 75. art. 2. ad 3., animam non solum comparari ad corpus, sicuti artifex ad instrumentum, quo utitur, sed etiam per modum principii, quod per suam conjunctionem cum corpore ipsum vivificat, & cum eo agit, atque operatur: unde operatio, ut S. Thomas loquitur, est conjuncti, & non tantum anime.

PROPOSITIO. Ut etiam corpus simul cum anima in altera vita vel recipiat præmium, vel penam sustineat, ordinis, atque æquitatis ratio postulat.

Probatur propositio. Ut pro uniuscujusque merito præmia, vel pœnæ distribuuntur, æquitatis ratio postulat, sed præmia, vel pœnæ pro uniuscujusque merito non distribuuntur, nisi etiam corpus simul cum anima in altera vita aut pateretur, aut gauderet: ergo. Prob. 1. Neque sola anima, neque solum corpus, sed quod ex utrisque componitur, hoc est homo bene, vel male in hac vita operatur: ergo totus homo est, qui præmium, aut pœnam meretur: ergo tum animæ, tum corpori debetur præmium, aut pœna: ergo si altera vita superesse debet, in qua homines iusti præmium consequantur, impii autem pœnas recipiant, & si æquitatis ratio postulat, ut pro uniuscujusque merito pœnæ, vel præmia distribuuntur; etiam corpus simul cum anima oportet ut in altera vita præmium, vel pœnam recipiat.

2. Si corpus in altero vitæ statu ejusdem cum anima conditionis non esset, tum cum corpore, tum cum anima inique ageretur: ergo. Prob. ant. quoad priorem partem. Etenim tunc corpus neque præmium reciperet, neque pœnam sustineret, prout mereretur. Nam etiam corpus eorum omnium laborum particeps fuit, qui in exercitatione virtutis impendi necessario debuerunt; istorum autem fructum nullum perciperet: contra pro tam multis non puniretur, quæ ipsius ministerio, propensione, atque oblectatione, contra Divinam legem commissa fuerunt, uti ea omnia sunt, quæ appetitus sensuum vellet, atque requirit: ergo iustitiæ leges cum corpore non servarentur, si ipsum quoque parem cum anima in altera vita conditionem non haberet. Prob. ant. quoad alteram partem. Tunc anima non solum suorum, sed eorum quoque laborum fructum perciperet, quos corpus in virtutis exercitatione sustinuit: atque ita quidem aliquando sustinuit, ut incommoda majori ex parte ipsum affecerint: contra pro multis puniretur, in quæ licet ipsa consenserit; tamen ex sui natura neque dulcedinem eorum exquisivit, neque degustavit, sed appetitus sensuum exquisierunt, atque degustarunt: ergo neque etiam cum anima iustitiæ leges servarentur, si corpus in altera vita ejusdem conditionis cum ea

O. 2

non

non esset : ergo si corporis ejusdem cum anima in altera vita conditio non esset, tum cum corpore, tum cum anima inique ageretur.

3. Quamvis anima peccet, quando sensuum pravæ cupiditates non coercet; tamen negari non potest, neque ipsam per se expetere ea, quæ vellent hujusmodi pravæ cupiditates, neque eas ad se referre, aut ipsas objectum ejus esse posse, quia nihil eorum, quæ sensus afficiunt, eandem per se afficere possunt. Ita quisquam dixerit, animam propter se expetere, aut ad se referre, posse, quæ sensus percellunt, atque ad se dulciter alliciunt? ergo quando homo hisce cupiditatibus obsequitur, peccat quidem anima, quia eandem non coercet; sed simul quoque est defectus in sensibus, tum quia alliciunt animam, ut illis obsequatur, tum quia per conjunctionem, quam cum anima habent, ipsi quoque re vetita libere fruuntur: ergo ut peccatum in sensibus quoque puniatur, leges justitiæ postulant.

4. Vita, & virtutes cujusnam tandem esse dicuntur? Hominis profecto, & non animæ, vel corporis tantum: ergo hominem, & non animam, vel corpus tantum, puniri, aut præmio donari oportet.

5. Homines quales sunt, per leges obligantur: ergo homines, quales sunt, si easdem servaverint, præmium recipere, si neglexerint, poenam sustinere debent; sed homines, quales sunt, tum corpus, tum animam habent: ergo tum anima, tum corpus præmii, vel poenæ particeps esse debet.

Tandem uti Athenagores de *Mortuorum Resurrectione* nu. 15. argumentatur. „ Si omnis communiter hominum natura ex anima immortalis constet, & „ corpore, quod cum anima in creatione conjunctum fuit, ac neque naturæ ani- „ mæ per seipsam, ac corporis naturæ separatim Deus ejusmodi creationem, „ ac vitam, & totius vitæ decursum despondit, & destinavit, sed compositis „ ex utroque hominibus, ut quibus ex rebus constant, quum gignantur, & vi- „ vunt, cum eisdem ad unum aliquem, & communem finem, vita peracta, „ perveniant; necesse est omnino, ut quum unum sit ex utriusque animal, quod „ patitur, quæcumque anima patitur, & corpus operatur, ac perficit, „ quæcumque sensum, aut rationis judicio continentur; necesse est, inquam, „ ut tota ejusmodi rerum series, & continuatio ad unum aliquem finem refe- „ ratur, ut omnia in omnibus ad unum hominis concentum, & eandem omni- „ um affectionum societatem concurrant, generatio hominis, natura hominis, „ actiones, & perpeffiones, vita, & vitæ conveniens finis. Quod si unus ali- „ quis est totius animalis concentus, & rerum omnium societas, sive ab anima „ proficiantur, sive corpore efficiantur; unum esse oportet his omnibus fi- „ nem. Finis autem unus erit, si animal, cuius est ille finis, in sua idem „ extet constitutione. Idem autem animal extabit, si omnia, ex quibus, tam- „ quam partibus, animal componitur, eadem extent. Eadem secundum pro- „ priam conjunctionem extabunt, si quæ dissoluta sunt, iterum ad animalis „ constitutionem coalescant, „

Et re quidem vera omnia pro sui natura finem peculiarem sibi constitutum habent: ergo quia homo est naturæ peculiaris, finem quoque peculiarem oportet, ut sibi constitutum habeat: ergo etiam corpus in finem ultimum dirigatur oportet, sitque in altera vita ejusdem conditionis cum anima. Prob. 2. conseq. Non dolere finis hominis esse non potest, quia hoc creaturarum irrationabilium proprium est: in hac quoque vita finem hominis positum non esse, & eviden-



evidentissima ratio, & ipsa experientia demonstrat: etiam beatitudo animæ separata a corpore non est finis ejus, quia alterutrum tantum partis, qua homo constat, finem non querimus: ergo quia oportet, ut etiam corpus in ultimum finem dirigatur, oportet item ut etiam ipsum in altera vita ejusdem sit conditionis cum anima. *Quandoquidem finem non quemvis, nec quorumvis hominum esse jubet natura illa lex, sed illorum ipsorum, qui in superiori vita vixerunt*; uti Athenagoras in fine laudati libri recte concludit. Hinc etiam in *Supplem.* 3. par. a S. Thom. qu. 79. art. 2. ea ratio recte inculcatur. „Dicendum, quod necessitas ponendi resurrectionem est ex hoc, ut homo finem ultimum, propter quem factus est, consequatur, quod in hac vita fieri non potest, nec in vita animæ separata (a); alias homo esset vane constitutus, si ad finem, ad quem factus est, pervenire non posset. Et quia oportet, quod illud idem numero ad finem perveniat, quod propter finem est factum, ne in vanum esse factum videatur, oportet, quod idem homo numero resurgat: & hoc quidem fit, dum eadem anima numero eidem corpori numero conjungitur: alias enim non esset resurrectio proprie, nisi idem homo repararetur”.

Dices I. Nostrium corpus, quandiu vivimus, animæ instrumentum est, quo in suis operationibus anima utitur; sed instrumentum ejusdem conditionis cum artifice esse debere, quispiam inepte dixerit: ergo.

R., dist. 2. a, est instrumentum conjunctum, quod ab ipsa anima vivificatur, & simul cum ipsa anima individuum constituit, con., est instrumentum separatum, sine vivificatione, & non unum quid cum anima constituit, qua ratione se habent omnia instrumenta quoad suos artifices, ne: Ut jam ex *supplem.* 3. par. S. Thomæ quæ: 75. art. 1. monuimus „Anima non comparatur ad corpus solum, ut operans ad instrumentum, quo operatur; sed etiam ut forma ad materiam, unde operatio est conjuncti, & non tantum animæ. Et quia operanti debetur operis merces, oportet, quod ipse homo compositus ex anima, & corpore, operis sui mercedem accipiat”. Quapropter corpus animæ quidem instrumentum est, & simul ab ea vivificatur, & cum ea conjunctum quid unum constituit, quod est homo. Unde quia cum anima, non ut quid inanime, agit, atque patitur, sed per vitam, quam habet, agendo, & patiendo sentit; ideo in altera quoque vita suorum operum penam, aut præmium recipiat oportet. In artificem autem instrumententis quum nihil tale sit, ideo eorum aliena comparatio est, & inepta.

At vero ad complementum beatitudinis nome ipsum corpus requiritur? „Sciendum (inquit S. Thomas 1. 2. quæst. 3. art. 5.) quod ad perfectionem aliquis rei dupliciter aliquid pertinet. Uno modo ad constituendam essentiam rei; sicut anima requiritur ad perfectionem hominis. Alio modo requiritur ad perfectionem rei, quod pertinet ad bene esse ejus; sicut pulchritudo corporis, vel velocitas ingenii pertinet ad perfectionem hominis. Quamvis ergo corpus ad perfectionem beatitudinis humanæ non pertineat, pertinet tamen secundo modo. Quum enim operatio dependeat ex natura rei, quanto anima perfectior erit in sua natura, tanto perfectius habebit suam propriam operationem, in qua felicitas consistit. Nam anima per resurrectionem corporis id omne habebit, quod conditio suæ naturæ requirit: actu enim erit pars compositi per eam constituti, atque explebitur naturalis ejus appetitus, quem, dum

(a) Quæst. 75. art. 1. & 2.

dum est separata, ad suum corpus naturaliter habet, ex eo quod cum eo semel conjuncta fuerit. Quapropter, uti observat idem S. Doctor in citato articulo ad 5., Desiderium animæ separatæ totaliter quiescit ex parte appetibilis; quia „ habet id, quod suo appetitui sufficit, sed non totaliter quiescit ex parte appetentis; quia illud bonum non possidet secundum omnem modum, quo possidere vellet: & ideo, corpore resumpto, beatitudo crescit, non intensive, sed extensive „. Unde quod corpus simul cum anima recipiat fructum suorum laborum in altera vita, ipsa quoque anima exigit ad complementum suæ beatitudinis.

Cont. Quamvis corpus sit instrumentum cum anima conjunctum, atque ab ea vivificatum; tamen nullam agendi, vel non agendi libertatem habet; sed præmium, vel pœna operanti debetur, quia est libertate præditus; ergo.

R., dist. ma., ex sui natura con., per conjunctionem animæ, a qua vivificatur, ne. Opera quidem hominis iccirco, quia libera sunt, mereri præmium, aut pœnam, perspicuum est. At nunc illud quaero, num soli animæ, vel soli corpori ea opera tribui debeant, quæ hominis esse dicuntur? Perfecto neque corpori eorum plurima sed utrique simul tribui debent: ergo hæc libera opera tum ad animum, tum ad corpus pertinent: ergo eorum quoque præmium, vel pœna ad utrumque pertinere debent. Anima quidem ea est, quæ agendi, vel non agendi facultatem, & eorum quoque actum, quos per corpus elicit, dominium habet; attamen etiam corpus active agere, quando animæ imperium exequitur, nemo negaverit. Hinc est, ut, quamvis sensus aliquando ad ea repugnet, quæ ratio ipsa præcipit, opus tamen liberum omnino sit; licet tum ad animum, tum ad corpus, hoc est, ad totum hominem, æque pertineat. Quapropter reliquum est, ut dicamus, corpus ex sui quidem natura habere non posse, ut sit libertate præditum; tamen ob eam, quam cum anima conjunctionem habet, ejus libertatis, quando agit, particeps evadere, cujus libertatis anima tantum potest esse principium.

Sed paucioribus, quod volumus: corpus in se nullam libertatem habet; principium tamen, quo agit, liberum est: ergo etiam operationes ejus sunt liberæ: ergo etiam quatenus sunt corporis, præmium, aut pœnam merentur: ergo quam neque illud in hac vita plerumque consequantur, in altera consequi debent.

Cont. Quia corpus animæ spiritali, uti suo agendi principio conjungitur, non sit, ut operationes ejus spirituales sint: ergo neque etiam fieri poterit, ut liberæ evadant: ergo. Prima consequentia constat, quia anima propter suam spiritualitatem habet, ut libera sit.

R. ne. con., & parit. Id itaque primum advertatur oportet, animam esse principium corpori, ut agat, & operetur, non vero absolute ut sit: quia est principium corpori, ut agat, & operetur, operationes corporis elicitæ, anima determinante, illius imperio subsunt, adeoque & liberæ sunt: quia vero non est absolute principium illius, ut sit, naturam ejus immutare non potest, adeoque neque etiam efficere, ut operationes, quæ a materiali proximo activo principio proveniunt, spirituales evadant.

At vero etiam aliquid spiritualitatis continent ex parte finis operationes corporis propter conjunctionem, quam cum anima habent. Nam unde nam sit, ut ad supremum finem referantur, & pro sui termino nihil materiale habeant? Unde nam

con-

contingit, ut in corpore quidem fiant, sed tamen ad rem corpoream non tendant? Hoc profecto ab anima habent: ipsa enim est, quæ operationes corporis supra ipsam materiam erigit, ac sublevat, & in supremum immaterialem finem dirigit. Quum ergo operationes corporis propter conjunctionem cum anima aliquid spiritualitatis acquirant, quatenus ad suum finem referuntur, hoc est, respectu termini, ut Scholastici dicunt: non est, cur miremur, si propter eandem conjunctionem etiam liberæ evadant, potissimum quia anima etiam quoad operationes corporeas, ipsa imperante, elicitas, liberum agendi principium est.

Dices II. Ei tantum præmium, vel pœna debetur, qui boni, vel mali operis principium est; sed corpus non est principium boni, vel mali operis, sed sola anima: ergo.

R., neque solum corpus, neque solum animam, sed totum hominem, qui tum anima, tum corpore constat, bonorum, aut malorum operum principium esse: unde etiam æquum est ut totus homo præmium, vel pœnam recipiat. Quia vero anima est pars potissima hominis, ex sui natura immortalitatem habet, atque, ut ipsa experientia constat, ad infinitatem tendit; ideo futurus vitæ status ad eam præcipue spectat, in quo pro sui merito, & majori capacitate, ac amplitudine, quam habet supra corpus, ampliora quoque præmia recipiet, aut graviore pœnas sustinebit. Attamen etiam corpus puniri, aut compensari par est; alioquin neque cum ipso, neque cum anima iustitiæ leges servarentur, quemadmodum jam explicavimus.

Dices III. Qua ratione fieri possit, ut etiam corpus in futuro vitæ statu præmium, vel pœnam recipiat, nullo modo intelligitur: nam, sublata conjunctione, quam cum anima habet, in minutissimum pulverem intra paucos dies illud dissolvi videmus. Ex quo fit, ut non solum non intelligatur, qua ratione corpus in futuro vitæ statu præmium, vel pœnam recipere possit, sed etiam cum evidentissima ratione pugnet, corpus in futuro vitæ statu superesse posse, ut puniatur, vel recipiat præmium, prout meruerit.

R., multa sane occurrere, quæ, quamvis fieri, & esse debere, certo perspectum habeamus; tamen modum, aut rationem, qua fiant, & sint, non cognoscimus. Hoc non solum in iis, quæ sunt supra sensus nostros, sed in iis quoque contingit, quæ virtute naturalium causarum producuntur, & sub sensus nostros cadere possunt. Ita non solum animam spirituales esse, omnia ex nihilo produci oportuisse, certissime constat, quamvis nec quomodo illa sit spiritualis, nec qua ratione omnia ex nihilo producta fuerint, videamus; sed etiam, nos latet modus productionis multorum, immo fere omnium rerum, quæ naturalium causarum virtute fiunt. Verum non est, cur in his immoremur, quum sæpius jam contra Atheistas demonstraverimus effugium hoc omnino esse inane. Quapropter semel ac certissima ratione evinci potest, sicuti revera nos evicisse confidimus, etiam corpus post hanc vitam aut præmium recipere, aut pœnam sustinere debere, non est, cur hæc res iccirco in dubium revocetur, quia modum non videmus, quo id contingere possit.

At, inquit, non solum hujus rei modum non videmus, sed etiam nobis manifeste compertum est cum evidentissima ratione pugnare, ut dispersæ, atque dissolutæ partes, ex quibus unumquodque corpus coalescit, iterum uniantur, atque idem, ac antea, numero corpus constituent. Hoc autem fieri non posse,

posse, sunt multa, quæ suadent. Itane vero? Age ergo, diligentius expendamus, num Divina virtute fieri posse repugnet, ut corpus resurgat.

### ARTICULUS V.

NUM CONTRA RATIONEM PUONET, DIVINA VIRTUTE FIERI POSSE, UT RESURGANT CORPORA MORTUORUM.

CUM ratione pugnare, ut resurgant corpora mortuorum, ideoque neque etiam Dei virtute hoc præstari posse, non solum nostræ ætatis Deistæ contendunt, sed etiam Ethniconum multi defenderunt, ut constat ex Apologiis, quas contra eos Sancti Ecclesiæ Patres in defensionem Christianæ Religionis conscripserunt. Verum inde utrosque errandi occasionem accepisse arbitror, quia inter ea non distinxerunt, quæ contra rationem, & alia, quæ sunt supra rationem: illa quidem simpliciter in se impossibilia sunt, & neque etiam ab ipso Deo fieri possunt; non quia Deus summam potestatem non habeat, & fieri possunt quia talia sunt, ut neque entis rationem habere, neque fieri possint: ista autem quamvis naturali virtute produci impossibile sit; tamen quum nullam absolutam impossibilitatem ipsa in se contineant, a Deo produci, & fieri possunt. Talem vero contra Deistas resurrectionem corporum esse contendimus; hoc est, quamvis naturalis dici non possit, quia impossibile est, ut viribus naturæ fiat; tamen in se possibilem esse, adeoque a Deo fieri posse contendimus. Hoc autem antequam demonstremus, nonnulla præmittenda esse arbitramur.

1. Quidem illud monemus, Quia oportet (uti jam ex Supplem. 3. par. S. Thomæ qu. 79. art. 2. observavimus) quod illud idem numero ad finem perveniat, quod propter finem est factum, ne in vanum esse factum videatur; oportet, quod idem homo resurgat; & hoc quidem fit, dum eadem anima numero eidem corpori numero conjungitur; alias enim non esset resurrectio propriæ, nisi idem homo repararetur. Quapropter dum de corporum resurrectione agitur, illud quoque statuatur oportet, futurum esse, ut idem numero corpus eidem animæ conjungatur: nam, ut ibid. in art. præcedenti habetur: „Resurrectio magis respicit corpus, quod post mortem cadit, quam animam, quæ post mortem vivit; & ita si non est idem corpus, quod anima resumit, non dicitur resurrectio, sed magis novi corporis assumptio.”

2. Observandum est, ad perfectam, atque individuum resurrectionem corporis non requiri, ut id omne materiæ, quod a principio vitæ usque ad finem ejus in homine fuit, cum ipso resurgat: nam, uti traditur in supplem. 3. par. S. Thomæ qu. 80. art. 5., Totum, quod est in homine materialiter; pertinet quidem ad veritatem humanæ naturæ, quantum ad id, quod habet de specie, sed non totum considerata materiæ totalitate: quia tota materiæ, quæ fuit in homine a principio vitæ usque ad finem, excederet quantitatem debitam speciei. Et ideo totum, quod est in homine resurget, considerata totalitate speciei, quæ attenditur secundum quantitatem, figuram, situm, & ordinem partium; non autem resurget totum, considerata totalitate materiæ. Tantum ergo abest, ut ad perfectionem, atque individuum entitatem corporis resurgentis, id omne materiæ cum eo uniri requiratur, quod in hac vita successive habuit, quin potius utriusque tolleretur, si hoc contineret:

geret: nam tunc; quæ secundum speciem requiruntur in natura hominis, quantitas, figura, situs, & ordo partium, amplius non superessent: deinde quum etiam in hac vita tota ista materiæ quantitas a nemine simul habeatur, corpus, quod cum ea resurgeret, idem dici amplius non posset. Hisce observatis, sit.

PROPOSITIO. Dei virtute fieri potest, ut mortuorum corpora revivificent.

Prob. propositio. Ideo fieri non posset, ut corpora virtute Divina resurgerent, vel quia Deus non vellet, vel quia non posset; sed neutrum dicendum est: ergo. Prob. ma. quoad priorem partem. Repugnat, ut ea Deus non velit, quæ æquitatis ratio postulat; sed ut corpora simul cum anima in altero vitæ statu vel puniantur, vel mercedem recipiant, æquitatis ratio postulat [Art. præcedenti]: ergo. Neque id quisquam dixerit (ut observat Athenagoras de *Mortuorum Resurrectione* num. 10.) indignum Deo esse dissolutum corpus exsuscitare, & colligere. Nam si deterius, id est, corruptioni, & perpeffioni obnoxium, corpus facere indignum eo non fuit; multo magis præstantius facere, id est, a corruptione, & perpeffione immune, indignum non erit. Prob. mi. principalis quoad alteram partem. Corpora Divina virtute ideo resurgere non possent, vel quia scientia, vel quia potentia ad hoc faciendum Deo deesset; sed neutrum dici potest: ergo. Utrumque Athenagoræ argumentatione probatur, quam habet in lib. de *Mortuorum Resurrectione* num. 2.1. Deum autem latere non potest, inquit ipse, nec quæ sit corporum ad vitam revocandorum natura; sive secundum membra integra, sive secundum membrorum partes, nec quo abeat unumquodque eorum, quæ dissolvuntur, nec quæ pars elementorum exceperit id, quodd dissolutum in loca sibi congruentia migravit; quamvis hominibus discerni omnino non posse videatur, quidquid cum partibus universi sibi cognatis rursus coaluit. Quem enim non latebat ante propriam cujusque constitutionem nec futurorum elementorum natura, ex quibus humana corpora, nec eorundem elementorum partes, ex quibus decerpturus erat id, quod ipsi ad humani corporis constitutionem aptum videretur, facile patet; neque etiam postquam idem corpus in varias universi partes dissipatum fuerit, ignarum illum futurum, quonam migraverit unumquodque eorum, quæ ad cujusque absolutionem, & perfectionem adhibuerat. Nam, pro vigenti apud nos rerum ordine, quantumque de ceteris rebus judicari soler, majus est ea, quæ nondum sunt, præcognoscere: quantum autem ad Dei majestatem, ejusque sapientiam spectat, utrumque secundum naturam est, nec difficilius ea, quæ nondum sunt, præcognoscere, quam quæ dissoluta cognoscere.

Num. autem 3. neque etiam potentiam Deo deesse, ita demonstrat: Illius autem potestatem excitandis ad vitam corporibus non imparem esse, argumento est eorundem generatio. Nam si non exstantia hominum corpora, eorumque principia; in prima fecit creatione; etiam dissoluta, quolibet id contigerit modo, non difficilius exsuscitabit: æque enim potest id quoque. Nec de hac ratione quidquam detrahatur, sive ex materia prima principia, sive ex elementis, ut principia, humana corpora nonnulli conponant, sive ex feminibus. Cujus enim potestatis est, informi, ut illi existimant, materie formam assignare, & specie, ac ornatu carentem, multis variisque figuris ornare, & partes elementorum in unum cogere, & semen, quæ res una est, & simplex, in multa dividere, & quod rude, & incom-

Tom. II.

P

, possi.

possumus est, conformare, & componere, & quod vitæ expers, vita donare; ejusdem quoque est, & dissoluta coagmentare, & facientia excitare, & mortua ad vitam revocare, & corrupta ad statum corruptionis expertem convertere. Ejusdem enim auctoris, ejusdem potestatis, ac sapientiae fuerit, & quod discerptum est ab omni generis animalium multitudine, quaecumque ejusmodi corporibus accurrere solent, suamque ex illis tætiæ tatem capere, id inde separare, ac propriis iterum membris, & membrorum partibus adjungere, etiamsi in unum aliquid ex his animalibus migraverit, etiamsi multa, etiamsi inde alia, etiamsi cum illis una dissolutum ad prima principia secundum naturalem dissolutionem redierit: quod quidem nonnullos maxime visum est perturbare, eosque sapientiae laude insignes, quibus graves nescio quo pacto, vitæ sunt, quæ a vulgo jactantur, dubitandi rationes.

Et sane quid incredibilem videatur attente consideranti (ita S. Iustinus contra Ethnicos *Apologia* 1. num. 19.) quam si in corpore non essemus, nobisque diceret aliquis ex parva quadam humani seminis gutta ossa, & carnes ea, quam videmus, forma fieri posse? Id enim nunc fingendo dicamus. Si tales non essetis, neque orti ex talibus, vobisque aliquis hominis semen, & pictam imaginem demonstrans, ex tali re, eum generari posse asseveraret; num priusquam videretis factum, crederetis? Nemo contradicere audebit. Eodem modo quia nondum vidistis mortuum ad vitam revocatum, increduli estis. Sed quemadmodum nunquam omnino credidissetis, tales vos ex parva gutta fieri posse, & tamen factos videtis; eodem modo fieri posse existimate, ut dissoluta hominum corpora, & instar seminum in terram resoluta, Dei jussu certo tempore resurgant, & incorruptionem induant. Nam qui unumquodque in id, unde exiit, redire, ac præterea ne Deum quidem quidquam aliud posse dicunt, ii statuere non possumus ecquam Deo dignam potentiam relinquunt.

Hoc argumenti genus etiam Tatianus in *Oratione contra Græcos* nu. 6. hisce verbis prosequutus est: „Etiamsi enim vobis omnino nugatores, & blaterones videamur, parvi pendimus; quum hac ratione adducti crediderimus: quemadmodum enim quum non essem, antequam nascerer, ignorabam quis essem, ac tantum in substantia carnez materie existerem; genitus autem, qui olim non eram, ex generatione consequutus sum, ut me existere non dubitem; eodem modo genitus, ac per mortem esse, ac videri desinens, denuo exillam; quemadmodum olim quum non essem, postea genitus sum. Etiamsi mea caro igne evanescat, diffusam instar vaporis materiam ignis excepit. Etiamsi in fluminibus, etiamsi in mari absumar, etiamsi a feris dilanier; thesauris reconder divitiis domini. Ac inopem quidem, & Atheum latent, quæ recondita sunt: regnator autem Deus conspicuam sibi soli substantiam, ubi volet, in pristinum statum revocabit.”

Et re quidem vera multa in hac universitate rerum argumenta occurrunt, quæ & possibilitatem resurrectionis nostri corporis demonstrant, atque nos de ea sine intermissione monent, sicuti etiam Apologizæ Christianæ Religionis observarunt: „Ac multa quidem tibi Deus exhibet argumenta (inquit Theophilus ad Autolycom lib. 1. num. 13.) cur ei credas. Observa enim si placet, temporum, & dierum, & noctium interitum; attende, quemadmodum hæc etiam intereant, & renascantur. Quid? an non feminum, & fructuum sit quædam

„dam resurrectio, idque ad usus humanos? Granum enim tritici, exempli  
 „gratia, aut aliorum seminum, quum terræ injectum fuerit, primo perit, & sol-  
 „vitur, deinde excitatur, & in spicam assurgit. Arborum autem natura non-  
 „ne certis temporibus Dei iussu latentes antea, & invisos fructus producit?  
 „Quin etiam interdum passerulus, aut avis alia quolibet, quum semen ma-  
 „li, aut ficus sorbuerit, avolat in petrosam collem, aut aliquod sepulchrum,  
 „ac ibi alvum exonerat, tuncque semen illud radices agens, arbor nascitur,  
 „quod olim abortum fuerat, & tantum calorem trajecerat. Hæc autem om-  
 „nia operatur Divina sapientia, ut ex his demonstraret posse Deum generalem  
 „omnium hominum resurrectionem perficere.”

Minucius Felix in *Octavio* nu. 34. „Vide adeo, inquit, quam in solatium  
 „nostri resurrectionem futuram omnis natura meditetur. Sol demergit, & na-  
 „scitur: astra labuntur, & redeunt: flores occidunt, & reviviscunt: post se-  
 „nium arbuta frondescent: semina nonnisi corrupta revivescunt. Ita corpus in  
 „seculo, ut arbores in hiberno, occultant virorem, ariditate mentita. Quid  
 „festines, ut cruda adhuc hyeme reviviscat, & redeat? Expectandum nobis  
 „etiam corporis ver est. Nec ignoro plerosque conscientia meritum nihil se  
 „esse post mortem magis optare, quam credere: malunt enim extinguì peni-  
 „tus, quam ad supplicia reparari. Quorum error augetur, & in seculo liber-  
 „tate remissa, & Dei patientia maxima, cuius quanto iudicium tardum, tanto  
 „magis iustum est.” Tales profecto sunt Atheisti, atque Deisti nostri temporis:  
 „quum, suadente conscientia, nihil præmi in altera vita se consequuturos esse,  
 „videant, immo quia legem sibi naturaliter inditam violaverunt, quum sentiant fu-  
 „turum esse, ut multa, & gravissima mala sustineant, vellent una cum fine  
 „hujus vitæ finire omnia, indeque etiam eo audacius pervenerunt, ut, quoniam  
 „in hac vita prospere agunt, eos rideant, atque contemnant, qui de futuro vi-  
 „tæ statu, quam debent, sollicitudinem habent. Verum *Dei patientia maxima,*  
 „*cuius quanto iudicium tardum, tanto magis iustum est.* Illud ergo tandem ali-  
 „quando advertant, & serio cogitent, si non omnem iudicii rationem prorsus ami-  
 „serint, rem, de qua agitur, neque parvi momenti, neque talem esse, cui post  
 „præsentem vitam melius consulere possint. Quapropter, considera temetipsum,  
 „o homo (ita ad rem nostram Tertullianus in *Apologetico* cap. 45.) & fidem rei  
 „invenies. Recogita quid fueris, antequam esses: utique nihil: meminisses  
 „enim, si quid fuisses. Qui ergo nihil fueras, priusquam esses, idem nihil  
 „factus, quum esse desieris, cur non possis esse rursus de nihilo ejusdem au-  
 „toris voluntate, qui te voluit esse ex nihilo? Quid novi tibi eveniet? Qui  
 „non eras, factus es: quum iterum non eris, fies. Redde rationem, si po-  
 „tes, qua factus es: & tunc requires, qua fies. Ea tamen facillius utique fies,  
 „quod fuisti aliquando, qui æque non difficile factus es, quod nunquam fuisti  
 „aliquando. Dubitabitur, credo, de Dei viribus, qui tantum hoc corpus  
 „mundi de eo, quod non fuerat, non minus quam de morte vacationis, & in-  
 „nitatis inposuit animarum spiritu omnium animarum animatore, signatum &  
 „ipsum humanæ resurrectionis exemplum in testimonium nobis. Lux quotidie  
 „interfecta resplendet, & tenebræ pari vitæ decedendo succedunt: sydera de-  
 „functa vivescunt: tempora, ubi finiuntur, incipiunt: fructus consumuntur,  
 „& redeunt: certa semina nonnisi corrupta, & dissoluta fecundius surgunt:  
 „omnia pereundo servantur, omnia de interitu reformantur.”

„ Sed mortuos excitari non credis (ita demum unumquemque eorum ;  
 „ qui *Spiritus Fortes* se dici amant, verbis S. Theophili ad *Autolyicum* lib. 1. nu. 8.  
 „ compellandum esse arbitror). Quum res veniet, tunc credes, velis nolis; sed  
 „ credis? An ignoras, rebus omnibus fidem praeire? Quis agricola metere pos-  
 „ test, nisi prius semen terrae crediderit? aut quis mare transmittere, nisi prius  
 „ se ipse rati credat, & gubernatori? quis autem aegrotans sanari potest, nisi  
 „ prius se ipse medicum crediderit? aut quam artem quis, & disciplinam edi-  
 „ scere potest, nisi prius se tradiderit, & crediderit magistro? Igitur si ter-  
 „ rx credit agricola, si navigaturus rati, si aegrotus medico; non vis tu cre-  
 „ dere te Deo, tot, ac tantis ab eo pignoribus acceptis? Primo quod te crea-  
 „ vit, quod antea non esses (nam si nec pater tuus erat, nec mater, mul-  
 „ to magis ipse aliquando non eras) ac te ex humida, & parva materia, &  
 „ minutissima guttula, quae & ipsa non erat aliquando, formavit, atque in hanc  
 „ vitam produxit. „ Num. 14. „ Ne his igitur sis incredulus, sed potius crede...  
 „ ne si nunc incredulus fueris, credas tunc suppliciiis cruciatus aeternis. Quae  
 „ supplicia quum praedicta a Prophetis fuissent, his minores natu poete, &  
 „ philosophi furati sunt ex Sanctis Scripturis, ut auctoritatem opinionibus suis  
 „ conciliarent. Sed tamen hi quoque futura impiis, & incredulis supplicia praedi-  
 „ xerunt, ut testati essent omnibus; ne dicerent nonnulli: non audivimus, nec  
 „ cognovimus. Tu quoque, si ita tibi videtur, lege studiose propheticas Scrip-  
 „ turas; ac lucem illarum tutiorem habebis ducem, ut fugias aeterna suppli-  
 „ cia, & perpetua bona consequaris. „

Dices I. Quum idem numero corpus resurgere debeat, consequens inde foret,  
 ut multorum corpora ejus naturae esse deberent, cum qua vitae ratio vix  
 consistere posse videtur; aliorum autem aliqua praecipua sui parte careret; de-  
 mum quaedam corpora praeter nimiam pinguedinem gravarentur, alia praeter maciem defi-  
 cerent. Haec autem inordinatio non solum a maiestate Divinae Sapientiae aliena  
 est, sed etiam a statu felicitatis omnino abhorret: ergo possibilitas futuri sta-  
 tus, in quo etiam corpora gaudeant, frustra confingitur.

R., eadem quidem numero corpora resurrectione esse, sed tamen neque sta-  
 turae nimis exiguae, neque membris carentia, neque ob aliquam imperfectionem  
 infirma. Nam, ut explicatur in supplem. 3. par. S. Thomae qu. 71. art. 2.  
 „ In resurrectione non reparabitur humana natura solum quantum ad idem spe-  
 „ cie, sed etiam quantum ad idem numero; & ideo in resurrectione non solum  
 „ attendendum est, quid competat naturae speciei, sed quid competat na-  
 „ turae individui. Natura autem speciei habet aliquam quantitatem, quam nec  
 „ excedit, nec ab eo deficit absque errore; quae tamen quantitas habet ali-  
 „ quos gradus latitudinis, & non est accipienda secundum unam mensuram de-  
 „ terminatam. Unumquodque autem individuum in specie humana assequitur  
 „ infra terminos illius latitudinis aliquem gradum quantitatis, quae competit  
 „ naturae individui. & ad hanc perducitur in termino augmenti, si non fuerit  
 „ aliquis error in opere naturae, per quem sit aliquid additum, vel subtractum  
 „ praedictae quantitati. „ & ideo non omnes resurgent in eadem quantitate,  
 „ sed quilibet resurgit in illa quantitate, in qua fuisset in termino augmenti;  
 „ si natura non errasset, vel defecisset. Quod autem superest, vel deficit in  
 „ homine, restabit, vel supplebit Divina potentia. „. Eam ergo naturae men-  
 suram



suram habitura sunt corpora resurgentia, quam in hujus vite decursu, & in perfecto sui statu aut habuerunt, aut fuerunt habitura, nisi defectu, aut errore aliquo naturæ fuissent impedita. Deum autem sua potentia aut tollere, aut supplere posse, quod per errorem naturæ abundaverit, aut defecerit, nemo qui Dei ideam habeat, in dubium revocabit.

Hunc perfectionis modum (inquit S. Augustinus lib. 22. de *Civitate Dei* cap. 14. loquens de infantibus, quos in ea plenitudine resurrecturos esse tradit, quam in matura ætate habuissent) sic habent omnes, ut cum illo concipiantur, & nascantur; sed habent in ratione, non in mole: sicut ipsa jam membra omnia sunt latenter in semine, quum etiam natis nonnulla adhuc desint, sicut dentes, ac si quid hujusmodi. In qua ratione uniuscujusque materiæ indita corporali, jam quodam modo, ut ita dicam, liciatum esse videtur, quod nondum est, immo quod latet, sed accessu temporis erit, vel potius apparebit .... Creatori utique, qui creavit cuncta de nihilo, quomodo deesse posset, unde adderet, quod addendum esse, mirus artifex nosset.

Cap. autem 19. num. 1. nulla vitia in corpore futura esse ita probat: Si enim statum potest artifex homo, quam propter aliquam causam deformem fecerat; conflare, & pulcherrimam reddere; ita ut nihil inde substantiæ, sed sola deformitas pereat, ac si quid in illa figura priore indecenter extabat, nec parilitate partium congruebat, non de toto, unde fecerat, amputare, & separare; sed ita conspergere universo, atque miscere, ut nec foeditatem faciat, nec minuatur quantitas; quid de Omnipotente artifice sentiendum est? Ergone non poterit quasque deformitates humanorum corporum, non modo usitatas, verum etiam raras, atque monstruosas, quæ huic miseræ vite congruunt, abhorrent autem ab illa futura felicitate Sanctorum, sic auferre, ac perdere, ut quascumque earum faciant, etiam naturalia, tamen indecora excrementa substantiæ corporalis, nulla ejus diminutione tollantur.

In Supplem. 3. par. S. Thomæ *quest. 79. art. 3.* in quo quaeritur, num pulveres humani corporis ad eam partem corporis, quæ in eis dissoluta est, per resurrectionem redire oporteat, duplex genus partium distinguitur; quarum aliæ partes sunt totius *homogenei*, sicut diversæ partes carnis, & ossis; aliæ diversarum specierum totius *etherogeni*, sicut os, & caro. Hoc constituto, ita auctor prosequitur. Si ergo dicatur, quod pars materiæ redibit ad aliam partem speciei ejusdem; hoc non faciet varietatem nisi in situ partium: situs autem partium variatus non variat speciem in totis homogeneis .... Si autem dicatur, quod materia unius partis redit ad aliam partem alterius speciei; sic de necessitate variatur non solum situs partium, sed etiam identitas earum: ita tamen quod tota materia, aut quod erat de veritate humanæ naturæ in una, in aliam transferatur, non autem si quod erat in una parte superfluum, transferatur in aliam. Ablata autem identitate partium, aufertur identitas totius, si loquamur de partibus essentialibus, non autem si loquamur de partibus accidentalibus, sicut sunt capilli, & ungues, de quibus videtur loqui Augustinus. Et sic patet, qualiter translatio materiæ de parte in partem tollit identitatem totius, & qualiter non. Non tollit identitatem totius, si ad suum totum *homogenum* quamvis cum variatione situs redeat; tollit autem, si ad componendum totum *etherogenum* relictur, dum tamen hæc transmutatio contingat quoad partes essentielles, & quod superfluum

fluum est in una parte, in alteram non transferatur; de qua translatione etiam S. Augustinus loquutus esse videtur.

Tandem S. Augustinus laud. cap. 19. num. 2. vel propter maciem, vel propter pinguedinem nullum defectum in altera vita futurum esse, sapientissime conjicit: „Ac per hoc, inquit, non est macris pinguibusque metuendum, ne ibi etiam tales sint, quales, si possent, nec hic esse voluissent. „ Omnis enim corporis pulchritudo est partium congruentia cum quadam coloris suavitate. Ubi autem non est partium congruentia, aut ideo quid offendit, quia pravum est, aut ideo quia parum, aut ideo quia nimium. Proinde nulla erit deformitas, quam facit incongruentia partium, ubi, & quæ præva sunt, corrigerunt, & quod minus est, quam decet, unde Creator novit, inde supplebitur, & quod plus est, quam decet, materix servata integritate, detrahetur. „ Anne aliquid horum Deo impossibile esse, dici potest? Corporum ergo resurrectionis possibilitatem inepte, & præter omnem rationem oppugnari a Deistis, quis non videat?

Dices II. Multa fuisse hominum corpora, quæ vel bruta voraverint, vel ignis omnino absumpserit, vel etiam quoad esse in minutissimum pulverem redacta sint, negari non potest: ergo duplici de causa fieri non posse videtur, ut ista corpora restituantur: 1. quia tam minutissimas partes, tam ubique dispersas diligentissime conquiri, & in unum redigi, quis in se impossibile esse non videat? 2. quia ut hoc per Divinam omnipotentiam fiat, ab illius maiestate abhorret.

R., ne. const. quoad utramque partem. Virtute quidem naturali fieri non posse fatemur, ut dispersæ particulæ corporum conquiri, atque in unum redigi possint: „ Absit autem (ut verbis S. Augustini utar lib. 22. de Civitate Dei cap. 20. num. 1.) ut ad resuscitanda corpora, vitæque reddenda, non possit omnipotentia Creatoris omnia revocare, quæ vel bellis, vel ignis absumpsit, vel in pulverem, cineremve collapsum, vel in humorem solutum, vel in auras est exhalatum. Absit, ut sinus ullus, secretumque naturæ ita recipiat aliquid subtractum sensibus nostris, ut omnium Creatoris aut lateat cognitionem, aut effugiat potestatem. Deum certe volens, sicut poterat, definire Cicero tantus auctor ipsorum: *mens quædam*, inquit, *est soluta, libera, secreta ab omni concretionem mortali, omnia sentiens, & movens, ipsaque prædita motu sempiterno*. (a) Hoc autem reperi in doctrinis magnorum Philosophorum. Ut igitur secundum ipsos loquar, quomodo aliquid vel lateat omnia sentientem, vel irrevocabiliter fugit omnia moventem,?

Sicuti autem a Divina maiestate alienum non est, minutissimis quibusque rebus prospicere (Art. 2. qu. 1. lib. hujus); ita neque etiam esse potest, materix particulas quavis ratione dispersas in unum colligere, ut ipsius providentiæ effectus ultimum complementum quoad hominem habeat.

Contr. Particulæ corporum aliquando ita dispersæ esse possunt; ut eas uniri ad constituendum illud corpus, ad quod antea pertinebant, etiam per Divinam omnipotentiam impossibile sit; ergo Prob. ant. Si quis vescatur humanis carnibus, atque illæ transiant in substantiam illius, tunc neque etiam Divina potentia fieri potest, ut dispersæ particulæ hujusmodi carnum simul uniantur ad componendum corpus tum comedentis, tum ejus, ad quem primo pertinebant, sed unum ex hisce sua materia destitutum necessario remanere debet; sed nonnullos humanas carnes aliquando comedissee legimus: ergo. R.,

(a) Tusculan. lib. 1.

R., hoc argumenti genus, quod Deistæ recentiores cum tanta confidentia nobis obtrudunt, etiam ab Ethnicis propositum, & tum a S. Thoma, tum etiam ab antiquioribus Ecclesiæ Patribus solum fuisse, Unumquodque in illo resurget (ita in Supplem. 3. par. S. Thomæ qu. 80. art. 4. ad 3.), in quo magis accessit ad perfectam participationem virtutis speciei: & si aequaliter in utroque accesserit, resurget in illo, in primo habuit ordinem ad resurrectionem ex conjunctione ad animam rationalem illius hominis; & ideo si in carnibus comestis fuit aliqua superfluitas, quæ non pertineret ad veritatem humanæ naturæ in primo, resurgere poterit in secundo; alias illud, quod non pertinebat ad resurrectionem in primo, resurget in eo, & non in secundo: sed in secundo loco ejus sumetur vel aliquid de eo, quod ex aliis cibis in carnem secundi conversum est, vel si nullo cibo unquam passus fuisset, nisi carnibus humanis, Divina virtute aliunde suppleretur, quantum indigeretur ad perfectionem quantitatis; sicut etiam supplet in illis, qui ante perfectam ætatem decedunt. Nec per hoc aliquid præjudicatur identitati in numero; sicut nec præjudicatur per hoc, quod partes secundum materiam fluunt, & resuunt.

Unde jam questio illa solvenda est (inquit S. Augustinus lib. 22. de Civitate Dei cap. 20. nu. 2.), quæ difficilior videtur ceteris, ubi quæritur, quum caro mortui hominis etiam alterius sit viventis caro, cui potius eorum in resurrectione reddatur? Si enim quispiam confectus fame, atque compulsus vescatur cadaveribus hominum, quod malum aliquoties accidisse, vetus testatur historia, & nostrorum temporum infelicia experimenta docuerunt; num quisquam veridica ratione contendet, totum digestum fuisse per imos meatus, nihil inde in ejus carnem mutatum, atque conversum, quum ipsa macies, quæ fuit, & non est, satis indicet, quæ illis eis detrimenta suppleta sint? Jam itaque aliqua paulo ante præmissi, quæ ad istum quoque nodum solvendum valere debebunt. Quidquid enim carni exhauserit fames, utique in auras est exhalatum: unde diximus, omnipotentem Deum posse revocare, quod fugit. Reddetur ergo caro illa homini, in quo esse caro humana primitus cœpit. Ab illo quippe altero tamquam mutuo sumpta deputanda est: quæ sicut æs alienum ei reddibenda est, unde sumpta est. Sua vero illi, quam fames exinanierat, ab eo, qui potest etiam exhalata revocare, reddetur. Quamvis etsi omnibus perisset modis, nec ulla ejus materies in ullis naturæ latebris remansisset, unde vellet, eam repararet, Omnipotens.

Videant ergo Deistæ quam inepte hæc, & alia similia contra possibilitatem resurrectionis corporum obtrudant; quasi vero Divinæ Omnipotentis virtus, quæ omnia ex nihilo produxit, propriam unicuique corpori materiam restituere non posset. Plura quoque hæc de re præclare habet S. Gregorius Nyssenus de Opificio Hominis cap. 27. Postquam ergo præcedenti cap. 26. ea fere omnia sibi opposuerat, quæ nunc etiam recentiores Deistæ nobis opponunt, citato cap. 27. pluribus exemplis ab ipsa natura petitis demonstrat, impossibile non esse, ut per Dei virtutem quæ propria esse debet in futura resurrectione uniatur materia corporibus, quavis tandem ratione prius ea dispersa, & dissipata fuerit. At enim, inquit, dum elementa universalitatis intueris, fore per- existimás difficile, ut ex communitate id, quod corporum singulorum proprium est, aliquando rursus confluat.

.. Cur obsecro de humanis etiam ex-

.. plis

„plis non colligis ratiocinando Divinæ potestatis hoc terminos non excedere?  
 „Non potes non aliquando iis in locis, quibus homines habitarent, commu-  
 „nem animalium gregem vidisse, qui plurium esset. Hic si suos ad dominos  
 „deinde remitteretur, animadvertere potuisti singulos animalia sua recupera-  
 „re, tum quod ea dominorum artibus assuevisent, tum quod notis essent qui-  
 „busdam signata. Idem si de æternitatis cogitabis, haudquaquam a vero aber-  
 „raveris. Nam quum animus affectione, & amore a natura singulari corpus,  
 „in cuius quasi contubernio fuit, prosequatur; ideo ei de conjunctione pri-  
 „stina quædam inest erga proprium corpus occulta sive affectio, sive agnitio,  
 „natura quasi notas singulis imprimente, ne illa, quam diximus, in commu-  
 „nitate omnia confunderentur, sed quoddam singulorum discrimen remaneret.  
 „Quapropter quum animus ipse quicquid sibi cognatum, & proprium est, col-  
 „ligat; quis, obsecro, labor potestati Divinæ fuerit, impedire, ut ne co-  
 „gnata rursus concurrant, quæ ductu quodam naturæ ineffabili ad se mutuo fe-  
 „runtur?... Sua enim sponte nutrimentum cuique semini conveniens, nullo  
 „naturæ negotio de communi ad singulorum usum transfertur. Ergo si uni-  
 „versis terra nascentibus, communi quodam succo proposito, quicquid equi-  
 „trari necesse est, id attrahit splendidi sui causa, quod ipsi convenit: quid ab-  
 „surdum, si hæc etiam in doctrina de resurrectione dicamus, perinde ut so-  
 „mina convenientem succum, sic quoslibet ex mortuis resurgentes propria  
 „rursus attrahere? De his omnibus adeo licet intelligere, nihil in resurre-  
 „ctionis prædicatione contineri, quod separandum iis a rebus sit, quas res per  
 „experientiam cognitas habemus.

Dices III. Corpora, quæ reviviscerent, cum anima conjungerentur, ut simul cum ea alteram a præsentī vitam in cælestibus ducerent, sed ne corpora sint in cælestibus, pondus eorum est impedimento: ergo.

R., n. mi., Si enim ars humana efficit, (uti ratiocinatur S. Augustinus, lib. 13. de Civit. Dei cap. 18.) ut ex metallis, quæ in aquis posita continuo submerguntur, quibusdam modis vasa fabricata etiam natæ possint, quanto credibilius, efficacius occultus aliquis modus operationis Dei, cuius omnipotentissima voluntate Plato dicit, nec orta interire, nec colligata posse dissolvi, quum multo mirabilius incorporea corporeis, quam quæcumque corporea quibuscumque corporeis copulcentur, potest molibus præstare terrenis, ut nullo in ima pondere deprimantur; ipsique animis perfectissime beatis, ut quamvis terrena, tamen incorruptibilia iam corpora, ubi volunt, ponant, & quo volunt, agant, situ motuque facillimo... Nam quum terrenorum corporum sicut onera in gestando sentire consuevimus, quanto maior est quantitas, tanto maior sit & gravitas, ita ut plura pondo, quam pauciora, plus premant. Membra tamen suæ carnis leviora portat anima, quum in sanitate robusta sunt, quam in languore, quum macra sunt. Et quum aliis gestantibus, onerosior sit sanus, & validus, quam exilis, & morbidus, ipse tamen ad suam corpus movendum, & portandum agilior est, quum in bona valetudine plus habet molis, quam quum in peste, vel fame minimum roboris. Tantum valet etiam in habendis terrenis corporibus, quamvis adhuc corruptibilibus, & mortalibus, non quantitatis pondus, sed temperationis modus. Et quis verbis explicet, quantum distet inter præsentem, quam dicimus, sanitatem, & immortalitatem futuram? Non itaque nostram fidem redarguant Philosophi de ponderibus corporum.

Con-

Contra sapientes mundi, qui terrena corpora hominum ad cœleste habitaculum transferri posse non putant, ita præclare disputat idem Sanctus Doctor etiam in lib. 22. de *Civitate Dei* cap. 4., Sed videlicet, *inquit*, homines docti, atque sapientes contra vim tantæ auctoritatis, quæ omnia genera hominum, sicut tanto ante prædixit, in hoc credendum sperandumque convertit, acute sibi argumentari videntur adversus corporum resurrectionem, & dicere, quod in tertio de Republica libro a Cicerone commemoratum est. Nam quum, Herculem, & Romulum ex hominibus Deos esse factos asseveraret: *Quorum non corpora*, inquit, *sunt in eodem elata; neque enim natura pateretur, ut id, quod esset o terra, nisi in terra maneret.* Hæc est magna ratio sapientium, quorum Dominus novit cogitationes, quoniam vanæ sunt. Si enim anima tantummodo essemus, id est, sine ullo corpore spiritus, & in cœlo habitantes terrena animalia nesciremus, nobisque futurum esse diceretur, ut terrenis corporibus animandis quodam vinculo mirabili neceremur, nonne multo fortius argumentaremur id credere recusantes, & diceremus naturam non pati, ut res incorporea ligamento corporeo vinceretur? Et tamen plena est terra vegetantibus animis hæc membra terrena, niro sibi modo connexa, & implicita. Cur ergo eodem modo volente Deo, qui fecit hoc animal, non poterit terrenum corpus in cœleste corpus adtolli, si animus omni, ac per hoc etiam cœlesti, corpore præstabilior, terreno corpori potuit illigari? An terrena particula tam exigua potuit aliquid cœlesti corpore melius apud se tenere, ut sensum haberet, & vitam, & eam sentientem, atque viventem, dedignabitur cœlum suscipere, aut susceptam non poterit sustinere, quum de re sentiat, & vivat ista meliore, quam est corpus omne cœleste? Sed ideo nunc non fit, quia nondum est tempus, quo id fieri voluit, qui hoc, quod videndo jam viluit, multo mirabilius quam illud, quod ab illis non creditur, fecit. Cur enim non vehementius admiramur incorporeos animos cœlesti corpore potiores, terrenis illigari corporibus, quam corpora, licet terrena, sedibus quamvis cœlestibus, tamen corporeis sublimari, nisi quia hoc videre consuevimus, & hoc sumus, illud vero nondum sumus, nec aliquando adhuc vidimus? Nam profecto, sobria ratione consultâ, mirabilioris esse Divini operis reperitur, incorporalibus corporalia quodam modo adtexere, quam licet diversa, quia illa cœlestia, ista terrena, tamen corpora, & corpora copulare, „

## ARTICULUS VI.

NUM FUTURUS VITÆ STATUS, QUI JUSTIS IN PRÆMIUM SUORUM LABORUM EST A DEO RESERVATUS, ÆTERNUS, ATQUE IMMUTABILIS ESSE DEBEAT.

Scuti conatus recentiorum Incredulorum eo potissimum tendunt, ut alterum futurum vitæ statum, in quo impii puniantur, e medio tollant, quem admodum articulo 3. hujus quæstionis jam observavimus; de futuro autem, statu vitæ, in quo iusti præmium recipiant, non sunt valde solliciti; ita etiam quando de perduratione huiusce status immutabili, ac sempiterna agitur, eam quoad futuram vitam impiorum oppugnant totis viribus, quoad vitam autem iustorum ferunt, atque patiuntur. Origenius (a), atque Socinianos Increduli

Tom. II.

Q

recen-

(a) Origenes in eo quidem errore fuit, ut tam felicitati iustorum, tum supplicio

im.

recentiores hac in re sequuntur, unaque cum iis poenis damnatorum finem imponendum esse contendunt. Qua vero ratione futurum sit, ut huiusmodi statui finis imponatur, non determinant, neque Origenitarum potius, quam Socinianorum sententia addictos sese esse demonstrant. Aeternitas ergo poenarum illud unum est, quo potissimum, vel nolentes, torquentur. Quapropter quum eam post praesentem vitam sibi superesse videant, ut metu sic liberent, quo tamen, conscientia contra semper urgente, omnino liberari non possunt, huic quoque veritati sese opponunt: quam falso autem, & quam invita ratione in sequenti articulo demonstrabimus (a). In praesenti vero disputabimus de perpetuitate beatitudinis, quam iusti consequuturi erant. Hanc vero disputationem, instituisimus non solum ad consolationem eorum, qui nihil antiquius habent, quam observationem Divinorum mandatorum, sed etiam ut Deitas ad veritatem amplectendam primo alliciamus commemoratione infiniti boni, quod ipsi quoque consequi possunt, si respuerint. Lemmata vero nonnulla tum ad istam, tum ad alteram disputationem, de qua in sequenti articulo acturi sumus, praemittimus, quo facilius, atque distinctius, evincamus, quod volumus.

### LEMMA I.

*Vera, & completa beatitudo omne malum excludere, & omne desiderium explere debet.*

Nomine verae, atque completæ beatitudinis eam intelligimus, quæ, ut inquit S. Thomas 1. 2. quæst. 3. art. 6. *attingit ad veram beatitudinis rationem*. Vera autem ratio beatitudinis omne malum, quodvis tandem illud sit, a se excludere debet. Malum enim vitæ beatæ opponitur, ideoque vita omnino beata, seu vera, & perfecta ratio beatitudinis haberi non potest, si alicui malo reliquus sit locus. Quemadmodum ergo objectum aliquod omnino album dici non potest, si quædam vel minutissimæ maculae in eo sint; ita neque etiam ea vita, uti omnino beata haberi potest, quæ nonnullis etiam levissimis malis obnoxia sit.

Quum autem vera, & completa beatitudo sit quoddam bonum undequaque perfectum, cui ad sui complementum nihil deest, si ab ipsa beatitudine omne desiderium non expleretur, neque etiam dici posset, eam bonum esse undequaque perfectum, cui ad sui complementum nihil deesset: tunc enim id ei deesset, per quod ipsum desiderium ulterius expleri deberet. Et re quidem vera semel ac beatitudo sit, ut inquit Boetius (b), & ipsa quoque ratio suadet, *status bonorum omnium aggregatione perfectus*, fieri non potest, quin omne prorsus desiderium per eam expleatur.

### LEMMA

Impiorum finem imponendum esse putaverit, omninoque in priorem statum revolutionem juxta propria merita posuerit: verum ab Origine discipuli quoque ejus in eo recesserunt, ut licet etiam ipsi poenas impiorum aeternas futuras esse voluerint; tamen hoc idem non senserint quoad felicitatem iustorum, uti tradit S. Augustinus lib. 21. de Civitate Dei cap. 17.

(a) Ratione ergo tantum, prout methodus nostræ institui postulat, nunc pugnabimus: quæ autem evidentiissima ex Sacra Scriptura tum adversus Origenistas, tum adversus Socinianos argumenta erui possent, omittemus, quia cum iis agimus, qui non curant testimonia Scripturarum.

(b) Lib. 3. de Consolar. prof. 11.

## LEMMA II.

*Vera, & completa beatitudo aeterna, atque perpetua esse debet.*

„ Quum enim ipsa beatitudo ( uti argumentatur S. Thomas 1. 2. quæst. 5. art. 4., & nos ex ipsius doctrina modo demonstravimus ) sit perfectum bonum, & sufficiens, oportet, quod desiderium hominis quietet, & omne malum excludat: naturaliter autem homo desiderat retinere bonum, quod habet, & quod ejus retinendi facultatem obtineat: alioquin necesse est, quod timore amittendi, vel dolore de certitudine amissionis affligatur. Requiritur igitur ad beatitudinem, quod homo certam habeat opinionem, bonum, quod habet, nunquam se amissurum: quæ quidem opinio si vera sit; consequens est, quod beatitudinem nunquam amittet: si autem falsa sit; hoc ipsum est, quoddam malum falsam opinionem habere: nam falsum est malum intellectus, sicut verum est bonum ipsius, ut dicitur in 6. *Ethicorum*. Non igitur jam vere erit beatus, si aliquod malum ei inest. Et re quidem vera quodvis tandem sit bonum illud, quo perfrui, tamen nisi habeamus securitatem illud semper nobis permanens esse, omnino quieti esse non possumus; ipsaque jactura hujusmodi boni, quam a nobis faciendam esse videmus, multum minuet de dulcedine ipsius boni, etiam dum eo perfrui. Si ergo in vera, & omnino completa beatitudine nullum potest malum inesse, & per eam omne desiderium expleatur oportet; necessario requiritur, ut illa nunquam deficiat.

Deinde, uti argumentatur idem S. Doctor lib. III. *cont. Gent.* cap. 62. num. 2., Creatura intellectualis non pervenit ad ultimum finem, nisi quando ejus desiderium naturaliter quietatur. Sicut autem naturaliter desiderat felicitatem; ita naturaliter desiderat felicitatis perpetuitatem. Quum enim in sua substantia sit perpetua, illud, quod propter se desiderat, & non propter aliud, desiderat ut semper habendum. Non igitur esset felicitas ultimus finis, nisi perpetuo permaneret.

## LEMMA III.

*Veram, & completam beatitudinem expetunt homines, eamque assequi possunt.*

„ Beatitudo (inquit S. Thomas 1. 2. quæst. 5. art. 1.) nominat adaptionem perfecti boni: quicumque ergo est capax perfecti boni, potest ad beatitudinem pervenire. Quod autem homo boni perfecti sit capax, ex hoc apparet, quod ejus intellectus potest comprehendere universale, & perfectum bonum, & ejus voluntas appetere illud, & ideo homo potest beatitudinem adipisci.

Quum autem vera, & completa beatitudo omne malum excludat, atque desiderium expleat (Lemm. 1.); inde est, ut omnis homo veram & completam beatitudinem expetat: nam unicuique naturale est, ut omne malum a se remotum, omneque suum desiderium expletum velit.

Hac tamen in re distinguatur oportet, sicuti facit S. Thomas 1. 2. quæst. 5. art. 3., inter communem, & peculiarem rationem beatitudinis, Beatitudo ergo

Q 2

si se-

si secundum communem rationem accipiat, necessario expetitur ab omnibus. Beatitudinis communis est, inquit S. Thomas in citato articulo. „ Ut sit bonum perfectum, sicut dictum est. Quam autem bonum sit obiectum voluntatis; perfectum bonum est alicujus, quod totaliter ejus voluntati satisfacit: unde appetere beatitudinem nihil aliud est, quam appetere, ut voluntas satiatur, quod quilibet vult „.

„ Alio modo possumus loqui de beatitudine (ita prosequitur S. Doctor) secundum specialem rationem quantum ad id, in quo beatitudo consistit: & sic non omnes cognoscunt beatitudinem, quia nesciunt, cui rei communis ratio beatitudinis conveniat, per consequens quantum ad hoc non omnes eam volunt „.

Deinde, uti argumentatur S. Thomas 1. 2. quæst. 5. art. 8., quilibet naturaliter appetit, ut voluntas satiatur: ergo naturaliter appetit beatitudinem. Ant. manifestum est, quia bonum est obiectum voluntatis, neque voluntas quiescere potest, quousque consequuta fuerit tale bonum, quo satiatur. Probat. conf. Propria ratio beatitudinis consistit in hoc, quod sit bonum perfectum [Lemm. 1.]; sed voluntas non nisi bono perfecto satiari potest: ergo naturalis appetitus boni satiantis voluntatem est appetitus beatitudinis: ergo naturaliter homines appetunt beatitudinem.

Jam vero posse homines consequi beatitudinem constat ex ipso naturali desiderio illius consequendæ. Desiderium enim a natura inditum inane non est: esset autem inane, si homines non possent consequi beatitudinem, quam naturaliter appetunt (a).

Deinde, uti habet S. Thomas 1. 2. quæst. 5. art. 1., Beatitudo nominatur adaptionem perfecti boni: quicumque ergo est capax perfecti boni, potest ad beatitudinem pervenire. Quod autem homo boni perfecti sit capax, ex hoc apparet, quod ejus intellectus potest comprehendere universale, & perfectum bonum, & ejus voluntas appetere illud: & ideo homo potest beatitudinem adipisci „.

#### LEMMA IV.

*Vera, & completa beatitudo non potest consistere in aliquo bono creato.*

Ad veram, & completam beatitudinem requiritur, quod omne malum per eam excludatur, (Lemm. 1.); sed nullum est bonum creatum, quod omne malum a se excludat: itaque in nullo creato bono vera, & completa beatitudo consistere potest. Quod autem quodvis creatum bonum non excludat a se omne malum, inde constat, quia nullum est creatum bonum, quod omnem bonitatem in se contineat: in privatione autem bonitatis consistit malum.

Deinde per veram, & completam beatitudinem omne desiderium expletur oportet (Lemm. 1.); nullum autem bonum creatum est, per quod omne nostrum desiderium expleri possit: ergo nullum bonum creatum est, quod rationem

(a) Ex naturali autem desiderio consequendæ beatitudinis non sequitur, ut omnes beatitudinem consequi debeant, sed ut possint consequi beatitudinem. Unde S. Thomas de hujusmodi desiderio ita accurate habet lib. III. *cont. Gent.* cap. 5., „ Impossibile est naturale desiderium esse inane, quod quidem esset, si non esset possibile pervenire ad Divinam substantiam intelli-

gendam „. Hinc recte Ferrariensis in citato capite: „ Si enim, inquit, in indiduis non esset talis potentia, nunquam naturæ desiderium impleretur: sed si in illis sit capacitas rei desideratæ, naturæ desiderium quandoque in aliquo impletur; & hoc sufficit ad hoc, ut non sit inane, & frustrum „.



tionem habeat veræ & completæ beatitudinis. Desiderium vero nostrum nullo creato bono expleri posse, sit inde perspicuum, quia objectum voluntatis est universale bonum, ideoque voluntas, dato particulari quovis bono, aliud, atque aliud semper appetit, seu appetere potest, quum nunquam exauriatur capacitas illius, quodvis tandem particulare bonum ei proponatur, omne autem creatum est bonum particulare.

## LEMMA V.

*Veræ, & completa beatitudo haberi non potest in hac vita.*

„ Dicendum ( inquit S. Thomas 1. 2. quæst. 5. art. 3. ), quod aliqualis beatitudinis participatio in hac vita haberi potest; perfecta autem, & vera beatitudo non potest haberi in hac vita. Et hoc quidem considerari potest dupliciter. Primo quidem ex ipsa communi beatitudinis ratione: nam quum beatitudo sit perfectum, & sufficiens bonum, omne malum excludit, & omne desiderium implet. In hac autem vita non potest omne malum excludi, multis enim malis præsens vita subjacet, quæ vitari non possunt, & ignorantia ex parte intellectus, & inordinata affectio ex parte appetitus, & multiplicibus pœnalitatibus ex parte corporis, ut Augustinus diligenter profecquitur 19. de Civitate Dei. Similiter etiam boni desiderium in hac vita, satiari non potest: naturaliter enim homo desiderat permanentiam ejus boni, quod habet. Bona autem præsentis vitæ transitoria sunt, quum & ipsa vita transeat, quam naturaliter desideramus, & eam perpetuo permanere vellemus, quia naturaliter homo refugit mortem. Unde impossibile est, quod in hac vita vera beatitudo habeatur „.

## LEMMA VI.

*Vera hominis beatitudo consistit in contemplatione Dei.*

Homo capax est beatitudinis, eamque revera obtinere potest (Lemm. 3.); sed eam obtinere non potest in bono creato (Lemm. 4.): ergo non nisi in bono increato; hoc est in Deo, qui solus increatus est. Deo autem, quum sit incorporeus, homo conjungi non potest nisi per intellectum, & voluntatem, hoc est cognoscendo, & amando ipsum. Harum autem hominis operationum circa objectum increatum, operationum, inquam, intellectus, & voluntatis, ideo nunc potius intellectivam, quam voluntatis operationem spectamus, quia voluntas rationalis non afficitur erga bonum, nisi cognitum, & ad cognitionem boni quatenus tale necessario sequitur affectus voluntatis erga ipsum bonum. Quamobrem spectato actu voluntatis quatenus consequente ad actum intellectus, maneat, quod probatum est, veram beatitudinem hominis consistere in bono increato, cui homo præcipue per intellectum conjungitur cognoscendo. „ Beatus, tunc ( inquit S. Thomas 1. 2. quæst. 3. art. 4. ) est consequutio finis ultimi: consequutio autem finis non consistit in ipso actu voluntatis. Voluntas autem fertur in finem & absentem, quum ipsum desiderat, & præsentem, quum in ipso requiescens delectatur. Manifestum est autem, quod ipsum desiderium „ finis

„ finis non est consequutio finis, sed est motus ad finem. Delectatio autem ad-  
 „ venit voluntati ex hoc, quod finis est præsens, non autem e converso ex  
 „ hoc aliquid sit præsens, quia voluntas delectatur in ipso. Oportet igitur ali-  
 „ quid aliud esse, quam actum voluntatis, per quod sit finis ipse præsens vo-  
 „ luntati. Et hoc manifeste apparet circa fines sensibiles: si enim consequi pec-  
 „ uniam esset per actum voluntatis; statim a principio cupidus consequutus  
 „ esset pecuniam, quando vult eam habere: sed a principio quidem est absens  
 „ ei: consequitur autem ipsam per hoc quod manu ipsam apprehendit, vel ali-  
 „ quo huiusmodi: & tunc jam delectatur in pecunia habita. Sic igitur & circa  
 „ intelligibilem finem contingit: nam a principio volumus consequi finem  
 „ intelligibilem: consequimur autem ipsum per hoc quod sit præsens nobis per  
 „ actum intellectus, & tunc voluntas delectata conquiescit in fine jam adepto „

Deinde, uti habet idem S. Doctor citata quæst. art. 5., beatitudo oportet,  
 quod sit optima operatio hominis: „ Optima autem operatio hominis est, quæ  
 „ est optimæ potentie respectu optimi objecti: optima autem potentia est in-  
 „ tellectus, cuius objectum optimum est bonum Divinum, quod quidem non  
 „ non est objectum practici intellectus, sed speculativi. Unde in tali opera-  
 „ tione, scilicet in contemplatione Divinorum, maxime consistit beatitudo „

### LEMMA VII.

*Vera, & completa beatitudo non consistit in cognitione Dei, quæ com-  
 maniter habetur ab omnibus.*

„ Datur aliqua communis, atque confusa Dei cognitio, quæ in omnibus  
 hominibus adinvenitur, sive ex eo quod Deum existere, est per se notum,  
 sive ex eo quod naturali ratione facile homo in aliquam Dei cognitionem per-  
 venire potest. Videntes enim homines res naturales æturm servare ordinem;  
 quum ordo sine ordinante esse non possit, ab aliquo principio res omnes in cer-  
 tum ordinem dirigi recte intulerunt. Quis autem, vel qualis, vel si unus tan-  
 tum sit naturæ ordinator, ex hac communi consideratione statim perspectum  
 non sit. Jam vero hanc Dei cognitionem communem, atque confusam non  
 sufficere ad beatitudinem, per se manifestum est. Error enim est quoddam ma-  
 lum; sed hæc cognitio suscipit admixtionem multorum errorum: ergo quum,  
 vera, & completa beatitudo omne malum excludere debeat (Lemm. 1.), in  
 huiusmodi cognitione vera, & completa beatitudo consistere non potest. Talem  
 vero esse cognitionem istam, ut suscipiat admixtionem multorum errorum, ipsa  
 experientia constat. „ Quidam enim (uti inquit S. Thomas lib. III. cont. Gent.  
 „ cap. 38. n. 1.) rerum mundanarum non alium ordinatorem esse crediderunt, quam  
 „ corpora cælestia: unde corpora cælestia Deo esse dixerunt. Quidam vero  
 „ ulterius ipsa elementa, quæ ex eis generantur, quasi æstimantes, motus, &  
 „ operationes naturales, quas habent, non ab alio ordinatore eis inesse, sed  
 „ ab eis alia ordinari. Quidam vero humanos actus non alicuius ordinationi  
 „ subesse credentes, Deos esse dixerunt „ . At recensere velle omnes errores  
 cum ipsa natura Dei omnino pugnantes, in quos ii impeerunt, qui huiusmodi  
 confusam de Deo cognitionem habuere, nimis longum esset.

Deinde, sicuti ratiocinatur idem sanctus Doctor citato capite num. 2., ad  
 beati-

beatitudinem omnes humani actus ordinantur, sicuti ad suum ultimum finem: ad prædictum vero cognitionem non ordinantur humani actus sicuti ad suum ultimum finem, quum statim a principio cunctis præsto ea sit: igitur in ea vera, & completa beatitudo consistere non potest.

## LEMMA VIII.

*Vera, & completa beatitudo non consistit in cognitione Dei, quæ habetur per demonstrationem.*

Quædam Dei cognitio sublimior illa, quæ vulgo ab omnibus habetur, acquiritur per demonstrationem; per quam sane, quum per demonstrationem ab ipso Deo multa removeantur, quibus ab aliis distinctus intelligitur, ad propriam cognitionem Dei accedimus. Nam per demonstrationem Deum esse immobilem, æternum, incorporeum, omnino simplicem, unum, & alia huiusmodi cognoscimus, de quibus in secundo libro disputavimus. Ad propriam autem cognitionem rei alicujus pervenitur non solum per affirmationem, sed etiam per negationem. Id autem interest inter utrumque modum cognitionis, quod per proprias affirmationes cognoscitur, quid sit res, & quomodo separatur ab aliis, per proprias vero negationes cognoscitur, quod est separata ab aliis, tamen quid ipsa sit, ignotum remanet. Huiusmodi autem est propria cognitio, quæ de Deo per demonstrationem habetur, uti tradit S. Thomas lib. III. *cont. Gent.* cap. 59. In hac ergo cognitione vera, & completa beatitudo reposita esse non potest. Nam vera, & completa beatitudo omne malum excludit (Lemma. 1.) deceptio autem, & error est quoddam malum, quod omnes naturaliter refugiant: ergo vera, & completa beatitudo omnem deceptionem, & errorem, excludere debet; sed prædictæ cognitioni, quæ per demonstrationem de Deo habetur, multiplex error conjungi potest: ergo in ea non consistit beatitudo. Conjungi vero potest cum tali cognitione multiplicem errorem; „ Patet in multis (inquit S. Thomas III. *cont. Gent.* cap. 39. num. 3.) qui aliqua vera „ de Deo per viam demonstrationis cognoverunt, qui suas affirmationes sequen- „ tes, dum demonstratio eis deesset, in errores multiplices inciderunt. Si autem „ aliqui fuerunt, qui sic de Divinis veritatem invenerunt demonstrationis via, „ quod eorum ætimationi nulla falsitas adjungeretur, patet eos fuisse paucissi- „ mos: quod non congruit felicitati, quæ est communis finis: non igitur est in „ hac cognitione de Deo ultima hominis felicitas „. Et sane ut in hac co- „ gnitione non consistere ultimam felicitatem hominis, seu veram, & completam „ beatitudinem, recte dicatur, satis est, quod varii cum ea errores simul com- „ mixti esse possint. Nam semel ac beatitudo vera, & completa sit, nullum in „ se malum suscipere potest.

Deinde, uti habet idem sanctus Doctor citato capite num. 5. „ Voluntas „ quum consecuta fuerit ultimum finem, quietatur ejus desiderium: ultimus „ autem finis omnis humanæ cognitionis est felicitas. Illa igitur cognitio Dei „ essentialiter est ipsa felicitas, quæ habita, non restabit alicujus scibilis desi- „ deranda cognitio. Talis autem non est cognitio, quam Philosophi per demon- „ strationes de Deo habere potuerunt: quia adhuc illa cognitione habita, alia „ desideramus scire, quæ per hanc cognitionem nondum sciuntur. Non est igitur „ in tali cognitione Dei felicitas „.

L E M-

## LEMMA IX.

*Vera & completa beatitudo non consistit in cognitione Dei,  
quæ per fidem habetur.*

Quamvis ergo cognitio, quæ de Deo habetur per fidem, cognitionem per demonstrationem de Deo habitam in eo excedat, quod quædam per fidem de Deo cognoscimus, quæ demonstratio non potest attingere; tamen neque etiam in illa cognitione veram, & completam beatitudinem consistere, nimis manifestum est. Nam in cognitione, quæ habetur per fidem, quum intellectus id non assequatur, cui credendo assentitur, operatio intellectus est imperfectissima, quamvis non sit talis ex parte objecti: ergo in tali cognitione non consistit vera, & completa beatitudo, quæ omne malum, atque imperfectionem excludere debet. Et sane operatio intellectus est quasi quid medium inter intellectum, & ipsum objectum, atque ex utroque aliquam bonitatem, & perfectionem accipit: ex objecto quidem, quatenus operatio intellectus tanto perfectior est secundum suam speciem, quanto ad perfectius objectum terminatur: ex intellectu autem sumitur perfectio, quatenus intellectio, quo clarius, atque perfectius cognoscitur objectum, eo est perfectior, quia magis de eo lumine participat; quod se tenet ex parte intellectus. Actus ergo fidei ex parte objecti, quod formale vocant, est maxime perfectus, quia ejus objectum est prima veritas (a), quæ omnem aliam rationem intelligibilem excedit; sed ex parte intellectus est imperfectus, quia neque per naturale lumen ipsius intellectus, neque per lumen fidei infusæ videtur id, quod peculiariter creditur, ita ut intellectus videat, & clare apprehendat, quod verum esse creditur (b).

Deinde per veram, & completam beatitudinem omne desiderium expleatur oportet (Lemm. 1.); sed in cognitione, quæ habetur per fidem, non expletur desiderium, sed magis accenditur, quia unusquisque videre desiderat quod sibi non est perspectum, cuiusmodi id omne est, quod fide tenemus: ergo in cognitione, quæ per fidem habetur, vera, & completa beatitudo non consistit.

LEM-

(a) Hæc de re consulatur S. Thomas 2. 2. quæst. 1. art. 1. de Veritate quæst. 14. art. 8., & in III. Sentent. distinct. 24. art. 1.

(b) Quamvis autem per lumen fidei distincte non cognoscatur, aut non apprehendatur, quod fide tenetur, neque perspectum, hæc connexio, quæ est inter prædicatum & subjectum; tamen lumen fidei facit, ut intellectus credenda esse videat, quæ fidei subsunt. Nam, uti habet S. Thomas 2. 2. quæst. 1. art. 4. ad 2., Quæ subsunt fidei dupliciter considerari possunt: uno modo in speciali; & sic non possunt esse simul visa, & creditur, sicut dictum est (hoc est supra in isto eodem articulo); alio modo in generali, scilicet sub communi ratione credibilis, & sic sunt visa ab eo, qui credit. Non enim crederet, nisi videret ea esse credenda

vel propter evidentiam signorum, vel propter aliquid huiusmodi. Ad tertium dicendum (ita de eadem re persequitur S. Doctor) quod lumen fidei facit videre ea, quæ creduntur. Sicut enim per alios habus virtutum homo videt illud, quod est sibi conveniens secundum habitum illum; ita etiam per habitum fidei inclinatur mens hominis ad assentiendum his, quæ conveniunt rectæ fidei, & non aliis. Quapropter non irrationabiliter credimus, quæ ipsa fides nobis credenda proponit, quamvis ea non distincte videamus, aut non apprehendamus. Rem illam adversus incredulos, qui fidem nostram irrationabilem esse calumniantur, hic delibare contempsimus; ceterum de eadem in Theologia Revelata sermo saepe recurret.

## LEMMA X.

*Vera & completa beatitudo in Dei visione iisque omnibus, quæ ad visionem consequuntur, consistere solummodo potest.*

Homo non potest esse perfecte beatus, quandiu aliquid ei desiderandum, & querendum superest (Lemm. 1.); sed quousque non pervenerit ad Dei visionem, superest ei desiderandum, & querendum quod potissimum est; ergo in Dei visione, iisque omnibus, quæ ad visionem consequuntur, consistere solummodo potest vera, atque completa beatitudo. Explicatur minor propositio [2]. Quia primum, & præcipuum objectum intellectus est ipsa essentia rei sit, ut quando effectum cognoscimus, & eum suam causam habere non ignoramus, desiderium cognoscendi ipsam causam, quid ea sit, seu quoad ejus essentiam, naturaliter in nobis excitatur: ita, ut utar exemplo, quod etiam a S. Thoma ad rem istam assertur 1. 2. quæst. 3. art. 8., qui advertit ad eclipsim Solis, & considerat ex aliqua causa eam provenire, si non pertingat ad cognoscendum quid sit hujusmodi causa, admiratur, atque admirando de essentia, & natura ejus inquit, neque quiescit, quousque ad hanc essentiam, sive naturam cognoscendam non pervenerit. Quapropter si intellectus per effectum ad cognoscendam existentiam causæ, seu an sit, pervenire solummodo possit, non vero ad cognoscendam ejus essentiam, seu quid sit; ipsam causam simpliciter non cognoscit; & ideo in eo naturaliter desiderium semper remanet assequendi quid sit ipsa causa. „ Si igitur intellectus humanus (ita S. Thomas in citato articulo) cognoscens essentiam alicujus effectus creati non „ cognoscat de Deo; nisi an est; nondum perfectio ejus attingit simpliciter „ ad causam primam, sed remanet ei adhuc naturale desiderium inquirendi „ causam: unde nondum est perfecte beatus „ . Dubitari ergo non potest, aliquid quod omnium potissimum est, desiderandum, & querendum semper homini superesse, quousque ad Dei visionem non pervenerit. Contra vero semel ac eam consequutus fuerit, nihil desiderandum, & querendum superesse, manifestum quoque est. Tunc enim videt verum, ac summum bonum, quod omnia in se bona, & vera continet, (b) ideoque nihil aliud ei videndum superest.

Semel autem ac homo ad Deum videndum pervenerit, omnia quoque, alia desideria ejus undequaque satari, atque omnino expleri, comperta quoque

Tom. II.

R

que

(a) Num essentia beatitudinis consistat in pluribus operationibus, sine quibus ea neque esse, neque concipi possit; an vero in unica, & simplici operatione voluntatis, hoc est in actu amoris, quo Deus propter se ipsum diligitur, ita ut actus intellectus præsuppositivè tantum requiratur; an tandem in actu intellectus, id est in visione Divinæ essentiae, proprie consistat, ita ut amor, & fructio, sive delectatio sine proprietatibus duntaxat, quæ ad visionem consequuntur, & ab ea separari non possunt, hic non disputamus. Theologorum ista disputatio est, quam nunc a nobis pro instituti nostri ratione attingi non debere arbitramur. Quapropter dum hoc locum tuemus,

veram, & completam beatitudinem in Dei visione solummodo consistere posse, id solum volumus, nunquam nos beatos esse posse, quousque non pervenerimus ad possessionem summi boni, quale est Deus. Quum vero distincta cognitio ipsius Dei primo loco requiratur, ut eum perfecte possidere possimus; ideo perfectam, & completam beatitudinem nonnisi in visione ipsius Dei, ilque omnibus, quæ ad visionem consequuntur, repositam esse hic demonstrandum est.

(b) Deum in se infinitum esse, infinitæque perfectum, atque fontem, & originem totius bonitatis lib. 2. quæst. 2. art. 1. & 2. demonstravimus.

que res est. Omnia enim desideria hominis ad quatuor, & ea quidem præcipua omnium, reduci possunt. Primum est scientiæ desiderium, quod in hominibus naturaliter inest: alterum est desiderium excellentiæ, quæ etiam naturaliter appetitur ab hominibus: tertium desiderium voluptatis, quod tum hominibus, tum brutis commune est: quartum desiderium æternitatis, quod homines peculiariter habent, & est certissimum argumentum immortalitatis animæ nostræ. Quod scientiæ desiderium per visionem Dei omnino expleatur, jam ostendimus, atque inde etiam constat, quia, qui Dei essentiam videt, primam infallibilemque veritatem, omnia vera in se continentem, videt. Fieri ergo non potest, quin per visionem Divinæ essentiae omne desiderium scientiæ expleatur. Excellentiae quoque desiderium a Dei visione satari debet. Quum enim beatus ex eo quod Deum videat, summum infinitumque bonum videat, fieri non potest, quin per cognitionem simul, & amorem ipsi Deo summo opere adhæreat, atque conjungatur: conjunctione autem, quæ sit per distinctam cognitionem perfectissimumque amorem, nulla alia magis intima esse potest. Si autem quando unum alteri ita intime conjungitur, ut ab eo neque sua cognitione, neque suo amore divelli possit, unum quid cum eo efficitur, atque de omnibus perfectionibus ejus participat; etiam beati per cognitionem, & amorem intime cum ipso Deo ita conjuncti, ut absorti excellentiæ, & magnitudine ejus ab eo divelli non possint, de Divinis quoque perfectionibus participare debent. Si autem participatione Divinarum perfectionum desiderium excellentiæ, & magnitudinis, & cujusvis alterius perfectionis non expleatur, nihil sane est, quod explere illud possit. Ita ergo desiderium excellentiæ a visione Dei in beatis expletur, ut ab ea non compleatur solum, sed etiam omnino absorbeat. Quod vero spectat desiderium delectationis, & ipsum quoque a Dei visione omnino expleatur oportet. Nam delectatio relativa est ipsi bono, quod & distincte cognoscimus, & perfecte possidemus; sed uti modo dicebamus, beati videndo Deum, ex eo quod summum infinitumque bonum videant, per cognitionem, & amorem ei inseparabiliter inhzrent, quia sicuti summa veritas est primum, & præcipuum objectum intellectus, ita summa bonitas est primum, & præcipuum objectum voluntatis: ergo si delectatio relativa est ipsi bono, quod distincte cognoscimus, & perfecte possidemus, quum summa sit conjunctio beatorum cum ipso Deo tum ex parte intellectus, tum ex parte voluntatis, summa quoque ea delectatio esse debet, quæ inde confurgit. Tandem etiam desiderium æternitatis, quod ipsi homines peculiariter habent, per Dei visionem omnino explebitur, quia, uti mox ostensuri sumus Lemmate 13. & 14., per Dei visionem fit homo particeps vitæ æternæ, & qui Deum vident, in perpetuum eum videbunt. Omne itaque desiderium hominis a Divina visione profusus expleri, atque satari, ita ut nihil homini desiderandum remaneat, semel ac ad Deum videndum pervenerit, nullus superest dubitandi locus. Quia vero illud quoque vehementer optamus, ut omne malum semper a nobis removeatur, semel ac omne nostrum desiderium expletum fuerit, omne quoque malum a nobis longe remotum esse debet; sed per Divinam visionem expletur omne nostrum desiderium, sicuti usque ostendimus: ergo per Divinam visionem etiam, omne malum excluditur. Quæ ergo ad perfectam completamque beatitudinem requiruntur (Lemm. 1. & 2.), & in Dei visione iisque omnibus, quæ ad visionem consequuntur, contineri, & in istis solummodo contineri posse, omnino perspicuum, atque manifestum est.

LEM-

## LEMMA XL

*Homo suis viribus naturalibus non potest pertingere ad hanc veram, & completam beatitudinem, quæ in Dei visione solummodo consistere potest.*

Impossibile enim est, quod creatus intellectus suis viribus pertingat ad videndam essentiam Dei: ergo quum in visione Divinæ essentiae vera, & completa beatitudo consistat (Lemm. præced.), nullus intellectus suis viribus ad veram, & completam beatitudinem pertingere potest. Explicatur antecedens. Cognitio enim habetur secundum eam rationem, qua res cognita est in cognoscente: res autem cognita in cognoscente est secundum modum cognoscentis; hoc est, cognoscentis ipsa cognitio est secundum modum naturæ illius, secundum modum, inquam, naturæ illius, non quasi esse debeat æqualitas quoad omnia inter rem cognitam, & ipsum cognoscentem, sed quia res cognita, secundum essendi modum, qui est radix cognoscibilitatis, non debet excedere modum cognoscentis; sive quia res cognita non debet habere immaterialitatem alterius generis, quam habeat ipsum cognoscentis; hoc est ipsum cognoscentis non debet esse inferioris naturæ, ac ipsa res cognita considerata secundum suum genus. Unde in lib. de *Causis* prop. 8. (a) recte dicitur, quod creatura „Co-“, gnoscat ea, quæ sunt supra se, & ea, quæ sunt infra se, secundum modum suæ substantiæ „“. Quare si essendi modus alicujus rei cognitæ omnino excedat modum naturæ cognoscentis, oportet, quod cognitio illius rei sit supra naturam ipsius cognoscentis. At vero modus, quo Deus est, omnino excedit modum, quo sunt homines: solius enim Dei proprius modus essendi est, ut sit suum esse subsilens, uti etiam constat ex iis, quæ libro 2. fusius disputavimus: nullus igitur intellectus creatus pertingere potest suis viribus ad videndam Dei essentiam (b). Deinde intellectus sua virtute ad visionem Dei pertingere non potest, nisi per se videat, quid est ens increatum, immensum, & undequaque perfectum; sed repugnat, ut per se videat, quid est ens increatum, immensum, & undequaque perfectum: ergo intellectus creatus sua virtute ad visionem Dei pertingere non potest. Prob. iii. Repugnat, ut intellectus creatus id per se videat, quod se ipsum in infinitum excedit; sed ens increatum, immensum, & undequaque perfectum in infinitum excedit intellectum, creatum, uti per se patet: ergo repugnat, ut intellectus creatus per se videat quid est ens increatum, immensum, & undequaque perfectum.

## R 2

## LEM-

(a) Post libros *Metaphysicorum* inter Opera Aristotelis, in antiquis editionibus hic liber recentetur. Verum ab Arabibus quorundam excentum Procli propositionibus eum collectum esse, & S. Thomas in *Proemio* *Commentariorum* super illum editi fatetur, & Nicolaus in brevioribus annotationibus ad *Summam*

*Theologicam* S. Thomæ sapius evincit. Clarum autem testimonium affert etiam S. Thomas 1. 2. quæst. 5. art. 5., in quo idem evincit, quod ois modo volumus.

(b) Consultatur S. Thomas 1. par. quæst. 12, art. 4.

## L E M M A X I I.

*Intellectus creatus indiget aliquo influxu Divini luminis, ut ad videndam essentiam Dei pertingat.*

Necesse enim est augeri virtutem illius agentis, quod elevatur ad actionem ea sublimiorem, quæ secundum naturæ vires illi convenire potest; sed quando intellectus creatus pertingit ad videndam essentiam Dei, elevatur ad actionem ea altiore, quæ secundum naturæ vires illi convenire potest [Lemm. præced.] : ergo necesse est augeri, vel roborari virtutem ejus, ut ad videndam Dei essentiam pertingat. Virtus autem agentis augetur, ant corroboratur vel per majorem intensiorem ipsius virtutis, quæ in eo antea inerat, vel per additamentum alicujus virtutis superioris, qua antea ipsum agens destitutum erat. Hujusmodi autem augmentum virtutis alicujus superioris requiritur, si agens elevari debeat ad aliquam actionem sublimiorem, atque specificè distinctam ab illis, quas ipsum per se elicere potest: tunc enim sicuti actus sublimior est specificè distinctus; ita etiam virtutem specificè distinctam esse oportet, ut effectus sit suæ causæ proportionatus. Quum ergo actio, qua intellectus creatus elevatur ad videndam essentiam Dei, non sit ejusdem rationis cum naturali visione intellectus creati: uti constat tum ex Lemmate precedenti, tum etiam ex distantia visorum: igitur ut creatus intellectus pertingat ad Dei visionem, fieri debet in eo augmentum intellectivæ virtutis per ademptionem alicujus dispositionis, quam nullo modo antea habuerit, non vero per majorem intensiorem ipsius virtutis, quæ in eo antea inhaereret. Et hoc augmentum virtutis intellectivæ [inquit S. Thomas 1. par. quest. 12. art. 5.] illuminationem in intellectu vocamus, sicut & ipsum intelligibile vocatur lumen, vel lux.

## L E M M A X I I I.

*Intelligere Deum est ultimus finis ipsius hominis.*

„ In omnibus agentibus (ita argumentatur S. Thomas lib. III. cont. Gent. cap. 25. num. 7.) , & moventibus ordinatis, oportet quod finis primi agentis, & motoris sit ultimus finis omnium, sicut finis Ducis exercitus est finis omnium sub eo militantium. Inter omnes autem hominis partes intellectus invenitur superior motor: nam intellectus movet appetitum proponendo ei suum objectum. Appetitus autem intellectivus, qui est voluntas, movet appetitus sensitivum, qui sunt irascibilis, & concupiscibilis: unde & concupiscentiæ non obediunt, nisi voluntatis imperium adsit. Appetitus autem sensitivus, adveniente consensu voluntatis, movet jam corpus. Finis igitur intellectus est finis omnium actionum humanarum. Finis autem, & bonum intellectus est verum, & per consequens ultimus finis primum verum: est igitur ultimus finis totius hominis, & omnium operationum, & desideriorum ejus, cognoscere primum verum, quod est Deus. Quare finis intellectus est finis omnium actionum humanarum: ergo ultimus finis totius hominis, & omnium desideriorum, atque actionum ejus, est cognoscere primum

ve.



verum, quod est Deus. Conseq. patet, quia finis, & bonum intellectus est verum, & per consequens primum verum est ultimus finis. Antecedens vero probatur: nam inter omnes partes hominis intellectus per modum finis proponendo voluntati suum objectum, est primus motor, uti constat ex ordine movementum in ipso homine. In omnibus autem agentibus, & moventibus ordinatis finis primi agentis & motoris est ultimus omnium finis, ut in exercitu patet.

Deinde, uti prosequitur S. Doctor citato capite num. 8. „Naturaliter inest „omnibus hominibus desiderium cognoscendi causas eorum, quæ videntur: unde „propter admirationem eorum, quæ videbantur, quorum causæ latebant, homines primo philosophari ceperunt, inveniētes autem causam quiescebant. „Nec sinit inquisitio, quousque perveniatur ad primam causam: & tunc perfecte nos scire arbitramur, quando primam causam cognoscimus. Desiderat „igitur homo naturaliter cognoscere primam causam, quasi ultimum finem: „prima autem omnium causa Deus est: est igitur ultimus finis hominum cognoscere Deum „.

## L E M M A X I V.

*Per visionem Dei fit homo particeps vitæ æternæ.*

Nam esse Divinæ substantiæ in æternitate subsistit, seu potius est ipsa æternitas (a): ergo visio ejus participationem æternitatis secum affert. Probatur conseq. Ab objectis enim specificantur actus, seu actus de perfectione objecti participat. Est autem diversa ratio ejus, qui in hac vita æternitatem considerat, & illius, qui videt Divinam essentiam: nam qui in hac vita æternitatem considerat, extrinsece æternitatem participat, quatenus sua operatione, aliquo modo attingit æternitatem: qui autem videt Divinam essentiam, intrinsece æternitatem participat, quia perfecte intuetur, prout in se est, ipsam entitatem æternitatis: quod sine fieri non posset, nisi intellectus esset elevatus ad ordinem Divinæ naturæ (Lem. 11. & 12.).

Deinde visio hæc non est in tempore neque ex parte ejus, quod videtur, neque ex parte ejus quo videtur: quum utrumque sit Divina substantia, quæ est æterna, neque etiam ex parte videntis, quia intellectus est incorruptibilis, & immortalis [b]: ergo per hanc visionem homo fit particeps vitæ æternæ. Conseq. constat: nam nonnisi ex parte istorum trium aliqua actio est in tempore [c].

## L E M M A X V.

*Qui Deum vident, in perpetuum eum videbunt.*

Hæc enim visio non est in tempore, sed in æternitate [Lemm. præced.] : ergo amitti non potest. Prob. con. Id est in tempore, quod quandoque est, quandoque non est: æternum autem non potest quandoque esse, & quandoque non esse: ergo si hæc visio est in æternitate, amitti ea non potest.

Dein-

(a) Vide quæ de æternitate Dei disputavimus lib. 2. quest. 1. art. 1.

art. 8., & 9.

(b) Vide quæ de animæ spiritualitate, & immortalitate, discevimus lib. 2. quest. 6,

(c) Consultatur S. Thomas lib. III. 2. 2. Gent. cap. 61. num. 2. & 3.

Deinde vera, & completa beatitudo in Dei visione solummodo consistit [Lemm. 9.], sed non consisteret in Dei visione, si ea perpetua non esset: ergo. Prob. mi. Ad veram, & completam beatitudinem requiritur, ut omne naturale desiderium expleatur [Lem. 1.]; sed naturale desiderium eo tendit, ut semper eo bono potiatur, quo summopere fruitur: ergo.

Tandem quod cum amore possidetur, si amittendum esse cognoscatur, aliquam tristitiam affert: ergo qui Deum vident, aliqua saltem ratione tristarentur, si huiusmodi visione aliquando sese privandos esse cognoscerent: ergo ea in perpetuum frui debent. Nam ut ea privandi sint, & tamen id non cognoscant, fieri non potest: ignorantia enim eorum, quæ ad proprium statum spectant, cum perfecta, & completa beatitudine conjungi nequit [a].

#### LEMMA XVI.

*Qui hac visione perfruuntur, voluntatem immutabiliter conversam habent ad huiusmodi bonum.*

In fruitione Divinæ visionis inesse non potest aliquod malum, quum in ea vera, & completa beatitudo consistat [Lemm. 10.], quæ omne malum excludit [Lemm. 1.]: neque potest esse, ut qui huiusmodi visione fruitur, aliquod malum inesse putet, vel aliquid melius adinveniri posse arbitretur, quia hic error, qui est malum intellectus, cum vera, & completa beatitudine, qualis habetur in visione Divinæ essentiae, simul consistere non potest: ergo impossibile est, ut qui Deum videt, ea visione carere velit: ergo voluntatem incommutabiliter conversam habet ad huiusmodi bonum. Prob. con. Nam impossibile est, ut aliquis recedere velit ab eo bono, quo fruitur, nisi in fruitione ejus aliquod malum inesse, aut saltem per eam majus bonum impediri putet.

Neque est, cur dicatur, quod quis posset velle carere Divina visione in experimentum propriæ libertatis, ut scilicet videret, an a tali visione recedere posset. Nam ideo voluntas modo deferere potest illed bonum, quod semel amplexa fuerat, vel quia tale non est, ut expleat totam capacitatem ejus (b), vel quia licet sit tale bonum, ut ejus tota carentia ab eo expleri possit: ab intellectu non cognoscitur, ut in se est, ideoque neque voluntas, uti in se est, illud prosequitur. Visio autem Divinæ essentiae præsentiam boni infiniti secum affert, ejusdemque infiniti boni clara, & distincta cognitio in ea continetur, indeque voluntas in prosecutionem ejus necessario rapitur. Deinde posito, quod quis a tali visione recedere posset, si recederet in experimentum propriæ libertatis, ideo recederet, quia sumere experimentum propriæ libertatis, satius esse duceret, quam Divina visione perfrui: ergo putaret aliquod majus bonum dari posse, quam sit ipsa visio Dei; quod est contra rationem veræ, & completæ beatitudinis (c).

#### LEM.

(a) Consulatur S. Thomas lib. III. cont. Gent. cap. 62. num. 1. & seq.

(b) Vide, quæ de hac re ubetius disserimus lib. 2. quæst. 6. art. 6.

(c) Consulatur S. Thomas lib. III. cont. Gent. cap. 60. num. 6. In eadem rem ita præ-

clare habet etiam lib. IV. cap. 92. num. 1.

„Quandiu enim anima, inquit, de bono in  
„malum, vel de malo in bonum mutari  
„potest, est in statu pugnæ, vel militiæ:  
„oportet enim, ut sollicite resistat malo, ne  
„ab ipso vincatur, vel conetur, ut ab eo  
„liber-

## LEMMA XVII.

*Qui Deum vident, semper eum videbunt, quia Deus nunquam subtrahet se ab iisdem.*

Qui Deum vident, suam voluntatem ad huiusmodi bonum immutabiliter conversam habent (Lemm. præced.) ; ergo Deus nunquam subtrahet se ab iisdem. Prob. con. Deus ab iisdem se subtraheret, vel quia illos privaret eo lumine, quo semel donavit (Lemm. 12.) ; vel quia alia ratione efficere, ut se amplius non viderent ; sed quovis tandem modo sese subtraheret, id non fieret sine maxima pœna eorum, qui Deum vident : ergo quum hanc pœnam ipsi non mereantur, quia suam voluntatem ad huiusmodi bonum immutabiliter conversam habent (Lemm. præced.), nunquam Deus se subtrahet ab iisdem.

Deinde qui Deum vident, consequitur in eisdem ex visione huiusmodi boni, ut voluntatem ad huiusmodi bonum immutabiliter conversam habeant (Lemm. præced.) ; frustra vero ex hac visione consequeretur immutabilis conversio voluntatis in Deum, si Deus se subtraheret ab iisdem : ergo.

PROPOSITIO. Præmium, quod in futuro vitæ statu iustis retribui rationi, & æquitati consentaneum est, æternum esse debet.

Prob. propositio. Præmium, quod in futuro vitæ statu iustis retribui æquitati, & rationi consentaneum est, debet esse consequutio ultimi finis, & vera beatitudo ; sed vera, & completa beatitudo æterna, atque perpetua esse debet (Lemm. 2.) : ergo præmium iustorum in futuro vitæ statu est æternum. Prob. maj. Veram, & completam beatitudinem expetunt homines, eamque assequi possunt (Lem. 3.) ; sed nisi præmium iustorum esset consequutio ultimi finis, & vera beatitudo ; hoc est, si iusti veram beatitudinem non consequerentur, inde fieret, ut aut nemo hominum beatitudinem etiam citra ullam sui culpam consequeretur, & sic naturale desiderium, atque potentia ad beatitudinem inania essent, frustra quæ a Deo data, aut beatitudinem præ iustis consequerentur iniusti, quod est multo absurdissimum, & rationi, ac æquitati repugnans : ergo præmium, quod in futuro vitæ statu iustis retribui æquitati, & rationi consentaneum est, debet esse consequutio ultimi finis, & vera beatitudo. Deinde, recta ratio postulat, ut illud, quod homines naturaliter expetunt, atque assequi possunt, ii potissimum consequantur, qui ad Divinam voluntatem accommoda-

te

liberetur ; sed statim quum anima a corpore separatur, non erit in statu militiæ, vel pugæ, sed recipiendi præmium, vel pœnæ pro eo quod legitime, vel illegitime certaverit... Non igitur ulterius anima secundum voluntatem vel de bono in malum, vel de malo in bonum mutari potest. Et re quidem vera ipsam beatitudinem creatura rationalis naturaliter appetit ; & non potest non velle se esse beatam, quamvis per voluntatem ab eo bono deflectere possit, in quo vera beatitudo consistit. Hoc autem tunc contingit, quando id, in quo

est vera beatitudo, non apprehenditur ut vera beatitudo, sed aliquid aliud, in quod voluntas, sicut in suum ultimum finem, inordinate deflectitur. Beati autem id, in quo vera beatitudo consistit, apprehendunt sub ratione vere beatitudinis verique ultimi finis, alioquin illorum appetitus in eo non quiesceret, ideoque nec vere beati esse possent. Quapropter ab ipsa visione Dei, in qua solummodo vera beatitudo consistit, & revera ita esse ipsi quoque beati agnoscunt, nunquam se se aversere possunt.

te sese gesserunt, ideoque æquitati consentaneum est, ut in altera vita præmium a Deo recipiant; sed iusti naturaliter expetant, & assequi possunt perfectam completamque beatitudinem (Lemm. 2.), & quia ad Divinam voluntatem sese accomodate gesserunt, æquitati consentaneum est, ut a Deo præmium in altera vita recipiant (Art. præced.): ergo ut perfectam completamque beatitudinem a Deo in altera vita recipiant, æquitati, & rationi consentaneum est; sed vera, & completa beatitudo æterna esse debet (Lemm. 2.): ergo præmium iustorum in futuro vitæ statu æternum est. Demum veram, & completam beatitudinem expetunt homines, eamque assequi possunt (Lemm. 3.) sed vera, completa beatitudo neque in aliquo bono creato consistit, neque in hac vita haberi ea potest (Lemm. 4. & 5.): ergo in altera vita tantum expleri potest hoc desiderium, atque capacitas hominum; sed ut hoc naturale desiderium, & capacitas expleatur in iustis, qui recte, & accomodate ad Divinam voluntatem sese gesserunt, ideoque in altera vita iisdem præmium a Deo retribui debet, æqua ratio postulat: ergo si vera, & completa beatitudo est æterna (Lemm. 2.), præmium quoque iustorum in futuro vitæ statu æternum est. Habita ergo ratione communis notionis veræ beatitudinis, manifeste constat, præmium iustorum in futuro vitæ statu æternum esse. Hoc idem vero adhuc manifestius apparebit, si specificæ notionis veræ beatitudinis propria, & peculiaris ratio habeatur.

Veræ, & completa beatitudo, quam æqua ratio postulat, uti modo dicebamus, ut iusti assequantur, tum propter naturale desiderium, & capacitatem, quæ ad eam est in hominibus, tum propter præmium, quod iusti in altera vita a Deo merentur, consistit in contemplatione Dei (Lemm. 6.), non in ea tamen, quæ communiter habetur ab omnibus (Lemm. 7.), aut per demonstrationem (Lemm. 8.), aut per fidem (Lemm. 9.) sed in contemplatione, seu cognitione visiva ipsius Dei, iisque omnibus, quæ ad eam consequuntur (Lemm. 10.): ergo æterna esse debet: ergo præmium iustorum in futuro vitæ statu æternum est. Prob. prima conseq. 1. Intelligere Deum est ultimus finis hominis (Lemm. 13.): in fine autem ultimo ex eo quod sit ultimus, perpetua quies esse debet, semel ac qui in eo quiescit, semper esse perseveret, seu immortalis sit, quemadmodum homo revera est (lib. 2. quæst. 5. art. 9.) 2. Per Dei visionem homo fit particeps vitæ æternæ (Lemm. 12.) 3. Qui Deum vident, in perpetuum eum videbunt (Lemm. 14.) 4. Visio Dei, in qua consistit beatitudo hominis, si cessare posset, nonnisi aut ex parte Dei cessaret, si se subtraheret, aut ex parte hominis, si se ab ea averteret; atqui neutrum esse potest, quia qui Deum vident, voluntatem immutabiliter conversam habent ad huiusmodi bonum (Lemm. 16.), & quia Deus se ab eis nunquam subtrahet (Lemm. 17.). Semper ergo Beati Deum videbunt, adeoque æterna erit eorum vera, & completa beatitudo, quæ in Dei visione consistit: ergo præmium iustorum in futuro vitæ statu æternum est (2.).

Di-

(a) Si ergo neque ex parte Dei, neque ex parte animæ, deficere potest beatitudo, quæ iusti perfruantur, illud tantum superesset, ut ex parte exterioris alicuius creatæ causæ deficeret. Verum quodnam tandem creaturæ agens beatitudinem ab illa anima

subtrahere potest, quæ, quoniam suam mentem Deo immutabiliter coniunctam habet, supra omnia alia prorsus elevatur? Deinde nonne Deus suam visionem animabus imperat? Cuiusnam ergo virtute tale donum ab animabus auferri potest? Nihil enim per violen-

Dices. Beatitudo est quædam perfectio; sed omnis perfectio inest subiecto secundum modum illius: quum ergo homo sua natura mutabilis sit, etiam beatitudo ab eo mutabiliter participari debet.

R. cum distinctione, perfectio consummata, qua bonum undequaque perfectum attingitur, con., est perfectio non consummata, ne: Est quidem beatitudo quædam perfectio hominis, consummata tamen, quæ excludit omnem defectum ab anima beata, quia facit, ut attingat summum, & immutabile bonum, cujus pulchritudine non rapi non potest. Unde homo ex eo quod Divinam beatitudinem Dei virtute participet, transfertur in participationem æternitatis, quæ est expers omnis mutationis. Nam per Dei visionem, in qua vera, & completa beatitudo solummodo consistit (Lemm. 8.), fit homo particeps vitæ æternæ (Lemm. 14.), suamque voluntatem inmutabiliter conversam habet ad illud incommutabile bonum, quo ob ipsam visionem perficitur (Lemm. 15.). Deinde nonne vera, & completa beatitudo æterna, atque perpetua esse debet (Lemm. 2.)? Nonne veram completamque beatitudinem expetunt homines, eamque assequi possunt (Lemm. 3.)? ergo tantum abest, ut semel ac veram beatitudinem assequuti fuerint, homines ea in æternum frui non debeant, quin potius tum ipsius beatitudinis, tum etiam ipsorum hominum habita ratione, semper beati esse debeant,

## ARTICULUS VII.

NUM FUTURUS VITÆ STATUS, QUI IMPLIS IN PŒNAM SUORUM CRIMINUM EST A DEO RESERVATUS, ÆTERNUS, ATQUE IMMUTABILIS ESSE DEBEAT.

DE Æternitate pœnarum, quæ post præsentem in altera vita impiis hominibus reservatæ sunt, modo disputare aggredimur. Impios ergo omnes si ex hac vita in sua impietate persistentes decesserint, in sempiternum cruciandos fore, rationi quam valde consentaneum esse, contra Incredulos nostri temporis evincere contendemus. Postquam itaque proposita æternitate præmiorum, quæ ipsi quoque consequi possunt, si resipuerint, in viam veritatis eos reducere curavimus, modo rem eandem tentamus, proponentes ob eorum oculos, ipsa duce ratione, quæ, & quanta mala futurum sit, ut in altera vita patiantur, nisi resipuerint. Hæc quoque de re antequam disseramus, lemmata nonnulla præmittemus, in quibus de iis doctrinæ capitibus agemus, quæ ad hanc quæestionem explicandam aut necessaria sunt, aut multum conducunt.

## LEMMA I.

*Peccatum est offensa Dei.*

Hæc de re uberius, & copiose disseruimus in fine articuli 3. huius quæst.

Tom. II.

lentiam ab altero tollitur, nisi virtus auferentis major sit virtute principii causantis.  
„ Nihil autem tollitur (inquit S. Thomas lib. 3. cont. Gent. cap. 62. nu. 2.) per violentiam alicuius, nisi virtus auferentis sit major virtute causantis, Visionis autem Di-

S

con-

„ vitæ causa est Deus, ut supra probatum est: ergo quum nulla virtus Divinam virtutem excedat, impossibile est, quod illa visio per violentiam tollatur: in perpetuum ergo durabit „

contra Auctorem impij libelli inscripti : *Codex Naturæ*. Eorum ergo omnium una simul cum iis, quæ modo superaddemus, ratio habeatur oportet, ut perspicuum omnino fiat, quam non solum impie, sed etiam contra evidentissimum lumen rationis Increduli nostri temporis peccatum Dei offensam non esse tueantur. Et sane multa quidem esse, eaque gravissima omnium, quæ unquam dari, aut excogitari possint, quibus homo quam archissime obligatur, ut recte, & ad Divinam voluntatem accommodate agat, hujus lib. quæst. 4. art. 1. & 2. evidenter demonstravimus; sed quando homo peccat, neque recte, neque ad Divinam voluntatem accommodate agit: ergo Deo adversatur. Et re quidem vera licet Dei majestatem nemo violat, neque violare possit, quia Dei natura per se est inviolabilis, nec quidquam a creaturis recipere, nec pati potest; nihilominus qui agit contra Dei legem, quantum in se est, injuriam Deo magnam facit. Omnis enim creatura quemadmodum est a Deo ut a primo principio; ita refertur ad Deum tamquam ad ultimum finem; & in hac ratione primi principii, & ultimi finis peculiariter consistit respective ad creaturas excellentia Divinæ Majestatis. Quumque creatura rationalis prædita sit libertate (lib. 2. quæst. 6. art. 6.), habeatque inditam a Deo legem veri, & recti (hujus lib. quæst. 5. art. 1.); & per consequens cognoscat, se omnia Deo debere, ac in Deum, tamquam in ultimum finem se ipsam, suasque actiones referre debere; si contra Dei legem agat, hoc ipso liberi arbitrii usum avertit a subordinatione Deo debita, & ad creaturam se convertit: unde quantum in se est, tollit a Deo rationem primi principii, & ultimi finis. Quid autem Deo magis injuriosum creatura facere potest, quam tollere ab eo id, in quo summa ejus excellentia respectu ad creaturas peculiariter consistit?

At vero quoniam rationem peccati in aliqua actione adveniri concedunt, nunc quærimus ab iisdem, unde tandem eam actionem peccaminosam esse velint. Profecto, uti ipsi volunt, non quia Deum offendimus: ergo saltem quia non est secundum rectam rationem; atqui si non secundum rectam rationem est, nec secundum Deum esse potest: ergo. Prob. mi. Ratio ob quem tandem finem nobis a Deo data fuit? Profecto ut ei obsequeremur, & per eam operaremur, prout humanæ naturæ convenit: ergo fieri non potest, quod si rationi non obsequimur, Deo etiam non obsequamur. Et re quidem vera sicuti argumentatur S. Thomas lib. III. *cont. Gent.* cap. 115. num. 1. „ Manifestum est, „ quod unusquisque legislator ad suum finem principaliter per leges homines „ dirigere intendit: sicut dux exercitus ad victoriam, & rector civitatis ad „ pacem. Finis autem, quem Deus intendit, est ipsemet Deus (a). Lex igitur Divina hominem principaliter in Deum ordinare intendit „. Sicut autem lex Divina, ita etiam quæcumque alia lex in Deum ordinare hominem principaliter intendit, quia Deus est ultimus omnium finis: ergo transgressio legis, cujusvis tandem generis ea sit, in Dei injuriam necessario redundat. Peccatum ergo Deo injuriosum esse, manifestum est: Increduli ergo, (b) qui peccatum Dei offensam esse negant, ne convicti esse videantur evidentiâ rationum, quibus gravi peccato deberi poenam æternam, comperta res est, ad id, quod omnino absurdum est, atque contra rationem, per ea, quæ æque absurda sunt, & contra rationem, viam sibi parant, prout contingere debet, semel ac quispiam errorem tueri sibi proposuerit.

LEM-

(a) Deum omnia velle propter se ipsum  
lib. 2. quæst. 5. art. 1. nos jam demonstravimus.

(b) Consulatur Patruzelus de *Future Lib-*  
*perum statu* lib. 3. cap. 25. num. 2.

## LEMMA II.

*Per peccatum nullum quidem detrimentum Deo affertur, inde tamen non consequitur, ut ipsi Deo non displiceat.*

Et sane quomodo fieri poterit, ut Deo, qui in se est infinite perfectus, atque summum bonum, per peccatum hominis aliquod detrimentum afferatur? Profecto impossibile foret, ut in se esset summum bonum, & undequaque perfectissimum, si homines, qui sunt liberi, & contra voluntatem ejus agere possunt, aliquod ei nocumentum per suum peccatum afferrent. At vero inde ne consequitur, ut, dum peccant, ei inobedientes non sint, non transgrediantur præcepta ejus, debitamque subjectionem, uti Supremo Domino, & Legislatori, ei præstare non recusent? A nostra obligatione procul dubio deficimus, quando non servamus, quod servare deberemus: dum vero deficimus ab obligatione nostra, præceptum aliquod nobis juste impositum violamus: præceptum autem aliquod juste impositum si violetur, aliquid injuriæ juxta præcepti violationem ei inferatur oportet, qui præceptum nobis servandum juste imposuit: quum ergo Deus rationem nobis dederit, ut secundum eam ageremus, quoties secundum rationem non agimus, Deum aliqua ratione offendimus. „ Habet autem actus hu-  
 „ manus (inquit S. Thomas 1. par. quæst. 71. art. 6.) quod sit malus ex eo, quod  
 „ careat debita commensuratione: omnis autem commensuratio cujuscumque rei  
 „ attenditur per comparisonem ad aliquam regulam, a qua si divertat, in-  
 „ commensurata erit. Regula autem voluntatis humanæ est duplex: una,  
 „ propinqua, & homogenea, scilicet ipsa humana ratio; alia vero est prima,  
 „ scilicet lex æterna. „ Humanus ergo actus suam malitiam inde primo acci-  
 „ pit, quia Divinæ legi adversatur; sed quisque jure merito offenditur, quan-  
 „ do justam legem a se positam violari videt: ergo etiam Deus offendatur oportet,  
 „ quando transgredimur legem ejus. Est ergo observandum, quemadmodum  
 „ monet S. Thomas 1. 2. quæst. 11. art. 4. ad 1. „ Quod per actum hominis Deo  
 „ secundum se nihil potest accrescere, vel deperire: sed tamen homo, quan-  
 „ tum in se est, aliquid subtrahit Deo, vel exhibet, quum servat, vel non,  
 „ servat ordinem, quem Deus instituit. „ Offenditur autem unus, quando  
 „ ab altero, prout ex parte illius esse potest, id ei subtrahitur, quod debetur:  
 „ ergo quum homo per peccatum, quantum est ex parte sui, id Deo subtra-  
 „ hat, quod ei debet, Deus per peccatum offenditur. „ Peccator enim peccan-  
 „ do „ (inquit S. Thomas 1. 2. quæst. 47. art. 1.) Deo nihil nocere effective po-  
 „ test. Tamen ex parte sua dupliciter contra Deum agit. Primo quidem in  
 „ quantum eum in suis mandatis contemnit. Secundo in quantum nocumentum  
 „ aliquod infert alicui, vel sibi, vel alteri; quod ad Deum pertinet, prout  
 „ ille, cui nocumentum inferitur, sub Dei providentia, & tutela continetur. „  
 „ Concludendum ergo, tantum abesse, ut per peccatum Deus non offendatur,  
 „ ut etiam plura sint capita, ob quæ peccato offenditur.

## LEMMA III.

*Non omnia peccata, quibus offenditur Deus, sunt aequalia :*

Uti enim S. Thomas 1.2. quæst. 73. art. 2. recte monet, Stoici, atque Cicerō in *Paradoxis*, Omnia peccata æqualia esse inde falsò putarunt; quod contra, considerant peccatum ex parte privationis tantum, prout scilicet est recessus a ratione: unde simpliciter æstimantes, quod nulla privatio susciperet magis, & minus, posuerunt omnia peccata esse paria. Tamen falsò posuerunt, ut ibidem demonstrat S. Doctor. Quandoquidem duplex genus privationis distingui debet: alterum omnino simplex, quod non admittit magis, & minus; alterum non simplex, quod admittit magis, & minus: ita mors est vitæ privatio simplex, quæ non admittit magis, & minus, nihilque vitæ relinquit. Unde aliquis non minus mortuus est prima die, quæ excessit e vita, quam post tres, aut quatuor dies, vel etiam postquam cadaver ejus omnino computruerit. Ægritudo autem, ob quam debita commensuratione humorum quispiam delituitur, non inducit omnimodam privationem prædictæ commensurationis, alioquin animal vivum non remaneret, sed aliquam solummodo, modo majorem, modo minorem, pro qualitate ægritudinis, atque aliquid relinquit, quod omnimodæ privationi magis, vel minus opponatur. Idem dicendum de turpitudine, de imbecillitate, deque aliis sane multis, quæ sunt quædam privationes suscipientes magis, atque minus. Privatio autem debite rectitudinis, quæ in vitis, aut peccatis inest, est hujus generis: nam quod a sua regula deficit, necesse non est, ut prorsus deficiat, sed aliquando magis, aliquando minus deficit, hoc est ei magis minusve adversatur. Unde peccata inter se æqualia non sunt.

## LEMMA IV.

*Peccata alia sunt, quibus ab ultimo vero fine quis avertitur, & convertitur ad creatæ sicut ad ultimum finem; alia vero, quæ secum afferunt inordinatorem circa ea, quæ sunt ad finem, servato tamen ordine ultimi finis. Illa læthalia, ista autem levia vocantur.*

Ita ergo quispiam aliquando peccare potest, ut ab ultimo fine; hoc est a Deo, omnino avertatur, suumque ultimum finem in re quapiam creatæ reponat: aliquando vero ita, ut licet mens peccantis ultimo fini subordinata remaneat, tamen apponat aliquod impedimentum, per quod in ultimum finem libere, atque expedite tendere non potest. Duplicitur (inquit S. Thomas, lib. III. cont. Gent. cap. 143. num. 1.) contingit peccare: uno modo sic, quod totaliter intentio mentis avertatur ab ordine ad Deum, qui est ultimus finis bonorum; & hoc est peccatum mortale: alio modo sic, quod, manente ordine humanæ mentis ad ultimum finem, impedimentum aliquod afferatur, quo retardatur, ne libere tendat in finem; & hoc dicitur peccatum veniale, le. Sane quum peccatum sit quedam ægritudo animæ ad similitudinem morbi corporalis, qui est aliquando læthalis, aliquando non læthalis, etiam peccatum in læthale, & non læthale, seu veniale recte dividitur. Duplex est enim



enim inordinatio (sicuti tradit S. Thomas 1. 2. quæst. 72. art. 5.) : una per subtractionem principii ordinis; alia, quæ, etiam salvato principio ordinis, fit inordinatio circa ea, quæ sunt post principium : sicut in corpore animalis quandoque quidem inordinatio complexionis procedit usque ad destructionem principii vitalis; & hæc est mors : quandoque vero, salvo principio vitæ, fit deordinatio quedam in humoribus; & tunc est ægrotudo. Principium autem actus totius ordinis in moralibus est finis ultimus, qui ita se habet in operativis, sicut principium indemonstrabile in speculativis, ut dicitur in 7. *Ethicorum*. Unde quando anima deordinatur per peccatum usque ad aversionem ab ultimo fine, scilicet Deo, cui unimur per charitatem, tunc est peccatum mortale : quando vero fit deordinatio citra aversionem a Deo, tunc est peccatum veniale.

Deinde peccata id genus privationis in se habent, quæ suscipit magis, & minus (Lemm. præced.) : diversa ergo ea esse oportet juxta privationem debitæ rectitudinis, quæ est in illis : si ergo a debita rectitudine omnino deficiant, quia nullus amplius ordo remanet ad finem, læthalia; si autem a debita rectitudine non omnino deficiant, quia adhuc aliquis ad finem ordo servatur, levia, seu venialia, recte dicuntur.

L E M M A V.

*Peccata læthalia ex sui natura irreparabilia sunt, non vero levia.*

Quandoquidem, uti pro suo more acute & graviter argumentatur S. Thomas 1. 2. quæst. 72. art. 5. „Sicuti in corporibus deordinatio mortis, quæ est per remotionem principii vitæ, est irreparabilis secundum naturam; inordinatio autem ægrotudinis reparari potest propter id, quod salvatur principium vitæ; similiter est in his, quæ pertinent ad animam. Nam in speculativis, qui errat circa principia, imperiusibilis est; qui autem errat, salvatis principis, per ipsa principia revocari potest. Et similiter in operativis, qui peccando avertitur ab ultimo fine, quantum est ex natura peccati, habet lapsum, irreparabilem; & ideo dicitur, peccare mortaliter, æternaliter puniendus; qui vero peccat citra aversionem a Deo, ex ipsa ratione peccati reparabiliter deordinatur, quia salvatur principium; & ideo dicitur peccare venialiter, quia scilicet non ita peccat, ut mereatur interminabilem pœnam.

Hinc vero est, ut peccata læthalia, & levia inter se infinite differant non quidem ex parte conversionis, uti observat S. Thomas 1. 2. quæst. 87. art. 3. ad 1. ad bonum commutabile, in qua consistit substantia actus, sed ex parte aversionis.

Eadem quoque de re ita præclare disserit S. Doctor 1. 2. quæst. 88. art. 1. in quo querit, num veniale peccatum contra mortale convenienter dividatur. Quum peccatum sit quedam infirmitas animæ, ut supra habitum est (a); peccatum aliquod mortale dicitur ad similitudinem morbi, qui dicitur mortalis ex eo quod inducit defectum irreparabilem per destitutionem alicujus principii, ut dictum est (b). Principium autem spiritualis vitæ, quæ est secundum virtutem, est ordo ad ultimum finem, ut supra dictum est (c); qui quidem si destitutus fuerit, reparari non potest per aliquod principium.

(a) Citata quæst. 72. art. 5. (b) Eadem citata quæst. & art. (c) Eadem citata quæst. & art.

„ intrinsecum, sed solum per virtutem Divinam, ut supra dictum est (a), quia  
 „ inordinationes eorum, quæ sunt ad finem, reparantur ex fine, sicut error,  
 „ qui accidit circa conclusiones, per veritatem principiorum. Defectus ergo  
 „ ordinis ultimi finis non potest per aliquid aliud reparari, quod sit principa-  
 „ lius: sicut nec error, qui est circa principia; & ideo huiusmodi peccata di-  
 „ cuntur mortalia, quasi irreparabilia. Peccata autem, quæ habent inordina-  
 „ tionem circa ea, quæ sunt ad finem, conservato ordine ad ultimum finem,  
 „ reparabilia sunt, & hæc dicuntur venialia... Secundum hoc ergo veniale,  
 „ & mortale opponuntur, sicut reparabile, & irreparabile; & hoc dico per  
 „ principium interius, non autem per comparisonem ad virtutem Divinam,  
 „ quæ omnem morbum & corporalem, & spiritualem potest reparare; & pro-  
 „ pter hoc veniale peccatum convenienter dividitur contra mortale „.

## L E M M A VI.

*Post lathale peccatum perpetratum macula quadam in anima remanet, quæ non tollitur, nisi voluntas sese avertat ab eo, quod peccando prosequuta fuit, atque ad illud redeat, unde deficit.*

Tunc ergo corpora macula aliqua deturpari dicuntur, quando ob contactum alterius corporis suum pristinum nitorem amittunt. Ad similitudinem vero corporum etiam res spirituales aliqua macula deturpari dici possunt, quando per quemdam veluti contactum rei alterius amittunt nitorem, quem habebant. Est autem in anima hominis duplex nitor: unus, qui provenit ex lumine rationis naturalis, per quam in suis actibus dirigitur; alter vero ex refugentia Divini luminis, scilicet sapientię, & gratię, per quam etiam homo ad bene operandum perficitur. „ Est autem quasi quidam animæ contactus [ ut „ inquit S. Thomas 1. 2. quæst. 86. art. 1. ] quando inhæret aliquibus rebus per „ amorem. Quum autem peccat, adhæret rebus aliquibus contra lumen ratio- „ nis, & Divinæ legis; ut ex supradictis patet (b): unde ipsum detrimentum „ nitoris ex tali contactu proveniens macula animæ metaphorice vocatur „.

Itaque „ Dicendum „ (ita in sequenti articulo S. Doctor prosequitur), quod „ macula peccati remanet in anima, etiam transeunte actu peccati, cuius ratio est: quia macula, sicut dictum est, importat quemdam defectum nitoris „ propter recessum a lumine rationis, vel Divinæ legis; & ideo quandiu homo manet extra huiusmodi lumen, manet in eo macula peccati; sed post „ quam redit ad lumen rationis, quod fit per gratiam, tunc macula cessat. „ Licet autem cesset actus peccati, quo homo discessit a lumine rationis, vel „ legis Divinæ, non tamen statim homo ad illud redit, in quo fuerat; sed „ requiritur aliquis motus voluntatis contrarius primo motui: sicut si aliquis „ sit distans alicui per aliquem motum, non statim cessante motu, fit ei pro- „ pinquus, sed oportet, quod appropinquet rediens per motum contrarium „. Et sane Philosophorum commune axioma est, tolli non posse effectum, nisi simul causa auferatur: causa vero huiusmodi maculæ ab anima contracta fuit aver- „ sio a debito ordine, & conversio ad ordinem non debitum: ergo quousque „ hæc

(a) Quæst. 87. art. 3.

constat etiam ex iis, quæ Lemm. 1. &amp; 2.

(b) Quæst. 71. art. 6. Eadem vero res

nos supra disputavimus.

hæc averſio, & converſio perſeverat, etiam macula perſeverare debet: ergo ea non tollitur, quouſque voluntas ſeſe non averterit ab eo, quod peccando proſequuta fuit, atque ad illud redierit, unde defecit.

## LEMMA VII.

*Voluntas malorum poſt mortem eſt in malo immutabilis.*

Nam ſi voluntas malorum non eſet in malo immutabilis, hoc ideo eſſet, vel quia ex parte ſui, vel quia ex parte Dei mutari poſſet; ſed neque ex parte Dei, neque ex parte ſui mutari poſſet: ergo eſt immutabilis. Prob. minor quod priorem partem. Loquimur autem hic de ea potentia Dei, quæ *ordinaria* appellari conſuevit, ſecundum quam Deus operatur juxta conſuetum a ſe præſtitutum ordinem. Hæc ergo eſt differentia inter ſtatum viæ, quo quis tendit ad ſuum terminum, ſeu ultimum finem aſſequendum, & inter ſtatum termini, in quo quis aſſequutus eſt ultimum finem, quem ſibi propoſuit; quod in ſtatu viæ dum quiſpiam manet, in promptu illi eſt Dei auxilium ſive naturale, ſive ſupernaturale, quo in eum ultimum finem ſe movere poſſit, quem ſibi libere præſtiterit, alioquin in ultimum finem fruſtra ordinaretur; quando autem ad ſtatum termini pervenit, jam hujusmodi auxilium ultra ei præſto eſſe non debet, alioquin ad finem ultimum perveniſſe dici non poſſet; ſed voluntas malorum ſuum ultimum finem, quem male agendo ſibi propoſuerat, jam aſſequuta eſt, quia impii poſt mortem non ſunt amplius in ſtatu viæ, ſed ad illum terminum pervenere, in quo ſecundum pravum finem, quem ſibi præſtiterunt, & ad eum converſi ex hac vita recedere, a Deo puniri debent: nam quemdam ſtatum eſſe debere, in quo impii puniantur, rationi conſentaneum eſſe hujus quæſtionis art. 3. jam evicimus: ergo voluntas malorum ex parte Dei mutabilis non eſt. Hinc ait S. Thomas in lib. III. *Sentent. diſtinct. 19. quæſt. 1. art. 1. quæſt. 1.*, quod quamvis peccator, dum vivit, ab æterna pœna, quam ſibi promeruerit, liberari poſſit; tamen, „ Quod a pœna illa jam actualiter ſuſcepta ali- „ quis liberetur, eſſe non poſſet, quia non eſt in ſtatu viatoris „ . Quapropter ſicuti argumentatur idem S. Doct. lib. IV. *cont. Gent. cap. 93. nu. 4.*, „ Sicut boni in carne viventes omnium ſuorum operum, & deſideriorum finem „ conſtituunt in Deo, ita mali in aliquo indebito fine averteſcente eos a Deo; „ ſed animæ ſeparatæ bonorum immobiliter inhærebunt fini, quem in hac vi- „ ta ſibi præſtiterunt (a), ſcilicet Deo: ergo & animæ malorum immobili- „ ter inhærebunt fini, quem ſibi elegerunt. Sicut igitur bonorum voluntas non „ poterit fieri mala; ita nec malorum poterit fieri bona „ .

Neque etiam mutari poſſet voluntas impiorum in altero viæ ſtatu, ſi ſecundum ſe ipſam ſpectetur. Naturale eſt enim unicuique rei, ut poſtquam ad ſuum ultimum terminum pervenerit, in eo ſiſtat, atque quieſcat, niſi fortiori aliqua virtute ab eo dimoveatur; atqui impii cum prava affectione ſux voluntatis ad indebitum ultimum finem ex hac vita decedentes ad ſuum terminum pervenere, quia tunc eis reliquus eſſe debet ſtatus, in quo puniantur, uti articulo 3. hujus quæſtionis jam evicimus; Deus autem, qui ſolum voluntatem

eo-

(a) Hoc autem ſicuti S. Thomas articulo præcedenti jam evicimus.  
ſine præcedenti evicit; ita & nos quoque.

eorum in bonum commutare posset, nunquam id in illis præstabit, ut modo manifestum fecimus: ergo in altero vitæ statu voluntas impiorum mutari non potest, etiam si secundum se ipsam spectetur. Hinc est, ut in impiis ipsa prava affectio ad finem, habita ratione status, ad quem pervenerunt, quasi in naturam convertatur, ideoque voluntas eorum ob hanc pravam affectionem in hac vita conceptam, & usque ad ultimum retentam, semper in malum inclinata persillet.

Et re quidem vera quando anima separatur a corpore, amplius non est in statu pugne, atque militiæ, sed subito ad eum statum pertingit, in quo præmium, vel pœnam recipiat, prout bene, vel male sese gesserit, ut conilat ex articulo 3. hujus quæstionis: ergo secundum suam voluntatem de bono in malum, vel de malo in bonum ulterius mutari non potest. Proba. conf. Nam, quandiu anima mutari potest de bono in malum, vel de malo in bonum, in quodam militiæ statu remanet, in quo oportet, ut malo resistat, ne ab eo vincatur, vel intendat, ut ab illo malo sese eripiat, quod contra ipsam prævaluerit. Concludendum ergo cum S. Thoma in lib. III. *Sentent.* distin. 19. quæst. 1. art. 3. quæstion. 1. ad 3. „ Quod pœna inferni dicitur æterna tum quia in eo, qui punitur, non est virtus ad liberandum se a pœna illa, tum quia, non est dispositio, ut virtus liberans in eo effectum habere possit, „

#### LEMMA VIII.

*Pœna reatus ad ipsam lathale peccatum consequi debet.*

Deus enim legem dedit hominibus, per quam cognoscere possent, quid agere, vel non agere deberent (a): ergo ad Deum spectat punire homines, si non egerint, quæ debebant. Prob. consequ. Ejus est non minus præmia dare, quam punire, qui leges imponit, quum legislatores tum per præmia, tum per pœnas ad observationem suarum legum inducant homines.

Deinde corruptio, & malum in rebus naturalibus necessario sequitur, si a debito, & naturali ordine ex recedant: ergo & in rebus humanis idem contingere debet, ita ut si homo prætermittat ordinem Divinæ legis, malum recipiat non quidem ex necessitate naturæ, sed ex dispositione gubernantis; hoc est puniatur. Prob. con. Divinæ providentiæ tum res naturales, tum actus humani æque subsciuntur, verum cum hoc discrimine, quod illæ naturaliter, & necessario, illi autem voluntarie, & libere huic ordini subsciuntur (b): ergo si ex transgressione hujusmodi ordinis malum consequitur in illis, etiam in illis consequi debet, ita tamen, ut quia effectus suis causis convenienter respondere oportet, non consequatur ex necessitate naturæ, sed ex voluntate gubernantis, ad quem spectat dispensatio bonorum, & malorum quoad eos, qui sibi se ipsos libere subsciunt, vel non subsciunt.

Tandem humani actus subduntur Divinæ providentiæ (c); ergo malum, quod in eis contingit, sub aliquo ordine Divinæ providentiæ concludi oportet; sed id convenientissime fit per hoc quod peccata puniantur: ergo pœna ad ipsam pec-

(a) Vide quæ de lege naturali suscepimus quæst. 5. hujus lib. art. 1. & seq.

(b) Vide quæ de hominis libertate co-

plose differimus lib. 2. quæst. 6. art. 6.

(c) Vide quæ de Dei providentia copiose disputavimus in hoc lib. art. 1. & seq.

peccatum consequi debet. Prima conseq. constat: nam ad Divinam bonitatem spectat, quod nihil inordinatum in rebus relinquit. Prob. mi., Oportet (inquit S. Thomas lib. III. cont. Gent. cap. 146. nu. 4.) malum, quod accidit in humanis actibus, sub ordine alicujus boni concludi. Hoc autem convenientissime fit per hoc quod peccata puniantur. Sic enim sub ordine iustitiæ, quæ ad æqualitatem reducit, comprehenduntur ea, quæ debitam quantitatem excedunt. Excedit autem homo debitum suæ quantitatis gradum, dum voluntatem suam Divinæ voluntati præfert satisfaciendo ei contra ordinem Dei: quæ quidem inæqualitas tollitur, dum contra suam voluntatem homo aliquid pati cogitur secundum ordinationem: malum ergo, quod in humanis actibus contingit, sub aliquo Divinæ providentiæ ordine concluditur, dum peccata puniuntur. Et sane nonne propter peccata hominum offenditur Deus (Lemm. 1. & 2.)? iustitiæ ergo ratio postulat, ut puniantur, qui tantum crimen admittunt: nam nulla graviora argumenta esse, aut excogitari possunt; quibus de subiectione a nobis ipsi Deo semper præstanda quoad omnia, evidentissime constat.

## LEMMA IX.

*Pœna, quæ post læthale peccatum luenda superest, duplex est, alia, quæ pœna damni, alia vero, quæ vocatur pœna sensus.*

In privatione visionis ipsius Dei, omniumque bonorum consistit *pœna damni*, in positivis autem suppliciis *pœna sensus*. Utramque ergo pœnam læthali peccato deberi manifestum est. Pœna enim culpæ proportionata esse debet; atqui homo per culpam læthalem & a Deo avertitur, & inordinate convertitur ad creaturas, suumque in iis finem ultimum constituit (Lemm. 4.): ergo si pœna culpæ proportionata esse debet, peccator & ipso Deo privari, & a rebus sensibilibus aliquid pati debet: ergo tum *pœna damni*, tum *pœna sensus* puniendus est. Pœna enim (inquit S. Thomas lib. III. cont. Gent. cap. 145. num. 1.) debet proportionaliter culpæ respondere, ut supra ostensum est (2); in culpa autem non solum avertitur mens ab ultimo fine, sed etiam indebitum te convertitur in alia, quasi in fines: non solum ergo puniendus est, qui peccat, per hoc, quod excludatur a fine, sed etiam per hoc, quod ex aliis rebus sentiat nocumentum.

Deinde qui voluntatem ab ultimo fine averfam habent, non curant, si a consequutione ejus excludantur: ergo per hoc, quod ab ultimo fine excluderentur, a peccato non revocarentur: ergo peccantibus alia quoque pœna infligi debet, quam etiam ipsi timeant. Ant. constat: nullus enim timet amittere, quod non curat adipisci, Ultima conseq. manifesta est: nam pœnæ ea etiam, de causâ inferuntur pro culpis, ut homines a peccato retrahantur. Pœnæ inferuntur pro culpis (inquit S. Thomas citato cap. num. 2.), ut timore pœnarum homines a peccatis retrahantur, ut supra dictum est: nullus autem, timet amittere id, quod non desiderat adipisci: qui ergo habent voluntatem averfam ab ultimo fine, non timent excludi ab illo: non ergo per solam exclusionem ab ultimo fine a peccato revocarentur: oportet igitur pec-

Tom. II.

T

can-

(3) Hoc est cap. præcedenti. Id autem rationi quam maxime consentaneum esse nemo ignorare potest.

„cantibus aliam pœnam adhiberi, quam timeant peccantes „ (2) :

Tandem, uti argumentatur idem S. Doctor citato cap. num. 3., „ Si „ quis eo, quod est ad finem, inordinate utitur, non solum sine privatur, sed „ etiam aliud nocumentum incurrit, ut patet in cibo inordinate assumpto, qui „ non solum sanitatem non affert, sed etiam ægritudinem inducit : qui autem „ in rebus creatis finem constituit, eis non utitur secundum quod debet, re- „ ferendo scilicet ad ultimum finem : non ergo solum debet puniri per hoc „ quod beatitudine careat, sed etiam per hoc, quod nocumentum ab ipsis „ experietur „ .

#### LEMMA X.

*Virumque genus pœnæ, quod post peccatum luendum superest,  
ex sui natura æternum esse debet.*

Propter læthale peccatum finis ultimus in re creata constituitur (Lemm. 4.), ideoque perversio ordinis cum læthali peccato necessario conjungitur, quia rebus creatis postponitur, quod eis omnino anteferri debebat ; sed hæc perversio ordinis secundum se spectata est irreparabilis [Lemm. 5.] : ergo quum propter perversiorem ordinis ipsi peccato pœna debeatur, hæc quoque, ut proportionetur perversioni ordinis, & irreparabilis, & perpetua esse debet. „ Peccatum „ (inquit S. Thomas 1. 2. quæst. 87. art. 3.) ex hoc inducit reatum pœnæ, „ quod pervertit aliquem ordinem : manente autem causa manet effectus, un- „ de quandiu perversitas ordinis remanet, necesse est, quod remaneat reatus „ pœnæ. Pervertit autem aliquis ordinem quandoque quidem reparabiliter, „ quandoque autem irreparabiliter : semper enim defectus, quo subtrahitur prin- „ cipium, irreparabilis est ; si autem salvetur principium, ejus virtute alii de- „ fectus reparari possunt. Sicut si corrumpatur principium visum, non potest „ fieri visionis reparatio, nisi sola virtute Divina : si vero, salvo principio vi- „ sivo, aliqua impedimenta adveniant visioni, reparari possunt per naturam, „ vel per artem. Cujuslibet autem ordinis est aliquod principium, per quod „ aliquis sit particeps illius ordinis ; & ideo si per peccatum corrumpatur prin- „ cipium ordinis, quo voluntas hominis subditur Deo, erit inordinatio, quan- „ tum est de se irreparabilis, etsi reparari possit virtute Divina. Principium „ autem hujus ordinis est ultimus finis, cui homo inhæret per charitatem ; & „ ideo quæcumque peccata avertunt a Deo charitatem auferentia, quantum „ est de se, inducunt reatum æternæ pœnæ „ .

Neque est, cur quispiam reponat, quod sicut in natura animæ est ordo ad gratiam ; ita etiam est ordo ad beatitudinem ; sed ordo animæ ad gratiam, quo homo propter læthale peccatum æquo jure destituitur, in hac vita reparari potest, & revera reparatur : ergo etiam ordo ad beatitudinem reparari potest : ergo sicut ille non est irreparabilis, ita neque etiam iste esse debet. Quandoquidem post læthale peccatum perpetratum macula quædam in anima remanet, quæ nunquam tollitur, nisi voluntas ab eo sese avertat, quod peccando

(a) Quando S. Præceptor tradit pœnas inferri pro culpis, ut homines a peccato retrahantur, non ita accipi debet (quemadmodum Ferrariensis in hunc locum recte monet) quasi pœnæ ea solummodo de causa inferan-

tur, ut per eas homines a peccato retrahi possent. Nam superiori cap. 144. affirmat idem S. Doctor, peccato inferri a Deo pœnas etiam ob eam causam, ut in creaturis debitus ordo servetur.

cando prosequuta fuit, atque ad illud redeat, unde deficit [Lemm. 6.] : voluntas autem impiorum post mortem est in ipso malo immutabilis (Lemm. 7.) : ergo ad eam beatitudinem, quam semel amiserunt, nunquam perungere posse, dicendum est. Contra vero quoadusque peccatores degunt in hac vita, quamvis propter sua gravia peccata a Deo averſi ſint, tamen recuperare poſſunt Dei gratiam, quam amiſerunt, quia, uti ſapienter diximus, ſunt in ſtatu viæ, & nondum ad ſuum terminum pervenire, in quo pœnas ſuorum peccatorum a Deo ſuſtinere debeant.

Quapropter hic ordo, qui nihil aliud eſt quam quædam capacitas, quæ in anima ineſt, ad recipiendam Dei gratiam, & mediante gratia ad conſequendam beatitudinem, dupliciter conſiderari poteſt : uno quidem modo quoad ipſam capacitatem in ſe ſpectatam, ſeu, ut ſcolastici loquuntur, in actu primo; alio autem modo quoad exercitium in actum, ſeu in actu ſecundo: ſi ſecundum priorem acceptionem hic ordo ſumatur; creatura rationalis nunquam eum amittit neque quoad gratiam, neque quoad gloriam: (a) ſi autem accipiat ſecundum alteram; tolli poteſt, & revera tollitur, quemadmodum Lemmate 7. jam evicimus.

Rurſus illud quoque advertatur oportet, dupliciter intelligi poſſe, quod iſta capacitas, ſeu ordo impediatur, ne in actum reducat: uno modo propter defectum ipſius ordinis, alio modo propter aliquod impedimentum ſuper-veniens. Ordo animæ ad finem ultimum, qui eſt Deus, non impeditur, ne ad actum reducat, propter defectum ipſius ordinis, ſeu capacitatis ipſius animæ ad conſequationem beatitudinis, quia iſta capacitas ſemper in anima manet, etiamſi cum læthali peccato ex hac vita deceſſerit: attamen fieri poteſt, ſicuti revera ſit, ne in actum reducat propter aliquod impedimentum, quod ipſi animæ ſuperveniat tum ratione ſui ſtatus, ad quem devenit, tum etiam ratione ipſius Dei. Quum ergo impiis poſt hanc vitam tum ex parte ipſius Dei, tum etiam ex parte illius ſtatus, ad quem devenire, revera adveniat huiusmodi obſtaculum (Lemm. 7.), quo impeditur, ne ad actum reducat ea capacitas, quam ad beatitudinem habent; ideo licet in iis perſeveret capacitas ad beatitudinem, fieri tamen non poteſt, ut beatitudinem aſſequantur.

## LEMMATA XI.

*Lath: ſi peccato debetur æterna pœna, quamvis illud brevi mora temporis commiſſum fuerit, neque diutius perduraverit.*

Æquitati enim naturali quam maxime conſentaneum eſt, ut quiſpiam privetur eo bono, contra quod agit, quia per hoc quod contra illud agit, eo indignum ſeſe reddit. Hoc autem verum eſt, licet actio ejus cito tranſeat, bonum vero ſemper perſiſtat, quia non mora peccandi, ſed qualis injuria inferatur, conſideretur oportet. Hinc eſt, ut qui contra Rempubicam graviter peccat, per mortem, vel exilium e Reipublicæ ſocietate perpetuo ejiciatur. Sicuti autem vita præſens ad terrenam Rempubicam; ita etiam tota æternitas comparatur ad ſocietatem beatorum, qui, uti ex articulo præcedenti conſtat, ultimo fine immutabiliter, atque perpetuo fruuntur: qui ergo contra finem ultimum

— T 2

timum

(a) Conſultatur S. Thomas 1. par. & 2., de Malo quaſt. 2. art. 12., in lib. quaſt. 48. art. 4., 1. 2. quaſt. 85. art. 1., II. ſentent. diſtinct. 34. art. 5.

timum peccat, atque contra charitatem agit, per quam habetur societas beatorum, & tendentium in ipsam beatitudinem, privatione ultimi finis puniri meretur, quamvis brevi mora temporis peccaverit: ergo lathali peccato debetur aeterna poena, quamvis illud brevi mora temporis commissum fuerit, neque diutius perduraverit. „ Naturalis aequitas ( inquit S. Thomas lib. III. *cont. Gent. cap. 144. num. 3.* ) hoc habere videtur, quod unusquisque privetur „ bono, contra quod agit: ex hoc enim reddit se tali bono indignum: & inde „ est, quod secundum civilem iustitiam, qui contra Rempublicam peccat, fo- „ cietate Reipublicae privatur omnino vel per mortem, vel per exilium per- „ petuum. Nec attenditur quanta fuerit mora temporis in peccando, sed quid, „ contra quod peccavit. Eadem autem est comparatio totius vitae praesentis ad „ Rempublicam terrenam, & totius aeternitatis ad societatem beatorum, qui, „ ut supra ostensum est, ultimo fine aeternaliter potiuntur. Qui ergo contra „ ultimum finem peccat, & contra charitatem, per quam est societas beatorum, „ & tendentium in beatitudinem, in aeternum debet puniri, quamvis aliqua „ brevi temporis mora peccaverit. Quod autem poena ( ita prosequitur S. Do- „ ctor in *supplem. 3. par. quest. 99. art. 1.* ) quam civitas mudana infligit, „ perpetua non reputatur, hoc est per accidens, vel in quantum homo per- „ petuo non manet, vel in quantum etiam ipsa civitas deficit. Unde si homo „ in perpetuum viveret, poena exilii, vel servitutis, quae per legem huma- „ nam infertur, in eo perpetuo maneret. „

Deinde qui graviter peccat, eodem modo puniri debet, ac si in aeternum peccasset: ergo si poena peccato respondere debet, oportet, ut aeterna ea sit. Prob. ant. Deus est infinite intelligens (a), ideoque videt corda hominum, & eorum voluntatis singulas quasque determinationes cognoscit: unde quum non minus exterius, quam interius homines ei subiecti esse debeant (b), voluntatem faciendi pro facto reputat; atqui ille, qui propter temporale bonum aver- sus est ab ultimo vero fine, qui in aeternum possidetur, fruitionem boni tempo- ralis praeposuit fruitioni veri ultimi finis: ergo eo temporali bono in aeternum frui voluisset: ergo qui graviter peccat, eodem modo puniri debet, ac si in aeternum peccasset. „ Apud Divinum iudicium [ inquit S. Thomas lib. III. *cont. Gent. cap. 144. num. 4.* ] voluntas pro facto computatur: quia sicut homines „ vident ea, quae exterius aguntur; ita Deus inspicit hominum corda. Qui „ autem propter aliquod temporale bonum averfus est ab ultimo fine, qui in „ aeternum possidetur, praeposuit fruitionem temporalem illius boni temporalis „ aeternae fruitioni ultimi finis: unde patet, quod multo magis voluisset in aeter- „ num illo bono temporali frui: ergo secundum Divinum iudicium ita puniri „ debet, ac si aeternaliter peccasset. Nulli autem dubium est, quin pro aeter- „ no peccato aeterna poena debeatur: debetur igitur ei, qui ab ultimo fine „ avertitur, poena aeterna [c]. „ Et re quidem vera, uti acute pro suo mo-  
re

(a) De infinita intelligentia Dei, lib. 5. quest. 3. art. 1. discernimus.

(b) Homines quo exquisitiori cultu pos- sunt, cum interno, cum externo Deum prosequi debere huius lib. quest. 3. art. 4. jam evicimus.

(c) Sicut etiam Ferraricensis in hunc

S. Thomae locum recte monet, observandum est, eam voluntatem computari pro facto, quae, ut explicat S. Thomas 1. 2. quest. 20. art. 4., est perfecta, atque completa, & exterius non operatur, nisi quia deest possibilitas: tunc enim de culpa, aut merito nihil diminuitur, quamvis actio non ponatur. Qua-  
re



re ratiocinatur idem S. Doctor *supplem.* 3. part. *quæst.* 99. art. 1., quispiani „ Ex „ hoc ipso quod mortaliter peccat, finem suum in creatura constituit : & quia „ ad finem vitæ tota vita ordinatur ; ideo ex hoc ipso totam vitam suam or- „ dinat ad illud peccatum, & vellet perpetuo in peccato manere, si hoc sibi „ esset impune „ Dubitari ergo non debet, quin læthali peccato æterna pœ- na debeat, licet illud brevi mora commissum fuerit, neque diutius perdura- verit.

**PROPOSITIO.** Perpetuitas, atque immutabilitas alterius status vitæ, in quo impii luent pœnas suorum scelerum, rationi, atque æquitati consentanea est.

**Prob. propositio.** Peccatum est offensa Dei [*Lemm.* 1.], quæ valde dis- splicet ipsi Deo, licet nullum ex ea detrimentum patiatur [*Lemm.* 2.] : ergo quum rationi, & æquitati nihil magis contrarium esse possit, quam ut Deus, qui est summa bonitas, bonorumque omnium dator, atque largitor (a), offen- datur ab hominibus, etiam rationi, atque æquitati contrarium est, ut non pu- niantur, qui peccavere : ergo puniri debent ; sed in hac vita impii sæpe nul- lo modo puniuntur, aut si puniuntur, non tamen puniuntur, prout mererentur, ideoque alter vitæ status dari debet, in quo suorum criminum pœnas condignas luant, ut constet ex iis, quæ articulo 3. hac de re disputavimus : ergo in al- tero vitæ statu puniri debent ; sed ita puniri debent, ut in perpetuum punian- tur : ergo huiusmodi statum perpetuum, & interminabilem esse rationi, & æqui- tati consentaneum est. Hæc ultima conseq. constat : nam fieri non potest, ut pœna, quam quis patitur, æterna, atque perpetua sit, & status, in quo sus- tineat huiusmodi pœnam, non sit æternus, atque perpetuus. *Prob. mi.* Non, omnia peccata inter se æqualia sunt [*Lemm.* 3.], sed nonnulla eorum læthalia dici debent, quia avertunt ab ultimo fine [*Lemm.* 4.], & ex sui natura sunt irreparabilia [*Lemm.* 5.] : ergo si ex sui natura irreparabilia sunt, ex sui natu- ra semper puniri merentur : nam peccatum quoadusque perseverat, eadem pœ- na semper plecti debet : ergo quum impios in altera vita propter huiusmodi scelera semper puniendos esse dicamus, ita in altera vita puniri debent, ut, habita ratione scelerum, quæ commiserunt, semper puniantur. Superesset ergo solum, ut propter huiusmodi scelera non semper punirentur, quia macu- la, quæ post læthale peccatum in anima remanet (*Lemm.* 6.), ab ipsis impiis deleteretur, sicque peccata, quæ in se spectata irreparabilia sunt, reparabilia, evaderent. At vero ut hæc macula deleatur, oportet ut voluntas ab eo sese avertat, quod peccando prosequuta fuit, atque ad illud redeat, unde defecit (*Lemm.* 6.) : ergo quum voluntas impiorum post mortem in ipso malo sit im- mutabilis (*Lemm.* 7.), nunquam sese avertet ab eo, quod peccando prosequu- ta fuit, atque ad illud redibit, unde defecit : ergo macula, quæ post peccatum in anima remanet, ab ipsis impiis non deletur : ergo peccata læthalia sunt ir- reparabilia tam si in se ipsis spectentur, quam si attendatur ad immutabilita- tem voluntatis impiorum. Hæc vero immutabilitas quum habeatur tum ex par- te ipsius Dei, tum ex parte ipsorum impiorum, inde sequitur, ut ex parte etiam

re Deus, qui corda hominum intuetur, & non solum exteriorum, sed etiam interiorum operum est remunerator, istaque eodem modo compensat, ac si exterius facta fuissent, eandem iudicii rationem servare debet etiam quoad pœnam, quæ peccatis debetur pro-

pter pravam internam determinationem. Ab hominibus autem id præstari non potest, quia ea tantum vident, quæ exterius aguntur.

(a) Id constat ex iis, quæ libro 2. de attributis Dei *absolutis* jam disputavimus.

etiam ipsius Dei irreparabilia sint (Lemm.7.): sunt ergo ex omni capite irreparabilia: semper ergo puniri debent, quia peccatum quousque perseverat, semper puniri debet.

2. Reatus pœnæ ad ipsum læthale peccatum consequi debet (Lemm.8.); sed hæc pœna, quæ post læthale peccatum luenda superest, est æterna [Lem.9.]: ergo æternus quoque esse debet status, in quo hæc pœna luatur; sed hanc pœnam impii luere debent in altero vitæ statu, qui quidem dari debet, ut in eo suorum scelerum pœnas condignas sustineant, ut constat ex iis, quæ hujus quæstionis articulo tertio disseruimus: ergo iste æternus esse debet: ergo perpetuitas, atque immutabilitas alterius vitæ status, in quo impii suorum scelerum pœnas luant, rationi, atque æquitati consentaneum est.

3. Peccata læthalia sunt ea, propter quæ homo ab ultimo fine avertitur, & contra rationem convertitur ad creata sicuti ad ultimum finem (Lem.4.): ergo quoadusque hæc indebitaaversio, & conversio perseverat, peccatum semper puniri debet; sed in impiis semper hæc indebitaaversio, & conversio in altera vita perseverat, quia ob eum statum, in quo sunt, tum ex parte Dei, tum ex parte sui voluntatem ad malum immutabiliter conversam habent (Lemm.7.): ergo semper a Deo puniri debent.

4. Pœna, quæ post læthale peccatum in altera vita luenda superest, duplex est, alia, quæ pœna damni, alia, quæ vocatur pœna sensus [Lem.9.]; atqui utrumque pœnæ genus, quod post peccatum in altera vita luendum superest, ex sui natura æternum esse debet [Lemm.10.]: ergo impii post hunc vitam etiam utroque spectato genere pœnæ, in æternum puniri debent. Neque obstat, quod læthale peccatum brevi mora temporis committatur, neque diutius perduret: nam quamvis res ita sese habeat, tamen læthali peccato æterna pœna debetur [Lem.11.].

Tandem pœna damni læthali peccato debetur, quia propter læthale peccatum homo avertitur a vero suo ultimo fine, qui est Deus; debetur autem pœna sensus, quia propter læthale peccatum homo ad creata convertitur, sicuti ad suum ultimum finem [Lemm.9.]: ergo utraque pœna æterna esse debet. Prob. seqq. quoad priorem partem peculiariter. Nam rationi, atque æquitati omnino consentaneum est, ut quispiam perpetuo privetur eo bono, quod per summum contemptum desprexisset inde constat, quia licet bonum in se infinitum illud esset, atque undequaque perfectum, rem tamen creatam, finitam eam quidem, & imperfectam illi præposuit. Semper vero magis rationi, & æquitati id consentaneum esse comperiemus, si semper in eodem contemptu perseveret; sed læthali peccato homo per summum contemptum a Deo, infinito quidem bono, & undequaque perfecto avertitur, & convertitur ad creata, quæ & finita, & imperfecta sunt [Lemm.2. & 3.], impiique homines cum hac prava aversione, & conversione ex hac vita deeedentes, semper in suo proposito perseverant ob illum statum, ad quem pervenerunt (Lem.7.): ergo nihil magis rationi, & æquitati consentaneum esse potest, quam ut impii in altera vita perpetuo privati sint eo bono, quod in ista per summum contemptum despexerunt: ergo quum pœna damni consistat in privatione visionis ipsius Dei omniumque bonorum, ut impii pœna damni in altera vita perpetuo crucientur, rationi, atque æquitati consentaneum est. Deinde nonne per læthale peccatum ab ultimo vero fine, qui in æternum possidet, homo avertitur,

titur, eique uti suum ultimum finem præponit fruitionem boni temporalis: ergo quum ad ultimum finem vite tota vita ordinetur, quantum ex se est, fruitionem boni temporalis semper voluit: ergo semper quoque voluit verum ultimum finem præferre fruitioni boni temporalis: ergo ut perpetuo privetur vero ultimo fine, iustitiæ legibus quam maxime consentaneum est.

At vero nonne pœna damni inde quoque æterna esse debet, quia oportet, ut infinita sit ex eo quod ei peccato debeatur, quod contra Deum, summum, atque infinitum bonum, admissum est? Quamvis ergo non ignorem, negari ab aliquibus, maxima parte Theologorum contra sentiente, in lethali peccato infinitam malitiam ex eo non inesse, quia lethale peccatum cum infinita Dei bonitate, & maiestate pugnat; tamen hanc quoque rationem contra Incredulos nostri temporis urgendam a me esse arbitror, quia nisi mea me fallit opinio, perspicua per se est, atque manifesta. De infinitate ergo in ordine morali, non vero in ordine physico hic sermonem esse, apud omnes convenire debet, sicut revera convenit. Nunquam enim fieri potest, ut a causa creata ponatur aliqua actio, quæ infinita sit; indeque est, ut quamvis actiones causarum creaturarum rem infinitam attingant, tamen infinite non evadant: quod sine, si, ut par erat, ii advertissent, qui in peccato malitiam infinitam esse negant, nunquam opposuissent, etiam actum charitatis, & beatificam visionem infinita esse debere. Verum ad rem nostram veniamus. Offensa qualitas commensuratur dignitati personæ, contra quam injuria committitur. Inde vero est, ut juxta communem exilimationem omnium eadem injuria eo gravior reputetur, quo majoris dignitatis, atque præcellentis est persona, contra quam committitur. Quum ergo lethale peccatum committatur contra Deum, cuius dignitas, maiestas, atque in conferendis beneficiis liberalitas, infinita est, oportet quoque, ut ipsum peccatum induat rationem maximæ, & infinitæ iniquitatis. Quam quidem argumentationem confirmant summi Dei imperium, æquitas, providentia, amor, atque cetera omnia attributa. Nam si offendere parentem optimum, aut æquissimum principem de suis subditis undequaque benemeritum, gravissimum crimen est; quale flagitium profecto erit, injuriam gravem facere Creatori, qui nos ex nihilo produxit, deindeque infinitis beneficiis locupletavit, cui nihil est, quod secundum iustitiæ ordinem non debeamus? „ Manifestum est enim ( inquit S. Thomas Opusculo 2. cap. „ 183. ) quod quanto major persona est, contra quam peccatur, tanto peccatum est gravius: sicut qui dat alapam militi, gravius reputatur, quam si daret rustico, & adhuc multo gravius, si Principi, vel Regi. Et sic quum „ Deus sit infinite magnus, offensa contra ipsum commissæ est quodammodo „ infinita; unde & aliquid pœna infinita ei debetur. Non autem potest „ esse pœna infinita intensiue, quia nihil creatum sic infinitum esse potest. „ Unde relinquitur, quod peccato debeatur pœna infinita duratione „. Infinitam ergo malitiam in gravi peccato contineri, nemo dubitare debet: ergo grave peccatum infinite puniri debet, quia pœna malitiæ peccati respondeat oportet: ergo quum per infinitam intensionem puniri non possit, quia nihil creatum capax est infinitæ intensionis, puniatur oportet per infinitam durationem: ergo semper puniri debet: ergo in impiis pœna damni æterna est. Offensa autem, quæ cum dignitate personæ offensæ commensurari debet, illa est, per quam ipsa persona omnino despicitur, atque contemnitur: per hanc enim

enim quum personæ dignitas omnino deprimatur; ideo qualis erit personæ dignitas, quæ deprimatur, talis quoque erit malitia actionis, quæ est causa hujusmodi depreffionis. Ceterum si quis inadvertenter, aut in re levi alterum offendat, eum quidem offendit, non ita tamen, ut dignitatem ejus depreffam velit, ideoque quæ tunc ab eo culpa committitur, turpitudinem offensæ personæ dignitati respondentem in se non habet. Hac vero de causa leve peccatum, licet sit offensæ Dei, tamen in se non habet infinitam turpitudinem ipsius Dei infinitæ majestati respondentem (a).

Modo autem peculiariter probatur etiam poenam sensus æternam esse debere. Nam hæc poena sensus homini peccanti debetur, quia ad res creatas sese convertit, atque in iis suum ultimum finem constituit (Lemm. 9.); sed, uti superius evicimus (Lemm. 11.), qui ita peccat, in æternum peccare vellet, suumque ultimum finem in rebus creatis in æternum reponere: ergo propter hanc inordinatam conversionem in æternum puniri debet; ergo si poena sensus huic inordinatæ conversioni debetur, æterna sit oportet.

Deinde nonne impiis debetur poena sensus propter suam conversionem ad commutabile bonum (Lemm. 9.)? ergo quoadusque hæc conversio perseverat, etiam poena sensus perseverare debet; sed hæc conversio ad commutabile bonum semper perseverat: ergo etiam poena sensus semper perseverare debet. Prob. subsumptum. Voluntas impiorum post mortem remanet in ipso malo immutabilis (Lemm. 8.); sed voluntas impiorum in malo versatur tam ex eo, quod avertatur a Deo, quam quod convertatur ad creatura: ergo in impiis semper perseverat conversio ad commutabile bonum: Ergo si æquitatis ratio postulat, ut impii puniantur, quoadusque hæc conversio perseverat, in æternum puniri debent poena sensus.

His ergo constitutis discutiamus modo quæ Philosophi nostri temporis contra

(a) Ratio, quam modo urgebamus, ut magis magisque semper perspicua fiat, illud præ oculis habendum est, quod ex S. Thoma supra inuimus, injuriæ magnitudinem, & gravitatem æstimandam esse ex dignitate ejus, cui fit injuria, non ejus, qui facit; unde est illud commune effatum: *honor est in honorante, injuria in persona lesa*. Quare quum Deus sit infinitæ dignitatis, & hæc ejus dignitas in infinitum excedat omnes vires, omnipotentem excellentiam creaturarum; inde consequitur, ut injuria Deo irrogata, nullo possit condigno obsequio creaturæ compensari; quia semper obsequii pretium excedetur in infinitum a dignitate Divina, cui facta est injuria.

Illud quoque animadvertendum est, quamvis ex Divina Revelatione habeatur modus eodignus satisfaciendi Deo pro peccatis; tamen hunc modum satisfaciendi excedere naturalis rationis lumen; nunc autem nobis naturali ratione agentibus tanto minus opus est ad Revelationem confugere contra Incredulos, quia agimus de impiis; hoc est de iis, qui ex hac vita in sua impietate de-

dunt, & Deo satisfacere non curaverunt, quum viverent.

Rationi ergo, & æquitati consentaneum est, ut qui alteri injuriam fecit, aut faciat condigne injuriam, aut pendat poenam magnitudinis injuriæ proportionatam; sed injuriam, quam impii contra Dei legem peccantes ipsi Deo faciunt, neque facere curant, neque condigne facere possunt: ergo æquitati, & rationi consentaneum est, ut poenam magnitudinis injuriæ proportionatam pendant; atqui injuriæ Deo factæ nulla potest proportionata poena a creatura pendi, nisi ea poena sit æterna: ergo æternitas poenarum in futuro impiorum statu consona est rationi, & æquitati. Prob. minor subsumpta. Nulla poena finita potest esse proportionata injuriæ irrogatæ Majestati infinitæ: ergo debet esse poena infinita; sed non potest esse infinita secundum intentionem, quia in subiecto finito, qualis est omnis creatura, nihil potest esse actu infinitum: ergo relinquitur, ut debeat esse infinita secundum durationem, hoc est æterna, cujus nullus sit finis.

tra æternitatem pœnarum opponant. Ea autem omnia ad tria capita reduci commode possunt; nam, æternitatem pœnarum primo adversari putant Dei Bonitati, Sapientiæ, atque Providentiæ; secundo Misericordiæ, & Clementiæ; tertio Æquitati, & Justitiæ. Bonitati, Sapientiæ, atque Providentiæ adversari æternitatem pœnarum inde falso arbitrantur, quia huiusmodi Divinorum attributorum proprium esse dicunt, ut creaturæ rationales ad eum finem tandem pertingant, propter quem conditæ fuere, hoc est, ad æternam beatitudinem: Divinæ Clementiæ, quia dum pœna infligitur pro peccatis, emendationem, inquit, peccatoris, non vero ipsam pœnam secundum se ipeccatam, intendere debet: Divinæ Justitiæ demum, atque Æquitati, quia illæ exigunt, ut inter pœnam, & culpam fervetur æqualitas.

Dices ergo ex 1. capite. Finis, quem Deus sibi præstituit quoad rationales creaturas, & ad quem easdem ordinavit, est ipsarum beatitudo, seu perfecta, & æterna felicitas; sed hunc finem sibi præstitutum Deus non assequeretur, & appetitus beatitudinis a Deo naturaliter inditus esset inanis, si impii in æternum pati deberent: ergo quum boni, sapientis, atque providentis gubernatoris sit assequi finem, quem sibi proposuit, & efficere, ut omnia ad eum finem pertingant, quem eisdem constituit; Dei Bonitati, Sapientiæ, & Providentiæ repugnat, ut impii in æternum puniantur (a).

R. dist. ma., & hunc finem Deus sibi præstituit ut assequendum ab hominibus, si recte operentur, con., quavis tandem ratione operentur, ne: „Necesse est igitur (inquit S. Thomas. lib. III. cont. Gent. cap. 1.) , ut „Deus, qui est in se naturaliter perfectus, & omnibus entibus ex sua potestate esse largitur, omnium entium rector exultat, a nullo utique directus: „nec est aliquid, quod ab ejus regimine excusetur: sicut nec est aliquid, quod „ab ipso esse non sortiatur. Est igitur sicut perfectus in essendo, & causando; „ita etiam & in regendo perfectus. Hujus vero regiminis effectus in diversis „apparere diversimode secundum differentiam naturarum. Quædam namque sic „a Deo producta sunt, ut intellectum habentia, ejus similitudinem gerant; & „imaginem representent: unde & ipsa non solum sunt directa, sed & se ipsa „dirigentia secundum proprias actiones in debitum finem: quæ si in sua directione regimini Divino subdantur, ad ultimum finem consequendum ex Divino regimine admittuntur, repelluntur autem, si secus in sua directione processerint. Sane autem illud, considerandum est [uti prosequitur idem „S. Opusc. 2. cap. 172.], quod si est determinata via perveniendi ad aliquem finem, illum finem consequi non possunt, qui per contrariam viam, „incedunt, aut a via recta deficiunt. Non enim sanatur æger, si contrariis „utatur, quæ medicus prohibet, nisi forte per accidens. Est autem determinata via perveniendi ad felicitatem per virtutem. Nec enim consequitur „aliquid suum finem, nisi quod proprium est, bene operando: neque enim „planta fructum faceret, si naturalis operationis modus non servaretur in ipsa: neque cursor perveniret ad bravium, aut miles ad palmam, nisi uteretur „que secundum proprium officium operaretur. Recte autem operari hominem „propriam operationem, est operari ipsum secundum virtutem. Quum igitur „ultimus finis hominis sit vita æterna, non omnes ad eam perveniunt, sed soli „li qui secundum virtutem operantur. Ex quibus hanc argumentationem infero.

Tom. II. V  
(a) Ita argumentatur Auctor Opusculi inscripti: *La Relig. Essential.*

fituo:

fluito. Divinæ Bonitatis, Sapientiæ, atque Providentiæ non minus est omnia in suum finem dirigere, quam constituere modum, & rationem, qua dirigantur: ergo & modum, ac rationem constituere debet: ergo si præter ordinem, & modum semel a se constitutum Deus in finem ultimum aliqua entia dirigeret, præter suum ordinem ageret: ergo quum Deus sua Bonitate, Sapientia, & Providentia constituerit, ut creaturæ rationales ad finem ultimum pertingerent, hac tamen conditione, ut ipsæ, quia liberæ sunt, ad ejusdem consequutionem cooperarentur; profecto præter suam Bonitatem, Sapientiam & Providentiam ageret, saltem prout secundum eas operari consuevit, si ad hunc ultimum finem eas induceret, licet, prout debebant, & poterant, cooperatæ non essent. Tantum ergo abest, ut impiorum æternæ pœnæ Divinæ Bonitati, Sapientiæ, & Providentiæ opponantur, quia propter æternitatem pœnarum impii ad ultimum finem non pertingunt, quin potius si pertingerent, præter consuetum ordinem Divinæ Bonitatis, Sapientiæ, & Providentiæ pertingerent.

Dum ergo impii in æternas pœnas incidunt, ipsi quidem excidunt a suo ultimo fine, a quo se sua voluntate averterunt, quia abusi sunt libero arbitrio, quod eis collatum fuerat tamquam instrumentum ad consequendum ultimum finem: & Deus Bonitatis, Sapientiæ, & Providentiæ suæ finem consequitur etiam in ipsis impiorum pœnis. Nam quia non eum finem sibi proposuit Deus, ut homo absolute æternam beatitudinem consequatur, sed eo modo, quo sapienti Providori, & creaturæ liberæ conveniebat, hoc est per cooperationem, & per bona merita; & quia rursus sua Bonitate non solum hominem aptum beatitudini fecit, sed etiam illius, prout decebat, comparandæ instrumenta dedit, ac præterea propositione pœnarum eo magis excitavit, ut ad beatitudinem obtinendam niteretur, quod ipsum non solum Sapientis, & Justii Providoris, sed etiam Boni fuit: consequitur Deus punitione impiorum eum finem, quem sibi proposuit, eo modo, quo proposuit. Videantur etiam Lemmata 1. 2. & sequentia quæ 4. art. 2.

Esset quidem inane desiderium beatitudinis hominibus inditum, si nemo posset beatitudinem consequi; non autem inane est, si omnes possint consequi, ut quidem possunt [Lemm. 3. art. præced.], & si frustratio hujus desiderii non contingat ex necessitate naturæ, neque ex defectu providentiæ Dei, sed ex voluntaria ejus culpa, cujus desiderium frustratur. Quemadmodum ergo contingit in rebus naturalibus, ut quamvis ad suum finem peculiarem inclinationem habeant, eum tamen aliquæ non assequantur propter aliquod superveniens impedimentum; ita quum pravus usus ipsius libertatis impedimento esse possit, ne homines pertingant ad beatitudinem, quam naturaliter desiderant, mirandum non est, si impii propter pravam usum suæ libertatis beatitudinem revera non consequantur. Deinde hoc desiderium, quod homines ad sui beatitudinem a Deo naturaliter habent, tale non est, ut per se sufficiat ad consequutionem beatitudinis, sed ut per illud ad ea præstanda facilius excitemur, quæ ad consequendam beatitudinem requiruntur.

Cont. Quamvis creaturæ rationales recte agere debeant, ut ad suum finem ultimum revera pertingant; tamen sapientis optimique providoris est, per pœnas ita ad debitum ordinem eas revocare, ut tandem suum finem assequantur: ergo semper verum est, Divinæ Bonitati, Sapientiæ, atque Providentiæ repugnare æternitatem pœnarum.

Hoc

Hoc autem inde quoque confirmatur, quia ex eo quod Deus sua opera uti valde bona semel probaverit, sibi contradiceret, si non efficeret, ut illum finem consequerentur, quem eisdem constituit (a).

R. hoc argumentum Incredulorum totum, quantum est, niti falsæ suppositioni. Supponit enim ultimum finem hominis relate ad ipsum hominem tantummodo spectandum esse, ac non ulterius ad alium finem esse referendum. At enim contra est: nam & ipse homo refertur in Deum tanquam in ultimum omnium finem; unde & finis hominis non solum cum ipsius hominis felicitate, sed etiam, idque multo magis, cum Dei glorificatione, tanquam ultimo omnium finem comparandus est. Pertinet autem ad Dei gloriam, ejusque attributorum magnificationem, ut homo, si bene egerit, beatitudinem consequatur, sin autem male, in supplicium incidat (Lib. 2. quæst. 4. art. 2. lemm. 17.), & recedens ab ordine Divinæ bonitatis incidat in ordinem Divinæ justitiæ; & sic nunquam providentiam Dei frustratur finis tum bonitati ejus, tum justitiæ conveniens, quod est proprium sapientissimi provisoris. Quemadmodum igitur in rebus physicis monstra, si sola spectentur, videntur a naturali suo fine deficere, & tamen quia omnium compositio, & varietas ad pulchritudinem universi refertur, ad universitatis finem conducit; & ideo, uti lib. 1. quæst. 2. art. 1. §. 4. pag. 88. & 89. cum S. Augustino dicebamus „ Qui totum inspicere non potest, tanquam deformitate partis offenditur, quoniam cui congruat, & quo referatur, ignorat „; unde error noster parti adhærens contingit: ita errant Increduli, dum oculos ad altiora non elevantes quærunt rationem finis ultimi in iis, quæ non sunt ultima.

Est autem sapientis optimique provisoris creaturas rationales revocare per pœnas ad debitum ordinem, ut suum finem assequantur, quando id non sit præter ordinem a se sapientissime constitutum, non vero si sit præter talem ordinem. Hic ergo multa eorum recolenda esse arbitror, quæ lib. 2. quæst. 4. art. 2. pluribus lemmatibus contra Bælium disputavimus. Primo itaque illud esse advertendum censeo, Divinæ Sapientiæ, Bonitati, atque Justitiæ quam maxime convenire, ut homo sit liber, atque sui juris, ideoque liberum arbitrium præclarissimum Dei donum esse, quo Divina Bonitas, & Sapientia quam maxime commendatur, sicuti lemm. 3., & 4. jam evicimus. Nihil autem de hujus dignitate doni inde detrahitur, licet homo eodem etiam male uti possit, & quandoque utatur, neque Deum hujusmodi donum hominibus subtrahere debuisset consequitur, quia propter illud multos peccaturos esse prævidit, sicut neque propter peccatum hominum accipi debet occasio accusandæ Divinæ Bonitatis, quemadmodum lemm. 5., & 6. palam fecimus. At vero Divina Bonitas non solum accusari non potest, quamvis aliquos libero arbitrio abusuros, sed etiam si in peccato permansturos esse præviderit, uti ex lemm. 7. constat. Peccata ergo hominum nullo modo Deo imputanda sunt, & ob defectum creaturæ rationalis aliquid vituperii in Deum redundare posse impie quispiam, & contra omnem rationem affirmaverit, sicut manifestum ex iis est, quæ lemm. 8., & 9. differimus. Quapropter semper Deus est laudandus, licet homo peccet, ipsiusque Dei perfectioni, & bonitati nihil derogatur, licet peccata hominum non impediatur, uti ex lemm. 10., & 11. manifeste constat. Malum, itaque creaturæ rationali imputari solummodo debet, neque ex eo quod malum a

V 2

ratio-

(a) Ita prosequitur laudatus Auditor.

rationali creatura committatur, naturam illius malam esse consequitur, quin potius ejus bonitas exinde cognoscitur, neque homo habet, cur de Divina Justitia conqueratur ob ignorantiam, qua detinetur, sicuti lemm. 12., 13., & 15. palam fecimus. Demum esse quemdam statum, in quo homo, si bene agat felicitatem consequatur: si autem male; miseriis ærumnisque obnoxius sit, Divinæ Bonitati Sapientiz, atque Justitiæ non solum non opponitur, sed etiam convenientissimum est, uti lemm. 17. jam evicimus. Ex hisce vero omnibus hanc argumentationem conficimus: quando homo suo libero arbitrio male utitur, suo vitio, atque culpa male utitur, Dei vero Bonitas, & Sapientia semper celebrari debet, sive bene, sive male homo utatur hoc præstantissimo dono, quod Deus ei contulit: allunde vero Divinæ Sapientiz, Bonitati, & Justitiæ quam maxime consentaneum est, quemdam statum esse, in quo homo si bene agat, ad possessionem, & fructum sui ultimi finis pertingat, non pertingat vero, si male agat: ergo eisdem attributis & illud quoque consentaneum est, ut sicut qui libero arbitrio bene utuntur recte se gerunt, ad æternam possessionem ultimi finis admittuntur, sicuti in articulo præcedenti palam fecimus; Ita cum sui cruciati in æternum ab ea excludantur, qui graviter peccant, atque dum vivunt, in peccato persistunt. Præter eum ergo ordinem Deus ageret, qui ejus Divinæ Bonitati, Sapientiz, & Justitiæ quam maxime consentaneus est, si efficeret, ut impii in altera vita ad debitum ordinem per pœnas revocarentur.

Deinde nonne læthalia peccata ex sui natura irreparabilia sunt (Lemm. 5.)? Nonne post læthale peccatum perpetratum quædam macula in anima remanet, quæ non tollitur, nisi voluntas ab eo sese avertat, quod peccando prosequuta fuit, atque ad illud redeat, unde defecit (Lemm. 6.)? Nonne voluntas impiorum post mortem est in ipso malo immutabilis (Lemm. 7.)? Nonne pœnæ reatus ad ipsum peccatum consequitur [Lemm. 8.]? Nonne hic pœnæ reatus, qui ad ipsum peccatum consequitur, & duplex esse debet, alius *damni*, alius vero *sensus* (Lemm. 9.), & uterque ex sui natura æternus est (Lemm. 10.)? Nonne demum læthali peccato debetur æterna pœna, quamvis illud brevi mora temporis commissum fuerit, neque diutius perduraverit (Lemm. 11.)? Hæc, vero omnia simul unita nisi evincant Æquitati, Sapientiz, Justitiæ, atque Providentiæ Dei consentaneum esse, ut impii in altera vita perpetuo puniantur, non video sane quam tandem ratione aliquid evinei certissime possit. Dei vero Bonitas quum ad ea potissimum tendere debeat, quæ ipsius sunt, fieri non potest, ut quod Divinæ Æquitati, Sapientiz, Justitiæ, atque Providentiæ consentaneum est, etiam Bonitati simul non sit. Tantum ergo abest, ut sapientis, optimique provisoris esse debeat, impios in altera vita ad debitum ordinem per pœnas revocare, quin potius hoc ei nullo modo convenit.

Omnia ergo opera Dei bona sunt, quia singula eam perfectionem habent, quæ eisdem convenire debet: inter hæc vero creatura rationalis primum locum tenet, quum anima spiritali prædita sit, qua & intelligere sublimiora possit, & velle præstantiora. Verum si ipsa, quæ turpia sunt, consecratur, suoque libero arbitrio abutatur; quo majus erat bonum, quod consequutura erat, si recte sua ratione usa fuisset, eo quoque majori malo digna sit, & pœna graviore.

Dices ex altero capite. Si reis supplicia diuturniora a Judice inferantur, nemo est, qui eum uti crudelem non habeat. Hac vero de causa carnifices,

& si-



& satellites dum sententiam Judicis exequantur, si forte ob sui officii imperitiam, vel quavis alia ratione, diutius, quam par est, malefactorum torqueant, omnes contra eos irascuntur; negari ergo non potest, quin aeternitas poenarum a Dei Clementia, & Misericordia omnino abhorreat (a). Sane quomodo aeternitas poenarum a Dei Clementia, & Misericordia non abhorreat, si ipsi rationi evidenter contrarietur? num quid tandem de eo principe sentiendum esset, qui, si posset, damnet eos, qui sibi rebelles extiterunt, ad tale vitæ genus, in quo semper inter supplicia perdurarent? anne ejus agendi rationem & irrationabilem, & crudelem etiam esse supra quam excogitari possit, omnes non dicerent? Tandem aeterna supplicia damnatorum cui nam bono deservire possunt? nam si dicatur, quod per ea homines in officio contineantur; tunc Divinæ Omnipotentis injuria infertur, quasi non alia ratione sine tam gravi detrimento aliquorum in officio homines continere posset, & aliunde quoque homo habet, ut secundum prudentiæ regulas recte se gerat, licet ad aeterna supplicia non advertat: si autem dicatur alteram quoque hanc esse rationem, qua homines in officio contineantur; tunc sine ulla necessitate aeternitas suppliciorum constituta esse videtur, quum Sancti hoc incitamento ad bene agendum, non indigeant. Ad nihil ergo proderit poenarum aeternitas: nam illis, qui eam patiuntur, prodesse non potest, quum in suppliciis permanere semper debeant. Quia vero secundum clementiæ leges poenæ, quæ infliguntur, ad emendationem ejus, qui peccavit, infligi debent; consequens inde est, ut si aeternitas poenarum Divinæ Clementiæ non adversetur, nihil sane sit, quod adversari possit (b).

R., hic rursus acutos philosophos cavillando ineptire, qui, dummodo invidiosas res congerant, quæ humanæ sensibilitati, & naturali hominis erga se ipsum amoris blandiantur, de cetero non curant, quantum a rectæ rationis norma longe aberrant. Totum enim hoc Bælii argumentum parim rebus falsis, & a proposito alienis continetur, partim notiones rerum confundit, atque permiscet. Ac primo quidem confundit crudelitatem cum injuria. Nam si judex diuturniorem poenam reo inferat, quam per leges sit constituta tali culpæ, aut quam culpa meretur, injustus erit: crudelis autem tunc habetur, quando in poena justa, & ad legitimam diuturnitatem inferenda adhibet nihilominus severitatem quamdam, & in punitione delinquentium non iustitia ipsa delectatur, sed malo hominis. At si eam poenam & ad tantum tempus inferat, quemadmodum justum est, & ad eam inferendam legem justam sine severitate exequatur, neque aliena miseria barbare delectetur, quis judicem aut injulitiam, aut crudelitatis arguere audebit? An vero hoc quisquam dicit, delectari Deum cruciati impiorum? Itaque S. Gregorius Magnus lib. 34. *Moralium* num. 37. quum eam sibi quæstionem proposuisset: „Iniqui gehennæ ignibus traditi quo sine semper ardebunt? Et quia certum est, quod pius, & Omnipotens Deus non patitur, scitur cruciatibus iniquorum, cur cruciantur miseri, si non expiantur? „ mox ita prosequitur: „ Citius respondemus, inquit, quod omnipotens Deus, qui pius est, miserorum cruciatu non pascitur: quia autem justus est, ab iniquorum ultione in perpetuum non sedatur: sed iniqui omnes aeterno supplicio, & quidem sua iniquitate puniuntur. „ Hic ergo dum quaeritur, an secundum iustitiæ leges aeterna poena impiis debeatur, aliena est a proposito cæcitas crudelitatis.

Alie-

(a) Ita Bælii Tom. 3. Oper. part. 2. *Respons.*  
ad *Quest. d. un Provincial* par. 2. cap. 178.

(b) Ita Bælii prosequitur laudate *cap.*  
& cap. 27.

Aliena quoque est commemoratio carnificis ob imperitiam, aut negligentiam lente reum perimentis. Iusta enim rei poena est mors: unde contra carnifices, aliosque humanarum iustitiarum exequutores merito omnes irascuntur, si diutius, quam par est, reum torqueant; quum non spectet ad eos supplicii gravitatem augere, sed servare ipsi debeant, quod sibi a iudice praescriptum est.

Quare, omissis his cavillationibus Bælii, quæ ad propositum non pertinent, ad rem ipsam veniamus, quæ in eo versatur, an diuturnitas poenæ rectè rationi conveniat, aut non conveniat. Ac sine supplicia graviora, etiam spectata diuturnitate poenæ, secundum humanas leges iis inferre homines consuevere, qui gravius peccaverunt (a). Hinc est, ut tunc tantum Iudices nimis severitatis rei sint, & habeantur, si gravius, quam par est, etiam si solius diuturnitatis ipsius poenæ ratio habeatur, reos esse puniendos decreverint. Quid vero malitiæ lathale peccatum in se contineat, modo videamus, ut ex hoc quoque capite perfectum esse possit, quam diuturnitate poenæ puniri debeat. Quamvis ergo per peccatum Deo nullum detrimentum inferatur, ipse tamen offenditur (Lemm. 2.): Offensa autem, quam Deus ex lathali peccato accipit, maxima est, & supra quam excogitari possit, ei injuriosa. Nam per peccatum mortale ipse homo, quum id non possit, nullum quidem detrimentum Deo infert; attamen, Deo ipso, a quo omnia habet, & cui cuncta debet, per summam injuriam contempto, ad creata sese convertit, tota sua voluntate iis adhæret, ea consecratur, atque pro suo ultimo fine habet [Lemm. 4.]. Omnino ergo præponit rem creatam suo creatori, bonum finitum infinito, æternum brevi tempore perituro, undequaque perfectum, atque bonum, quodque per suam essentiam tale est, valde imperfecto, atque habenti parum bonitatis, & illud quidem per participationem. Si autem bonum infinitum non sine maxima ipsius infiniti boni injuria cum bono finito comparatur, quamnam tandem injuria huic infinito bono irrogabitur, si finitum ei omnino præponatur, & per summum contemptum eo neglecto, in finito bono finis ultimus reponatur? Hæc vero injuria, quæ ab ipso infinito bono accipitur, magis magnisque semper augeatur, si qui bonum finitum tam turpiter, atque irrationabiliter ei præponit, ab ipso infinito bono omnia habeat, cuncta ei prorsus debeat, ei addictus consecratusque esse oporteat tum quoad ea, quæ sunt animi, tum quoad cetera omnia, quæ sunt corporis, atque ab eo tandem nihil boni expectare non possit, si quæ debet, ipse præstiterit. Ita vero se gerit, hac ratione per summum contemptum contra Deum agit, qui lathaliter peccat. Si ergo gravitati criminis diuturnitas poenæ respondere debet, quum lathalis peccati gravitas talis sit, ut ea nulla major excogitari possit, etiam poenæ diuturnitas talis esse debet, ut ea nulla major excogitari possit; sed poenæ diuturnitas, qua nulla major excogitari potest, nullum omnino finem habet: ergo si ratio habeatur ipsius gravitatis, quæ in lathali peccato inest, eam perpetuam esse debere, ipsa ratio suadet (b).

Dein-

(a) In poenis; quæ per homines indignantur, id semper servatum videmus, ut peccati gravitas vel poena diuturniori puniatur, vel si poena non sit diuturnior, quantum de illius diuturnitate detrahitur, tantum majoris afflictionis, seu jacturæ augeatur.

(b) Et sane quidem poenæ gravitas gra-

vitati culpæ proportionata esse debet, & in hac proportionis recta ratio iustitiæ vindictivæ consistit; gravitas autem poenæ non solum ex qualitate supplicii, sed etiam ex diuturnitate æstimanda est. Hinc est, quod per leges humanas aliquibus criminibus diuturniores, aliquibus autem breviores poenæ de-

ce-

Deinde nonne post lathale peccatum perpetratum quædam macula in anima remanet, quæ nunquam tollitur, nisi voluntas ab eo sese avertat, quod peccando prosequuta fuit, atque ad illud redeat, unde defecit (Lemm. 6.) ? Nonne hæc macula nunc contracta ab impiis, & cum ea ex hac vita decedentes nunquam fiet, ut in altera eluatur, quia voluntas eorum est in ipso malo immutabilis [Lemm. 7.] ? Quum ergo macula contracta insidiat poenæ causa sit, quoad usque illa perseverat, illa quoque perseverare debet.

Postremo duplex poena post lathale peccatum perpetratum luenda superest: alia, quæ *damni*, alia, quæ poena *sensus* appellari consuevit [Lemm. 9.], utrumque autem poenæ genus ex sui natura æternum esse debet [Lemm. 10.], quamvis peccatum brevi mora temporis commissum fuerit [Lemm. 11.] Poenarum ergo æternitas, qua impii in altera vita puniantur, tantum abest, ut ipsius peccati habita ratione, contineat aliquid, quod repugnet, quin potius lathali peccato eam deberi, nimis multa suadeant.

At vero quoniam Bælius de Misericordia, & Clementia Dei pugnat, modo videamus, quandonam misericordiæ, & clementiæ consentaneum sit, ut admissa crimina tum quoad culpam, tum quoad poenam eis debitam remittantur, quando vero non sit. „ Misericordia (desiniente Sancto Augustino lib. 9. de *Civitate Dei* cap. 5.) est alienæ miseriæ in nostro corde compassio, qua uti-  
„ que, si possumus, subvenire compellimur „. Unde S. Thomas 2. 2. quæst. 30. art. 2. „ Ex hoc contingit, *inquie*, quod aliquis misericorditer, ex quo con-  
„ tingit, quod de miseria aliena doleat. Quia autem tristitia, seu dolor est  
„ de proprio malo, in tantum aliquis de miseria aliena tristatur, aut dolet, in  
„ quantum miseriam alienam apprehendit ut suam. Hoc autem contingit du-  
„ pliciter. Uno modo secundum unionem affectus, quod fit per amorem.  
„ Quia enim amans reputat amicum tamquam se ipsum, malum ipsius reputat  
„ tamquam suum malum; & ideo dolet de malo amici, sicut de suo...  
„ Alio modo contingit secundum unionem realem, utpote quum malum ali-  
„ quorum propinquum est, ut ab eis ad nos transeat „. Secundum istam vero  
rationem Deus erga nos misericordia non utitur, quia de nullo sibi imminen-  
te malo timere potest; utitur tamen secundum alteram, ut tradit idem S. Do-  
ctor citato art. ad 2., *In quantum amat nos tamquam aliquid sui*. Hoc semel  
constituto, ita contra Bælium argumentor. Misericordia in Deo erga nos est  
propter amorem, quem erga nos habet: ergo ut Deus misericordia non utatur  
erga impios, postquam ex hac vita in sua impietate decesserunt, rationi,  
&

cernuntur, ut quum ad triremes, aut car-  
ceres alii ad triennium, alii ad quinquen-  
nium, alii ad decennium &c. damnantur;  
itemque alii temporario exilio, alii perpe-  
tuo puniantur. Jam vero is, qui graviter pec-  
cat, quantum in se est, rationem ultimi fi-  
nis Deo detrahit, & in creatura ponit, si-  
cuti jam animadvertimus; hoc est creatorem  
creaturæ posponit, bono finito insinuat,  
brevis duratur æternum; in qua ordinis perver-  
sione, sive ipsa in se spectetur, quæ totam  
evertit rerum naturam, sive spectetur inja-  
ria ipsi infinito bono inde irrogata, tam gra-  
vis culpa est, ut ei condignæ eluendæ im-

par sit omnis poena particularis creaturæ, e-  
tiamsi tandiu eam poenam ferat, quandiu  
esse perseveraverit. Quumque anima homi-  
nis ex sui natura facta sit ad æternitatem,  
consequens est, ut in æternum ferre debeat  
impietatis poenam, & nihilominus condigne  
non eluet impietatis culpam: tantum abest,  
ut poenæ æternitatis ejus reatus proportionem  
excedat. Iusta ergo est & in humanis legi-  
bus diuturnioris poenæ irrogatio, & poena  
capitalis pro graviorebus criminibus; & ju-  
stissima poenarum æternitas impiis in futuro  
vixæ statæ reservata.

& æquitati consentaneum est. Prob. con. Peccatum est revera offensâ Dei, atque ipsi displicet (Lemm.3. & 3.): ita vero offenditur Deus peccatis impiorum, propter quæ in altera vita puniuntur, ut res creata ei omnino prapropatur, habeaturque pro ultimo fine (Lemm.4.): inde vero est, ut talia peccata & ex sui natura irreparabilia sint (Lemm.5.), & macula quædam ad ea consequatur, quæ in anima remanet, quoadusque ab eo sese non avertat, quod peccando prosequuta fuit, atque ad illud redeat, unde defecit [Lemm.6.]: quod sane post hanc vitam impii facere non possunt, quia voluntas eorum est in ipso malo immutabilis [Lemm.7.]. Si ergo æquitati, & rationi consentaneum est, ut Deus illos non amet, qui sibi gravissimam injuriam intulerunt, propter quam licet & irreparabiliter, si ea in se ipsa spectetur, lapsi sint, & maculam contraxerint nunquam eluendam, quousque ab eo non recesserint, quod peccando prosequuti fuere, & ad illud redierint, unde defecerunt, tamen nunquam ab eo se avertent, quod peccato prosequuti fuere, atque ad illud redibunt, unde defecerunt, quia suam voluntatem ad malum conversam immutabiliter habent: ergo æquitati quoque, & rationi consentaneum esse debet, ut Deus erga illos misericordia non utatur, quia Dei misericordia posita est in amore, quo nos complectitur: ergo quum sit talis conditio impiorum post hanc vitam, æquitati, & rationi consentaneum est, ut erga eos sua misericordia Deus non utatur: ergo quum peccatum eorum quoad utrumque pænæ genus, quod meretur, in æternum puniri debeat (Lemm.9. & 10.), consequens inde est, ut secundum leges æquitatis, atque rectæ rationis in æternum absque ulla misericordia puniantur. Talis ergo est status impiorum in altera vita, ut & nullus in eo Divinæ misericordiæ locus esse, & Divina justitia dominari debeat. „Nos autem perveritate nostra (inquit S. Augustinus *serm.* 23. num. 5. de 24. ver. „ Psalmi 71.) sic volumus Deum misericordem, ut non sit justus. Alii rursus „ quasi præfidentes de justitia sua, sic volunt justum, ut nolint misericordem. „ Utrumque se exhibet Deus, utrumque præstat, nec misericordia ejus præscribit justitiæ, nec justitia ejus aufert misericordiam. Misericors, & justus „ est. Unde misericordiam probamus? Parcit modo peccatoribus, dat veniam „ contentibus. Unde probamus, quod justus est? Quia venturus est dies „ iudicii, quem modo differt, non aufert; & quum venerit, redditurus est pro „ meritis „. Hinc etiam recte idem S. Doctor in *Joannis* cap. 8. *Traita* 36. num. 4. „ Nullus ergo nobis, inquit, contra fidem, quam tenemus, & annuntiamus de judice Christo, scrupulus dubitationis in corde remaneat. Venit „ Christus, sed primo salvare, postea judicare, eos judicando in pœnam, qui „ salvari noluerunt; eos perducendo ad vitam, qui credendo salutem non respuerunt „.

Quod autem de misericordia diximus, idem etiam de clementia dici debet. Nam, quomodum tradit S. Thomas 2. 2. quæst. 157. art. 1., clementiæ proprium est, quod per eam pænæ diminuantur. „ Ex hoc autem (inquit „ S. Doctor citato art. ad 1.) quod aliquis amat aliquem provenit, quod non „ placet ei per se pœna ejus, sed solum in ordine ad aliud, puta ad justitiam, „ vel ad correctionem ejus, qui punitur. Et ideo ex amore provenit, quod „ aliquis sit promptus ad diminuendum pœnas; quod pertinet ad clementiam. „ Quum ergo æquitati, & rationi consonum sit, ut Deus in altera vita non amet impios, qui ex hac vita cum sua impietate decesserunt, sicut ex iis constat,

stat, quæ usque modo differuimus; etiam æquitati, & rationi consonum esse debet, ut nullam clementiam erga illos adhibeat, neque remittat eis aliquam pœnam, quod propter sua scelera pati meruerunt. Nam ex eo quod clementia fundetur in amore, semel ac nullus amoris locus esse debet, neque etiam clementiæ esse potest. Futurum ergo non esse, ut impij æterna mala in altera vita sustineant, frustra Bælius sibi blanditur, & ad Dei Misericordiam, atque Clementiam inepte, & præter omnem rationem recurrit, atque per summam impietatem justitiæ attributum Deo detrahit, quod infinitæ ejus, & perfectissimæ, ac supremæ naturæ non minus proprium est, quam attributum misericordiæ: & ipse, qui inter homines principem merito vituperaret, qui mala subditorum merita nunquam plecteret, eumque non clementem, sed dissolutum reputaret; tamen non intelligit, se Deum talem facere, quum vult, ut commeritis æternas pœnas propter misericordiam nunquam æternas inferat (a).

Neque tamen mirum est, hunc pœnarum diuturnarum, atque æternarum justitiam duriorem videri, si humanis sensibus, & ex nostro ipsorum naturali amore æstimetur, quo quisque naturaliter abhorret ab omni eo, quod molestiam auget, & præsertim quum sensus limitatos opprimat imaginatio supplicij illimitati, & sine fine duraturi: sed justitiæ ratio non sensibus, sed rationis judicio æstimari debet. Sed pœna æterna ideo dura, & injusta sensibus videtur, humanis (inquit S. Augustinus lib. 21. de Civit. Dei cap. 12.) quia in hac infirmitate moribundorum sensuum deest ille sensus altissimæ purissimæque sapientiæ, quo sentiri possit in illa prima prævaricatione (in quolibet læthali peccato nos dicere possumus) quid commissum sit. Quanto enim homo magis fruebatur Deo, tanto majore impietate dereliquit Deum, & factus est, malo dignus æterno, qui hoc in se premit bonum, quod esse posset æternum. His vero si alia quoque omnia adjiciantur, propter quæ gravi peccato æternam deberi pœnam jam demonstravimus, rationi uniuscujusque, si tamen ea recte uti velit, omnino compertum esse poterit, gravia peccata æternis esse puniendi suppliciis.

Inepte autem Bælius opponit exemplum Principis, qui reos læsæ majestatis ad perpetua supplicia non sine summa crudelitate damnaret, si huc usque potentia ejus extendi posset. Quibus enim rationibus evincitur, peccato contra Deum admissio deberi pœnam æternam, iisdem quoque concluditur tale esse non posse quodvis crimen, si ea tantum ratione spectetur, quod contra homines admit-

Tom. II.

X

tatur,

(a) Recte autem observavit S. Thomas in 4. sentent. distinct. 46. quæst. 3. art. 3. ad 1. Quod Deus, quantum in ipso est, miseretur omnibus, sed quia ejus misericordia sapientiæ ordine regulatur, inde est, quod ad quosdam non se extendit, qui se fecerunt misericordiam indignos, sicuti dicitur mones, & damnati, qui sunt in malicia obstinati. Tamen potest dici, quod in eis misericordia etiam locum habet, in quantum circa condignum puniuntur, non quod a pœna totaliter absolvantur. Idem.

statuit S. Doctor etiam 1. part. quæst. 21. art. 3. ad 1. Dicendum, inquit, quod quædam opera attribuuntur justitiæ, & quædam misericordię: quia in quibusdam vehementius apparet justitia, in quibusdam misericordia. Et tamen in damnatione reprobis apparet misericordia, non quidem vocaliter relaxans, sed aliquid allevians, dum punit circa condignum. Et in justificatione impii apparet justitia, dum colapas relaxat propter dilectionem, quam tamen ipse misericorditer infundit.

tatur. (a) Neque enim tunc per peccatum æterno bono privamur, neque ab ultimo fine avertimur, neque ipsum in se habet, quod non reparabile sit, neque demum bono infinito adversatur. Hinc vero est, ut crudelis ille Princeps habeatur, & quidem jure merito habeatur, qui, si posset, sibi rebelles ad tale vitæ genus damnaret, in quo perpetuo cruciarentur.

Verum enimvero supplicia, quæ per homines inferuntur, & æterna non sunt, quia talia esse non possunt, & quamdam nihilominus in se æternitatem habent. Hinc S. Augustinus lib. 21. de *Civit. Dei* cap. 11. postquam demonstravit, etiam pœnam, quæ per homines in hac vita iis inferitur, qui male egerunt, quoad diuturnitatem temporis cum admisso peccato comparari non posse, ita concludit: „ Ideo quippe æterna esse non possunt [ hoc est damnum, ignominia, exilium, servitus ] quia nec ipsa vita, quæ his plectitur, porrigitur in æternum: & tamen peccata, quæ vindicantur longissimi temporis pœnis, brevissimo tempore perpetrantur, nec quispiam exiit, qui conferet tam cito nocentium facienda esse tormenta, quam cito factum est vel homicidium, vel adulterium, vel sacrilegium, vel quodlibet aliud scelus, non temporis longitudine, sed iniquitatis, & impietatis magnitudine metiendum. Qui vero pro aliquo grandi crimine morte multatur, nunquid mora, qua occiditur, quæ perbrevis est, ejus supplicium leges æstimant, & non quod eum in sempiternum auferunt de societate viventium? Quod est autem de ista civitate mortali homines supplicio primæ mortis, hoc est de civitate illa immortalis homines supplicio secundæ mortis auferre. Sicut enim non efficiunt leges hujus civitatis, ut in eam quisque revocetur occisus; sic nec illius, ut in vitam revocetur æternam secunda morte damnatus. „

Quando autem Belius quærit, quamnam ob utilitatem impiis æternæ pœnæ sint inferendæ; primum quidem falso supponit, nullas infligendas esse pœnas male meritis, nisi ad correctionem solum, non autem ad justam male factorum vindictam, & ad Divinæ justitiæ manifestationem; perinde quasi homo esset ultimus finis sui ipsius, ac non potius ad Dei gloriam referretur, cuius iustitia, & sapientia in eo elucet, quod & hominem bene, & male merendi capacem fecit, & prout bene, vel male gesserit, ita ei retribuit. Verum, enim vero sua quoque est utilitas in æternitate pœnarum, quas impii in altera vita sustinebunt, sicuti observavit S. Thomas in *supplem.* 3. part. quæ. 99. art. 1. ad 3., & 4.: „ Ad tertium dicendum, *inquit*, quod pœnæ, quæ infliguntur his, qui a civitatis societate non penitus efficiuntur, sunt ad correctionem. eorum ordinatæ: sed illæ pœnæ, per quas aliqui totaliter a civitatis societate exterminantur, non sunt ad correctionem eorum; possunt tamen esse ad correctionem, & tranquillitatem aliorum, qui in civitate remanent: & ita damnatio impiorum est ad correctionem eorum, qui nunc sunt in Ecclesia. Non enim pœnæ sunt ad correctionem solum, quando infliguntur, sed etiam quando determinantur. Ad quartum dicendum, quod impiorum pœnæ in perpetuum duraturæ non erunt omnino inutiles. Utiles enim erunt ad duo. Primo ad hoc, quod in eis Divina iustitia conservatur, quæ est Deo accepta propter se ipsam... Secundo ad hoc sunt utiles, ut de his electi gaudeant,

(a) Quamvis fieri non possit, quin si aliquis peccet contra homines, simul etiam peccet contra Deum; tamen peccatum in-

civili republica ea tantum ratione consideratur, quatenus per illud injuria inferatur hominibus.

„ deant, dum in his Dei iustitiam contemplantur, & dum cognoscunt se eva-  
 „ sisse „. Hinc etiam S. Gregorius lib. 34. *Moralium* num. 37. „ Sed iniqui,  
 „ inquit, omnes aeterno supplicio, & quidem sua iniquitate puniuntur; & ta-  
 „ men ad aliquod concremantur, scilicet ut iusti omnes & in Deo videant gau-  
 „ dia, quæ percipiunt, & in istis respiciant supplicia, quæ evaserunt: ut tan-  
 „ to in aeternum magis Divinæ gratiæ debitores se esse cognoscant, quanto in  
 „ aeternum mala puniri conspiciunt, quæ ejus adjutorio vitare potuerunt „.

Poteit vero Deus in officio continere homines, etiam æternitatem pœ-  
 narum eis non proponat: sicuti etiam quis secundum prudentiæ leges recte age-  
 re poteit, nulla etiam habita ratione æternitatis pœnarum. At id unum inde  
 consequitur, necesse non esse aliquos ea de causa in aeternum puniri, ut alii  
 bene agendi occasione inde accipiant. Verum negari non poteit propter æ-  
 ternitatem suppliciorum homines a male agendo deterri, ne in illam aliquan-  
 do incurrant, & æterna supplicia non ea tantum de causa impiis esse consti-  
 tuta, ut alii a male agendo retrahantur.

At illud quoque nunc inquiremus, quando nam tandem pœnæ ad corre-  
 ctionem infligi debeant. Profecto tunc solum pœnæ ad correctionem infligun-  
 tur, quando in eo, qui peccavit, pœnitentiæ locus esse poteit: atqui in dam-  
 natis nullus pœnitentiæ locus esse poteit: ergo. „ Sicut boni [ inquit S. Tho-  
 „ mas lib. IV. *cont. Gent.* cap. 93. num. 4. ] in carne viventes omnium suorum  
 „ operum, & desideriorum finem constituunt in Deo; ita mali in aliquo in-  
 „ debito fine avertente eos a Deo; sed animæ separatæ bonorum immobili-  
 „ ter inharrebunt fini, quem in hac vita sibi præstituerunt, scilicet Deo; er-  
 „ go & animæ malorum immobiliter inharrebunt fini, quem sibi elegerunt;  
 „ sicut igitur bonorum voluntas non poterit fieri mala; ita nec malorum po-  
 „ terit fieri bona „. Et re quidem vera, uti prosequitur idem S. Doctor quæ. 24.  
*De Verit.* art. 10. „ Iustum est enim, ut qui bene velle, dum possent, nolue-  
 „ runt, ad hanc miseriæ deducantur, ut bene velle omnino non possint „. Hinc  
 „ est, ut Divinæ Bonitati, Sapientiæ, & Iustitiæ consentaneum sit, quemadmo-  
 „ dum alias demonstravimus, alterum superesse vitæ statum, in quo iusti æterna  
 „ præmia, impii autem æterna mala recipiant. (v)

Dices ex Tertio cap. Pœna culpæ proportionata esse debet; atqui nulla  
 proportio esse poteit inter culpam momentaneam, & pœnam sempiternam: er-  
 go nihil magis Dei æquitati repugnat, quam ut gravia peccata sempiterna pœ-  
 na puniantur. (b)

R. dil. ma., quoad durationem temporis, ne., quoad culpæ, & pœnæ  
 gravitatem, con. „ Injustum putant (*Inideles*) ( inquit S. Augustinus lib. 2. 1. *de*  
 „ *Civit. Dei* cap. 11. ) ut pro peccatis quamlibet magnis, parvo scilicet tem-  
 „ pore perpetratis, pœna quisque damnetur æterna: quasi ullius id urquam  
 „ iustitiæ legis attendat, ut tanta mora temporis quisque puniatur, quanta mo-  
 „ ra temporis, unde puniretur, admisit. Octo genera pœnarum in legibus  
 „ X 2 „ esse

(2) Quæ Lemmate 5. & sequentibus  
 uberius, & copiose disputavimus, nullum  
 in damnatis pœnitentiæ locum esse posse, evi-  
 dens evincunt. Quæ quidem, ne actum  
 agamus, hic repetenda non esse duximus.  
 Ex his quidem magis magisque semper con-

stat, quod modo volumus; hoc est, in æ-  
 tera vita infligi non debere pœnas ad cor-  
 rectionem, quia nullus pœnitentiæ locus in  
 ea esse poteit.

(b) Ita Auctor Opusculi inscripti: *Le-  
 Religion. Essentiel.*

esse scribit Tullius : *damnum* , *vincula* , *verbera* , *rationem* , *ignominiam* , *exilium* , *mortem* , *servitutem* . Quid horum est , quod in breve tempus pro cuiusque peccati celeritate coarctetur , ut tanta vindicetur mora , quanta deprehenditur perpetratum , nisi forte Talio ? Id enim agit . Unde illud est legis : *oculum pro oculo* , *dentem pro dente* . Fieri enim potest , ut tam brevi tempore quisque amittat oculum severitate pœnæ , quam tulit ipse alteri improbitate peccati . Porro autem si alienæ fœminæ osculum inhiatum rationis sit verberare vindicare , nonne qui illud puncto temporis fecerit , incomparabili horarum spatio verberatur , & suavitas voluptatis exiguae diuturno dolore punitur ? Quid in *vinculis* nunquid tandiu quisque iudicandus est esse debere , quandiu fecit , unde meruit alligari , quum iustissime annosas pœnas servus in compedibus pendat , qui verbo , aut ictu celerrime transeunte , vel laceravit Dominum , vel plagavit ? Jam vero *damnum* , *ignominia* , *exilium* , *servitus* , quum plerumque sic infliguntur , ut nulla venia relaxentur , nonne pro huius vitæ modo similia pœnis videntur æternis , ? Hinc etiam S. Thomas 1. 2. qu. 87. art. 3. , Dicendum , *inquit* , quod pœna peccato proportionatur secundum acerbitatem tam in iudicio Divino , quam in humano . Sed . . . in nullo iudicio requiritur , ut pœna adæquetur culpæ secundum durationem . Non enim quia adulterium , vel homicidium in momento committitur , propter hoc momentanea pœna punitur : sed quandoque quidem perpetuo carcere , vel exilio , quandoque etiam morte : in qua non consistat occisionis mora , sed potius quod in perpetuum auferatur a societate viventium : & sic repræsentat suo modo æternitatem pœnæ iustitiæ divinitus .

At inquit ( ita impii apud S. Gregorium Magnum lib. 34. *Moral.* n. 36. ) sine fine puniri non debet culpa cum fine . Iustus nimirum est Omnipotens Deus , & quod non æterno peccato commissum est , æterno non debet puniri tormento . Quibus citius respondemus , quod recte dicerent , si Iudex iustus districtusque veniens non corda hominum , sed facta pensaret . Iniqui enim ideo cum fine deliquerunt , quia cum fine vixerunt . Voluissent quippe sine fine vivere , ut sine fine potuissent in iniquitatibus permanere . Nec magis appetunt peccare , quam vivere : & ideo hic semper vivere cupiunt , ut nunquam desinant peccare , quum vivunt . Ad districti ergo iudicis iustitiam pertinet , ut nunquam careant supplicio , quorum mens in hac vita nunquam voluit carere peccato : & nullus detur iniquo terminus ultionis , quia quandiu valuit habere , noluit terminum criminis .

Hinc rursus S. Thomas , sicuti supra jam observavimus [a] , Ex hoc ipso , *inquit* , quod mortaliter peccat , finem suum in creatura constituit , & quia ad finem vitæ tota vita ordinatur ; ideo ex hoc ipso totam vitam suam ordinat ad peccatum , & vellet in peccato manere , si hoc sibi esset impune . Et re quidem veræ , quum , uti supra dicebamus (b) , Deus sit infinite intelligens , inspicit corda hominum eorumque voluntatis determinationes cognoscit ; adeoque quum tum interius , tum exterius ei subiecti esse debeamus , voluntatem

(a) Vide quæ lemmate 11. huius articuli differunt de pœnis æternis , quæ lætali peccato debentur , quamvis illud brevi mora temporis commissum fuerit , neque

diutius perduraverit . In eo enim data opera huic difficultati Incredulorum occurrendum esse putavimus .

(b) Consulto citatum lemma ,



tem faciendi pro facto reputat. Is autem, qui finem ultimum in re creata constituit, re creata frui in æternum vellet, quia finis ultimus in æternum possidetur. Quapropter quamvis peccatum grave in se spectatum æternum esse non possit; quia tamen si spectetur in mente, & voluntate peccantis, est æternum; & Deus non minus videt mentem, & voluntatem hominis, quam eorum opera exteriora; ideo pœna æterna cum gravi peccato etiam quoad durationem habet certam proportionem.

Alias rationes, ob quas gravi peccato debetur pœna æterna, quum supra exposuerimus, nihil opus est hic repetere; satisque est animadvertere, eorum rationum vim non minui ex capite peccati brevi mora commissi, quia, ut diximus, peccati gravitas ex Dei offensi injuriæ magnitudine exillimanda est.

Cont. Quamvis etiam per humanas leges peccatum admissum in instanti, aut intra breve spatium temporis æterna jactura donorum, libertatis, & vitæ puniatur; tamen magistatus, qui reos puniunt, omni voluptate ita eos spoliare non intendunt, ut & nullum solatium habere, & multa mala perpeti etiam in eo statu velint, quem rei subire coguntur: exemplum ergo, quod ducitur ab humanis legibus, quamvis aliqua ratione evincat peccatum æterna pœna damni, aut annihilatione esse puniendum, non tamen æterna pœna sensus; ergo hæc saltem pœna Divinæ justitiæ adversatur.

At vero illud quoque observari debet, rationem, qua occiditur homicida, & falsario manus detrancatur, æternis suppliciis, quæ a Deo inferuntur, uniformem esse inde falso affirmari, quia Judices neque hominem suspensum in vitam revocant, neque falsario manuum restitunt, sed illum vitam, illum manu perpetuo delitutum relinquunt: nam id tantum ex hoc evinci potest, homines destruendos quidem, non vero in æternum esse puniendos. Deinde Judices non impediunt, ne falsarius id conquirit, & assequatur, ex quo felix, sicut antea, esse possit; damnato autem ad mortem aliquid boni curare non omittunt. Postremo si vitam suspensio, falsario autem manuum restituere, posset, quis affirmaverit id non esse facturos? Profecto post aliquid temporis hoc eis beneficium esse præstituros probabiliter conjici debet: semper ergo conilat æternitatem pœnarum Divinæ justitiæ consentaneam esse non posse (a).

R. hac in re distingui oportere: si enim sermo sit de suppliciis, quæ infliguntur ab hominibus in pœnam alicujus criminis, quatenus contra commune bonum, aut societatem hominum commissum est; tunc ob rationem peculiaris maximum discrimen intercedere debet inter pœnas, quæ infliguntur ab hominibus, & inter eas, quæ infliguntur a Deo. Nam ad puniendam injuriam, quatenus irrogata est contra bonum finitum, tunc humanæ leges pœnas constitutuere debent; ad puniendam vero injuriam, quatenus irrogata est contra bonum infinitum, Divinæ leges crimina puniunt: si autem pœna reatui respondere debet, infinitam differentiam interesse oportet inter pœnam, qua peccatum punitur, quatenus contra homines admissum est, & inter pœnam, qua punitur peccatum, quatenus est injuria Dei. Quapropter licet Judices pro peccato, quatenus cedit in injuriam hominum, infinita mala inferre possent, tamen non deberent, quia offensa per hujusmodi peccatum illata semper finita est.

Si autem sermo sit de pœnis, quæ inferuntur ab hominibus pro aliquo crimine

(a) Ita Basilii Tom. 3. Oper. par. 2. *Quest. d'un Provincial*, par. 2. ch. 176., & 178.

mine, quatenus contra Deum admissum est; tunc quidem, ipsius criminis habita ratione, etiam per leges humanas gravius, atque severius impij plebji deberat: verum semper aliquis misericordiæ relinquitur locus, tum quia qui nunc temporis puniuntur, ob acerbitem pœnarum de admissis sceleribus pœnitere possunt: tum quia sicuti nunc perfectum virtuti præmium; ita etiam pœna, quæ deberetur, peccato non rependitur; tum demum quia licet per humanas leges aliqua scelera puniantur etiam quatenus ea sunt contra Deum, tamen & pœna earum ad corpus tantum extendi potest, & potissimum puniuntur, quatenus humanæ societati officiunt, & adversantur, ideoque per eas Divino iudicio ex pœnæ infligendæ relinquuntur, quæ respondeant gravitati culparum, quatenus contra Deum commissæ sunt.

Illud quoque advertatur oportet, humanæ iustitiæ vim infinitam esse non posse, & homines, qui alios puniunt, homines se esse recordari debere, & in aliorum iusta punishmente suam ipsorum debilitatem meminisse. Quibus omnibus si illud quoque adjiciatur, ab hominibus nonnisi malas actiones puniri, ad Deum autem pertinere, ut puniat etiam voluntatis malitiam, & perversitatem, semper magis magisque perspicuum erit, quam inepte Bælius contendat, unam eandemque rationem in puniendis reatibus tum a Deo, tum ab hominibus servari debere.

Attamen aliqua genera pœnarum, quæ a Iudicibus inferuntur, & quatenus contra Deum, & quatenus contra humanam Societatem commissæ sunt, quamdam in se perpetuitatem habere, hoc vero est, quod modo volumus: nam „ Quod pœna, quam civitas mundana infligit, perpetua non reputatur (sicuti recte observat S. Thomas in Supplem. 3. par. qu. 99. art. 1.), hoc est „ per accidens, vel in quantum homo perpetuo non manet, vel in quantum etiam ipsa civitas deficit. Unde si homo in perpetuum viveret, pœna existeret, vel servitutis, quæ per legem humanam inferitur, in eo perpetuo maneret. Ratio autem, quæ ex pœnis, quæ inferuntur ab hominibus, æternitas pœnarum a Deo infligendarum evincitur, in eo posita est, ut sicut Iudices eo bono, quo nocentes privandos esse ducunt, in æternum, & quidem secundum iustitiæ leges privant; ita etiam Deus secundum iustitiæ leges impios privat æterno bono, quod suis peccatis ipsi contempserunt. Quare sicut peccatum licet momento, aut brevi spatio temporis committatur, etsi etiam sit contra bonum finitum; hoc est, contra bonum societatis, & quatenus tale est, puniatur ab hominibus; tamen id non obstat, quin etiam per leges humanas in æternum, prout per eas fieri potest, plebatur; ita etiam obstat non debet, quin Deus, qui malum simpliciter æternum inducere potest, in pœnam peccati, quod contra se, qui est infinitum bonum, admissum fuit, revera inducat.

In eo quoque fallitur Bælius, quod contendit ab exemplo pœnarum, quæ insiguntur ab hominibus, æternam pœnam damni inferri solummodo posse, non vero sensus, aut solam annihilationem inde esse deducendam. Nam si per sententiam Iudicis reus suspendatur, non solum vitam amittit, omniaque bona, quibus antea fruebatur, sed etiam & ante amissionem ipsius vitæ, & in amissione illius multa gravia corporalia mala sustinere debet. Fallitur, quoniam hoc exemplo Bælius sæpe utitur, non solum manu privatur, sed etiam dum privatur, gravissimum dolorem sustinere debet: qui vero e civitate eji-

eiciuntur, non solum carere debent ea delectatione, quæ ex consorcio suorum, & patriæ charitate gaudebant, sed etiam simul etiam sensu dolent, & contristantur, & a sua civitate ejecti multa quoque mala in corpore pati debent, præsertim quando in exilium mittuntur in loca insalubria, & misera: & hoc vero est, quod etiam a Iudice intenditur. Ceterum si in exilio fiat, ut prospere se habeant, id per accidens contingit, ac præter intentionem Iudicis, ad quem pertinet eicere reum ex patria, non autem pertinet, æquid in alieno solo reus agat; tum quia hominum potestas certis legum, & ditionis limitibus definitur, extra quos non porrigitur, & iudices communis ditionis oblivisci non debent: contra Deo regula suæ iustitiæ est sua ipsius Sapientia, quæ est infinita, ipsaque ejus iustitia nullis neque locorum, neque temporum finibus limitatur, & in malitia obtinatos tanto iustius æternis suppliciis punit, quanto in infinitum maxima est ejus dignitas, quam impii peccando offenderunt. Verum adhuc paucioribus, quod volumus. Nulla est poena per Iudices inflicta malefactoribus, quæ sensibilem quoque dolorem secum non afferat; immo hoc quoque poenæ genus a Iudice ita peculiariter intenditur, ut iis eos magis torqueri velit, qui gravius peccaverunt: ergo etiam si poenarum, quæ infliguntur ab hominibus, ratio habeatur, conitat impios etiam poena sensus a Deo esse puniendos. Non solum autem ex hoc capite, sed etiam ex aliis quoque multis evincitur, grave peccatum poena quoque sensus, & ea quidem æterna a Deo esse plectendum. Verum satis superque de his supra discussimus Lemm. 9. & 10. (1)

Præsens vero vita in iis, ut ita dicam, annihilari potest, qui a Iudicibus morte plectuntur: verum humana virtus ulterius sese extendere non potest, neque plures inferre mortes, aut efficere, ut ii, quos punit, mortis perpetua torqueantur. Unde etiam si per humanas leges crimen puniatur, quatenus etiam contra Deum commissum est, semel tantum mors inferri potest. Deinde poena ab homine illata corpus tantum, non vero animam afficit: vita autem corporis semel ac per iudicium hominis sublata fuerit, humana virtute reparari non potest. At vero poena, de qua modo loquimur, quæque a Deo pro peccato infligitur, non præsentem, sed alteram vitam respicit, atque animam potissimum afficit, quæ tum ex parte sui, tum ex parte principii, a quo habet, ut sit, æterna est, quemadmodum lib. 2. qu. 5. art. 9. demonstravimus. Pertinet autem ad infinitam potentiam Dei posse sic punire male facta hominum, ut tamen non pereat eorum esse, quod bonum est; & ad ipsius Sapientiam, & Bonitatem, hoc ipsum esse conservare, atque ita conservare, ut simul & rei poenas condignas solvant, & ceteris non solum non noceant, sed etiam ipso supplicii exemplo eos a male agendo deterreat. Et contra homines nisi reis vitam adimerent, rempublicam ab eorum injuriis tutari non possent. Unde nemo æquo jure inferre potest ex conditione poenarum humanarum impios esse annihilandos.

Sane per leges humanas ob graviora crimina id omne supplicii infertur, quod inferri potest, atque iccirco præter cetera infertur mors, quia malorum hujus vitæ summum, & extremum est: ergo quum Deo non solum vita præsens subiecta sit, sed etiam futura, quæ, habita ratione tum ipsius animæ,

(1) Ea quoque consulantur, quæ hujus discussimus, quæ post hanc vitam debentur questionis articulo 4. de præmio, vel poena nostris quoque corporibus.

ma, tum Dei, perpetua est, ideo futuram reorum vitam æternam esse, se, & miseriam convenit, & omnibus felicitatis partibus destitutam; sed hæc miseria tolleretur, si annihilaretur anima: ergo.

Tandem annihilatio nullo modo esse potest pœna conveniens ipsius peccati. Hoc autem ita evincit S. Thomas in Supplem. 3. par. qu. 96. ar. 1. ad 6. „Dicendum, *inquit*, quod pœna respondet culpæ proprie loquendo secundum „inordinationem, quæ invenitur in ipsa, & non secundum dignitatem ejus, „in quem peccatur, quia sic cuilibet peccato responderet pœna infinita in- „tensione. Quamvis ergo ex hoc, quod aliquis peccat contra Deum, qui „est auctor ejusdem, mereatur ipsum esse amittere, considerata tamen ipsius „actus inordinatione, non debetur ei amissio esse: quia ejus præsupponitur ad „meritum, & demeritum, nec per inordinationem peccati esse tollitur, vel „corruptitur. Et ideo non potest esse debita pœna alicujus culpæ privatio „ipsius esse „.

Judex autem non curat, num qui, vita servata, ab eo puniuntur, aliquid boni adipiscantur, vel etiam iis, quos morte affici decernit, aliquid solatii non denegat, tum quia in pœnam eorum satis esse putat, & revera secundum justitiam leges satis est, illud malum, quod ipse intulit, tum etiam, quia sapissime etiam si velit, impedire non potest, ne per se, aut per alios aliquam consolationem illi sibi comparent, & asequantur, quos huc, vel illi pœnæ obnoxios decrevit. Gravi autem peccato pœna tum damni, tum sensus, & ea quidem gravissima, & æterna debetur, ut supra demonstravimus, neque Deum ab infligenda pœna peccato debita res ulla impedire potest.

At vero quot, & quanta sunt, quæ Deus confert hominibus, ne tandem aliquando pœnæ perpetuæ subijci debeant? Anne cum iis solatiis comparari possunt, quæ homini damnato ad mortem, vel cuicumque alteri quovis supplicio affecto, permittuntur, aut curantur? „Pensamus, si possumus (inquit S. Gregorius in *Evangelia* lib. 2. homil. 34. num. 15.) dispensatione m „supernæ pietatis. Stantibus, si ceciderint, minatur pœnam: lapsis vero ut „surgere appetant, promittit misericordiam. Illos terret, ne præsumant in „bonis: istos refocet, ne desperent in malis. Justus es, iram pertimesce, ne „corruas: peccator es, præsume de misericordia, ut surgas. Ecce autem jam „lapsi sumus, stare nequaquam valuimus, in pravis nostris desideriis jacemus. „Sed qui nos condidit rectos, adhuc expectat, & provocat, ut surgamus. „Sinum suæ pietatis aperit, nosque ad se recipere per poenitentiam quatit „Num. 17. „Quasi in faciem homo monitus est, quando ad justitiam conditus „præcepta rectitudinis accepit. Sed quum hæc eadem præcepta contempsit, „quasi Conditori suo dorsum mentis in faciem dedit. Sed ecce adhuc post „tergum sequitur, & monet: quia jam & a nobis contemptus est, & tamen „nos adhuc vocare non cessat. Quasi dorsum ei in faciem dedimus, cuius „verba despiciamus, cuius præcepta calcamus: sed stans post tergum nos aver- „sos revocat, qui & videt quod despicitur, & tamen per præcepta cla- „mat, per patientiam expectat „. Et sane mente cum privatum esse oportet, qui quotidiana Divinæ misericordiæ erga nos in quovis genere argumenta præclarissima non videat. „Quæ sunt munera (inquit S. Augustinus *Enarrat. in psal. 35. num. 7.*), quæ omnibus abundante? Qui solem suum oriri facit super „bonos, & malos, & pluit super justos, & injustos. Quis non habet istam „miser-

„ misericordiam Dei, primo ut sit, ut discernatur a pecoribus, ut rationale  
 „ sit animal, qui possit Deum intelligere, deinde frui ista luce, isto aere, plu-  
 „ via, fructibus, diversitate temporum, solaris terrenis, salute corporis, af-  
 „ fectu amicorum, salute domus suæ? Omnia ista bona sunt, & Dei mune-  
 „ ra sunt, „. At vero etiam, uti habet idem S. Doctor *Enarrat. in psal. 102.*  
 „ num. 16. „ Quid tam longanimum? quid tam multum in misericordia? Pec-  
 „ catur, & vivitur; accedunt peccata, augetur vita: blasphematur quotidie,  
 „ & facit solem suum oriri super bonos, & malos. Vocat undique ad corre-  
 „ ctionem, vocat undique ad penitentiam, vocat beneficiis creaturæ, vocat  
 „ impertiendo tempus vivendi, vocat per Lectorem, vocat per Tractatorem,  
 „ vocat per intimam cogitationem, vocat per flagellum correptionis, vocat  
 „ per misericordiam consolationis „.

Demum si possibile foret, ut Iudex videret eum in suis criminibus sem-  
 per obstinate esse permanfurum, quem ad supplicium mortis semel damnavit,  
 voluntatemque illius in malo firmatam perciperet, quia ultimum in malo finem  
 sibi constituisset, nemo illum ut injulium, & impium non traduceret, si hu-  
 jusmodi reum, dummodo posset, ad vitam revocaret. Nam tum contra officii  
 sui rationem ageret, secundum quam crimina prohibere debet; tum ipsi reo  
 injuriosus existeret, quia inde eum iisdem malis perferendis iterum subiceret;  
 tum etiam contra commune bonum operaretur, quod propter scelera aliquorum  
 valde perturbatur. Idem vero de falsario, & de quovis alio criminoso homi-  
 ne dici debet. Deinde semel ac secundum justitiæ leges constitutum esset, ut  
 hac vita perpetuo privarentur, qui hæc, vel illa crimina admisissent, an ne  
 recte faceret, si, dum posset, eos ad vitam iterum revocaret? Quapropter  
 quum & propter grave peccatum ab æterna felicitate deturbari unusquisque  
 mereatur, & Divinæ Sapientiæ, Bonitati, ac Justitiæ conveniens sit, quem-  
 dam statum esse, in quo impii perpetuo puniantur, uti sapius jam demon-  
 stravimus, aliundeque Deus inspiciat voluntates impiorum, quas in malo esse  
 perpetuo obstinatas videt, non est, cur in inanibus futilibusque Bellii conjectu-  
 ris refellendis diutius immoremur.



# THEOLOGIÆ NATURALIS

## S Y N O P S I S.



SCYTI humanum corpus & carne ad soliditatem constat, & vestibus externis etiam ornatur; at nihilominus compositio ejus, & connexio partium inter se tunc dignoscitur, quando & vestibus nudatur, & remota etiam carne, ipsa ossium, & nervorum compages inspicitur: simili modo in disputationibus, & quæstionibus contingit, ut quamvis ornamenta, & copia orationis delectationem, & jucunditatem afferant, tamen connexio rerum, & sententiarum minus appareat iis ornamentis involuta. Nos autem, etsi non rhetorum more ornate, sed, Scholasticorum instituto, concisus, veluti veste detracta, Theologiam Naturalem tra-  
 clavimus; carnem tamen, ut ita dicam, & plenitudinem corporis retinimus, dum non solum res probavimus, sed adversariorum argumenta etiam copiose diluimus, ac tum in probando, tum in solvendo, sæpe Veterum rationes ipsius eorum verbis in medium adduximus, ex quibus etiam intelligitur, quod magis ad rem pertinet, nihil admodum a modernis impiis contra Religio-  
 nem opponi, quod non fuerit superioribus temporibus ab aliis impiis objectum, a summis autem viris, iisdemque non minus religione, quam ingenii magni-  
 tudine, & judicii gravitate, ac scientia rerum spectatissimis, jampridem pre-  
 futurum. Nunc ergo compagem ipsam veluti ossium a carne nudatam lecto-  
 rum oculis placet subjicere, eandemque Theologiam Naturalem paucis com-  
 prehenfam oculis lectorum proponere.

### L I B E R I.

#### D E E N T E P E R F E C T I S S I M O.

##### S E C T. I.

##### De Possibilitate Entis Perfectissimi.

##### D E F I N I T I O I.

Id *possibile* dicitur, quod esse non repugnat; Seu, quo posito, nulla con-  
 tradictio sequitur.

##### D E F I N I T I O I I.

Ens *perfectissimum* illud est, cui insunt omnes perfectiones, quæ omnino  
 esse, aut excogitari possunt.

##### D E F I N I T I O I I I.

Perfectiones *absolutæ* ex sunt, quas melius est esse, quam non esse, cu-  
 jusvis

iusvis tandem entis ratio habeatur : *relativa* autem , quæ licet alicui enti convenire possint , & ornameto esse , non tamen omni generi entis : ita extensio , dispositio partium , candor , color &c. sunt perfectiones corporis entis , non tamen spiritualis .

D E F I N I T I O I V.

Id a se existit , quod sui ipsius principium est ; seu existendi rationem in se habet .

D E F I N I T I O V.

Suarum perfectionum sibi principium est , quod suas perfectiones a se habet .

D E F I N I T I O V I.

Id , quod non existere non posse , vel non existendi nullam possibilitatem habere dicitur , est ens necessarium .

D E F I N I T I O V I I.

Id autem , quod , tam existere , quam non existere potest , & a se non habet , ut potius sit , quam non sit , est ens contingens .

P R O P O S I T I O I.

*Ens perfectissimum possibile est.*

Prob. Quod non repugnat , possibile est ( Definit. 1. hujus cap. ) ; omnes autem perfectiones , quæ omnino esse , aut excogitari possunt , quamvis absolutæ ex sint ( Definit. 3. hujus cap. ) , simul uniri non repugnat , quia perfectiones , quatenus sunt perfectiones , sibi mutuo non contrariantur , neque una alteram excludit : ergo quum ens perfectissimum sit illud , in quo insunt omnes perfectiones , quæ omnino esse , aut excogitari possunt ( Definit. 2. hujus cap. ) , hoc ens perfectissimum possibile esse consequitur .

Deinde non repugnat ut concipiamus , possibile illud ens quod omnes absolutas perfectiones unitas in se habet : ergo . Prob. ant. Ne perfectiones , quæ sunt , aut esse possunt , sine sui causa , aut principio admittamus , aliquid primum principium præsupponi , quod absolutas realiter (a) , relativitas autem virtualiter contineat , non solum non repugnat , sed rationi omnino consentaneum est : ergo .

P R O P O S I T I O I I.

*Fieri non potest , ut materia sit ens perfectissimum .*

Prob. Ens perfectissimum illud est , cui insunt omnes perfectiones , quæ omnino esse , aut excogitari possunt ( Definit. 2. hujus cap. ) : ergo possibile non est , ut materia sit ens perfectissimum . Prob. con. Quod omnes perfectiones habet , ulterius perfici non potest ; sed nulla est materiæ pars , quæ ulterius perfici non possit ; immo plures materiæ partes valde imperfectæ sunt : ergo .

Y 2

Dein-

(a) Vide tom. 1. pag. 7. & seq.

Deinde ens perfectissimum immutabile esse debet; sed materia non est immutabilis: ergo. Prob. ma. Quod mutatur, alterum, ac antea habebat, statum acquirit: ergo perfectio eius vel augetur, vel minuitur; sed utrumque illi enti repugnat, quod perfectissimum esse præsupponit: ergo. Mi. principalis quoque constat: nam nulla est materię pars, quę illum statum, quem habet, necessario habeat, aut alium habere non possit.

Tandem materia passive se habet: ergo ens perfectissimum esse non potest. Ant. constat: nam ex quoque materię partes, quę inter se fortius unitę sunt, separari, ac divelli possunt, immo per causam externam separantur; atque divelluntur, ergo. Prob. con. Ens perfectissimum illud esse non potest, quod dividitur, distrahitur, & in aliam formam magis minusve perfectam vi externa coagmentatur: ergo.

### PROPOSITIO III.

*Ens perfectissimum a se esse oportet.*

Prob. Quod a se existit, sui ipsius principium est, existendique rationem in se habet (Definit. 4. hujus cap.); sed sui principium esse, existendique rationem in se habere, maximę perfectionis est: ergo.

Deinde si ens perfectissimum a se non existeret, sequeretur, ut illud ens, a quo existentiam haberet, esset eo longe perfectius: ergo non posset esse ens perfectissimum. Prob. ant. Perfectius est existentiam communicare alteri, quam eam ab altero recipere: ergo.

Tandem quod existentiam ab altero recipit, ab eo pendet; sed repugnat, ut enti perfectissimo id convenire possit: ergo. Mi. constat: nam dependentia conditionis inferioris argumentum est.

### PROPOSITIO IV.

*Ens perfectissimum a se habere debet omnes perfectiones.*

Prob. Si perfectiones, quas habet, ab alio haberet, ens perfectissimum esse non posset: ergo. Prob. ant. Summa perfectio est perfectionum sibi principium esse: ergo.

Deinde quod ab alio perficitur, ab alio quoque quoad suas perfectiones pendeat oportet; sed hoc enti perfectissimo convenire non potest: ergo.

Tandem ens perfectissimum immutabiliter tale esse debet; sed hoc fieri non potest, si suas perfectiones ab alio habeat: ergo. Maj. constat: si enim mutaretur, vel per sui dissolutionem, vel per alium statum perfectiorem, aut imperfectiorem, qui superveniret, id haberet: quę omnia perfectissimo enti æque repugnant. Mi. prob. Ab eo enim perfectionibus semel datis spoliari posset: ergo. Deinde antequam eas recepiſſet, ens tale non esset: ergo.

PRO-



## PROPOSITIO V.

*Ens perfectissimum necessario existere debet :*

Prob. Ens perfectissimum non est, quod potest non esse: ergo necessario existere debet, (definit. 6. hujus cap.). Prob. ant. Sicuti magis perfectum est, quod est, quam quod non est; ita est etiam magis perfectum, quod non potest non esse, quam quod potest non esse: ergo.

Deinde ens perfectissimum a se esse debet (Prop. 3. hujus cap.): ergo necessario existere debet. Prob. con. Quod a se est, oportet, ut ipsum habeat in se suæ existentiae necessitatem ergo. Prob. ant. Si suæ existentiae necessitatem in se non haberet, a se esse non posset: quod enim in se est indifferens ut sit, vel non sit, a se habere non potest, ut potius sit, quam non sit: ergo.

Tandem quod contingenter existit, a se non habet, ut potius sit, quam non sit (Definit. 7. hujus cap.): ergo ab alia causa habet, ut sit: ergo si est, a se non est; sed ens perfectissimum & a se esse oportet, (Prop. 3. hujus cap.), & omnes perfectiones a se habere debet (Prop. 4. hujus cap.): ergo totum, quantum est, a se ipso est: ergo necessario existere debet, quia, uti modo dicebamus, quod est in se indifferens ut sit, vel non sit, a se habere non potest, ut potius sit, quam non sit.

## PROPOSITIO VI.

*Materia a se esse non potest.*

Prob. Ens perfectissimum, quatenus tale est, a se esse oportet, (Prop. 3. hujus cap.); sed materia non potest esse ens perfectissimum (Prop. 2. ejusdem cap.): ergo neque etiam a se esse potest.

Deinde si materia a se esset, quælibet pars illius hoc idem habere deberet: ergo quælibet pars illius non solum ab alia causa, sed etiam ab alia parte esset independents: ergo una pars ab alia parte limitari non posset; sed quoad multa limitatur, & in determinato loco constringitur, ita ut qui unius partis proprius locus est, alterius simul esse non possit: ergo. Ant. constat: nam materia quæ partibus constat, a se esse dici non posset, si etiam partes illius hoc non haberent. Etiam prima consequens manifesta est: semel enim ac plura entia, a se mutuo aequaliter non pendent, quia a se sunt, nulla ratio est, cur unum vel quoad aliquam tantum modificationem alterum determinet.

Tandem si materia a se esset, propter necessitatem suæ naturæ hoc haberet: ergo omnes partes illius inter se homogenæ esse deberent, nullaque inter eas diversitas intercedere posset; sed hoc falsum esse experientia compertum habemus: ergo. Prob. 1. con. Eadem naturæ necessitas in causa esset, cur quælibet pars existeret: ergo omnes partes ab eodem necessario principio necessario dimanarent: ergo nihil habere possent, per quod inter se differrent: ergo omnes partes inter se homogenæ esse deberent tum quoad substantiam, tum quoad modificationes: nam & ab uno eodemque necessario principio haberent, ut essent simpliciter, & ut essent, quomodo sunt, quum physice, & a par-

a parte rei aliquid esse non possit, nisi aliquo modo sit, adeoque partes ab eodem necessario principio haberent & ut essent simpliciter, & ut essent, quomodo sunt.

## PROPOSITIO VII.

*Materia a se necessario non existit.*

Prob. Quod necessario existit, a se esse debet; sed materia a se esse non potest (Hujus, cap. prop. 6.): ergo neque etiam necessario existere. Prob. 2a. Quod necessario existit, simpliciter in se spectatum non existere non potest: ergo simpliciter in se spectatum habere debet, ut existat, ergo a se esse debet. Vel ita: Materia a se esse non potest (Prop. præced.) : ergo. Prob. con. Quod a se est, existendi necessitatem in se quoque habere debet: ergo. Prob. ant. Si existendi necessitatem in se non haberet, in se spectatum tam esse, quam non esse posset: ergo a se non haberet, ut esset.

Deinde ens perfectissimum, quia tale est, necessario existere debet (Hujus cap. prop. 5.): sed materia non potest esse ens perfectissimum (Prop. 2. hujus cap.): ergo.

Demum si materia a se necessario existit, ipsa ejus propria, & essentialis necessitas est ratio, cur existat: ergo peculiarem situm, ordinem, propinquitatem, unionem, atque dispositionem partium ob suæ naturæ necessitatem, habet: ergo, necessario invariabilis est, atque immutabilis: ergo tam multiplices motus corporum, quos quotidie observamus, dari repugnat: ergo materia est immobilis. & simul moveri potest, immo movetur: quæ sunt omnia falsa, & inter se pugnantia. Prob. prima con. Nam materia physice existere non potest, nisi in partibus illius sit peculiaris situs, ordo &c. si ergo physicam existentiam a sua necessitate habeat, hæc quoque omnia ab illa habere debet.

## PROPOSITIO VIII.

*Materia est ens contingens.*

Prob. Materia necessario existere non potest (prop. præced.): ergo.

Deinde ens necessarium non existere non potest (Definit. 6. hujus cap.): ergo id etiam necessarium habere debet, sine quo existere non potest; sed sine aliquo existendi modo non potest existere: ergo aliquem necessarium existendi modum habere debet; sed materia nullum necessarium existendi modum habet, quam alia, atque alia ratione semper modificari possit: ergo.

Rursus materia ens passivum est: dividitur enim, movetur &c. ergo. Prob. con. Quod passivum est, factum, & productum fuisse oportet: ergo si materia est ens passivum, eam factam, & productam fuisse oportet: ergo est ens contingens. Prob. ant. Omnis activitas est vera efficientia, passio autem est effectus ejusdem activitatis: ergo si fieri posset, ut quod passivum est, causæ aliqujus effectus non esset, quilibet effectus a se esse & sine causâ posset: ergo si effectus sine causâ esse non potest, etiam quod passivum est, factum, & productum fuisse oportet.

Postremo corpus si est ens necessarium vel omnes possibiles magnitudines, signu-

figuras, situs &c. vel nullam magnitudinem, figuram, situm &c. necessario habet: utrumque repugnat: ergo unam magnitudinem, figuram, situm &c. aut necessario, aut contingenter habebit: sed quod necessario habeat, experientiam repugnat: ergo contingenter habet: ergo per aliquam causam hæc omnia in corpore determinata sunt: ergo corpus est ens contingens.

PROPOSITIO IX.

*Materia perfectiones, quas habet, a se habere non potest.*

Prob. Quod a se non habet, ut sit, neque etiam a se habere potest, ut hoc, vel illo modo sit; sed materia a se habere non potest, ut sit (Hujus cap. prop. 6.): ergo neque etiam ut hoc, vel illo modo sit, a se habere potest: ergo ut magis minime perfecta sit, a se non habet: ergo perfectiones, quas habet, a se non habet.

Deinde ens perfectissimum illud est, quod perfectiones omnes a se habet (Hujus cap. prop. 4.): sed materia non potest esse ens perfectissimum (Hujus cap. prop. 2.): ergo.

Tandem materia necessario non exillit, (Prop. 7. hujus cap.) atque est ens contingens, (Hujus cap. prop. 8.): ergo sicuti contingenter habet, ut sit; ita etiam contingenter habere debet ut his, vel illis perfectionibus prædita sit: nam perfectiones sequuntur ad esse; sed quod contingenter alicui enti inhaeret, ab alia causa habet, ut inhaeret [Hujus cap. definit. 7.]: ergo.

SECTIO II.

De Existentia Dei.

DEFINITIO.

Ens perfectissimum, quod possibile esse demonstravimus, Deum dicimus.

CAP. I.

De Moralibus Argumentis, quibus existentia Dei demonstrari potest.

DEFINITIO I.

Argumentorum, quæ in demonstrationem rei alicujus afferri possunt, ea nos moralia vocamus, quæ ex moribus, & naturali institutione hominum accipi solent. Talia vero sunt quoad rem istam, de qua agimus, utilitas hominum, & consensus gentium.

DEFINITIO. II.

Homo consideratur in statu privato, quando a communitate hominum se-junctus accipitur.

DEFINITIO III.

In naturali societate attenditur, quando ea conjunctio spectatur, quam cum aliis naturaliter habet.

De

## DEFINITIO IV.

In statu civili respicitur, si multiplicitum confederationum, quas cum aliis habeat, aut habere possit, ratio instituat.

## DEFINITIO V.

Consensus gentium in rem aliquam est unanime testimonium, quod de ea ferunt.

## DEFINITIO VI.

Vox naturæ est lumen intellectui naturaliter inditum, & inclinatio voluntati naturaliter insita, per quæ in rem unam omnes consentiunt.

## PROPOSITIO I.

*Ut Deus existat, uniuscujusque quam maxime interest, etiamsi illius privata conditio spectetur.*

Prob. Ad bonum cuiusvis hominis, etiamsi a societate aliorum se junctus accipiat, quam maxime spectat, ut sit, qui prospiciat utilitatibus illius, bonumque ejus non ab incertis fortunæ casibus, sed a certa, atque ordinata providentia pendeat; sed hæc habentur, si Deus existat: ergo. Prob. mi. Nam Dei nomine supremum optimumque Numen intelligitur, quod cum summa bonitate nostræ utilitati prospiciat, & certa providentissimaque ratione prospiciat.

Deinde unicuique homini etiam privato, & soli maxime utile est, habere præcepta, per quæ a turpitudine arceatur, & ad honestatem dirigatur; sed nulla meliora præcepta esse possunt, quam quæ sint auctoritate, & sapientia: Supremi Numinis constituta: ergo ut Deus existat, uniuscujusque quam maxime interest, etiamsi illius privata conditio spectetur.

Potremo bene justæque agentibus præmium, male autem impieque operantibus supplicium repositum esse, si quispiam persuasum habeat, facilius a malo retrahitur, atque ad bonum accenditur; hoc vero est, quod per existentiam supremi Numinis repromittitur: ergo Dei existentia semel admissa, unusquisque facilius bene operatur, & a malo abstinere: ergo ut Deus existat, uniuscujusque quam maxime interest, etiamsi privata & solius conditio spectetur.

## PROPOSITIO II.

*Ad hominum societatem naturalem plurimi refert, ut Deus existat.*

Prob. Hæc societas naturalis sine quibuscumque officiis consistere non potest, quæ homines sibi mutuo exhibeant; sed hæc officia tolluntur, semel ac ponamus Deum non existere: ergo. Prob. mi. Sublata Dei Religione, tum interiori, tum etiam exteriori, quisquis male comparatus fuerit, si penas hominum sese effugere posse putaverit, facile antem officia societati debita violabit, ut suo arbitrio indulgeat: ergo.

Deinde per Dei Religionem bono uniuscujusque recte provisum est, quia per eam ad virtutem accenditur, a vitiis autem removetur (Prop. præced.)  
hoc

hoc vero est, quod ad naturalem societatem plurimum confert: ergo.

Tandem societatis naturalis præcipuum vinculum est, ut omnes homines uni principio, a quo sunt, omniaque sua habent, æqualiter putent se esse subiectos; sed hoc sine existentia supremi Numinis haberi non potest: ergo. Ma-  
constat: tunc enim sit, ut facilius erga se invicem servent, quæ debent.

## PROPOSITIO III.

*Præcipuum civilis status fundamentum tollitur, si Deus non existat.*

Prob. Civilis status in mutuis confederationibus consistit (Definit. 4. hujus cap.); sed confederationum præcipuum fundamentum tollitur, sublata Dei existentia: ergo. Prob. mi. Sublata bona fide, omnis quoque confederatio tollitur, sed præcipuum vinculum bonæ fidei a religione erga Deum provenit: ergo. Prob. mi. Quamvis homines vel sola honestate naturali cognoscant servandam esse fidem, tamen, propozita propria utilitate, facile ad violandam fidem inducuntur, nisi, præter honestatis amorem, timore etiam aliquo majoris mali a violanda arceantur, præsertim quum communiter magis afficiantur homines propria utilitate, quam studio recti, & boni; & plures sint, qui ad suas cupiditates explendas, quam qui ad reprimendas feruntur: sed timorem hominum excutere possunt vel sperando, ut fraus non pateat, vel majoribus suis viribus confidendo: ergo notabit bona fides, nisi persuasum sit hominibus, existere Deum vindicem violatæ fidei, quem nihil possit latere, & qui omnia possit: ergo a Dei existentia provenit præcipuum vinculum bonæ fidei.

Præterea omnes, vel saltem plerique eorum, qui Dei existentiam negant, eisdem negant aliquid ex se turpe, aut honestum esse, & quidem conformiter ad impietatem sui principii negant: ergo apud hos nulla est honestatis causa ad servandam fidem, nullus turpitudinis horror, quominus fidem violent: ergo hi semper parati erunt ad violandam fidem, quotiescunque occasio oblata fuerit, & sic per hos omnis confederatio, & societas civilis funditus evertetur.

Tandem quam pauci valde sunt, qui noverint, quæ secundum rectam rationem bonæ fidei debentur? ergo, sublata Religione, qua de fide servanda certissime constet, apud plerisque jura bonæ fidei ignota erunt: ergo quum confederatio civilis bonæ fidei innitatur, nulla vera confederatio apud plerisque sine Religione erit: ergo.

## PROPOSITIO IV.

*Gentium omnium in aliquam Religionem consensio natura vox, & testimonium habenda est.*

Prob. Nulla gens, aut natio, vel Philosophorum societas unquam fuit, quæ aliquam Religionem non admiserit: ergo si gentium in rem aliquam consensus est unanime testimonium, quod de ea ferunt (Definit. 5. hujus cap.), in existentiam alicujus supremi Numinis omnes gentes consensisse constat. Ant. ex iis patet, quæ quoad singulas nationes, atque sectas Philosophorum jam observavimus lib. 1. q. 2. art. 1. §. 2. pag. 43. & seq.

## PROPOSITIO V.

*Gentes monita ab ipsa voce naturæ in aliquam Religionem consenserunt.*

Prob. Vox naturæ est lumen intellectui naturaliter inditum, & inclinatio voluntati naturaliter insita, per quæ omnes in rem unam consentiunt (Definit. 6., hujus cap.) ; sed omnes semper, & ubique locorum, quamvis institutione morum, ingenio, indole, aliisque omnibus, in quibus homines inter se differre, possunt, diversi fuerint, in aliquam Religionem consenserunt [Prop. præced.] : ergo.

Deinde illud naturæ voce insitum est, quod & omnibus commune semper fuit, & nullo modo deleri aliquando potuit ; sed hujusmodi est ea persuasio, quæ omnes semper, & ubique de alicujus existentia Numinis inter se convenire (Prop. præced.) : ergo.

Tandem id ab interna naturæ vi proficiscitur, quod neque etiam propter diversas institutiones, mores, atque consuetudines unquam mutari potuit ; sed nunquam apud nonnullos, quamvis omnino diversa ratione instituti essent, alicujus supremi Numinis Religio admitti debere, dubitatum fuit (prop. præced.) : ergo.

## PROPOSITIO VI.

*Metus causa esse non potuit hujus consensionis.*

Prob. Sicuti multi in metum, ita etiam plures in audaciam naturaliter inclinant : ergo metus causa universalis esse non potest, ob quam omnes in rem aliquam unanimiter consentiant : ergo. Antecedens ipsa experientia constat.

Deinde si *voluntas laedendi omnibus inest in statu naturæ* ; itemque si *bellum omnium in omnes*, homines ad audaciam naturaliter instituti esse debent, licet deinde aliqua societate inter se uniti sint ; sed illud Athei volebant ; (a) ergo sibi contradicunt, dum homines propter naturalem metum in aliquam Religionem consensisse dicunt.

Tandem homines *libertatis, & domini amantes esse* ex sua ipsorum natura, Athei fatentur [b] ; sed impossibile est apud omnes homines naturalem, domini, & libertatis cupiditatem ita obrutam esse inani metu, ut omnes convenerint in confingendo supremo Numine, cui subjicerentur : ergo Athei, qui utrumque ponunt, secum ipsis pugnant.

## PROPOSITIO VII.

*Neque etiam ignorantia hujus consensionis causa fuit.*

Prob. Quæ propter ignorantiam constituta sunt, inanibus levibusque rationibus inantur : ergo facile refelli possunt : ergo impossibile est, ut peritissimi quique in eo consentiant ; sed in aliquam Religionem omnes semper consenserunt (Pro. 4. hujus cap.) : ergo.

Deinde non solum imperitos, sed etiam doctissimum quemque omnium ætatum, atque seculorum in iis quoque ignorantia accusare, quæ per se manifestæ sunt, & naturali lumine cognoscuntur, summæ temeritatis, atque audaciæ fuit.

(a) Hobbesius de Cive cap. 1. §. 4. & §. 12. (b) Hobbesius Leviath. 12. cap. & cap. 17.

fuerit ; sed hoc Athel faciunt , quavis propter naturæ vocem omnes in aliquam Religionem conferent ( Prop. 5. hujus cap. ) : ergo .

## P R O P O S I T I O V I I I .

*Astutia Legislatorum fieri non potuit , ut homines in aliquam Religionem consentirent .*

Prob. Opiniones , quæ hominum calliditate disseminantur , præcipue si inde fiat , ut haud leve gravamen omnibus imponatur , diutius non perdurare , experientia compertum est : ergo quum hæc consensus , quamvis homines propter eam pluribus legibus subiecti sint , semper perduraverit , suam ab astutia Legislatorum originem habere non potuit .

Deinde nullus communis Legislator fuit , qui in aliquam Religionem consentiendum præceperit , sed omnes fundamentum suarum legum in Religione posuerunt : ergo .

Tandem barbaræ quoque gentes , quæ nemini subiectæ essent , in aliquam Religionem semper consenserunt , ipsaque Religio una cum humano genere suum ortum habuit ( Prop. 4. hujus cap. ) : ergo .

## P R O P O S I T I O I X .

*Neque etiam ab educatione hæc consensus proficisci potuit .*

Prob. Quod omnino diversum est , in unius ejusdemque rei consensionem inducere non potest ; sed educatio , atque institutio apud gentes omnino diversa est , semperque fuit , indeque contigisse videmus , ut mores eorum , atque consuetudines diversæ sint : ergo .

Deinde educationis , atque institutionis præjudicia depelluntur , si ad veritatem assequendam animus serio adjiciatur ; sed licet omni ætate non defuerint , qui meditationi scientiarum operam dederint , nullus tamen fuit , si unum , aut alterum delirantem excipias , qui ab hac communi consensione recesserit ( Prop. 4. hujus cap. ) : ergo .

## P R O P O S I T I O X .

*In hoc consensu gentium maxima vis ad persuadendum inest .*

Prob. Quod simul cum summa auctoritate etiam perspicuam evidentissimamque rationem conjunctam habet , ad persuadendum plurimum valere debet ; sed talis est ille consensus gentium , de quo agimus : ergo Prob. III. Maximam auctoritatem in se habere inde constat , quia omnes omnium ætatum homines eum constituent ( Prop. 4. hujus cap. ) ; perspicuam quoque evidentissimamque rationem illi conjunctam esse , tum ea multa dubitare non sinunt , quæ sapientissimi Philosophi omnium temporum protulerunt , tum etiam cognitio , quam hujus rei omnes naturaliter habuere ( Prop. 5. hujus cap. ) : ergo .

## C A P . I I .

De Physicis Argumentis , quibus Dei existentia demonstratur .

## DEFINITIO I.

Physica argumenta ea dicimus, quæ desumuntur ab ordine, & dispositione rerum, iisque omnibus, quibus hic mundus compositus est.

## DEFINITIO II.

Illi enti motus per se convenire dicitur, quod vim se movendi a se ipso naturaliter habet.

## DEFINITIO III.

Secundum Stoicos *vix genitrix* ea est, quæ in omnibus materiæ partibus inhæret, & propter quam immutabili quadam necessitate omnia, quæ in mundo sunt, prodierint.

## DEFINITIO IV.

*Vis effectrix* secundum Stratonicos ea dicitur, quæ materiæ efficientiam tribuit, & quæ in omnibus materiæ partibus non una sit atque communis, sed singularum partium propria, & peculiaris.

## POSTULATUM.

*Sine motu nihil a materia produci posse ponamus; quod etiam apud Abei-  
las certum est.*

## PROPOSITIO I.

*Motus ab æterno per se in materia esse, semper continuari non potuit.*

Prob. Materia ens a se esse non potest (Sect. 1. prop. 6.) : ergo motus ab æterno per se in materia esse non potest. Prob. con. Quod a se non est, nihil eorum, quæ habet, a se habere potest: ergo.

Deinde motus est accidens, seu modificatio materiæ: ergo si materia a se existere non potest, potiori jure neque etiam motus.

Tandem nullus motus sine causa movente dari potest: ergo motus ab æterno in materia per se esse non potest. Ant. constat: sicut enim effectus sine causa, ita etiam motus sine principio movente esse non potest. Prob. con. Si motus ab æterno in materia per se esset, materia sine se movente principio mota fuisset: Ergo. Prob. ant. Tunc sine principio datur motus in aliquo corpore, quando nullum principium est, quod ipsum moveat: ergo.

## PROPOSITIO II.

*Qui inde affirmant motum ab æterno per se esse in materia, quia motus ab uno corpore infinita successione fuit alteri communicatus, infinite irrationabiliter agunt.*

Prob. Ille infinite irrationabiliter agit, qui effectus infinitos sine sui causa, aut principio admittit: ergo. Prob. con: In hac suppositione motuum infinita successio sine causa, aut principio admittitur: ergo. Prob. ant: Per hanc infinitam successionem, quæ confingitur, id motui non tribuitur, ut etiam sine movente principio esse possit: ergo. Dein-



Deinde infinita successio in motu infinite repugnat: ergo qui eam ponit, infinite irrationabiliter agit. Prob. ant: Motiones sibi in invicem succedentes simul esse non possunt; alias sibi invicem non succederent: ergo una alteri succedit: ergo una est altera prior: ergo licet numerus incomprehensibilis successionum accipiat, semper una alteram præcedit: ergo istæ innumerabiles successiones, quamvis conjunctim accipiantur, semper aliquam priorem supponunt, a qua sint, quia licet propter multiplicitem numerari non possint, tamen certo ordine sibi mutuo consequutæ fuere: ergo sicut hæc successio peculiaris sine priori, a qua pendet, esse non potuit; ita etiam successionum simul acceptarum quilibet numerus sine aliqua prima esse non potest: ergo in motu infinita successio infinite repugnat: ergo qui eam ponit, infinite irrationabiliter agit.

Tandem etiam infinitus circulus in hujusmodi successivis motionibus eadem ratione omnino irrationabiliter supponeretur. Nam motus per se in materia esse non potest [ Prop. præced. ]: ergo hujusmodi circulus infinitus repugnat. Pro. con: A moveat B, B moveat C, C moveat D, & ita usque, ad Z. Si Z. facit, ut moveatur A, idem est, ac si A se ipsum moveret per B C D &c. ideoque A esset principium motus: ergo si motus per se in materia esse non potest, hujusmodi infinitus circulus repugnat.

## P R O P O S I T I O I I I.

*Vis motrix essentialiter, aut naturaliter materia convenire non potest.*

Prob. Essentia rei alicujus sine eo intelligi non potest, quod ipsi essentia: le est; sed essentia materia: intelligitur, quamvis nullus motus in ea esse præsupponatur: ergo. Mi. constat: nam materia: actualem extensionem, divisibilitatem, & impenetrabilitatem sine actuali motu in ea inhærente intelligimus, neque materia: partes actu in motu esse debent, ut cognoscamus eam esse extensam, divisibilem, & impenetrabilem; alioquin materia:, quæ est in quiete, extensionem, divisibilitatem, & impenetrabilitatem tribuere non possemus.

Deinde vis ista motrix vel quaquaversum niteretur, vel ad unam tantum partem inclinaret; si prius; plures particulæ materia: simul unitæ consilire non possent: si alterum; quia hæc determinatio esset naturalis, atque necessaria, tolli non posset: ergo secundum unam directionem tantum corpora moverentur.

Postremo si vis motrix essentialis, atque naturalis esset materia: particularis, ab iisdem nunquam tolli posset; sed hoc contra experientiam pugnat: ergo.

## C O R O L L A R I U M.

*Materia ergo primum principium rerum esse non potest.*

Quandoquidem sine motu nihil a materia prodire potest ( Postul. unico hujus ca. ): itemque materia motum a se non habet [ Prop. 1. hujus cap. ]; neque vix motrix naturaliter ei convenire potest [ Prop. 3. hujus cap. ]: ergo materia nihil per se efficere potest: ergo etiam ex hoc capite impossibile esse constat, ut materia sit primum principium.

Pro-

## PROPOSITIO IV.

*Motus, qui deorsum tendeat, itemque motus declinationis, atomis in infinito spatio inepte tribuitur.*

Prob. Motus ab æterno in materia per se inesse non potuit [ Prop. 1. hujus cap. ]; itemque vis motrix materiæ non convenit essentialiter [ Prop. præced. ]; ergo tum motum deorsum tendentem, tum etiam motum declinationis in atomis per se inesse, inepte confingitur.

Deinde ut aliquid tendere deorsum dici possit, aliqua inferiora corpora esse oportet, ad quæ tendat; sed in infinito vacuo spatio nulla corpora præsupponuntur, cum quibus tendentia, quam atomi deorsum habent, seu altitudo earum, comparari possit: ergo. Maj. constat: nam altitudo nulla esse, aut nullum corpus altum dici potest, nisi sit aliud corpus inferius positum, cum quo comparetur.

Motus quoque declinationis atomis repugnat: nam motum, quem atomi habere possent, a pondere haberent; sed motus, qui est a pondere, uti quotidiana experientia docet, nonnisi rectus esse potest: ergo.

## PROPOSITIO V.

*Vis genitrix, atque effectrix in materia per se existere non potest.*

Prob. Materia neque a se esse ( Sect. 1. prop. 6. ), neque perfectiones quas habet, a se habere [ Prop. 9. ejusdem sect. ], neque motus per se in ea esse ( Hujus cap. 2. prop. 1. ), neque vis motrix essentialiter, aut naturaliter illi convenire potest [ Prop. 3. ejusdem cap. ]; ergo. Conseq. constat: nam quod a se non est, a se quoque non habet id, quod habet: item vis genitrix, & effectrix quædam materiæ perfectio esset, ideoque si materia perfectiones, quas habet, a se non habet, neque etiam vim genitricem, aut effectricem a se habere potest: demum per vim genitricem, aut effectricem, quam materia a se ipsa haberet, se ipsam moveret: ergo si motus per se in materia non est, & vis motrix essentialiter illi non convenit, neque etiam vim genitricem, & effectricem per se habere potest.

Deinde hæc vis genitrix, & effectrix neque una, neque multiplex esse potest: ergo. Prob. ant: Unum est indivisum in se, & divisum a quolibet alio; sed materiæ partes, in quibus hæc vis inhaereret, inter se divisa sunt: ergo etiam vim divisam esse oporteret: ergo una esse non posset. Neque etiam potest esse multiplex: nam ex multiplicibus viribus, quæ sensu, & ratione carent, nulloque intelligenti principio diriguntur, nihil recte ordinatum prodire potest: ergo quum rectum ordinem in iis esse, quæ in mundo sunt, nemo negare possit, ab hisce viribus eum prodire non potuisse consequitur.

Tandem quomodo ab hac vi entia sensu, & ratione prædita dimanare poterunt, si ipsa neque sensum, neque rationem habet?

## P R O P O S I T I O V I.

*Ordo, qui in hac rerum universitate inest, præcellentissimus est, si in se ipso spectetur.*

Pulchritudo, & singularitas ordinis in eo posita est, ut plura licet diverſi generis ad unum aliquid constituendum aptissime convenient: ergo. Prob. con. Quamvis quæ in hoc mundo adveniuntur, propemodum infinita sunt, atque inter se omnino differant; tamen non modo ad præclarissimas mundi partes componendas singula uniuntur, sed etiam omnia conspirant ad constitutionem conservationemque totius, uti jam multorum millium annorum experientia, comprobatum est: ergo.

Deinde ubi sunt multa, quæ licet diversa ratione iuxta sui naturam moveantur; tamen neque unum eorum aut turbat motum alterius, aut impedit, ne per illud producat, quod produci deberet, immo omnia, quamvis sæpe etiam contraria inter se ratione, ad unum conspirant, ordinem præclarissimum esse oportet, præcipue vero si cuncta inter se recte colligata, atque unita sunt; sed hoc est, quod in ista universitate rerum, & etiam in mundo cælesti contingit: ergo.

Tandem ordo totius eo præcellentior est, quo ejusdem partes vel minutiores magis ordinatæ, atque recte compositæ inter se sunt; sed hujus universitatis partes vel minutiores rectissime ordinatæ, atque compositæ inter se sunt, uti etiam in vilissimis animalculis, omni genere herbarum, atque minutissimis seminibus observare est: ergo.

## P R O P O S I T I O V I I.

*Hunc ordinem materia a se non habet, neque necessario habet.*

Prob. Materia a se esse non potest (sect. 1. prop. 6.): ergo neque etiam hunc ordinem a se habere. Prob. con. Quod a se non est, id, quod habet, a se habere non potest: ergo. Deinde materia perfectiones, quas habet, a se non habet; [sect. 1. prop. 9.]; sed ordo est quædam peculiaris materiæ perfectio: ergo. Tandem motus ab æterno per se in materia esse non potest; (Hujus cap. 2. prop. 1.); sed materia sine motu ordinari non potest: ergo.

Materia necessario non exiit: (sect. 1. prop. 7.): ergo neque hunc ordinem necessario habet. Prop. con. Quod necessario non exiit, non existere non potest: ergo & ordinem, quem habet, necessario non habet. Deinde materia est ens contingens (sect. 1. prop. 8.): ergo quod non est de essentia illius, contingenter habet; sed hic, vel ille ordo non est de essentia illius, ergo. Prob. mi. Quod ordinem simpliciter necessario habet, id aliter, ac est, ordinatum aut esse, aut concipi non potest; sed nulla est materiæ pars, quæ aliter, ac est, ordinata aut esse, aut concipi non possit: ergo. Tandem necessitas ordinis in eo posita est, ut hic, & non alius rerum ordo esse debeat; sed peculiarium rerum ordinem successive mutari quotidie videmus: ergo quum ordo generalis ex peculiaribus ordinibus componatur, neque etiam ille necessarius esse potest.

## PROPOSITIO VIII.

*A casu, vel fortuito hic ordo esse non potest, sed aliquam intelligentem causam necesse est, ut habeat.*

Prob. Ordo, qui in hac rerum universitate conspicitur, præcellentissimus est, si in seipso spectetur (Hujus cap. prop. 6.); ergo. Prob. con. Ideo est præcellentissimus, quia licet innumera, & diversæ speciei sint, & omnino aliæ, atque alia ratione moveantur, quæ eundem componunt, omnia tamen inter se consentiunt, priora sequentibus respondent, illaque cum illis, & ad unum constituendum conservandumque conspirant (Prop. laud.). ergo. Prop. con. Per casum, atque fortunam cum sequentibus priora comparari non possunt, multoque minus res tam multiplices, atque inter se diversæ in unum finem constanter dirigi, & ordinari: ergo.

Deinde opus consilii plenum sine consilio esse repugnat: ergo. Prob. con. Quod ordinem præcellentissimum habet, si opus consilii plenum non sit, nullum sane esse potest; sed ordo, qui in hoc mundo conspicitur, in se spectatus est præcellentissimus (Prop. 6. hujus cap.): ergo.

Tandem nomine fortunæ, atque casus nihil aliud intelligendum venit, quam partium materiæ quædam concursio, quæ in ipsa materia sine principio intelligenti nascitur; sed hæc concursio partium sine motu esse non potest: ergo etiam motus in ipsa materia per se oriri deberet; sed motus per se in materia esse non potest: (Hujus cap. 2. prop. 1., & seq.) ergo. Item: hæc fortuita concursio in materia per ipsam materiam fieri deberet, quum casus, & fortuna aliqua efficiens activa causa non sit: ergo ordo, qui est in ipsa materia per ipsam materiam esset; sed hunc ordinem a se materia non habet: (Prop. præced.); ergo.

Ex his autem constat, hunc ordinem ab aliqua intelligenti causâ pendere. Nam sola causâ intelligens unum cum altero conferre, quæ præcedunt ad sequentia ordinare, cum futuris præsentia componere, quæ præterierunt cum præsentibus colligare potest, aliæque omnia præstare, quæ ad aliquem multiplicitum, & prope infinitarum rerum ordinem inducendum necessaria sunt: ergo.

## PROPOSITIO IX.

*Solus Deus hunc in mundo ordinem inducere potuit.*

Prob. Ordo, qui in hac rerum universitate conspicitur, a materia esse non potest, tum quia materia a se non est [Sect. 1. prop. 6.], tum quia perfectiones, quas habet, a se non habet (Prop. 9. ejusdem sect.), tum quia motus per se materiæ convenire non potest (Hujus cap. 2. prop. 1., & seq.), sine quo in partibus aliqua dispositio impossibile est, ut fiat, tum quia materia vigenitrice, atque effectrice prædita non est (Hujus cap. prop. 3., & 5.); aliunde autem hic ordo præcellentissimus quidem est in se ipso spectatus, (Hujus cap. prop. 6.) sed non necessarius, (Hujus cap. prop. 7.) neque a casu esse potest, sed aliquam sui causam intelligentem exigit: (Prop. præced.); ergo quum nihil esse sine sui causâ, atque principio possit, Deum causam hujus ordinis esse oportet. Prob. con. Dei nomine ens perfectissimum intelligitur: [Sect. 2. def-

definit. unica] ens autem perfectissimum a se esse oportet (Sect. 1. prop. 3.), omnes perfectiones a se habere (Prop. 4. ejusdem sect.), ac necessario existeret debet (Prop. 5. ejusdem sect.): ergo hic ordo a Deo tantum est: nam si causa, & principium illius non ponatur esse ens perfectissimum, quod a se sit, omnes perfectiones a se habeat, atque necessario existat, semper inquirendum supererit, unde nam tandem illud principium habeat, ut ordinis, atque omnium perfectionum causa esse possit.

## COROLLARIUM.

*Physicis igitur argumentis plenissime constat de existentia Dei.*

Uti enim ex demonstratis constat ordinem, atque dispositionem rerum omnium, quæ in hoc mundo conspiciuntur, Dei existentia evidentiissimum argumentum esse, si tantum ignorare possunt, qui in luce meridiana cæcutire volunt, & effectum sine causa ponere.

## CAP. III.

De Argumentis Metaphysicis, quibus Dei existentia demonstratur.

## DEFINITIO.

Argumenta metaphysica ea sunt, quæ ex intrinseca natura rerum acutiori lumine rationis ad aliquid demonstrandum eruantur. Hæc autem & manifestius convincunt, &, quod propositum est, magis distincte suadent.

## PROPOSITIO I.

*Ens necessarium existit.*

Prob. Entia contingentia existunt (Sect. 1. prop. 6., & seq.): ergo etiam ens necessarium existat oportet. Prob. con. Entia contingentia ea sunt, quæ ex se, exque sui natura tam esse, quam non esse possunt (Sect. 1. definit. 7.); sed quæ ex se, exque sui natura tam esse, quam non esse possunt, ex se, exque sui natura habere non possunt, ut potius sint, quam non sint: ergo si existunt entia contingentia, ens quoque necessarium primo oportet, ut existat, per quod illa habuerint, ut essent.

Deinde fieri non potuit, ut entia contingentia existentiam contingentem sibi tribuerint: ergo si entia contingentia existunt, ens quoque necessarium existat oportet. Prob. ant. Ens contingens ex sui natura non habet, ut potius sit, quam non sit [Sect. 1. def. 7.]; sed non habere potius esse, quam non esse, & habere potius esse, inter se opponuntur: ergo fieri non potuit, ut entia contingentia existentiam contingentem sibi tribuerint: ergo si entia contingentia existunt, ens quoque necessarium existere debet.

Demum omnia entia contingentia in tota æternitate ita successive producta fuisse, ut unum ab altero perpetua successione profluxerit, impossibile est: ergo ens necessarium admittatur oportet. Prob. ant. Entia contingentia, quamvis in tota æternitate successive producta supponantur, contingentia esse non desinunt, hoc est, quæ tam esse, quam non esse potuerint: ergo, ut essent,

Tom. II.

A a

caus-

caussa necessaria præcedere debuit: ergo si repugnat, ut unum, aut alterum, ens contingens exiit, nulla existente necessaria causa; multo magis repugnat infinita successio entium contingentium, nulla eodem modo existente causa necessaria.

### PROPOSITIO II.

*Athei, qui ad infinitam successionem entium contingentium recurunt, infinite irrationabiliter agunt.*

Prob. Qui infinitos effectus sine sui causa, aut principio admittit, infinite irrationabiliter agit: ergo. Prob. con. Per hanc suppositionem, quam Athei faciunt, infiniti effectus sine sui causa, aut principio admittuntur: ergo. Prob. ant. Per hanc suppositionem, quam confingunt, causæ contingenti non tribuitur, nec tribui potest, ut a se sit: ergo.

Deinde hæc infinita successio entium contingentium infinite repugnat: ergo qui eam ponit, infinite irrationabiliter agit. Prob. ant. Repugnat, ut hoc, vel illud ens contingens a se, & sine sui primo principio sit; quia ens contingens ex sui natura non plus habet, ut sit, quam ut non sit: ergo multo magis repugnabit, ut quatuor, quinque &c. entia contingentia a se, & sine sui primo principio sint: ergo semper magis magisque repugnabit, ut millia entia contingentia a se, & sine sui primo principio sint: ergo ut infinita entia contingentia sine sui primo principio exsistant, infinite repugnabit: ergo qui ponit hanc infinitam successionem entium contingentium, infinite irrationabiliter agit.

### PROPOSITIO III.

*Ens necessarium infinite perfectum esse debet.*

Prob. Ens necessarium ideo admitti debet, quia sine eo entia contingentia existere non possent [Prop. 1. hujus cap.]: ergo ens necessarium totam plenitudinem essendi in se habeat oportet: ergo infinite perfectum esse debet. Prima conseq. prob. Idcirco ens contingens non potest existere a se ipso, quia non est ipsum esse, & idcirco nisi aliunde accipiat esse, non est: ergo ens necessarium, a quo oritur existentia entium contingentium, tale esse debet, ut non solum habeat esse, sed etiam sit ipsum esse: ergo habere debet totam essendi plenitudinem. Altera etiam conseq. constat, quia esse infinite perfectum nihil aliud est; nisi habere in se ipso omnes posibles perfectiones; sed in habente omnem essendi plenitudinem sunt omnes posibles perfectiones, quia, unaquæque perfectio pertinet ad lineam essendi, & eatenus perfectiones sunt, quatenus pertinent ad esse: ergo ens necessarium, a quo contingentia omnia sunt, quia necessario in se habet omnem essendi plenitudinem, est infinite perfectum.

Deinde existentia necessarii entis consistit in quadam absoluta, & antecedenti necessitate, quæ includitur in natura ipsius entis necessarii: ergo ens necessarium infinite perfectum esse debet. Prob. conseq. Absoluta, & antecedens necessitas entis physice necessarii non potest oriri nisi ex plenitudine essendi; nam quidquid habet esse, sed non est ipsum esse, ejus esse ab alio est: sed plenitudo entis, & limitatio invicem pugnant: ergo pugnant etiam limitatio, &

& necessitas antecedens : ergo ens necessarium limitationem excludit , atque adeo sine limitatione , hoc est infinite perfectum est .

Tandem ens necessarium continere debet omnes perfectiones possibiles : ergo infinite perfectum esse debet . Prob. ant. Perfectiones eatenus sunt possibiles , quatenus ab ente necessario dimanare possunt : nam ens contingens sicut a se ipso esse non potest ; ita neque etiam perfectiones a se habere potest : ergo si perfectiones ab aliquo principio esse debent , nonnisi ab ente necessario esse possunt : ergo ens necessarium fons , & origo est perfectionum omnium ; sed ens necessarium aliqua ex parte determinatum esse repugnat , uti jam demonstravimus : ergo infinite perfectum esse debet .

## COROLLARIUM.

*Metaphysica itaque argumenta Dei existentiam evidentiter demonstrant .*

Quum enim nomine Dei ens necessarium infinite perfectum intelligatur , atque hoc ens necessarium infinite perfectum illud sit , quod argumenta metaphysica demonstrant ; consequens inde est , ut Deum existere argumentis metaphysicis evidentissime evincatur .

## LIBER II.

## DE DIVINIS ATTRIBUTIS.

## DEFINITIO I.

Attributum est quædam absoluta ratio , quæ revera , atque necessario in Deo existit , quæque ex nostro intelligendi modo Divinam naturam veluti quædam proprietas consequitur .

In Deo ergo quamvis perfectionum multiplicitas realis esse non possit , quia est summe unus , atque simplex ; tamen propter incomprehensibilitatem , ejus diversæ perfectiones a nobis distinguuntur , quæ quidem omnes in Deo sunt , veluti in causa veritatis , quia Deus per easdem representari potest , in intellectu autem nostro , sicuti in subiecto , in quo representantur .

## DEFINITIO II.

Per attributa negativa aliquid Divinæ naturæ non convenire , per affirmativa autem aliquid Divinæ naturæ convenire designatur . Per illa , in quibus Deus differat ab aliis , potissimum cognoscitur : per ista autem Divina substantia aliquo modo representatur .

## SECTIO I.

De Immutabilitate Dei .

## DEFINITIO.

*Æternum proprie illud dicitur , quod neque principium habuit existendi , neque finem habiturum sit , & omni successione caret , ita ut semper totumque simul existat .*

Quid autem sit, a se esse, & necessario existere constat ex definit. 4., & 6. sect. 1. lib. 1.

### PROPOSITIO I.

*Deus necessario existit.*

Prob. Ens perfectissimum necessario existere debet ( Lib. 1. sect. 1. prop. 5. ); sed Deus est ens perfectissimum ( Lib. 1. sect. 2. definit. unica ); ergo Deus necessario existere debet.

Deinde Deus existit, quia existere debet ens necessarium, quod infinite perfectum est ( Lib. 1. cap. 3. coroll. unico ); sed ens necessarium esse non potest, quod necessario non existit: ergo.

Potremo posse non esse, aut non fuisse, imperfectionem secum affert: ergo si Deus est ens perfectissimum, non potest non esse, aut non fuisse: ergo est ens necessarium ( Lib. 1. sect. 1. definit. 6. ),

### PROPOSITIO II.

*Deus a se ipso existit.*

Prob. Ens perfectissimum & a se esse, & omnes suas perfectiones a se habere debet [ Lib. 1. sect. 1. prop. 3., & 4. ], sed Deus est ens perfectissimum: ergo a se esse debet.

Deinde a se esse, nullamque sui causam habere, maximè est perfectionis: ergo si Deus est ens perfectissimum, a se quoque esse debet.

Potremo Deus nullam sui causam habet, aut habere potest: ergo a se est. Prob. ant. Deus est ens necessarium [ prop. præced. ]; ergo. Prob. con. Ens necessarium ideo non esse non potest, quia in se habet existendi necessitatem ( Lib. 1. sect. 1. definit. 6. ); ergo si Deus est ens necessarium, nullam sui causam habet, aut habere potest, ideoque a se est.

### PROPOSITIO III.

*Deus est absolute æternus.*

Prob. Deus est ens necessarium ( Prop. 1. hujus cap. ): ergo est absolute æternus. Prob. conf. Ens necessarium neque non esse, neque successive esse potest: ergo semper, totumque simul existit: ergo est æternus. Prob. ant. Repugnat esse necessario, & posse non esse: ergo multo magis repugnat, esse necessarium, & non esse. Rursus ens necessarium habet totam essendi plenitudinem: ergo est totum simul. Nam si esset successive, esse ejus in hoc instanti, aut esset idem, ac esse in instanti sequenti, aut non: si idem: ergo non aliud, & aliud, atque adeo ne successio quidem, sed totum simul, ac semper: si non idem: ergo aliud, & aliud, atque adeo non tota essendi plenitudo: quod repugnat enti necessario.

Præterea perfectus est esse semper, ac totum simul, quam esse ab aliquo principio; aut cum aliquo fine, & cum successione; sed Deus est ens perfectissimum: ergo caret principio, fine, & successione: ergo est æternus.

Deinde ens necessarium existendi initium, aut finem habere non potest; sed



sed Deus est ens necessarium [ Prop. 1. hujus sect. ] : ergo . Prob. 2a. Ens necessarium non esse non potest ( Lib. 1. sect. 1. definit. 6. ) : ergo nullum possibile est tempus , in quo non sit : ergo .

Potremo Deus est ens a se : [ prop. præced. ] ergo semper esse debuit . Prob. 3a. Si Deus aliquando non fuit , & postea esse cœpit , ab aliqua causa id habuerit oportet , quum ipse antequam esset , sibi dare non posset , ut esset : ergo . Quum autem Deus & a se sit , & necessario sit , inde quoque est , ut finem habere non possit .

## PROPOSITIO IV.

*Nullum accidens , seu nulla modificatio in Deo inesse potest .*

Prob. Quod alicui accidentaliter inest , non pertinet ad essentiam ejus : ergo aliqua alia causa præter essentiam dari debet , cur inhæreat : ergo si accidentia , aut modificationes in Deo inessent , vel aliquod principium præter Deum , vel ipse Deus causa eorumdem esse potest : ergo . Prob. 1a. quoad priorem partem . Deus est ens perfectissimum , quod perfectiones omnes a se habere debet [ Lib. 1. sect. 1. prop. 4. ] . Item : Deus existit , quia dari debet ens necessarium , quod infinite perfectum est [ Coroll. prop. 3. cap. 3. sect. 2. lib. 1. ] : ergo . Prop. altera pars . Per hoc quod Deus aliquid accidentale sibi tribueret , vel perficeretur , vel non perficeretur , sed utrumque est contra rationem perfectissimi entis : ergo . Item : si Deus aliquid sibi accidentaliter tribueret , in potentia ad illud recipiendum esse deberet ; sed hoc quoque est contra rationem perfectissimi entis : ergo .

## PROPOSITIO V.

*Deus est omnino immutabilis .*

Prob. Quidquid mutatur , aut mutari potest , non nisi quoad esse , vel quoad accidentia , aut modificationes mutari potest ; sed Deus neque quoad esse , neque quoad accidentia , seu modificationes mutari potest : ergo est omnino immutabilis . Prob. 1a. Et quidem quoad accidentia , seu modificationes Deum mutari non posse manifestum est ; quum in Deo nullum accidens , seu nulla modificatio inesse possit [ Proposit. præced. ] : Deum autem mutari non posse quoad esse , constat 1. ex eo quod est ens necessarium ( Proposit. 1. ) , & ideo neque possibile fuit unquam , ut non esset , neque possibile est , ut non sit . 2. quia est æternus ( Proposit. 3. ) , adeoque neque principium habere potuit , neque potest habere finem .

Præterea nihil mutari potest , nisi vel per alterius potentiam , vel per potentiam suam ; sed Deus neutro modo mutari potest : ergo est omnino immutabilis . Prob. 1a. quoad primam partem . Quod non est ab alio , non potest mutari per potentiam alterius ; sed Deus a se ipso existit ( Proposit. 2. ) : ergo . Prob. eadem 1a. quoad alteram partem . Per nullam ne sui quidem ipsius potentiam mutari potest , quod est intrinsece , atque ex se omnino immutabile ; sed Deus intrinsece , & ex se omnino est immutabilis , ut modo ostendimus : ergo .

Pro.

## PROPOSITIO VI.

*Deus neque materia, neque corpus esse potest.*

Prob. Materia, siue corpus ens perfectissimum esse non potest ( Lib. 1. sect. 1. prop. 2. ); sed Dei nomine ens perfectissimum intelligitur [ Lib. 1. sect. 2. definit. unica ]; ergo.

Item . Materia neque a se esse ( Lib. 1. sect. 1. prop. 6. ), neque necessario existere [ Prop. 7. ejusdem sect. ], neque suas perfectiones a se habere potest [ Prop. 9. ejusdem sect. ]; sed ens perfectissimum, cujusmodi est Deus, a se esse, omnes perfectiones a se habere, ac necessario existere debet: [ Lib. 1. sect. 1. prop. 3., 4., & 5. ]; ergo.

Deinde si Deus esset materia, vel corpus, hæc materia, vel corpus aut quid infinitum esset, aut quid finitum; sed neutrum contingere potest; ergo. Non prius: nam infinitum undequaque diffunditur: ergo nullibi locus remaneret, in quo alia corpora existere possent: ergo nulla alia corpora existerent. Non alterum: quia quod finitum est, circumscribatur oportet: quod vero circumscribitur, ab alia causa hoc habere debet: ergo huic causæ potius quam materię divinitas tribuatur oportet: ergo Deus neque materia, neque corpus esse potest.

Postremo Deus necessario existit, a se ipso existit, & est absolute æternus ( Prop. 1., 2., & 3. hujus sect. ): ergo materia, siue corpus esse non potest. Prob. con. Materia, siue corpus est ens contingens ( Lib. 1. sect. 1. prop. 8. ), partes habet, quæ rem compositam præcedunt, ejusdemque sunt causa materialis; atque dissolvi possunt: ergo materia neque necessario, neque a se existere, neque æterna esse potest: ergo.

## PROPOSITIO VII.

*Eam substantiam, ex qua omnia componuntur, unicam esse repugnat.*

Prob. Quod unicum est, multiplex esse non potest; sed quæ hunc mundum componunt, multiplicia sunt: ergo. Prob. mi. Corpus A non est corpus B, corpus B non est corpus C, corpus C non est corpus D, atque idem de omnibus aliis corporibus dicendum est, quorum unumquodque numero saltem ab alio distinguitur: ergo.

Deinde quod unicum est, indivisum in se esse debet, & divisum a quolibet alio; sed ab eo, quod in se indivisum est, & divisum a quolibet alio, repugnat, ut multa inter se divisa componantur; alioquin simul divisum esset, & non divisum: ergo repugnat eam substantiam unicam esse, ex qua omnia componuntur. Prob. con. Ea inter se divisa sunt, quæ unitares distinctas constituunt, ita ut partes unius non sint partes alterius; sed talia sunt, quæ hunc mundum componunt, uti etiam oculis conspicitur: ergo.

Tandem unica substantia unum quid est: ergo si substantia, ex qua omnia componuntur, esset omnino una, omnia ex ea composita essent unum; sed hoc repugnat: ergo Prob. min. Unitas multiplicitati opponitur: ergo, si sunt plura composita, non omnia sunt unum; si una res est; non ergo sunt plura composita.

Pro-

## PROPOSITIO VIII.

*Ea substantia, ex qua omnia componuntur, una esse non potest  
ne unitate quidem compositionis.*

Prob. Propter unitatem compositionis id tantum unum efficitur, cuius partes a suo toto indivise manent; sed in hoc mundo infinita occurrunt, quæ habent partes distinctas, atque divisas componentes distinctas, & divisa corpora in se existentia, & non in toto: ergo. Major constat: nam corpus A v. gr. habet unitatem compositionis, dum partes illius unæ manent: ceterum si partes dividantur, atque a se invicem separentur, unum corpus amplius non est, neque retinet unitatem compositionis.

Deinde corpora veræ, reales, & distinctæ entitates sunt, quæ in se existunt: ergo ea substantia, quæ unica semper manet, esse non possunt, quamvis unitas compositionis ei tribuatur. Ant. manifestum est. Prob. con. Unum compositum multiplicitati compositæ simpliciter opponitur: ergo quum corpora sint veræ, reales, atque distinctæ entitates, quæ in se existunt, ideoque etiam multiplicia composita constituent, ea substantia, quæ unica est, esse non possunt, quamvis sola unitas compositionis illi tribuatur.

## PROPOSITIO XI.

*Ea substantia, ex qua omnia componuntur, indivisam esse repugnat.*

Prob. Ea substantia, ex qua omnia sunt, una esse non potest [Hujus sect. prop. 7., & 8.]: ergo indivisam eam esse repugnat, quum unum sit indivisum in se, & divisum a quolibet alio.

Deinde indiviso divisioni opponitur: ergo quod indivisum est, divisum constituere non potest; sed quæ existunt, divisa sunt, & corpus A non est corpus B: ergo ab indivisa substantia esse non possunt.

## PROPOSITIO X.

*Substantiam materialem indivisibilem esse repugnat.*

Prob. Substantia materialis necessario habere debet partes: ergo indivisibilem esse repugnat. Prob. con. Una pars distinctam ab alia parte entitatem habet; sed quæ entitatem distinctam habent, dividi possunt: ergo.

Deinde quod indivisibile est, repugnat, ut revera dividi posse concipiatur, multoque magis ut actu dividatur; sed substantia materialis & revera dividi posse recte concipitur, & actu dividitur: uti ipsa experientia compositum habemus: ergo.

## PROPOSITIO XII.

*Substantiam, quæ in intellectu tantum existentiam habet, eorum,  
quæ existunt, principium esse repugnat.*

Prob. Quod est solummodo in intellectu nostro, revera non existit; sed quod componit illa, quæ existunt, revera existere debet: ergo. Maj. constat: nam  
si

si animal communiter accipitur, prout in intellectu nostro tantum existit, carnes, ossa, aut aliquid eorum non habet, quæ animali existenti conveniunt. Mi. quodque manifesta est: ab eo enim, quod non existit, aliquid existens produci non potest.

## PROPOSITIO XII.

*Repugnat, ut etiam per intellectum eam substantiam unicam esse, & indivisam concipiamus, ex qua omnia constant.*

Prob. Ut eandem substantiam unicam, & indivisam, atque multiplicem divisamque simul concipiamus, repugnat: ergo. Ant. constat quia tunc esset una, & non una, divisa, & non divisa. Prob. con. Tunc substantia esset una, & indivisa, quatenus una, & indivisa conciperetur: non esset una, & indivisa, quia plura, atque inter se divisa ex illa componi adverteretur: ergo.

## PROPOSITIO XIII.

*Substantiam, ex qua omnia componuntur, immutabilem esse repugnat.*

Prob. Ea substantia non potest esse immutabilis, cuius partes continuo mutantur, atque inter se opponuntur; sed partes illius substantiæ, quæ omnia componit, continuo mutantur, atque inter se opponuntur: ergo. Prob. mi. Quæ existunt non solum continuè mutationi obnoxia, sed etiam inter se contraria esse, naturamque unius opponi naturæ alterius, expertentia constat: ergo.

## PROPOSITIO XIV.

*Unicam substantiam materialem infinitam dari repugnat.*

Prob. Quod materialiter infinitum est, undequaque extenditur: ergo omnem locum occupat: ergo nihil loci superest, in quo alia ab eo esse possint; sed multa tum numero, tum specie inter se distincta in loco sunt: ergo.

## PROPOSITIO XV.

*Unicam materialem substantiam necessario existere repugnat.*

Prob. Materia necessario existere non potest [ Lib. 1. sect. 1. prop. 7. & 8. ]: ergo.

Deinde si unica substantia materialis necessario existeret, omnia, quæ in mundo sunt, necessaria esse deberent; sed hoc falsum est: ergo. Maj. constat: nam aliquid necessarium esse non potest, nisi partes illius necessariae sint. Min. quoque evidens est. Id enim, quod necessarium est, non esse non potest: quæ autem in mundo sunt, nullam necessitatem habent, ut sint, quia quædam aliquando non fuerunt, quæ modo sunt, nonnulla modo sunt, quæ postea non erunt, nihilque tale est, ut etiam alia ratione esse non possit. Hac autem omnia cum existentia necessaria pugnant, quia quod necessario existit, & non esse non potest, & aliquem necessarium existendi modum habeat oportet.

## P R O P O S I T I O X V I.

*Corpora, quæ existunt, repugnat esse modificationes unius infinitæ substantiæ materialis, quatenus extensa est.*

Prob. Ut ex uno corpore absque divisione illius plura alia distincta, diversa, atque separata corpora producantur, per modificationes effici non potest: ergo corpora, quæ existunt, non possunt esse modificationes infinitæ substantiæ materialis, quatenus extensa est. Ant. experientia contat: per hoc enim quod ista materia moveatur, aut quiescat, hanc, vel illam figuram induat, aut quavis diversa ratione modificetur, non sequitur, ut absque divisione ejus diversa corpora producantur, sed ut ipsa sit modificata diversa ratione.

Deinde modificationes non sunt entitates, quæ per se, vel in se existant: ergo per eas diversa, & distincta corpora constitui non possunt. Ant. constat: hæc enim, vel illa figura sine corpore non existit. Prob. con. Quælibet corpora diversas, atque inter se distinctas habent entitates: ergo si modificationes non sint diversæ, atque distinctæ entitates, per eas diversa, & distincta corpora constitui non possunt.

## P R O P O S I T I O X V I I.

*Cogitationes non possunt esse modificationes unius infinitæ substantiæ materialis, quatenus sic cogitans.*

Prob. Modificationes diversa, distincta, atque in se existentia principia, non constituunt, quæ diversas distinctasque operationes producant: sed cogitationes distinctæ, atque diversæ a diversis distinctisque principiis dimanant: ergo. Maj. contat. Min. quoque manifesta est: nam mez cogitationes diversæ atque distinctæ sunt a cogitationibus alterius, & diversum, ac distinctum principium habent.

Deinde materiam cogitantem esse repugnat, uti inferius demonstrabimus.

## C O R R L A R I U M.

*Non minus itaque impia, quam absurda sunt, quæ Spinoza de substantia confinxit.*

Ex hisce enim ultimis undecim propositionibus potissimum constat, non minus impie, quam inepie Spinosam sensisse, dum unicam substantiam materialem infinitam, indivisam, immutabilem, per se existentem, necessariam, & æternam, principium rerum omnium ita esse statuit, ut ab ea, quatenus extensa est, omnia corpora, quatenus est cogitans, omnia entia spiritalia producta sint. Hunc vero Pantheistarum patronum necesse fuit, ut etiam strictum peculiariter confutarem.

## S E C T I O I I.

De Simplicitate Dei.

## D E F I N I T I O I.

Illud est omnino simplex, quod in se nullam compositionem habet.

Tom. II.

B b

Di.

## DEFINITIO I L.

Compositio alia physica est, quæ constat ex materia, & forma, seu ex materia, atque modificationibus.

## DEFINITIO III.

Alia metaphysica, quæ constituitur ex essentia, & existentia.

## DEFINITIO IV.

Alia demum logica, quæ ex genere, & differentia componitur.

## L E M M A.

*Quod omnino simplex est, neque physicam, neque metaphysicam, neque logicam compositionem habere debet.*

Prob. Quod omnino simplex est, cujusvis compositionis expertus esse debet: ergo tum physicam, tum metaphysicam, tum logicam compositionem oportet, ut a se excludat: ergo si Deus est omnino simplex, harum omnium compositionum prorsus expertus esse debet.

## PROPOSITIO I.

*Deus expertus est physica compositionis.*

Prob. Compositio physica est ex materia, & forma, seu ex materia, & modificationibus (Definit. 1.); sed Deus non potest esse materia [Prop. 6. sect. præced.], neque in ipso ulla potest esse modificatio [Prop. 4. ejusdem. sect.]: ergo nulla in Deo esse potest physica compositio.

## PROPOSITIO II.

*In Deo essentia, & esse unum idemque sunt.*

Prob. Si in Deo ab essentia actualis existentia distingueretur, hæc ab aliqua causa esse deberet; sed a nulla causa esse potest: ergo. Prob. mi. Deus est ens a se, & absolute æternus (Sect. præced. prop. 1. & 3.): ergo ab aliqua externa causa ejus existentia esse non potest. Sed neque etiam a sua essentia, quia nihil agit, antequam sit: ergo actualis existentia ab essentia in Deo non distinguitur.

Deinde Deus necessario [Sect. præced. prop. 1.], & a se existit (Ejusdem sect. prop. 2.), atque æternus est [Ejusdem sect. prop. 3.]: ergo Prob. con. Si in Deo essentia, & actualis existentia unum idemque non essent, ad actualem existentiam Deum in potentia esse poneretur: ergo quum potentia existendi simul cum necessitate existendi esse non possit, si Deus necessario existit, essentia, & existentia unum, atque idem in eo esse debent: ergo quum id, quod est in potentia ad existendum, ut existat, causam sui habere debeat, enti

enti a se repugnare debet, ut essentia, & existentia in eo distinguantur: ergo quum id, quod est in potentia ad existendum, aliquando esse non possit, cum simpliciter æterno repugnat, ut ejus essentia ab existentia distinguatur.

## P R O P O S I T I O I I I.

*Deus est sua essentia, sive natura, vel Deus a sua Deitate non distinguitur.*

Prob. Deus est ens a se (Sect. præced. prop. 2.): ergo est sua essentia, sive natura: Prob. con. Ut sit in determinata specie res unaquæque a sua essentia habet: ergo si Deus idem non esset cum sua essentia, quam habet, a sua essentia naturam haberet: ergo non esset a se tale ens: ergo non omni ex parte ens a se esset.

Deinde Deus ens per participationem esse non potest: ergo est sua essentia, sive natura. Ant. constat: Deus enim est ens necessarium [Sect. præced. prop. 1.], quod omnem limitationem excludit (Lib. 1. sect. 2. cap. 3. prop. 3.) Prob. con. Quia homo non est sua humanitas, ipsam humanitatem participat, quia ens spirituale creatum non est sua spiritualitas, ipsam spiritualitatem participat: ergo si Deus sua essentia non esset, rationem entis solummodo participaret.

## P R O P O S I T I O I V.

*Deus est expers compositionis metaphysicæ.*

Prob. Compositio metaphysica constituitur ex essentia, & existentia (Definit. 3.): atqui in Deo essentia, & esse unum idemque sunt [Proposit. 2.], etque Deus sua essentia, sive natura [Proposit. 3.]: ergo Deus est expers metaphysicæ compositionis.

## P R O P O S I T I O V.

*Compositio generis in Deo esse non potest.*

Prob. In Deo essentia, & existentia unum idemque sunt (Hujus sect. prop. 2.): ergo nulla compositio generis in Deo esse potest. Prob. con. Quæ in aliquo genere conveniunt, quum non sint ipsum genus, oportet, ut secundum existentiam differant, atque in determinata specie constituantur: ergo si in Deo essentia, & existentia unum idemque sunt, nulla compositio generis in eo esse potest.

Deinde Deus neque in genere accidentis, neque in genere substantiæ esse potest: ergo nulla in eo est compositio generis. Prob. ant. Accidens, seu modificatio, neque primum ens, neque prima causa esse potest: ergo, Substantia, quæ est genus, ipsa per se non existit, seu non est suum esse, alioquin id omne, in quo substantiæ ratio reperiretur, per se existeret: ergo quia Deus est suum esse [Hujus sect. prop. 2.], neque etiam in genere substantiæ esse potest.

## P R O P O S I T I O V I.

*In Deo nulla esse potest differentia compositio.*

Prob. Deus est ens a se, atque necessario existit [Sect. præced. prop. 1.,

B b 2 & 2.)

& 2.] : ergo aliquo indigere non potest, ut sit; sed revera aliquo indigeret, ut esset, si differentia constaret: ergo. Prob. iii. Quod substantialem differentiam habet, in determinata specie per eam constituitur; in qua antea non erat: ergo ut in ea sit, ab illo principio pendet, a quo in determinata specie constituitur: ergo revera Deus aliquo sui principio indigeret, si differentia constaret: ergo si Deus est ens a se, atque necessarium, aliqua differentia constare non potest.

Deinde Divina substantia est suum esse (Hujus sect. prop. 2.): ergo nulla alia re indiget, ut sit: ergo quia per differentiam unamquamque res in determinata specie constituitur, in Deo nulla differentia esse potest.

### PROPOSITIO VII.

*Deus est expertus logica compositionis.*

Prob. Compositio logica constituitur ex genere, & differentia (Hujus sect. definit. 3.), sed Deus ex genere, & differentia non componitur (Præced. prop. 5. & 6.): ergo:

### COROLLARIUM.

*Per hæc, quæ in hac Sectione demonstravimus, Dei immutabilitas semper magis magisque comperta fit.*

Quandoquidem quæ existentiam ab essentia distinctam habent, ab aliqua causa oportet, ut existentiam recipiant [Hujus sect. prop. 1.], ergo immutabilia esse non possunt. Quæ a sua essentia distinguuntur, eam participant (Hujus sect. prop. 3.): ergo immutabilia esse non possunt, quia ens immutabile, non potest esse ens per participationem, cum qua immutabilitas nullo modo necessario conjuncta est. Tandem quæ genere constant; quid cum ceteris commune habent, & per aliquid aliud ad determinatum esse reducuntur, ut per se patet, quod sine mutatione fieri non potest; quæ autem differentia; ens a se esse, & necessario existere non possunt [Hujus sect. prop. 6.], quemadmodum requiritur, ut ens immutabile sit: nam immutabilitas & necessitas, inter se connexæ sunt.

### SCHOLIUM I.

*Propter relationem, quam creatura cum Deo habet, Divina simplicitas non tollitur, neque minuitur.*

Nam quamvis creatura ad Deum, sicuti ad suum principium, & ultimum finem revera referantur, tamen Deus ad creaturam non refertur: non ergo aliqua relatio realis ad creaturam in ipso inest, per quam simplicitas illius tolli, aut minui possit.

### SCHOLIUM II.

*Multiplicitas nominum Divina simplicitati non opponitur.*

Deus enim in virtute suæ essentiae, quæ est una, atque simplex, continet eas omnes perfectiones, quæ alia, ac alia ratione a diversis entibus participantur: quum ergo ex effectibus in Dei cognitionem nos deveniamus, neces-

se



se est, ut ad significandam perfectionem ejus diversis nominibus utamur, quia imago perfectionis in rebus diversis adinventur. Itaque quum multiplicitas nominum, quibus utimur, non ex multiplicitate rerum distincte in Deo existentium, sed ex idearum nostrarum distinctione oriatur, Divinae simplicitati non opponitur.

## SCHOLIUM III.

*Hæc autem nomina Synonyma non sunt, quamvis unam eandemque rem simplicem significant.*

Quandoquidem nomina synonyma unam eandemque rationem significare debent; at nomina, quæ Deo tribuimus, non unam eandemque rationem, sed multiplicem sub unica simplici entitate contentam significant.

## SCHOLIUM IV.

*Plures propositiones de Deo enunciari possunt absque ullo præjudicio Divinae simplicitatis.*

Nam intellectus non tribuit rebus modum, quo intelligit: ita lapidi immaterialitatem non tribuit, quamvis immaterialiter eum cognoscat: ergo quum conceptiones intellectus nostri sint multæ, atque diversæ, diversæ de Deo propositiones enunciari possunt absque ullo præjudicio Divinae simplicitatis.

## SECTIO III.

De infinitate Dei.

## CAP. I.

De Infinitate, quam Deus habet in se, atque in suis perfectionibus:

## DEFINITIO I.

Infinitum illud est, quod nullis terminis circumscribitur. Unde infinite perfectum est, quod suarum perfectionum nullum finem habet.

## DEFINITIO II.

Infinitè perfectum relative est illud, quod licet in se revera infinitum in perfectione non sit, est tamen quoad nos, quia numerum perfectionum ejus mire non possumus.

## DEFINITIO III.

Infinitè perfectum absolute, atque simpliciter est, quod perfectiones infinitas in se revera habet.

## DEFINITIO IV.

Ab æterno infinite perfectum est, quod perfectiones infinitas semper habuit.

## DEFINITIO V.

In tempore infinite perfectum esset, quod perfectiones infinitas in tempore acquisivit.

LEM-

## L E M M A.

*Ut Deus sit revera infinite perfectus, infinitas perfectiones absolute, & simpliciter in se habere, & easdem semper habuisse, atque semper habiturum esse oportet.*

Prob. Quod relative infinite perfectum est, perfectiones infinitas in se revera non habet (Hujus cap. definit. 2.): ergo simpliciter infinite perfectum dici non potest: ergo ut Deus sit revera infinite perfectus, infinitas perfectiones simpliciter in se habere debet. Quia vero summa perfectio est, semper fuisse perfectum, & nunquam a summa perfectione excidere posse; ideo ut Deus simpliciter perfectus sit, etiam hoc utrumque habere debet.

## P R O P O S I T I O I.

*Deus est in se ipso infinitus.*

Prob. Deus est suum esse (Hujus lib. sect. 2. prop. 2.): ergo est in se infinitus. Prob. con. Quod in altero recipitur, ab eo circumscribi debet, quum in eo sit per modum recipientis: ergo quod non existit in alio, sed est suum esse, non habet, unde circumscribatur, & terminetur: ergo est infinitum: si ergo Deus est suum esse, est infinitus.

Deinde Deus est ens necessarium, atque a se ipso existens (Hujus lib. sect. 1. prop. 1., & 2.): ergo in se infinitus. Prob. con. Quod est finitum per aliquid oportet, ut circumscribatur ab aliquo, quod aliquo modo sit causa ejus, vel ad illius productionem concurrat: sed ens necessarium existendi necessitatem in se habet, ens vero, quod a se ipso est, sibi causa est, ut sit: ergo ens necessarium, & a se ipso existens, in se infinitum esse debet: ergo si Deus est ens necessarium, & a se ipso existens, in se infinitus est.

Postremo Deus est ens necessarium (Hujus lib. sect. 1. prop. 1.), sed ens necessarium infinite perfectum esse debet (Lib. 1. sect. 2. cap. 3. prop. 3.): ergo.

## P R O P O S I T I O II.

*Deus est simpliciter infinite perfectus.*

Prob. Si Deus in suis perfectionibus esset aliquo modo finitus, id haberet vel a se ipso, vel ab aliqua alia causa; sed neutrum contingere potest: ergo. Prob. mi. Deus necessarius, & a se existit, atque absolute æternus est (Hujus lib. sect. 1. prop. 1., 2., & 3.): item causa, & principium est rerum omnium (Lib. 1. sect. 2. cap. 2. prop. 9., & ejusdem sect. cap. 3. prop. 1.): ergo ab aliqua externa causa finis perfectionibus illius imponi non potuit. Neque etiam a se Deus habere potest, ut suæ perfectiones finitæ sint. Nam nullum ens sibi dare potest, ut sit, quia ageret, antequam esset: ergo neque etiam sibi dare potest, ut hoc, vel illo modo sit: ergo nullam determinationem sibi impone-

re.

re potest: ergo Divinæ perfectiones ab ipso Deo habere non possunt, ut finitæ sint: ergo Deus in suis perfectionibus omnino infinitus existit.

Deinde quod simpliciter in se perfectum non est, ulterius perfici potest; sed Deus ulterius perfici non potest: ergo. Prob. mi. Quod ulterius perfici potest, mutari potest; sed Deus est omnino immutabilis (Hujus lib. sect. 2. prop. 6. coroll. unico,); ergo.

## PROPOSITIO III.

*Dei perfectiones quoad numerum quoque, atque præstantiam, infinita esse debent:*

Prob. Deus est simpliciter infinite perfectus: [prop. præced.] ergo. Prob. con. Nam si aliqua perfectio ei superaddi posset, jam non esset omnino perfectus: item si præstantia virtutum ejus augeri posset, etiam Dei, in quo inhaerent, perfectio augeretur: ergo.

## PROPOSITIO IV.

*Summam perfectionem, quam Deus habet, semper habuerit oportet.*

Prob. Deus necessario existit, a se ipso existit, & est absolute æternus (Hujus lib. sect. 1. prop. 1., 2., & 3.): ergo summam perfectionem, quam habet, semper habuerit oportet. Prob. con. Ens necessarium sicuti non esse, ita alia ratione, ac est, esse non potest, quia perfectissimum esse debet (Lib. 1. sect. 2. cap. 3. prop. 3.): ens a se sine principio esse debet; alias sibi dedisset, ut esset, antequam esset: ens simpliciter æternum principium habuisse non potuit (Hujus lib. sect. 1. definit. unica): ergo si Deus necessario existit, a se ipso existit, & est simpliciter æternus, summam perfectionem, quam habet, semper habuit.

## PROPOSITIO V.

*Summam perfectionem, quam Deus habet, semper habeat necesse est.*

Prob. Deus est ens necessarium, a se, atque simpliciter æternum (Hujus lib. sect. 1. prop. 1., 2., & 3.): ergo. Prob. con. Ens necessarium non esse non potest, atque perfectissimum esse debet [Lib. 1. sect. 2. cap. 3. prop. 3.]: ens a se nihil habet, a quo perfectio illius minui possit: ens absolute æternum finem habere non potest [Hujus lib. sect. 1. definit. unica]: ergo si Deus est ens necessarium, a se, atque simpliciter æternum, summam perfectionem, quam habet, semper habiturum sit necesse est.

## COROLLARIUM I.

*Deus ergo est undequaque inhnite perfectus.*

Nam ut sit undequaque infinite perfectus, perfectiones infinitas simpliciter in se habere, easque semper habuisse, & habiturum esse oportet [Hujus sect. lem. unico]; sed Deus ita perfectus est, ut constet ex quatuor propositionibus præcedentibus: ergo.

## COROLLARIUM II.

*Ex hisce etiam quatuor propositionibus Dei immutabilitas semper magis perspicua est.*

Quandoquidem ex iisdem constat, non solum quoad suum esse, sed etiam quoad omnia, quæ habet, Deum mutari non posse: quod sane ad omnino perfectam immutabilitatem requiritur.

## CAP. II.

## De Bonitate Dei.

## LEMMA.

*Ut Deus summum bonum revera sit, oportet 1. ejus bonitatem summam, & infinitam esse: 2. hanc summam bonitatem per essentiam ei tantum convenire: 3. Deum esse ipsam suam bonitatem: 4. esse quoque principium cujusvis bonitatis, quæ adinvenitur in omnibus aliis entibus.*

Prob. Quod summum est, nihil supra se ipsum habere, & omnia completi debet: ergo ut Deus sit summum bonum, bonitatem ejus summam, & infinitam esse oportet. 2. Summum bonum, supra omnia bona esse debet: ergo si Deus est summum bonum, summam bonitatem, quam habet, a se ipso solus per suam essentiam habere debet, alioquin hanc bonitatem ab aliis participaret, vel cum iisdem communem haberet. 3. Bonum, quod per participationem habetur, summum esse non potest, uti per se constat: ergo ut Deus sit summum bonum, summam bonitatem per suam essentiam habere debet. 4. Summum bonum eo perfectiori modo, quo potest, omnia bona in se completi debet: sed ratio continendi omnia bona in se per modum principii perfectissima est: ergo si Deus est summum bonum, etiam principium totius bonitatis esse debet.

## PROPOSITIO I.

*Deus summam, atque infinitam bonitatem in se continet.*

Prob. Deus est infinite perfectus, & perfectiones illius tum quoad numerum, tum quoad dignitatem infinitæ esse debent, easque semper habuit, atque habiturus est [Cap. præced. quatuor ult. prop.]; sed bonitas est quædam maxima perfectio: ergo.

## PROPOSITIO II.

*Summam bonitatem, quam Deus habet, ipse solus per suam essentiam habet.*

Prob. Bonitas est quædam perfectio: perfectio autem considerari potest, vel quatenus habet, ut sit, vel quatenus habet, quæ ad operandum sibi necessaria sunt, vel quatenus suum finem consequitur: sed hæc triplex perfectio soli Deo per essentiam perfectissime convenit: ergo. Prob. mi. Deus necessario, atque a se exiit [Hujus lib. sect. 1. prop. 1., & 2.], est quoque suum esse, atque

atque essentia, sive natura [ Hujus lib. sect. 2. prop. 2. & 3. ], nihilque horum est, quod ens creatum habere possit, ut per se patet: ergo si Dei bonitas quoad esse spectetur, summam bonitatem, quam habet, solus per essentiam habet. Nullum accidens, seu modificatio in Deo dari potest (Hujus lib. sect. 1. prop. 4.), itemque perfectiones, quas habet, semper habuit, atque habiturus est (Cap. præced. prop. 4., & 5.); & hæc quoque nulli enti creato convenire possunt, uti per se patet: ergo si Dei bonitas quoad operationem spectetur, summam bonitatem, quam habet, solus per essentiam habet. Tandem Deus est ens necessarium, & a se ipso existens (Hujus lib. sect. 1. prop. 1., & 2.) & quod admitti debet, quia sine ipso nihil existere potuisset (Lib. 1. sect. 2. cap. 3. prop. 1.): ergo ipse ad nihil aliud extra se ordinatur, estque per essentiam sibi finis, & quidem perfectissimo modo, quia est omnino perfectus (Cap. præced. prop. 5. coroll. 1.): ergo si spectetur Dei bonitas, quatenus ad suum finem ordinatur, summam bonitatem, quam habet, solus per essentiam habet.

Deinde solus Deus est ens necessarium, a se, & æternum (Hujus lib. sect. 1. prop. 1., 2., & 3.), itemque omnimode infinite perfectus est (Cap. præced. prop. 5. coroll. 1.): ergo.

PROPOSITIO III.

*Deus est sua bonitas.*

Prob. Deus per suam essentiam habet summam bonitatem (Prop. præced.): ergo est sua bonitas. Prob. con. Quod non est sua bonitas, per suam essentiam non habet summam bonitatem, sed bonitatem participat: ergo Deus est sua bonitas, si per suam essentiam summam bonitatem habet.

Deinde Deus est suum esse (Hujus lib. sect. 2. prop. 2.): ergo quicquid in Deo est, ejus essentia est: ergo Divina bonitas ab ipso Deo non distinguitur.

PROPOSITIO IV.

*Deus cujusvis bonitatis principium est.*

Prob. Soli Deo summa bonitas per essentiam convenit (Hujus cap. prop. 2.): ergo ipse solus principium cujusvis bonitatis esse potest. Prob. con. Si soli Deo summa bonitas per essentiam convenit, cetera entia bonitatem, quam habent, per participationem habere debent: ergo ab aliquo principio oportet, ut eam participant; sed id solum, quod bonitatem per essentiam habet, hujusmodi principium esse potest: ergo.

COROLLARIUM I.

*Constat ergo Deum esse bonum omnino summum, atque infinitum.*

Nam ad rationem omnino summi, atque infiniti boni illud 1. requiritur. ut bonitas sit summa, atque infinita: 2. ut per essentiam ei conveniat, quod bonum infinitum esse dicitur: 3. ut hujusmodi infinitum bonum sit sua bonitas: 4. ut sit principium cujusvis bonitatis, quæ in aliis entibus adinvenitur [ Hujus cap. lemmate unico ]. Quum ergo ex hisce quatuor propositionibus constet Deum

Tom. II.

C c

eo

hoc modo summum bonum esse, quo ad rationem summi boni requiritur, Deum esse omnino summum atque infinitum bonum, manifeste perspectum est.

#### COROLLARIUM II.

*Ex iisdem quoque quatuor propositionibus Dei immutabilitas semper magis comperta sit, sicuti etiam ex aliis quatuor sectionis precedentis.*

Nam si Deus omnem plenitudinem perfectionis, omnemque bonitatem in se non contineret, perfici ulterius, atque maiorem bonitatem acquirere posset, indeque consequeretur, ut etiam esset mutabilis.

#### SCHOLIUM.

*Qua de Divina bonitate peculiariter demonstravimus, etiam de omnibus aliis Divinis attributis eadem ratione demonstrari possent.*

Quandoquidem ea ratione, qua demonstratur in Deo esse summam bonitatem, & quidem per essentiam, ipsumque suam sibi esse bonitatem, atque etiam principium cujusvis bonitatis, eadem quoque evincitur, etiam de omnibus aliis attributis illius idem sentiendum esse.

### SECTIO IV.

#### De Unitate Dei.

##### DEFINITIO I.

Unitas generica ea est, propter quam multa in uno genere conveniant.

##### DEFINITIO II.

Unitas specifica est, propter quam multa in una specie conveniunt.

##### DEFINITIO III.

Unitas numerica est, propter quam duo, vel plura in una specie convenientia inter se numero distinguuntur, & efficiuntur individua in se ipsis, & divisa a quolibet alio. Ita Petrus, & Paulus numerica unitate inter se distinguuntur, sicuti etiam cetera individua cujuslibet speciei plura individua sub se continentis.

##### DEFINITIO IV.

Est denum unitas, quæ neque generica, neque specifica, neque numerica est, sed talis vocatur, quatenus omnem pluralitatem excludit. Hoc autem sensu in quolibet dominio proprie Monarchico Rex dicitur esse unus; ita scilicet, ut non sint plures Reges.

Hanc autem unitatem Deo convenire necessario, ita ut impossibile sit esse

se

se plures veros Deos, nunc demonstrare aggredimur. Quam enim unitas numerica omnimodæ infinitati, qualem habet Divina natura, uti jam evicimus, opponatur, huiusmodi unitatem Deo positive convenire dici non debet, sed negative, quatenus plures Dii esse non possunt, atque Divina natura ita est indivisa, ut nullius divisionis sit capax,

## C A P. I.

De Unitate Dei excludente quamcumque multipliciter.

## P R O P O S I T I O I.

*Unus tantum Deus existere potest.*

Prob. Deus est undequaque infinite perfectus (Hujus lib. sect. 3. cap. 1. prop. 5. coroll. 1.), est quoque summum, infinitum, atque perfectissimum bonum, (Sect. 3. cap. 2. prop. 4. coroll. 1.): ergo Prob. con. Quod simpliciter infinite perfectum est, summamque, infinitam, atque perfectissimam bonitatem habet, supra omnem perfectionem, atque bonitatem esse debet: ergo unum tantum esse potest.

Deinde si essent duo Dii, aliqua re, & quidem perfecta, inter se differrent, alioquin duo Dii esse non possent: ergo utrique aliqua perfectio deesset: ergo neuter eorum simpliciter infinite perfectus esse posset: ergo si Deus est simpliciter infinite perfectus, unus tantum esse potest.

Tandem duo infinita dari repugnat: ergo. Prob. ant. Si duo infinita darentur, unum ab alio terminaretur, quia infinitas unius non esset infinitas alterius; sed infinitum terminari contradictionem implicat: ergo.

## P R O P O S I T I O I I.

*Præter unum Supremum Deum alios inferiores Deos esse repugnat.*

Prob. Summa perfectio in iis esse non potest, qui sunt conditionis ab alio inferioris; sed nomine Dei ens perfectissimum intelligitur [ Lib. 1. sect. 2. definit. unica ]: ergo.

Deinde ideo ens simpliciter infinite perfectum, quod summam, infinitam, atque perfectissimam bonitatem habet, alterum æquale habere non potest, quia tale esse desineret; hoc est, desineret esse Deus [ Prob. præced. ]: ergo potiori jure illa entia, quæ alteri subiecta sunt, & ab eo habent, ut sint, vel aliqua alia ratione pendent, Deos esse repugnat.

## C A P. I I.

De duobus principiis Manichæorum sibi mutuo oppositis.

## P R O P O S I T I O I.

*Malum aliqua natura, seu quid positivum esse non potest.*

Prob. Malum in se ipso existere non potest: ergo non est quid positivum,

seu aliqua natura. Prob. ant. Malum est contra quamlibet naturam: ergo ipsa in se aliqua natura esse non potest. Prob. con. Quod omni naturæ prorsus opponitur, aliqua natura esse non potest, alioquin non omni naturæ opponeretur: ergo si malum opponitur omni naturæ, ipsum in se aliqua natura esse non potest.

Deinde malum est, quod nocet, seu corruptionem affert; sed nocumentum, seu corruptio in se ipsis non existunt, sed in aliqua substantia: ergo neque malum in se ipso existere potest, adeoque non est quid positivum.

Tandem malum est privatio quædam bonitatis; sed privatio non est aliqua natura, seu quid positivum ergo.

## PROPOSITIO II.

*Ens summe malum existere repugnat.*

Prob. Nomine entis summe mali vel intelligitur ens infinite contrarium enti summe bono; vel intelligitur aliquod principium, quod easdem perfectiones habeat, ac ens summe bonum, excepta bonitate, atque benevolentia; atqui in utroque sensu repugnat: ergo. Prob. mi. quod utramque partem. Ens quacumque in re infinite contrarium enti summe bono non potest esse aliud, quam infinita non entitas, quæ omni perfectione, atque etiam entitate careat: ergo existit, quod nullo modo est, aut esse potest. Si autem hoc ens Divinarum perfectionum particeps esse intelligatur, sed tamen voluntatem malevolam gerat; tunc contrariis attributis conabit, atque in se divisum erit: nam quia summe iustum bene agentes præmio donare debet, & tamen omnibus indiscriminatum perniciem afferet: quia summe intelligens veram cuiusque rei bonitatem agnosceret, & tamen volet, quod malum est: ergo.

## PROPOSITIO III.

*Prima duo principia, quorum unum summe bonum sit, alterum summe malum, existere repugnat.*

Prob. Entis mali, atque independentis existentia semel posita, tollitur Deus: ergo Prob. ant. Deus undequaque infinite perfectus est [ Sect. præced. cap. 2. prop. 5. coroll. 1. ]: est quoque summum, infinitum, atque perfectissimum bonum ( Sect. præced. cap. 2. prop. 4. coroll. 1. ); sed Deus neque infinite perfectus, neque summum bonum esse potest, semel ac existentia entis independentis summe mali simul ponatur: ergo. Prob. mi. Infinite undequaque perfectum esse non potest, quod sua virtute undequaque non extenditur, quod non omnibus dominatur, cunctisque sibi subiectis non habet: similiter summum infinitumque bonum esse non potest, quod summum infinitumque malum sibi oppositum habet; immo utrumque æque repugnat: nam neque malitia istius, neque bonitas illius ubique operari poterit: ergo.

Deinde unus tantum Deus existere potest ( Cap. præced. prop. 1. ): ergo duo prima sibi contraria principia simul existere repugnat.

Tandem malum aliqua natura, seu quid positivum esse non potest [ Hujus cap. prop. 1. ], atque ens summe malum existere repugnat ( Ejusdem cap. prop. 2. ): ergo.

PRO-



## PROPOSITIO IV.

*Hæc duo summa principia fœdus inter se ad agendum iniisse, repugnat.*

Prob. Quod intrinsece, ex sui natura, atque essentialiter malum est, intrinsece, ex sui natura, atque essentialiter ei opponitur, quod intrinsece, ex sui natura, atque essentialiter bonum est: ergo hæc duo principia, quorum, unum intrinsece, ex sui natura, atque essentialiter bonum est, alterum vero malum, intrinsece, ex sui natura, atque essentialiter sibi mutuo opponuntur: ergo fœdus inter se ad agendum iniisse repugnat. Conseq. constat. Repugnat enim ut fœdus inter duo ineatur, quæ intrinsece, essentialiter, atque ex sui natura sibi mutuo repugnant, & eorum intrinseca natura non destruat.

Præterea consensio in bonum essentialiter repugnat principio essentialiter malo; consensio vero in malum essentialiter repugnat principio essentialiter bono: ergo hæc duo summa principia fœdus inter se ad agendum iniisse repugnat.

Deinde in hac hypothesei Deus mali auctor esse poneretur: ergo. Prob. ant. Propter initium fœdus consentiret, ut creatura imperio summi mali subiceretur, ac principium, a quo nihil, nisi malum, provenire potest, sineret; ut in eam dominaretur: ergo.

## PROPOSITIO V.

*Neque etiam fieri potest, ut contra se mutuo agant ex necessitate naturæ.*

Prob. Si hæc duo principia ex necessitate naturæ in se mutuo agant, tunc mali moralis nulla notio reliqua erit, omniaque ex naturali efficacia horum duorum principiorum ita necessario contingent, ut neque ab ipsis, neque a nobis aliquid immutari possit; sed dari malum morale & experientia comperit habemus, & ii quoque admittunt, qui pro hisce duobus principiis pugnant, quum propter mala moralia principium quoque malum existere velint: ergo. Prob. ma. Morale malum ut quispiam revera committat, requiritur, ut etiam non committere illud posset: ergo.

Deinde hæc duo principia si ex necessitate naturæ in se mutuo agerent, vel unum eorum jam omnino destructum esset, vel nihil in hoc mundo ordinatum esse posset: ergo. Prob. ant. Unum quidem eorum jam destructum esset; si non essent æqualis virtutis, atque potestatis: si autem essent æqualis virtutis, atque potestatis; propter necessitatem, quam ex sui natura sibi mutuo contradicendi habent, unum opera alterius necessario destruere deberet: ergo.

## PROPOSITIO VI.

*Quæ in hoc mundo mala conspicimus, ne apparenti quidem ratione suadent, hæc duo principia esse admittenda.*

Prob. Quamvis mala tum metaphysica, tum physica, tum etiam moralia in hoc mundo contingant; tamen universalem ordinem rerum omnium semper servatum fuisse videmus: ergo ut hæc duo principia admittamus, mala, quæ con-

conspicimus, ne apparenti quidem ratione suadent. Ant. conilat: nam & natura rerum singularum una, atque eadem semper fuit, & partium tam mutarum, tanque dissimilium connexio semper invariata mansit, & perpetuus ordo semper perseveravit in eis, quæ sibi mutuo succedunt. Prob. con. Hæc duo principia fœdus inter se in agendo iniuste repugnat (Hujus cap. prop. 4.): ergo unum eorum destruere deberet, quod alterum poneret, tollere, quod alterum constitueret, evertere, quod alterum stabiliret: ergo maximam perturbationem rerum omnium consequi oporteret: ergo nullus certus ordo, rerumque vicissitudo constans remanere posset: ergo si tum ordinem, tum constantem vicissitudinem perseverasse videmus, nihil in hoc mundo mali occurrere fatendum est, propter quod duo sibi mutuo contraria principia admittere debeamus.

Deinde fieri non potest, ut hæc duo principia contra se mutuo agant ex necessitate naturæ, quia tunc notio mali moralis nulla reliqua esset [Hujus cap. præced. prop.]: ergo mala moralia non solum hæc duo principia existere non demonstrant, sed etiam contrarium aperte suadent.

Potremo ex effectibus quædam eorumdem causa sit probabiliter conjiciamus, dummodo ea in se non repugnet; atqui, uti ex prælaudatis propositionibus manifestum conilat, hæc duo principia existeri undequaque repugnat: ergo licet effectus hæc duo prima principia admittenda esse probabiliter suaderent, tamen admitti non deberent. Quid vero dicendum quum non modo id non probabiliter non suadent, sed contrarium ejus aperte demonstrant?

## SECTION V.

### De Scientia Dei.

#### C A P. I.

### De intelligentia Dei, illiusque objecto, atque medio.

#### PROPOSITIO I.

*Divina Intelligentia non distinguitur a substantia Dei.*

Prob. Quia intelligentia est perfectio entis intelligentis, si ea esset aliquid ab ipso Deo distinctum, sequeretur, ut Deus per aliquid a se distinctum perficeretur, ideoque esset in potentia ad hanc perfectionem retipiendam; sed hoc repugnat, quia Deus est in se infinite perfectus (Hujus lib. sect. 3. cap. 1. prop. 2., & seq.): ergo.

Deinde Deus est sua essentia, sive natura (Hujus lib. sect. 2. prop. 2.): ergo quidquid in Deo est, Deus est: ergo & Divina intelligentia a Dei substantia non distinguitur.

Tandem nulla in Deo compositio dari potest, quia est omnino simplex (Hujus lib. sect. 2. prop. 1., & seq.): ergo ejus intelligentia ab ipso non distinguitur. Con. conilat: nam si distingueretur, Deus ex se ipso, & sui intelligentia componeretur.

## PROPOSITIO II.

*Deus est infinite intelligens.*

Prob. Deus est in se ipso infinitus; (Hujus lib. sect. 3. cap. 1. prop. 1.); sed intelligentia Dei non distinguitur a substantia ejus: [prop. præced.] : ergo est infinite intelligens.

Deinde Deus est ens infinite perfectum (Hujus lib. sect. 3. cap. 1. prop. 2., & seq.); sed intellectio est perfectio intelligentis: ergo etiam infinite intelligens esse debet.

Tandem perfectiones, quæ insunt alicui enti, tales esse debent, ut ei convenient: ergo Deus non solum intelligens, sed etiam infinite intelligens esse debet. Prob. consequ. Si Deus non esset infinite intelligens, quoad istam, perfectionem circumscriberetur: ergo non esset amplius quoad suas perfectiones infinitus: sed Deus est infinitus quoad suas perfectiones (Hujus lib. sect. 3. cap. 1. prop. 2., & seq.): ergo si perfectiones, quæ insunt alicui enti tales esse debent, ut ei convenient, Deus infinite intelligens esse debet.

## PROPOSITIO III.

*Deus primo, & per se seipsum tantum cognoscit.*

Prob. Illud primo, & per se cognoscitur, quod & cognoscens est proportionatum objectum, & fieri non potest, ut in alio medio cognoscatur; sed sola Divina essentia hoc habet: ergo. Prob. mi. Deus est ens infinite intelligens (Præced. prop. 2.), infinite quoque perfectus est (Hujus lib. sect. 3. cap. 1. prop. 2. & seq.), atque infinitam summamque bonitatem, & ceteras perfectiones, quas in se habet, ipse solus per suam essentiam habet (Hujus lib. sect. 3. cap. 2. prop. 1., & 2.), tandem cujusvis bonitatis principium est (Laud. cap. prop. 4.): ergo solus Deus & sibi proportionatum objectum est, & in se ipso tantum cognoscere se ipsum potest.

Deinde unus tantum Deus existit, quia unum tantum summum magnum existere potest (Hujus lib. sect. 4. cap. 1. prop. 1.): ergo. Prob. con. Si unus tantum Deus existit, quia unum tantum summum magnum existere potest, nihil aliud præter istud summum magnum adinveniri potest, quod infinitati Divinæ cognitionis perfecte respondeat, aut istud summum magnum in se representare possit: ergo.

## PROPOSITIO IV.

*Deus etiam alia a se cognoscit.*

Prob. Deus est ens infinite intelligens (Hujus cap. prop. 2.): ergo etiam alia a se cognoscit. Conf. constat: finita enim Dei intellectio esset, nisi etiam omnia, quæ alia a Deo sunt, complecteretur.

Deinde Deus est ens necessarium a se ipso existens (Hujus lib. sect. 1. prop. 1., & 2.) quod ideo admitti debet, quia ipsum tantum eorum, quæ existunt, causa esse potest (Lib. 1. sect. 2. cap. 3. prop. 1., & ejusdem sect. cap. 2. prop. 9.); itemque cujusvis bonitatis principium est (Hujus lib. sect. 3. cap. 2. prop. 4.): ergo etiam alia a se cognoscere oportet.

PRO-

## PROPOSITIO V.

*Deus etiam mala cognoscit.*

Prob. Veritas cuiuscumque tandem rei sit, semper est perfectio intellectus; sed sicuti verum est, bonum esse bonum, ita etiam verum est, malum esse malum: ergo nullo modo repugnare potest, ut Deus mala cognoscat.

Deinde Deus est infinite intelligens (Hujus cap. prop. 2.): ergo omnia, quæ contingere possunt, cognoscere debet: ergo etiam mala oportet, ut ab eo cognoscantur.

Tandem Deus & alia a se cognoscit (Prop. præced.), & omnino perfecte cognoscit, quia est simpliciter infinite perfectus (Hujus lib. sect. 3. cap. 1. prop. 1.): ergo. Prob. con. Tunc aliquid omnino perfecte cognoscitur, quando ea quoque perfecta sunt, quæ illi evenire possunt; sed bona per mala corrumpi possibile est, & sæpe etiam corrumpuntur: ergo.

## PROPOSITIO VI.

*Deus futura contingentia cognoscit.*

Prob. Deus & alia a se cognoscit (Hujus cap. prop. 4.); & omnino perfecte cognoscit, quia est simpliciter infinite perfectus (Hujus lib. sect. 3. cap. 1. prop. 1.), atque infinite intelligens (Hujus cap. prop. 2.): ergo & ordinem causarum videt, & omnes res perfectas habet, quæ quovis ordine causarum produci possunt: ergo etiam futura contingentia cognoscit.

Deinde ordinem, qui in hoc mundo est, solus Deus inducere potuit (Lib. 1. sect. 2. cap. 1. prop. 9.); sed futura contingentia ab hoc ordine dimanant: ergo.

Postremo Deus alia a se cognoscit (Hujus cap. prop. 4.): ergo & futura contingentia cognoscere debet: alioquin nimis multa, quæ alia a se essent, non cognosceret.

## PROPOSITIO VII.

*Deus in sua essentia omnia cognoscit.*

Prob. Deus est ens infinite intelligens (Hujus cap. prop. 2.) & se ipsum per se primo cognoscit (Hujus cap. prop. 3.): ergo in sua essentia omnia cognoscit. Prob. con. Si Deus est infinite intelligens, & suam essentiam per se, atque primo cognoscit, sua quoque virtus, quæ pertinet ad essentiam illius, ei perfecta esse debet: ergo suam quoque virtutem Deus per se primo cognoscit; sed Deus est prima causa omnium entium (Lib. 1. sect. 2. cap. 2. prop. 9. & ejusdem sect. cap. 3. prop. 1.); itemque cuiusvis bonitatis principium est [Hujus lib. sect. 3. cap. 2. prop. 4.]: ergo omnia, quæ potest, aut facit, in sua virtute cognoscere debet; sed sicuti Deus est sua bonitas (Hujus lib. sect. 3. cap. 2. prop. 3.), ita quoque ob eandem rationem sua virtus esse debet: ergo omnia in se ipso videt.

Deinde Divina intellectio cum Dei essentia, sive substantia eadem est (Hujus cap. prop. 1.): ergo si Deus per aliquid a sua essentia distinctum alia a se intelligeret, ipse quoque existeret, sive esset, per aliquid aliud a sua essentia distinctum: quod repugnat (Hujus lib. sect. 2. prop. 1.).

Co-

## COROLLARIUM I.

*Quamvis quæ futura sunt, nondum existant, ea tamen Deus certissime videt.*

Nam quæcumque Deus videt, in sua essentia videt (Prop. præced.) ; atque omnia a Deo habent, ut sint, atque determinato tempore sint, quia tum ordo contingentium, tum res ipsæ contingentes a Deo sunt (Lib. 1. sect. 2. cap. 2. prop. 9., & cap. 3. prop. 1.) : ergo.

## COROLLARIUM II.

*Deus omnia cognoscit non solum quatenus sunt quadam entia, sed etiam prout ab invicem distinguuntur, atque proprias rationes habent.*

Deus enim in sua essentia omnia cognoscit (Prop. præced.) : ergo. Prob. con. Ordinem, quem habent, omnia a Deo habent, atque ab eo sunt (Lib. 1. sect. 2. cap. 2. prop. 9. ; & cap. 3. prop. 1.) : ergo habere quoque a Deo debent, ut talia, vel talia sint : ergo si in sua essentia omnia cognoscit, non solum quatenus sunt quadam entia, sed etiam prout ab invicem distinguuntur, ea cognoscere debet.

Deinde Deus est infinite intelligens [Hujus cap. prop. 2.] : ergo omnia perfectissime cognoscere debet ; sed ut aliquid perfectissime cognoscatur, non solum in quo conveniat cum aliis, sed etiam in quo differat, perfectum sit oportet ergo.

## COROLLARIUM III.

*Scientia Dei est immutabilis.*

Deus namque per se seipsum in se ipso primo videt (Hujus cap. prop. 3.) omniaque alia in sua essentia videt (Prop. præced.) sed Dei essentia est immutabilis [Hujus lib. sect. 2. prop. 6. coroll. unico, atq. sect. 3. cap. 1. prop. 5. coll. 2., & cap. 2. prop. 4. coroll. 2.] : ergo & scientia ejus immutabilis esse debet ; quum intellectio Dei ab illius substantia non distinguatur (Hujus cap. prop. 1.)

## COROLLARIUM IV.

*Scientia Dei nullam ratiocinationem habet.*

Ratiocinatio enim requiritur, vel ut cognoscamus, quæ antea perspectæ non erant, vel ut unum ex alio inferamus ; atqui in sua essentia Deus omnia videt (Prop. præced.) : ergo.

## COROLLARIUM V.

*Deus uno simplicissimo actu omnia videt.*

Nulla namque ratiocinatio in scientia Dei admitti potest [Coroll. præced.] : ergo uno simplicissimo actu omnia videt.

Deinde qui unum post aliud, non autem uno simplicissimo actu omnia intelligit, nonnulla quidem actu, alia vero in potentia intelligit ; sed Deus est infinite intelligens (Hujus cap. prop. 2.) , ideoque nihil esse potest, quod non actu cognoscatur : ergo.

*Tom. II.*

D d

COROL.

## COROLLARIUM VI.

*In Scientia Dei nulla est compositio rationis.*

Compositio rationis ea dicitur, qua mens nostra unum cum altero comparat, ut perspectum deinde habeat, quomodo cum ceteris conveniat, atque ab iisdem diff. rat. Divisio ergo, atque compositio rationis necessaria est, quando unico simplicissimo actu omnia videre non possumus; sed unico simplicissimo actu Deus omnia videt (Corol. præced.): ergo.

## CAP. III.

De Intelligentia, quæ entibus creatis convenire potest.

## DEFINITIO.

Illa entia creata intelligentia esse dicuntur, quæ vim cogitandi habent, ob quam ideas rerum percipere, eas inter se invicem comparare, unumquodque ex alio inferre possunt.

## PROPOSITIO I.

*Entia creata intelligentia revera existunt.*

Prob. Entia quædam existunt, quæ non solum plura obvia sensibus diversa ratione, ac sensibus percipiuntur, perspecta habent, ut constat in judiciis, quæ de dolore, voluptate, de tristitia, atque gaudio diversi fiunt, sed etiam sublimissimorum principiorum, quæ subesse sensibus nullo modo possunt, evidentiam agnoscunt, rationem percipiunt, multaque ex iisdem certo inferunt, ac rursus alia quoque plura ex eorum comparatione concludunt; sed entia intelligentia ea esse dicuntur, quæ vim cogitandi habent, ob quam rerum ideas percipere, eas inter se invicem comparare, unumquodque ex alio inferre possunt (Hujus cap. definit. unica): ergo entia creata intelligentia revera existunt.

## LEMMA I.

*Deus contradictoria facere non potest.*

Prob. Quæ non possunt habere rationem entis, a Deo fieri non possunt; sed talia sunt contradictoria: ergo. Prob. m. Esse, & non esse simul, rationem entis habere non potest; sed, positis contradictoriis, aliqua simul essent, & non essent: ergo.

## LEMMA II.

*Essentie rerum sunt æterna, immutabiles, atque necessaria.*

Prob. Deus contradictoria facere non potest: (Lemm. præced.) ergo. Prob. con. Si essentie rerum æternæ, immutabiles, atque necessariae non essent, inde consequeretur, ut quod turpe est, honestum, quod autem honestum est, turpe per Dei voluntatem fieri posset: item ut homo lapis, & lapis homo evaderet posset; sed tunc idem esset turpe, & non turpe, homo, & non homo: ergo si contradictoria a Deo fieri non possunt, essentie rerum æternæ, immutabiles, atque necessariae esse debent.

Deinde quæ aliter fieri, aut esse non possunt, æterna, immutabilia, atque necessaria sunt; sed hoc essentis convenit: ergo. Prob. m. Unaqueque

res

res talis efficitur propter aliqua, quæ illi propria, atque essentialia sunt: ergo si ista mutantur, aut tollantur, essentialia quoque mutari, ac tolli necesse est, quod est impossibile; esset enim talis res, & non esset talis res, mutata essentia: ergo essentia rerum æternæ sunt, immutabiles, atque necessariæ.

## P R O P O S I T I O I I.

*Repugnat, ut cogitatio materiæ conveniat.*

Prob. Materia extensa est, quia habet partes extra partes; divisibilis, quia si habet partes extra partes, una ab altera dividi potest; & impenetrabilis, quum partes in loco esse oporteat: hæc autem omnia materiæ ita essentialiter conveniunt, ut sine eis nihil materiæ esse, aut concipi possit, sicut unicuique compertum est; sed hæc eadem sunt, quæ repugnant, ut cogitationi conveniant: ergo. Prob. iii. Cognitio veritatis, & falsitatis, affirmatio, & negatio eorum, quæ convenire, vel non convenire videmus, idea connexionis unius rei cum alia, illatio unius ex alio, ad cogitationem spectant; sed hæc neque materialiter extensa sunt, neque divisibilia, neque impenetrabilia, immo talia esse repugnat: affirmationi enim, & negationi, aliisque operationibus nostræ cogitationis, nihil magis opponitur, quam extensio, divisibilitas, atque impenetrabilitas repugnat, ut cogitationi conveniant: ergo quum essentia rerum sint immutabiles (Lemm. 2. hujus cap.), si quæ materiæ essentialia sunt, essentia cogitationis opponuntur, materiam cogitantem esse non posse ultro consequitur.

Deinde esse extensum, & divisibile, & non esse extensum, ac divisibile, contradictoria sunt: ergo materia cogitans esse non potest. Prob. con. Materiæ essentialiter convenit esse extensam, atque divisibilem; cogitationi essentialiter repugnat, esse extensam, & divisibilem: ergo si materia cogitaret, esset essentialiter extensa, & divisibilis, & non essentialiter extensa, & divisibilis: ergo si ponatur cogitationem materiæ convenire posse, simul ponuntur quæ contradictoria sunt; sed contradictoria nulla virtute fieri possunt (Lemm. 1. hujus cap.): ergo.

Tandem extensio, quæ in materia essentialiter necessario requiritur, nulla in cogitatione esse potest: ergo Prob. ant. Si aliqua extensio esse in cogitatione posset, perceptio, affirmatio, negatio, atque illatio unius ex alio dividi posset; sed hoc impossibile est: ergo. Hinc est, ut substantia materialis eo magis extendatur, quo plures partes complectitur, contra cognitio eo simplicior evadat, quo principia magis universalis continet, & quo ea quoque intelligimus, quæ nullam extensionem habent, uti sunt abstractæ notiones essentialium, universaliumque principiorum.

## PROPOSITIO III.

*Anima, sive substantia cogitans est spiritualis.*

Prob. Et 1. quidem materia ob proprietates, quæ ab ea separari non possunt, impossibile est, ut cogitans sit (Prop. præced.: ergo substantia, quæ cogitat, spiritualis esse debet. 2. Corpus quod in se continet, per commensurationem quantitatis continet; unde corpus A non potest continere corpus B, si eo longe majus sit; sed quæ comprehendit intellectus, per commensurationem quantitatis in se non complectitur; alioquin & ea tantum, quæ quantitatem habent, comprehendere posset, & nimis limitata litterarum quoque comprehensio esse deberet: ergo. 3. Nihil est, quod supra suam virtutem agere possit: ergo si intellectus esset corpus, actio ejus ordinem corporeum excedere non posset, atque solummodo corpora intelligere posset.

Deinde volitione, affirmatione, negatione, illatione unius ex alio, atque cognitione sublimissimarum veritatum, nihil simplicius fingi, aut excogitari potest; immo si quid materiæ in eis præsupponatur, eorundem notiones tolli necesse est: ergo spirituale principium oportet, ut habeant.

Tandem quando inter duo corpora reflexio fit, illa a se invicem repellantur oportet; sed per reflexionem mentis ea magis uniuntur intellectui nostro, ad quæ refleximus: ergo hæc reflexio substantiæ corporis esse non potest. Rursus: reflexio corporum & pro arbitrio corporum reflectentium fieri non potest, sed secundum directionem, quam habent, fieri necessario debet; & corpora, quo fortius reflectuntur, eo magis ab se invicem abscedunt; sed mens & pro suo arbitrio ad ea, quæ vult, reflectit, & quo fortius reflectit, eo magis illa sibi unit: ergo. Tandem implicat, ut corpus in se ipsum reflectat; sed mens supra se ipsam suasque operationes reflectit: ergo.

## COROLLARIUM.

*Primum ens infinite intelligens existere debere, quia existunt substantiæ spirituales; atque intelligentes, recte concluditur.*

Nam hæc substantiæ spirituales, & intelligentes, neque a se sunt, neque necessario existere possunt: ergo. Ant. manifestum est: nam si a se essent, atque necessario existerent, ens perfectissimum esse deberent (Lib. 1. sect. 1. prop. 3., & 5.): hæc autem substantias non esse ens perfectissimum inde etiam constat, quia alias, atque alias cognitiones semper acquirunt, neque omnia intelligunt. Prob. con. Hæc substantiæ intelligentes ab alia substantia ejusdem speciei, quæ per se non sit, esse non possunt, quia & de ea, unde esset, semper inquiri deberet: ergo ab alia substantia spirituali, quæ necessario existat, originem eas duxisse oportet; sed substantia quæ necessario existit, infinite perfecta esse debet (Lib. 1. sect. 2. cap. 3. prop. 3.): ergo.

PRO-



## PROPOSITIO IV.

*Anima, si in se ipsa spectetur, est immortalis.*

Prob. Anima est substantia spiritualis ( Prop. præced. ): ergo. Prob. con. Substantia spiritualis in se non habet, unde corrumpi possit: ergo. Prob. ant. Substantia spiritualis est materiæ expers: ergo nullas partes habet, quæ dissolvi, aut separari possint; sed dari non potest corruptio sine separatione partium: ergo substantia spiritualis in se non habet, unde corrumpi possit: ergo ex sui natura immortalis est.

Deinde anima etiam nunc temporis perficitur, dum supra corporea elevatur; sed nulla res corrumpi, & destrui potest, unde perficitur: ergo anima, ut eandem cum corpore conditionem subeat, ex sui natura non habet. Maj. constat: nam & contemplatione eorum, quæ a materia secreta sunt, & exercitatione virtutis animam quam maxime perfici, a nemine negari potest: ergo si per hoc, quod supra corporea elevetur, perfectionem acquirit, ut a corpore separata destruat, illius naturæ repugnat.

Tandem cuiusvis rei natura cognoscitur per operationem illius: ergo etiam natura cuiuslibet rei per id oportet, ut perficiatur, per quod illius operatio perficitur; sed propria operatio animæ; hoc est intellectio, perficitur per hoc, quod supra corpus, & corporea elevatur: ergo ipsa anima talis naturæ esse, non potest, ut per separationem a corpore deficiat. Et re quidem vera perfectiones proportionatas esse oportet rei, quæ perficitur; alioquin rei status per eas perturbaretur: ergo anima immaterialis, & incorruptibilis esse debet, quia universalium, quæ sunt immutabilia, & incorruptibilia, cognitione perficitur.

## PROPOSITIO V.

*Anima ut ab aliqua creata causa destruat, fieri non potest.*

Prob. Si quæ creata causa animam destruere posset, oporteret ut in eam ageret; sed modus, quo causæ creatæ in animam agunt, talis est, ut non solum anima destrui non possit, sed etiam per eum quam maxime perficiatur: ergo. Prob. mi. Causæ creatæ in animam intelligibiliter agunt; hoc est, animam afficiunt, quia anima easdem intelligit; sed per intellectionem huiusmodi causarum anima perficitur: ergo.

Deinde ea, quæ sibi invicem opponuntur, secundum modum, quo in anima sunt, nullam inter se contrarietatem habent: ergo causæ creatæ ex nulla parte habent, ut animam destruere possint. Prob. ant. Bonum, & malum, veritas, & falsitas sibi invicem contrariantur; sed cognitio boni non est opposita cognitioni mali, neque cognitio veritatis cognitioni falsitatis, immo per omnes istas cognitiones anima perficitur: ergo.

Tandem nulla cognitio est, quæ animæ conservationi opponatur; sed causæ creatæ in animam agunt, quatenus cognoscuntur: ergo.

PRO-

## PROPOSITIO VI.

*Etiam ex parte Dei anima habet, ut semper esse perseveret.*

Prob. Quod omnibus naturale est, nonnisi ab auctore naturæ proficisci potuit; sed omnes desiderio naturali tenentur, ut semper sint: ergo illud desiderium ab auctore naturæ proficisci debuit: ergo ne per illud a naturæ auctore nos deceptos fuisse dicamus, oportet, ut expleatur: ergo etiam habita ratio ne Divinæ virtutis, anima semper esse debet.

Deinde anima, si in se spectetur, immortalis est (Hujus cap. prop. 4.): ergo neque etiam Dei virtute destrui debet. Prob. con. Quia existunt substantiæ intelligentes, primum ens intelligens, quod a se sit, existere debet (Hujus cap. prop. 3. coroll. unico): ergo substantiæ intelligentes ab hoc supremo ente habent, ut sint: ergo etiam eam naturam, quæ esse debet immortalis, a Deo habent: ergo si Deus easdem destrueret, hanc frustra naturæ participationem, eis contulisset: ergo.

Tandem quum Deus sit infinite perfectus (Hujus lib. sect. 3. cap. 1. prop. 2.), recta non probare, & injusta non odisse non potest; sed quæ in hoc mundo recte sunt, vel nullum quandoque, vel non æquum præmium consequuntur; quæ autem male, vel nulla sæpe pœna, vel nimis levi puniuntur; immo non raro contingit, ut bene sit iis, qui perperam, male autem aliis, qui bene operantur, uti experientia constat: ergo ut alter vitæ status supersit, in quo iusti condigna præmia recipiant, mali autem puniantur, Dei perfectio exigit; sed in hoc futuro vitæ statu neque præmium, neque pœna deficere aliquando debet: ergo perpetuus sit oportet. Prob. mi. Alter vitæ status talis esse non debet, ut virtus hominis in eo probanda sit, sicuti in præsentī, alioquin semper alium statum admitti oporteret, in quo secundum æquitatem Divinæ iustitiæ mali punirentur, boni autem præmia reciperent: ergo neque præmium neque pœna aliquando deficere debet. Prob. con. Semel ac animabus præmium, vel pœna iuste collata fuerint, neutrum eorum auferrī debet, quando ad eum statum perventum fuerit, in quo nullus sit amplius probandæ virtutis locus, aliundeque ipsa anima in se habeat, ut semper esse perseveret: ergo si futurus vitæ status huiusmodi esse pebet, aliundeque ipsa anima in se habeat, ut semper esse perseveret (Hujus cap. prop. 4.): neque præmium, neque pœna aliquando deficere debet: ergo etiam ex parte Dei anima habet, ut immortalis sit.

## SCHOLIUM.

*Non repugnat res aliquas creatas absolute, & necessario perseverare per comparisonem ad naturam sui, quatenus nihil in se habent, unde non esse non possint.*

Quandoquidem omnia habent, ut a Deo sint: ergo talia esse debent, quæ esse voluit Deus; sed non repugnat, ut alia contingentē, alia necessario, & immutabiliter Deus esse voluerit, quatenus nihil in se habent, unde dissolvi possint: ergo.

SE-

## S E C T . V I .

De Voluntate Dei, &amp; entium intelligentium.

## C A P . I .

De voluntate Dei, deque præcipuo objecto, ratione, libertate, atque efficacia ejusdem Divinæ voluntatis.

## D E F I N I T I O . I .

Voluntas illud principium est, quo aliquid appetitur sub ratione boni.

## D E F I N I T I O . I I .

Objectum voluntatis *primum*, atque præcipuum illud esse dicitur, quod primo per se appetitur, & propter illud cetera appetuntur.

## D E F I N I T I O . I I I .

Objectum *minus præcipuum* est, quod primo, & propter se non appetitur, sed propter aliud.

## D E F I N I T I O . I V .

Voluntas *rationem* agendi habere dicitur, quando ob certam rationem agit, ita ut ob certam rationem hoc, vel illud operetur. Unde hæc ratio respicit rem ipsam, ad quam voluntas tendit.

## D E F I N I T I O . V .

Voluntas dicitur habere *causam*, quando voluntatis actus pendent ab aliqua causa. Unde hæc causa voluntatem a se dependentem constituit.

## D E F I N I T I O . V I .

Voluntas *libere* ea dicitur prosequi, quæ ex sui libera electione prosequitur, & tam prosequi, quam non prosequi potest.

## D E F I N I T I O . V I I .

Ea vero *necessario* prosequi, quæ ex sui libera electione non prosequitur, sed non prosequi non potest.

## D E F I N I T I O . V I I I .

Voluntas *efficax* esse dicitur, quando quæ vult, omnia contingunt.

## P R O P O S I T I O . I .

*Deus est voluntate præditus.*

Prob. Deus est ens infinite intelligens (Sect. præced. cap. 1. prop. 2.): ergo etiam voluntate præditus sit oportet. Prob. con. Quia Deus est infinite intelligens, cuiusvis rei bonitatem cognoscere debet; sed bonum apprehensum est objectum voluntatis: ergo Deus voluntate præditus sit oportet.

Deia-

Deinde Deus est prima causa rerum omnium ( Lib. 1. sect. 2. cap. 2. prop. 9. , & cap. 3. prop. 1. , atque huius lib. sect. 3. cap. 2. prop. 4. ) : ergo quum nihil fiat, quando intellectus tantum apprehendit, atque nullus actus voluntatis consequitur, Deum voluntate præditum esse oportet, quia tam multa egit, atque quotidie agit.

Postremo enti perfectissimo illud principium deesse non debet, quo summam delectationem de sua infinita perfectione percipere possit; sed Deus est ens perfectissimum (Huius lib. sect. 3. cap. 1. prop. 2. & seq.) : ergo quum ad voluntatem spectet de re intelligibili percipere delectationem, Deus voluntate præditus esse debet.

#### PROPOSITIO II.

*In Deo non distinguitur voluntas ab essentia ejus.*

Prob. Sicuti intellectio est perfectio intelligentis, ita etiam voluntas est perfectio volentis, sed in Deo non distinguitur intellectio ab essentia ejus [ Sect. præced. cap. 1. prop. 1. ] : ergo neque etiam voluntas, quum Divinarum perfectionum una eademque ratio esse debeat.

Deinde si voluntas esset aliquid Divinæ substantiæ, seu essentia superadditum, Divina substantia fuisset in potentia ad eam recipiendam; ergo. Prob. con. Deus undequaque infinite perfectus est (Huius lib. sect. 3. cap. 1. prop. 2. & seq.) : ergo non potest esse in potentia ad aliquam perfectionem recipiendam; ergo.

#### PROPOSITIO III.

*Divina essentia est primum, atque præcipuum objectum Divinae voluntatis.*

Prob. Deus primo, & per se seipsum tantum cognoscit (Sect. præced. cap. 1. prop. 3.) : ergo primo, & per seipsum tantum vult. Prob. con. Bonum intellectum est objectum voluntatis; ergo si Deus primo, & per se seipsum tantum intelligit, primo, & per se seipsum tantum velle quoque debet.

Deinde primum, atque præcipuum voluntatis objectum est, quod primo, & propter se appetitur, ac propter illud cetera appetuntur (Huius cap. definit. 2.) : ergo Divina essentia primum, atque præcipuum objectum Divinæ voluntatis esse debet. Prob. con. si Divina essentia non esset primum, atque præcipuum objectum Divinæ voluntatis, Deus se ipsum primum non vellet, & alia a se propter se ipsum non vellet; sed hoc enti perfectissimo, qualis est Deus, repugnat; ergo. Minor constat. Tunc enim Dei voluntas primo non tenderet ad aliquid perfectissimum, neque alia a se, quæ vellet, ad aliquid perfectissimum ordinaret: quæ sane enti perfectissimo repugnant.

#### PROPOSITIO IV.

*Deus alia a se vult, prout ad seipsum referuntur.*

Prob. Voluntas sequitur intellectum; sed Deus primo, & per se seipsum tantum cognoscit [ Sect. præced. cap. 1. prop. 3. ] : ergo etiam primo & per se seipsum tantum vult: ergo alia a se vult propter se ipsum.

Dein-

Deinde Deus se ipsum primo, ac per se vult ( Prop. præced. ) : ergo alia omnia a se velle debet propter se ipsum. Prob. con. Si alia a se primo, & propter se ipsa Deus vellet, quoad Deum ejusdem conditionis ea essent, ac ipse sit : ergo repugnat, ut ea velit primo, & propter ipsa : ergo si ea vult, propter se ipsum velle debet.

## C O R O L L A R I U M I .

*Deus unico actu vult se ipsum, & alia omnia a se.*

Nam Deus alia a se vult propter se ipsum ( Prop. præced. ) : ergo alia a se non vult, nisi quatenus vult se ipsum : ergo unico actu alia a se, & seipsum vult. Prob. 2. con. Deus se ipsum omnino perfecte velle debet : ergo secundum suam totam virtutem seipsum vult ; sed Deus est prima causa entium ( Lib. 1. sect. 1. cap. 2. prop. 9. , & cap. 3. prop. 1. ) ; itemque est origo perfectionum omnium, & fons, atque principium totius bonitatis ( Hujus lib. sect. 3. cap. 2. prop. 4. ) : ergo eo actu, quo se vult, alia quoque a se velle debet.

## C O R O L L A R I U M I I .

*Perfectioni, atque simplicitati Divina nihil inde detrahitur, quia Deus velit etiam alia a se.*

Quandoquidem quæ alia a se vult, & propter se ipsum vult ( Prop. præced. ), & vult eo actu, quo vult se ipsum [ Coroll. præced. ] : ergo.

## P R O P O S I T I O V .

*Divina voluntas rationem habet.*

Prob. Finis est ratio, cur ea velimus, quæ ad finem ordinantur ; sed Deus alia a se vult, prout ad seipsum referuntur ( Prop. præced. ) : ergo ipse, sive sua bonitas est ratio, cur alia a se velit : ergo Divina voluntas certam rationem habet.

Deinde voluntas agendi rationem habet, quando ob certam rationem agit ( Hujus cap. definit 4. ) ; sed Deus omnia propter se ipsum agit [ Prop. præced. ] : ergo Divina voluntas ob certam rationem agit : ergo Divina voluntas rationem habet.

## P R O P O S I T I O V I .

*Divina voluntas nullam causam habet.*

Prob. Quod causam agendi habet, ab ea in agendo pendet ( Hujus cap. definit. 5. ) : ergo Deus nullam agendi causam habet. Prob. con. Deus est ens primum, a se, & necessario existens, omnino immutabile, atque perfectum, ut constat ex jam demonstratis : ergo.

Deinde causa ab effectu distinguatur oportet ; sed Divina voluntas ab essentia non distinguitur ( Hujus cap. prop. 2. ) : ergo Divina voluntas nullam causam habet.

## PROPOSITIO VI.

*Deus se ipsum necessario vult .*

Prob. Primum, atque præcipuum objectum Divinæ voluntatis est ipsa Divina essentia, propter quam Deus vult alia a se (Hujus cap. prop. 3., & 4.): ergo Deus se ipsum necessario vult. Prob. con. Repugnat, ut ens perfectissimum, quale est Deus (Hujus lib. sect. 3. cap. 1. prop. 2., & seq.), proprio, & sibi adequato objecto carere possit, atque esse sine certo principio, ob quod alia a se velit: ergo si primum, atque præcipuum objectum Divinæ voluntatis est ipsa Divina essentia, propter quam Deus alia a se vult, Deum se ipsum non necessario velle repugnat: ergo si voluntas ea necessario profequitur, quæ non profequi non potest (Hujus cap. definit. 7.), Deus se ipsum necessario profequitur.

Deinde si Deus suam essentiam non necessario vellet, posset eam non velle; sed hoc repugnat: ergo. Prob. mi. Tunc nolle posset, quod perfectissimum est (Hujus lib. sect. 3. cap. 1. prop. 2., & seq.); sed hoc repugnat enti infinite perfectio: ergo.

## PROPOSITIO VII.

*Deus alia a se vult omnia libere .*

Prob. Voluntas in ea, quæ sunt ad finem, non necessario fertur, quando etiam sine illis finem consequi potest; sed licet Deus omnia propter se ipsum velit; tamen necessaria non sunt, ut ipse sit, vel infinitas perfectiones habeat: ergo ista non necessario vult. Prob. mi. Deus necessario, & a se existit, atque absolute æternus est (Hujus lib. sect. 1. prop. 1., 2., & 3.): item in se summe perfectus est, perfectionemque, quam semper habuit, semper quoque habiturus est (Hujus lib. sect. 3. cap. 1. prop. 2. 3., & 4.): ac tandem & summam bonitatem per suam essentiam habet, & est origo cujusvis bonitatis [Hujus lib. sect. 3. cap. 2. prop. 1., & seq.]: ergo.

Deinde materia est ens contingens (Lib. 1. sect. 1. prop. 8.), substantiæ quoque intelligentes contingentes sunt (Sect. præced. cap. 2. prop. 3. coroll. unico): ergo tum materia, tum substantiæ intelligentes tam esse, quam non esse possunt: ergo non necessario existunt; sed quæ Deus necessario vult, necessario existere debent: ergo.

Postremo causa, quæ necessario agit, se ipsam non determinat, neque ad agendum hæc, vel illa ratione sese modificare potest: ergo secundum omnes suas vires oportet, ut agat: ergo si causa necessario agens infinita sit, secundum virtutem infinitam agere debet: ergo etiam effectus infiniti sint oportet, ut huic virtuti respondeant: ergo quum Deus infinitam agendi virtutem habeat, quia est infinite perfectus (Hujus lib. sect. 3. cap. 1. prop. 2., & seq.), quodcumque existit, infinitum esse deberet; sed revera non est: ergo.

## SCHOLION I.

*Deus ergo, quia immutabilis est, alia a se hypothetice necessario vult; hoc est, ex suppositione, quod ea esse semel voluerit, semper velle necessario debet.*

Nam quod omnino immutabile est, sicuti quod semel habuit, semper retinere debet; ita etiam semper velle debet, quod semel voluit: ergo quum Deus sit omnino immutabilis (Hujus lib. sect. 2. prop. 6. coroll. unico, sect. 3. cap. 1. prop. 5. coroll. 2., & ejusdem sect. cap. 2. prop. 4. coroll. 2.); alia a se hypothetice necessario velle debet.

## COROLLARIUM.

*Per hanc tamen hypotheticam necessitatem Divina libertati nihil detrabitur, sed perfectio ejus magis manifestatur.*

Hæc enim hypothetica necessitas in iis non inest, quæ alia a Deo sunt, sed nascitur ab immutabilitate Dei: ex eo autem quod Dei voluntas sit immutabilis, omnino perfecta esse cognoscitur. Nam consilia nos sæpe mutamus, quia nostra cognitio est valde finita, atque limitata, neque statim omnia videre possumus: si enim rei veritas nobis semper certo innotesceret, nihilque novi quoad cognitionem nostram contingere posset, nunquam consilia mutaremus. Quapropter quum Deus sit infinite intelligens (Hujus lib. sect. 5. cap. 1. prop. 2. & seq.), consilia mutare non potest, quin de sua libertate aliquid amittat. Nam libertas, quæ cum infinita scientia conjungitur, omnino perfecta est: ergo si Deus est immutabilis, quia perfecte omnia novit, immutabilitatem, proindeque hypotheticam necessitatem, quæ ab ea dimanat, Divinæ libertati non obesse dicendum est.

## SCHOLION II.

*Est quoque Deus liberi consilii, quamvis sit omnino immutabilis.*

Quum enim inquisitio in consilio requiratur propter imperfectionem nostram, quia mediorum cum fine proportionem statim videre non possumus, ad consilii essentiam ea non pertinet, sed propria, atque specifica consilii ratio est determinatio: ergo quum Deus alia a se omnino libere velit (Hujus cap. prop. 7.), atque ad ea se determinet, liberi quoque consilii cum esse, inde consequitur.

## COROLLARIUM.

*Consilia ergo immutabilitati opponuntur, quando inquisitionem secum afferunt.*

Inquisitio enim ideo requiritur, ut quid agendum sit, videre possimus: quo fit, ut, re perfecta, diversa ratione, ac antea, nos habeamus. Ceterum, ubi nullus est inquisitioni locus, causa agens semper eodem modo se habet.

## SCHOLIUM III.

*Per hoc quod Deus libere velit unam rem modo esse,  
modo aliam, nihil illius immutabilitati detrahatur.*

Per hoc enim quod Deus unam rem modo esse, modo aliam libere velit, voluntatem non mutat, sed prout ab æterno decreverat, res diversas diversis quoque temporibus fieri vult; sed per hoc quod aliquis, prout semel constituerat, plura subinde fieri velit, voluntatem non mutat: ergo.

## PROPOSITIO VIII.

*Dei voluntas semper impletur.*

Prob. Deus est prima, & universalis causa rerum omnium (Lib. 1. sect. 2. cap. 2. prop. 9., & cap. 3. prop. 1., hujus lib. sect. 3. cap. 2. prop. 1., & 4., atque sect. 5. cap. 2. prop. 3. coroll. unico): ergo Prob. con. Causæ secundæ a prima, atque universali causa pendere semper debent; alioquin neque illæ essent causæ secundæ, neque illa prima, atque universalis dici posset: ergo aliter, ac vult prima causa universalis, non agent: ergo si Deus rerum omnium est prima causa universalis, quod ipse vult, semper impleatur oportet: ergo Dei voluntas semper impletur.

## PROPOSITIO IX.

*Quia Dei voluntas semper impletur, non contingit,  
ut quæ Deus vult, necessaria evadant.*

Prob. Efficacia Divinæ voluntatis non tollit contingentiam causarum: ergo non efficit, ut quæ contingentia sunt, talia esse desinant. Prob. ant. Tunc aliqua causa maximam efficaciam habet, quando non solum efficit, ut producat effectus, sed etiam ea ratione producat, qua ipsa vult: ergo quum Deus voluerit esse aliquas causas contingentes, propter efficaciam ejus voluntatis, non solum produci debent effectus a causis contingentibus, sed etiam contingenter, prout eis ex sui natura convenit: ergo quia Dei voluntas semper impletur, non efficitur, ut quæ contingentia sunt, necessaria evadant.

## CAP. II.

De Voluntate entium intelligentium.

## DEFINITIO I.

*Necessarium est illud, quod non esse non potest.*

Dr.



## DEFINITIO II.

*Contingens* est, quod tam esse, quam non esse potest.

## DEFINITIO III.

*Contingens intrinsece* dicitur, quod suæ causæ intrinseca virtute contingentiam habet, & tam esse, quam non esse potest.

## DEFINITIO IV.

*Contingens extrinsece* vocatur, quod tale est non ex virtute suæ causæ, sed ob impedimenta exterius advenientia, propter quæ contingit, ut aliquem effectum contingenter producat.

## DEFINITIO V.

*Impossibile* dicitur, quod neque est, neque esse potest.

## DEFINITIO VI.

Quod ex intrinseco principio necessarium est, *simpliciter*, *naturaliter*, atque *absolute necessarium* dicitur.

## DEFINITIO VII.

Quod ex fine necessarium est, non est *simpliciter necessarium*, sed *hypothetice*; hoc est, si finis intendatur, necessaria ei media sunt, quæ ad finem conducere possint. Etiam ad immutabilitatem determinationis consequitur hypothetica necessitas. Hac vero ratione Deus hypothetice necessario velle dicitur, quæ semel voluit esse.

## DEFINITIO VIII.

Quod necessarium est ob vim externi agentis creati, cum coactione, atque violentia conjunctum est, & *coactum* vocatur.

## DEFINITIO IX.

*Voluntarium* dicitur, quod est ab intrinseco principio cum cognitione finis.

## DEFINITIO X.

*Liberum* autem quod non solum est ab intrinseco principio cum cognitione finis, sed etiam indifferentiam ad agendum, vel non agendum complectitur.

## COROLLARIUM I.

*Voluntarium ergo & liberum esse poterit, & spontaneum.*

Liberum quidem erit, si præter intrinsecum principium cum cognitione finis etiam indifferentiam ad agendum, vel non agendum sibi conjunctam habeat.

beat: spontaneum vero, si hac indifferentia destituatur, atque ad unum determinatum sit.

#### COROLLARIUM II.

*Necessitas naturalis libero, non voluntario spontaneo opponitur.*

Liberum enim indifferentiam ad agendum, vel non agendum includit (Definit. 10.); sed hoc non habet, quod naturaliter necessarium est (Definit. 6.); ergo. Quum vero necessitas naturalis ab intrinseco principio dimanet (Definit. 6.), ideo si cognitionem finis in se includat, voluntario adversari non debet, quod similiter ab intrinseco principio cum cognitione finis dimanat (Definit. 9.).

#### COROLLARIUM III.

*Hypothetica necessitas neque voluntario, neque libero adversatur.*

Hæc necessitas propter præviā electionem in agente inducitur (Definit. 7.): ergo neque intrinseci principii rationem, neque indifferentiam ad agendum, vel non agendum tollit, quia determinationem præsupponit: ergo quum voluntarium sit ab intrinseco principio (Definit. 9.), liberum autem etiam ad agendum, vel non agendum indifferentiam habeat (Definit. 10.), hypothetica necessitas neutri eorum opponitur.

#### COROLLARIUM IV.

*Coactio tum voluntario, tum libero adversatur.*

Nam tam voluntarium, quam liberum ab intrinseco principio sunt (Definit. 9., & 10.); sed coactio ab agente externo inducitur (Definit. 8.): ergo.

#### COROLLARIUM V.

*Quæ naturali necessitate fiunt cum cognitione finis voluntaria, & spontanea sunt, non libera.*

Quandoquidem naturalis necessitas libero, non voluntario opponitur (Coroll. 1.): ergo quæ naturali necessitate fiunt, voluntaria, & spontanea sunt, non libera, si tamen fiunt cum cognitione finis.

#### COROLLARIUM VI.

*Coacta tamen dici non possunt, quæ naturali necessitate fiunt.*

Coacta enim sunt ab externo principio, quod vim agenti infert (Definit. 8.), quæ autem naturali necessitate fiunt, principium intrinsecum habent [Definit. 6.]: ergo.

## COROLLARIUM VII.

*Intrinsece contingens est liberum, item tamen dici non potest de extrinsece contingenti.*

Nam intrinsece contingens virtute suæ causæ contingentiam habet, & ab ea tam esse; quam non esse potest (Definit. 3.); sed quod virtute suæ causæ tam esse, quam non esse potest, est liberum (Definit. 10.); ergo. Extrinsece autem contingens tale est propter impedimenta, quæ alicui causæ opponuntur [Definit. 4.]; ita lapidi est contingens, ut in terram non cadat, dum funiculo suspensus retinetur: ergo hæc contingentia in ipsa causa indifferentiam ad agendum, vel non agendum excludit: ergo liberum esse non potest [Definit. 10.).

## COROLLARIUM VIII.

*Duplex libertas distingui debet; hoc est, improprie talis, quæ dicitur spontaneitatis, & proprie talis, quæ arbitrii vocatur.*

Quum enim voluntarium coactioni opponatur (Definit. 8., & 9.), liberum vero etiam intrinsecæ determinationi ad unum [Definit. 10.], quod a coactione immune est, seu externam necessitatem excludit, non vero intrinsecam determinationem ad unum, improprie liberum, sive spontaneum est: contra quod expers est tam externæ coactionis, quam sine determinatione ad unum vere liberum dici debet (Definit. 10.).

## COROLLARIUM IX.

*Quia ergo libertas spontaneitatis coactionem, seu necessitatem externam; libertas arbitrii tum coactionem, tum internam necessitatem, seu intrinsecam determinationem ad unum excludit, indifferentia quoque, quæ convenit utrique generi libertatis, diversa esse debet.*

Propria indifferentia libertatis spontaneitatis passiva est; hoc est, ad patiendum, vel non patiendum ab exteriori principio, a quo tam pati, quam non pati potest: indifferentia autem libertatis arbitrii activa est, hoc est; ad agendum, vel non agendum. Nam indifferentia determinationi opponitur: ergo quia libertas spontaneitatis extrinsecam tantum ab exteriori principio determinationem excludit, indifferentiam ad patiendum, vel non patiendum continere debet: quia vero libertas arbitrii tam cum extrinseca, quam cum intrinseca determinatione simul esse non potest; ideo etiam indifferentiam ad agendum, vel non agendum oportet, ut contineat.

## COROLLARIUM X.

*Propter indifferentiam ad agendum, vel non agendum, qualis in homine est, tum contradictionis, tum contrarietatis indifferentia admitti debet.*

Quum enim homo sit indifferens ad agendum, vel non agendum, atque voluntas ejus in bono firmata non sit, tam agere, quam non agere, tam hoc, quam

quam illud agere potest; itaque indifferentia alia *contradictionis*, quæ est ad agendum, vel non agendum, alia *contrarietatis*, quæ est ad agendum bonum, vel malum, admitti debet.

## S C H O L I O N.

*Libertas tamen consistit in indifferentia contradictionis.*

Ita enim se habet liberum arbitrium ad eligenda ea, quæ sunt ad finem; sicut intellectus ad ea, quæ ex primis principiis deducuntur; sed ut intellectus ex primis principiis aliqua inferre possit, quæ sunt præter ordinem, atque connexionem eorum, non pertinet ad essentiam ejus, quin potius imperfectionis argumentum est: ergo etiam ut liberum arbitrium diversa eligere possit, servato ordine finis, pertinet ad perfectionem ejus, ad defectum vero libertatis spectat, ut aliquid eligere possit divertendo ab ordine finis: ergo.

## C O R O L L A R I U M X I.

*Propter indifferentiam ad agendum, vel non agendum etiam indifferentia suspensionis, & potestatis admitti debet in homine.*

Nam quum homo ad agendum, vel non agendum sit indifferens, seu activum agendi principium in se habeat, aliquando agit, aliquando non agit, vel saltem quoad aliquod genus actionis indeterminatus existit: itaque alia est indifferentia *suspensionis*, quæ consistit in privatione actus, illumque eliciendi facultatem præsupponit, alia *potestatis*, qua quis dum agit, etiam non agere potest.

## S C H O L I O N.

*Indifferentia suspensionis ea non est, per quam libertas simpliciter consistit, sed indifferentia potestatis.*

Ideo enim suspensi ab actione sumus, vel quia non videmus, quid agendum sit, vel quia ab agendo super sedendum esse putamus; contra autem agimus, quando videmus, quid agendum sit, atque agere constitumus: ergo suspensio ab actione contingit vel propter defectum cognitionis, vel propter amorem otii, aut etiam quamdam impotentiam, quæ in nobis sit; sed neque per ignorantiam eorum, quæ non videmus, neque per otiositatem, aut impotentiam liberi sumus, alioquin qui hisce defectibus laborarent, magis liberi essent: ergo. Per indifferentiam autem potestatis sit, ut & agamus, & dum agimus, etiam non agendi potestatem habeamus: ergo per eam potissimum constituitur libertas, quæ consistit in quodam intrinseco principio cum cognitione finis, quod tam agere, quam non agere potest (Definit. 10.).

## L E M M A I.

*Nulla vera arbitrii libertas cum spontaneitate simul esse potest.*

Prob. Spontanea libera esse non possunt, (Hujus cap. coroll. 5.): ergo. Item: indifferentia *spontaneitatis* passiva est; hoc est, ad patiendum, vel non patiendum ab aliquo exteriori principio, *liberi* autem *arbitrii* activa (Hujus cap.

cap. coroll. 9.): ergo. Rursus: voluntarium spontaneum a voluntario libero omnino differt [ Huius cap. coroll. 1., & 2.): ergo.

Deinde cum externa coactione arbitrii libertas simul esse non potest, uti omnes fatentur: ergo neque etiam cum interna determinatione ad unum, quam spontaneitas secum affert [ Huius cap. coroll. 1. ]. Prob. con. Vi externa voluntas cogi non potest: contra autem vi interna cogitur, quia ad unum determinatur: ergo maioris efficaciae, quam externa, oportet, ut ea sit: ergo si cum externa coactione arbitrii libertas esse non potest, potiori jure neque etiam cum interna, quam spontaneitas secum affert,

L E M M A I I.

*Arbitrii libertas cum passiva indifferentia simul stare non potest, sed activam indifferentiam requirit.*

Prob. Arbitrii libertas cum spontaneitate simul esse non potest [ Lemm. præced. ]; sed spontaneitas passivam tantum indifferentiam habet ( Huius cap. coroll. 9.): ergo.

Deinde indifferentia passiva est ad patiendum, vel non patiendum: ergo propter hanc indifferentiam agens alteri in agendo subicitur: ergo per eam arbitrii libertas omnino tollitur, quum arbitrii libertas, requirat ut agens ad agendum, vel non agendum intrinsece se determinet ( Huius cap. definit. 10.).

Tandem quod passivè indifferens est, determinationem alterius præsupponit, ob quam ab indifferentiæ statu removeatur: ergo se ipsum intrinsece non determinat: ergo liberum non est [ Definit. 10. ]: ergo arbitrii libertas cum indifferentia passiva simul stare non potest: ergo si quod liberum est, ad agendum determinatum esse non debet, sed se ipsum per intrinsecum principium determinare debet, indifferentia activa necesse est, ut cum eo conjungatur.

L E M M A I I I.

*Arbitrii libertas prævia cognitionem supponit.*

Prob. Nihil appetere possumus, nisi quia bonum, nihil averfari, nisi quia malum nobis videtur: ergo ut aliquid appetamus, vel aversemur, boni, & mali cognitionem præcedere necesse est: ergo prævia aliqua cognitio liberam volitionem oportet, ut antecedit.

Deinde si sine prævia cognitione agamus, non libere, sed cæco quodam impetu agimus: ergo.

P R O P O S I T I O I.

*Ut a Deo vera libertas homini communicetur, impossibile non est.*

Prob. Impossibile id esse dicitur, quod repugnat; sed perfectam libertatem a Deo homini communicari nulla ex parte repugnat: ergo. Prob. mi. Deus est summa libertate præditus ( Cap. præced. prop. 7.): ergo sicuti quia, est primum ens, non repugnat, ut alia entia per participationem ab eo sint; ita etiam non repugnat, quin aliquibus entibus libertatem communicet, quia est primum principium libertatis.

Tom. II.

F f

Ne.

Neque etiam repugnat ex parte naturæ hominis : nam propter libertatem fit , ut suo creatori perfecte subiectus esse possit , quia ad veram germanamque subjectionem libertas requiritur .

#### PROPOSITIO II.

*Divinæ Sapientiæ , Bonitati , atque Iustitiæ consentaneum est , ut homo sit libertate præditus .*

Prob. Ne una eademque tum bene tum male agentis ratio esset , Divinam Sapientiam providisse concedet ; sed si homo liberi arbitrii facultatem non haberet , eadem tum bene , tum male agentis conditio esset : ergo . Prob. mi. Si nulla arbitrii libertas in homine esset , tam qui bene , quam qui male ageret , diversa ratione agere non posset : ergo utrorumque eadem conditio esset .

Convenit quoque Divinæ Bonitati , ut homo sit liber . Eam enim homini datam esse facultatem , per quam ab omni malo cavere , & laudem vel præmium consequi posset , Divinæ Bonitatis argumentum est ; sed & ab omni malo cavere , & laudem , vel præmiū non nisi per liberi arbitrii usum homo consequi potest : ergo . Prob. mi. Quando necessario agimus , unum præ alio eligere non possumus , & nobis nihil aut laudi verti , aut ad præmiū computari potest : ergo .

Tandem est etiam Divinæ Iustitiæ consentaneum , ut homo sit liber . Nam ut præmia bonis , malis autem debita supplicia iuste retribuuntur , Divinæ Iustitiæ leges exposcunt ; sed sine libertate tum præmiorum , tum poenarum iustæ retributioni nullus locus esse potest : ergo . Prob. mi. Qui ad bene , vel male agendum vi quadam , ineluctabilique necessitate ducitur , aliter agere non potest : ergo si bene agat , nullum ei præmiū , sin autem male , nulla poena debetur : ergo .

#### PROPOSITIO III.

*Omnium gentium consensione constat , homines esse libertate præditos .*

Prob. Ut ii punirentur , qui cum deliberatione vel contra Rempubicam , vel contra privatos homines peccant , ex adverso autem si quispiam omnino inivitus in aliqua re deliquerit , cuiusvis poenæ expertem esse debere , semper , & ubique ab omnibus receptum fuit : ergo de libertate hominis ex communi omnium gentium consensione constat . Prob. con. Non alia de causa contigit , ut ex communi consensione omnium gentium ii punirentur , qui volentes peccassent , contra essent a poena immunes , qui nescientes , ac nolentes deliquissent , nisi quia exillimatum fuit , illos propter arbitrii libertatem a malo abstinere potuisse , quod vel propter inadvertentiam , vel propter aliam rationem illi præstare non potuerunt : ergo .

#### PROPOSITIO IV.

*Homines esse libertate præditos ipsa experientia constat .*

Prob. Qui propter leges , atque poenam legibus constitutam multos a peccandis criminibus averti negaret , quotidianæ experientiae summa cum pertuacia contradiceret : ergo si propter leges , atque poenas in iisdem constitutas homines a peccando retrahuntur , eos esse libertate præditos experientia constat .

Prob.

Prob. con. Qui quadam necessitate agitur, quamvis liber esse sibi videatur, aliter agere non potest, quam ab ipsa necessitate cogitur: ergo siue aliquæ, siue nullæ leges constitutæ sint, semper una eademque ratione agere debet: ergo si propter leges, atque pœnas in iisdem constitutas, homines a peccando retrahuntur, eos esse libertate præditos experientia constat.

## PROPOSITIO V.

*Homines esse libertate præditos ex eorum operationibus  
spiritualibus certissime constat.*

Prob. Dum quispiam rem aliquam meditandam sibi preponit, in eam animi vires ita intendit, ut etiam non intendere simul possit, atque hujus potentie & conscius sibi est, & certissimum experimentum habet: ergo quum libertas consistat in intrinseco principio cum cognitione finis, quod agendi, vel non agendi potestatem habet (Hujus cap. definit. 10.), homines esse libertate præditos ex eorum operationibus spiritualibus certissime constat. Prob. ant. Quempiam, dum virtutem magnetis, ver. gra., contemplatur, ad alia contemplanda sese convertere posse, inde apparet, quia, si velit, momento temporis se ad ea convertit: ergo dum quispiam rem aliquam meditandam sibi proponit, ita animi vires in eam intendit, ut simul etiam non intendere possit, hujusque potentie & conscius sibi est, & clarissimum experimentum habet. Prob. con. Ut quispiam rem eandem simul, & eodem tempore agat, & non agat, fieri non potest: ergo rem eandem agendi, & non agendi virtutem in homine simul inesse, nullum certius argumentum haberi potest, quam quod modo agat, si velit, modo autem non agat, si nolit: ergo si homo modo rem unam contemplatur, modo ad alia instanti temporis sese convertit, quo potest, evidentiori argumenti genere constat eum ita animi vires in rem aliquam intendere, ut simul etiam possit non intendere.

Deinde sensus nostros quam maxime commoveri, si id eis proponatur, ad quod naturaliter inclinant, neque etiam Materialitæ negare possunt; sed licet vel sensibus pateant, vel in imaginatione repræsententur, quæ appetit natura animalis; tamen in nostra ratione vim inesse, quæ ita vel prosequi, vel rejicere possimus, quotidiana experientia constat: ergo. Prob. mi. Qui est morum honestate præditus non solum objecta turpia, quæ offeruntur sensibus, sed etiam quæ in imaginationem irrepperint, rejicit, & averfatur; contra alius agit, qui vitam flagitiosam ducit: ergo in nostra ratione inesse vim, quæ vel prosequi, vel rejicere possumus, quæ vel per sensus, vel per imaginationem proponuntur, experientia compertum est. Hoc autem certius constat, si advertatur, non solum nonnullos respuere, alios vero amplecti, sed unam eundemque hominem modo prosequi, modo averfari objectum illud, quod per sensus, vel per imaginationem sub eadem ratione repræsentatur; immo illud aliquando respuere, quamvis vividior ejus repræsentatio fuerit, contra autem aliquando voluntate prosequi, licet repræsentatio valde debilis extiterit.

## PROPOSITIO VI.

*Ex his, quæ membris, atque corpore exequimur, evidentissimum  
pro humanæ libertate argumentum desumi potest.*

De his autem motibus nostri corporis hinc sequimur, quos æque silere,

atque excitare possumus. Prob. autem Propositio. Quæ ex necessitate sunt, quamvis sine ulla coactione fiant, fieri tamen necessario debent: ergo aliter fieri non possunt: ergo dum ea fiunt, simultanea potentia ad oppositum impossibilis esse debet; sed hujus potentie ad oppositum quoad motus sui corporis unusquisque est sibi conscius, eamque experitur, qua evidentiori ratione fieri potest: ergo. Prob. mi. Ut superius dicebamus, expeditam sui potentiam ad agendum, & non agendum, nemo inde cognoscere potest, quia simul agat, & non agat, sed ex eo, quod in se illam sentiat, atque eadem utatur, si velit, non utatur, si non velit; sed dum quis suam manum movet, & conscius sibi est, se etiam eam posse non movere, & pro suo arbitrio a motu revera desistit: ergo.

### PROPOSITIO VII.

*Hominem esse libertate præditum etiam intrinseca ratione constat.*

Prob. Quia homo ratione pollet, unum cum altero comparat, idque sibi faciendum esse constituit, quod magis expedire vel vere, vel falso putaverit: ergo libertate præditus est. Prob. con. Quia unum cum altero comparat, atque id eligit, quod sibi magis expedire judicaverit, consequens inde est, ut ad unum determinatus non sit, sed indifferenter se habeat; atqui vera notio libertatis in hoc consistit (Definit. 10. hujus cap.): ergo.

Deinde objecta, quævis tandem ea sint, voluntatem in sui prosecutionem necessario trahere non possunt: ergo voluntas sua semper libertate gaudet. Prob. ant. Nullum peculiare bonum explere capacitatem voluntatis, atque totam possibilitatem illius sibi subicere potest; sed omnia objecta peculiariora, quævis tandem ea sint, peculiare bonum, & inadequatum capacitati voluntatis in se continent: ergo. Ma. consilium nam voluntas non solum postquam consequuta est, quod primo voluerat, alia, atque alia semper expetere potest, sed etiam multa diversa simul expetit, atque modo amplectitur, quod rejecerat, modo rejicit, quod amplexa fuerat. Mi. quoque manifesta est; quum in quolibet objecto gradum bonitatis finitum determinatumque esse, negari non possit.

Tandem quum nihil appetamus nisi sub ratione boni, voluntas propter rei bonitatem movetur: ergo id tantum, quod est omnimode bonum, voluntatem in sui amorem rapere potest; sed nullum peculiare objectum omnem bonitatem habet: ergo nullum peculiare objectum voluntatem cogere potest. Prima consequens manifesta est: nam id solum, quod omnimode bonum est, nihil in se non boni habet, propter quod voluntas ab illius prosecutione sese avertere possit; contra vero, quæ non omnem bonitatem continent, id semper in se habent, propter quod voluntas ab iisdem sese avertere possit; quum id tantum, quod bonum est, objectum illius esse debeat. Quapropter sicuti tunc agens patienti vim infert, atque eum necessario movet, quando superat vim illius; ita etiam tunc objecta voluntatem necessario moverent, quando eam in se bonitatem continerent, quæ virtutem voluntatis superaret; sed nulla creata objecta talia sunt: ergo.

### PROPOSITIO VIII.

*Nulla necessitas homini inde imponitur, quia Deus omnia certissime infallibiliterque præviderit.*

Prob. Deus est infinite intelligens, atque in sua essentia omnia perfecte  
cogno-



cognoscit [ Hujus lib. sect. 5. cap. 1. prop. 2., & 7. ]: ergo . Prob. con. Propter perfectam cognitionem rei alicujus neque status, neque conditio ejus mutatur, sed apprehenditur, prout in se revera est: ergo quum Divina paciencia infinitati Divinæ cognitionis innitatur, nulla necessitas hominibus inde affertur, quia Deus infallibiliter omnia præviderit.

Deinde Dei prævisio conditionem rerum creatarum immutare non debet: ergo . Prob. ant. Si conditionem rerum creatarum immutaret, propter prævisionem omnia diversa ratione constituerentur, ac in se deberent, sed tunc præscientia Sapientiæ Dei repugnaret: ergo .

## P R O P O S I T I O I X.

*A motu caelestium corporum intellectui nostro nulla necessitas inferri potest .*

Prob. Motibus corporum caelestium ea subjecta esse non possunt, quæ non pendent a tempore; sed intellectus in suis operationibus a tempore non pendet: ergo . Maj. constat: nam unum corpus suum effectum in altero producit eo tempore, quo ipsum movet, vel in illud agit: ergo illi determinato tempori, quo movet, aut agit, effectus respondere debet: ergo quum corpora caelestia nonnisi per motum agere in alia possint, quæ a tempore non pendent, motibus eorum subjecta esse non possunt. Min. experientia constat: etenim intellectus in suis operationibus tum a loco, tum a tempore abstrahit; quum universalis, immutabilia, spiritualia, atque necessaria meditetur, quæ neque a loco, neque a tempore pendunt.

Deinde Substantia, quæ intelligit, spiritualis est ( Hujus lib. sect. 5. cap. 2. prop. 2., & 3. ): ergo moveri non potest per impressionem caelestium corporum . Prob. con. Fieri non potest, ut substantia spiritualis impressiones corporeas recipiat; sed quod movetur propter impressiones corporeas oportet, ut easdem recipiat: ergo . Prob. mi. Quod impressiones corporeas recipit, oportet, ut partes habeat: nam in partibus impressio corporea recipitur; sed substantia spiritualis non habet partes: ergo .

## S C H O L I O N.

*Licet corpora caelestia nostro intellectui nullam necessitatem inferant; tamen aliquo modo causa esse possunt nostræ intellectionis.*

Negari enim non potest ab imaginatione, & vi memorativa nostram intellectionem aliquo modo pendere, ideoque si illæ impediuntur, impediri etiam vim intelligendi, uti in phreneticis contingit. Imaginativæ autem, & memorativæ vires quum plurimum pendeant a dispositione corporis, & hæc rursus aliqua ratione pendeat a motibus corporum caelestium, inde est, ut etiam motum corporum caelestium ad nostram intellectionem aliqua ratione concurrat.

## P R O P O S I T I O X.

*Neque etiam voluntati necessitas inferri potest per motum corporum caelestium:*

Prob. Omnis electio atque determinatio voluntatis pendet ab apprehensione intellectus: hinc est, ut non solum nihil sit volitum, quin præcognitum; sed etiam

etiam error, aut reſtitudo in electione eſſe non poſſit, niſi prius in intellectu fuerit; ſed corpora cœleſtia intellectum movere non poſſunt [Prop. præced.]: ergo.

Deinde quæ per impressionem corporum cœleſtium fiunt, naturaliter fiunt: ergo noſtræ electiones ab impressione cœleſtium corporum eſſe non poſſunt. Prob. con. Quæ naturaliter fiunt, una eademque ratione fiunt; ſed non ſolum electiones diverſorum hominum ſimul, & eodem tempore diverſæ ſunt, ſed etiam idem homo uno inſtanti rem unam, ſequenti autem eligit contrarium; ejus: ergo.

#### SCHOLIUM I.

*Quamvis per cœleſtia corpora voluntati noſtræ nulla neceſſitas inferatur; tamen occasionales cauſæ noſtrarum electionum ea eſſe poſſunt.*

Primo enim per cœleſtium corporum impressionem in corpora exteriora ſit, ut, inde arrepta occasione, hoc, vel illud agere ſtatuamus, quod non ſtatuemus, ſi corpora exteriora hanc, vel illam impressionem non recepifſent a cœleſtibus corporibus. Deinde ex eo quod etiam noſtra corpora per impressionem corporum cœleſtium diverſimode afficiantur, & ad diverſas paſſiones fortius inclinamur, eiſque propterea quandoque obſequimur, & propter ipſam corpoream diſpoſitionem noſtram inde inductam ad id faciendum allicimur, ad quod non alliceremur, niſi hujusmodi corporea diſpoſitio præceſſiſſet: quamvis ergo per cœleſtia corpora voluntati noſtræ nulla neceſſitas inferatur; tamen cauſæ occasionales electionum noſtrarum ea eſſe poſſunt.

#### SCHOLIUM II.

*Quamvis corpora cœleſtia neque intellectum, neque voluntatem movent, indirecſte tamen in utrumque agere poſſunt.*

Nam intellectus in ſuis operationibus pendet etiam a diſpoſitione corporis, uti in pueris, atque amentibus potiffimum conſtat; ſed corporeæ diſpoſitiones ſubjacent cœleſtibus motibus: ergo.

Similiter propter diverſam rationem, qua vel noſtra, vel externa corpora ſe habent, ſæpe ad hoc, vel illud eligendum inducimur; ſed tum noſtra, tum externa corpora propter cœleſtium influxum mutationem ſubeunt: ergo.

#### SCHOLIUM III.

*Malebranchianum ſyſtema cauſarum occasionalium libertati hominis opponitur.*

Nam ad libertatem paſſiva indifferentia non ſufficit, ſed activa requiritur (Hujus cap. lemm. 2.): ergo. Prob. con. In hoc ſyſtemate cauſæ agendi propria vi deſtituuntur, ac tantum agendi occasionem præbent: ergo in iis nullus indifferentiæ activæ locus eſſe poteſt: ergo ſi ad libertatem indifferentia paſſiva non ſufficit, ſed activa requiritur, ſyſtema cauſarum occasionalium opponitur libertati hominis.

Deinde in hoc ſyſtemate animam in gratiam corporis, & corpus in gratiam

tiam animæ Deus ita modificat, ut has ideas, & non alias in anima producat, quia hi, & non alii motus existunt in corpore; hos, & non alios motus in corpore producat, quia hæ, & non aliæ idæ in mente existunt: ergo tum idæ in anima, tum motus in corpore a Deo producuntur: ergo in hoc systemate homo ens passivum esse necessario debet.

## S C H O L I O N IV.

*Etiam systema Leibnitianum harmoniæ præstabilitæ opponitur libertati hominis.*

Hominem enim esse libertate præditum inde quoque constat, quia quæ sensus expetunt, aut per imaginationem exhibentur, ob judicium rationis respicere possunt, & sæpe etiam respiciunt, quando turpia fuerint (Hujus cap. prop. 5.); sed in systemate harmoniæ præstabilitæ id præstare non possunt: ergo. Mihi constat: anima enim independentem a corpore in hoc systemate agit, & corpus independentem ab anima, ita ut quam anima a corpore, eandem corpus, corporeusque sensus ab anima independentiam habeat.

Deinde quia homo per rationem etiam corporeos motus regit, esse libertate præditum, certissime evincitur (Hujus cap. prop. 6.); sed in systemate harmoniæ præstabilitæ anima regere non possunt motus corporeos, quia corpus independentem ab anima agit: ergo.

Tandem in hoc systemate omnes actiones, quæ per membra corporea sunt, necessarias esse debere, certissime consequitur: ergo. Prob. ant. Corpus principium libertatis esse posse, & cum evidentissima ratione pugnat, & nemo usque modo hoc affirmare ausus fuit: ergo quum in hoc systemate corpus independentem ab anima agit, illius actiones necessarias esse debere, evidentissime consequitur.

## S E C T. VII.

De Potentia Dei.

## C A P. I.

De Potentia Dei in se spectata.

## D E F I N I T I O I.

Potentia *activa* est principium agendi in aliud.

## D E F I N I T I O II.

Potentia *passiva* est principium patiendi ab alio.

## C O R O L L A R I U M.

*Nulla passiva potentia in Deo esse potest.*

Deus

Deus enim est undequaque immutalis (Hujus lib. sect. 2. prop. 6. coroll. unico, sect. 3. cap. 1. prop. 5. coroll. 2., & ejusdem sect. cap. 2. prop. 4. coroll. 2.): ergo quum mutabile sit, quod ab altero pati potest, nulla passiva potentia in Deo esse potest. Quæ ergo de Dei potentia disputantur, ad activam referri debent.

## DEFINITIO III.

Ea potentia *infinita* est, quæ nihil non potest, nullumque agendi terminum sibi constitutum habet.

## SCHOLIUM.

*Ea tamen per infinitam potentiam fieri non possunt, quæ repugnant.*

Quæ enim repugnant, rationem entis habere non possunt; sed quæ rationem entis habere non possunt, impossibile est, ut sub aliqua potentia contineantur: ergo.

## COROLLARIUM.

*Ens ergo aliquod non ideo infinite potens dici debet, quasi etiam contradictoria facere possit.*

Nam ex iis, quæ non possunt habere rationem entis, non solum infinitæ potentæ argumentum duci non potest, sed cujusvis causæ possibilitas denegatur. Hinc vero est, ut Deus omnipotens dici debeat, quia omnia, quæ possibilia sunt, quorumque prædicatum subiecto non repugnat, producere valet.

## PROPOSITIO I.

*Activa potentia in Deo esse necessario debet.*

Prob. Deus est ens a se, atque necessario existens (Hujus lib. sect. 1. prop. 1. & 2.), a quo tantum hic rerum ordo (Lib. 1. sect. 2. cap. 2. prop. 9.), resque, creatæ omnes esse possunt [Ejusdem sect. cap. 3. prop. 1.]: itemque cujusvis bonitatis principium est (Hujus lib. sect. 3. cap. 2. prop. 4.): ergo potentia activa in Deo esse necessario debet. Conseq. constat: nam sine activa potentia impossibile est, ut Deus hæc omnia habere possit.

Deinde Deus est infinite perfectus (Hujus lib. sect. 3. cap. 1. prop. 2.): ergo. Prob. con. Unumquodque quanto majorem agendi virtutem in se continet, tanto perfectius est: ergo.

## PROPOSITIO II.

*Dei potentia non distinguitur a substantia ejus, sed unum idemque cum ea est.*

Prob. Activa potentia enti competit, quatenus actu est; sed Deus actu ipse est, & absolute æternus (Hujus lib. sect. 1. prop. 2., & 3.) solusque per suam essentiam summam bonitatem habet, quæ eadem cum ipso est: [Hujus lib. sect. 3. cap. 2. prop. 2., & 3.] ergo ipse est sua potentia.

Præter,

*Præterea:* Si potentia Dei distingueretur ab ejus essentia, perfectio essentia compleretur per potentiam: perfectior est enim essentia prædita potentia, quam potentia destituta; sed essentiam entis infinite perfecti, & a se, compleri ab alio distincto repugnat: ergo.

Deinde illud ens, quod non est sua potentia, nonnisi ob participationem potentia alterius potens esse potest: ergo si Deus non esset sua potentia, eam potentiam, quam habet, per participationem alterius haberet; sed hoc enti a se, quod a se quoque infinite perfectum est, cujusmodi est Deus (Hujus lib. sect. 1. prop. 2., & sect. 3. cap. 1. prop. 2., & seq.), quam maxime repugnat: ergo.

## P R O P O S I T I O I I I.

*Potentia Dei neque etiam ab ejus actione distinguitur.*

Prob. Quæ uni, atque eidem sunt eadem, inter se quoque eadem esse oportet; sed Dei potentia eadem est cum substantia ejus (Prop. præced.), & actio Dei est substantia illius: ergo potentia, & actio idem in Deo sunt. Probatur actionem Dei idem esse cum substantia illius. Actio est potentia complementum; sed substantia entis a se, & infinite perfecti, cujusmodi est Deus [Hujus lib. sect. 1. prop. 2., & sect. 3. cap. 1. prop. 2., & seq.], ab alio compleri non potest, alias in se incompleta, & imperfecta esset: ergo substantia Dei non completur per actionem ab ipsa substantia distinctam, sed ipsa ejus substantia idem sit oportet cum ejus actione. Min. constat: nam quod a se est, atque infinitum, nonnisi a se, atque ab infinito compleri potest.

## P R O P O S I T I O I V.

*Deus est omnipotens; & omnia, quæ sunt possibilis, facere potest.*

Prob. Deus in suis perfectionibus est undequaque infinitus (Hujus lib. sect. 3. cap. 1. prop. 2., & seq.): ergo quum potentia entis maxima perfectio sit, Dei potentia omnino infinita esse debet, adeoque Deus facere potest, quæcumque possibilis sunt.

Deinde virtus, quæ est omnino perfecta, sub se ea omnia complecti debet, quæ illi subiecta esse possunt; sed Dei potentia est omnino perfecta: ergo quæcumque rationem entis possibile est, ut habeant, a Deo produci possunt. Ma. constat. Mi. quoque evidens est: nam Dei perfectiones omne suum complementum habent (Hujus lib. sect. 3. cap. 1. prop. 2., & seq.).

## S C H O L I O N I.

*Quamvis Deus per suam potentiam ubique sit; nulla tamen spiritualis extensio in eo admitti potest*

Quandoquidem nulla extensio spiritualis sine partibus spiritualibus concipi potest: ergo si Deus spiritualiter extenderetur, etiam partes spirituales habere deberet: ergo Dei substantia dividi posset. Prob. secunda con. Unaquævis pars extra aliam exiit: ergo ab ea dividi potest: ergo Dei substantia dividi posset, si partes spirituales haberet: ergo quum substantia Dei sit spiritualis, se-

*Tom. II.*

G g

cun-

# SCHOLIUM II.

*Dei immensitas non opponitur simplicitati ejus, etiam creato mundo.*

Nam Deus neque per extensionem materialem (Hujus lib. sect. 1. prop. 6.) neque per extensionem spiritualement [Schol. præced.], ubique est: ergo immensitas illius simplicitati non opponitur. Prob. con. Quod est omnino simplex nullas partes habet: ergo si Deus ubique est non per ullam extensionem neque materialem, neque spiritualement, immensitas spiritualitati illius opponi non potest.

# SCHOLIUM III.

*Deus ergo ubique est per suam potentiam, præsentiam, atque essentiam.*

Nam Deus est illud unicum ens necessarium, a quo omnia habent, ut sint (Lib. 1. sect. 2. cap. 2. prop. 9., & cap. 3. prop. 1.), ejusque etiam infinite potens (Præced. prop. 4.): ubique ergo est per suam potentiam. Est quoque Deus infinita intelligentia præditus (Hujus libri sect. 5. cap. 1. prop. 2.); & nihil hac de causa omnino est, quod ipsum latere possit: sua ergo præsentia nullibi non adesse potest. Tandem sua essentia est in omnibus, quia ipse causa est, cur unumquodque sit, ideoque adesse omnibus, ut causa essendi.

# CAPITULUM II.

De Potentia Dei quoad ea, quæ exterius ab ipso producuntur, aut produci possunt.

## DEFINITIO I.

*Rei alicujus Bonitas essentialis ea est, sine qua ipsa res nullo modo esse potest.*

## DEFINITIO II.

*Bonitas accidentalis est illa, quæ non ad essentiam rei, sed ad quamdam pulchritudinem, & decorem illius pertinet.*

## PROPOSITIO I.

*His, quæ produxit, multo plura Deus, atque perfectiora facere potest.*

Prob. Deus alia omnia a se vult libere (Sect. præced. cap. 1. prop. 6., & 7.), ejusque Divina potentia, quia infinita est (Cap. præced. prop. 4.), nullis terminis circumscribi potest: ergo. Prob. con. Principium liberum, & necessarium inter se in eo differunt, ut istud; quod producere potest, determinatum habeat, non vero illud: simili ratione potentia finita, & infinita in eo distinguuntur, ut illa alios, atque alios semper effectus, sicuti ista, producere non possit: ergo si Deus alia a se vult libere, ejusque Divina potentia infinita est, his, quæ produxit, multo plura, & perfectiora facere potest.

Pro-

## PROPOSITIO II.

*Eadem res substantialiter melior a Deo fieri non potest.*

Prob. Quæ substantialiter mutantur, essentialiter quoque mutari oportet; sed bonitas essentialis ea est, sine qua res aliqua esse non potest (Hujus cap. definit. 1.): ergo eadem res substantialiter melior a Deo fieri non potest. Maj. constat: quæ enim ad alicujus rei substantiam pertinent, etiam ad essentialiam pertinere debent. Prob. con. Fieri non potest, ut res aliqua eadem esse perseveret, si eandem essentialiam non habeat: ergo si quæ substantialiter mutantur, essentialiter quoque mutari oportet, atque bonitas essentialis ea est, sine qua res aliqua esse non potest, Deus rem eandem meliorem substantialiter facere non potest: eadem enim esset, ut supponitur, & non esset eadem, quia eandem essentialiam amplius non haberet: ergo quum Deus facere non possit, quæ esse repugnant (Hujus lib. sect. 5. cap. 2. prop. 1. Lemm. 1.), neque etiam rem eandem substantialiter meliorem facere potest. Res ergo illa, in quam aliam substantialem perfectionem Deus induceret, alia res longe perfectior evaderet, quod quidem a Deo fieri potest [Prop. præced.], non vero eadem maneret.

## PROPOSITIO III.

*Rem eandem accidentaliter meliorem Deus facere potest.*

Prob. Propter accidentalem perfectionem rei natura non immutatur: ergo rem eandem accidentaliter meliorem Deus facere potest. Ant. constat: nam bonitas accidentalis est ea, quæ non ad essentialiam rei, sed ad pulchritudinem, & decorem ejus pertinet [Hujus cap. definit. 2.]. Conseq. quoque manifesta est, quia si perfectio accidentalis essentialiam rei non immutat, alicui essentiali superaddere poterit, quin eadem esse desinat.

## PROPOSITIO IV.

*Mundus, qui existit, non est perfectissimus eorum omnium, qui a Deo fieri possunt.*

Prob. Iis, quæ produxit, multo plura, atque perfectiora Deus facere potest (Hujus cap. prop. 1.): ergo mundus, qui existit, non est perfectissimus eorum omnium, qui a Deo fieri possunt.

## PROPOSITIO V.

*Hunc mundum esse perfectissimum eorum omnium, qui a Deo fieri possunt, Divina Potentia repugnat.*

Prob. Deus ea tantum non potest, quæ contradictoria sunt [Hujus lib. Sect. 5. cap. 2. prop. 1. lemm. 1., & hujus sect. cap. 1. definit. 3. schol. unico], ceterum quum sit omnipotens (Cap. præced. prop. 4.), nihil possibile esse debet, quod ipse producere non possit: ergo. Prob. con. Eo, quod non est infinite perfectum alterum perfectius produci non repugnat, ut per se patet: es-

go si Deus ea omnia potest, quæ non repugnant, quum hic mundus non sit perfectissimus eorum omnium, qui a Deo fieri possunt (Prop. præced.), alterum eo perfectiorem Deus facere potest: ergo hunc mundum esse perfectissimum eorum omnium, qui a Deo fieri possunt, Divinæ Potentiæ repugnat.

Deinde mundus, qui exiit, infinite perfectus esse non potest, alioquin, quædam Divinitas ei tribueretur: ergo finite perfectus est. Demus ergo omnem eam perfectionem in se habere, quam ens creatum participare potest: ergo Deus tum in productione multitudinis, & diversitatis specierum, distinctarum perfectionum, tum in communicatione motuum ipsis corporibus, & virium intellectualium ipsis mentibus, certos quosdam terminos præscriptos habebit; sed hoc repugnat enti infinite potenti, qualis est Deus (Cap. præced. prop. 4.): ergo.

#### PROPOSITIO VI.

*Etiam Divina Sapientia, atque Bonitati repugnat, hunc mundum esse perfectissimum eorum omnium, qui a Deo produci possunt.*

Prob. Divina Sapientia, & Bonitas infinita est: ergo. Prob. con. Infinitum nullum finem, aut terminum habet: ergo si infinita est Divina Sapientia, atque Bonitas, hunc mundum esse perfectissimum eorum omnium, qui a Deo produci possunt, eisdem repugnat. Prob. con. Tunc res aliqua terminum, aut finem habet, quando ad hoc extendi, ulterius vero progredi non potest: ergo si iste mundus esset omnium possibilem perfectissimus, & ultimus eorum, qui a Divina Sapientia, & Bonitate intendi possent, Divina Sapientia, atque Bonitas terminum, & finem haberet: ergo.

#### PROPOSITIO VII.

*Divina quoque Libertati repugnat, hunc mundum esse perfectissimum eorum omnium, qui a Deo produci possunt.*

Prob. Quod ex suæ naturæ intrinseca ratione ad unum determinator, liberum esse non potest [Hujus lib. sect. 6. cap. 2. definit. 10. coroll. 1., & ejusdem cap. lemm. 1.]; sed Deus mundum omnium possibilem perfectissimum producere debuisset, quia ad eum ex suæ naturæ intrinseca ratione determinabatur: ergo. Prob. mi. Dei Bonitas, atque Sapientia unum idemque sunt cum essentia ejus (Hujus lib. sect. 3. cap. 2. prop. 3.; & sect. 5. cap. 1. prop. 1.): ergo qui Deum per suam Bonitatem, & Sapientiam ad producendum mundum omnium possibilem perfectissimum determinatum fuisse ponunt, per suam quoque essentiam ad idem determinatum fuisse oportet, ut statuunt: ergo quum mundi perfectissimi defensores primum velint, etiam alterum velle debent: ergo si quod ex suæ naturæ intrinseca ratione ad unum determinatum est, liberum esse non potest, nullam in Deo libertatem quoad productionem hujus mundi fuisse, dicendum esset.

Deinde nullam libertatem quoad ea habemus, ad quæ naturaliter determinamur (Hujus lib. sect. 6. cap. 2. definit. 10. coroll. 2., & ejusdem cap. lemm. 1., & 2.): sed Deus est naturaliter sapiens, atque bonus: ergo si per suam Sapientiam, atque Bonitatem ad producendum mundum omnium possibilem perfectissimum determinatus fuisset, naturaliter determinatus fuisset: ergo.

Po-



Postremo res existens se ipsa non existente longe perfectior est : ergo si mundus omnium possibilium perfectissimus a Deo produci debuit , quia par erat , ut iste ceteris praeferretur , mundum , & omnia , quæ in mundo continentur , necessaria esse consequitur . Prob. con. Sicuti quælibet res existens se ipsa non existente perfectior est ; ita etiam mundus existens mundo possibili est perfectior : ergo si ideo mundus omnium possibilium perfectissimus , a Deo produci debuit , quia par erat , ut iste , quia perfectissimus , ceteris praeferretur , quum etiam mundus existens mundo possibili longe perfectior sit , mundum quoque excellentem mundo possibili semper Deus praeferre debuisset : ergo .

## P R O P O S I T I O V I I .

*Deus in productione suppositi hujus mundi perfectissimi a necessitate non eximitur per hoc , quod a nulla externa causa coactus fuisse ponatur .*

Prob. Ut causa libere agat , non solum nullo externo principio ad agendum impelli debet , sed etiam oportet , ut necessitate naturæ non agat , sed liberam agendi facultatem habeat , & tam agere , quam non agere possit [ Hujus lib. sect. 6. cap. 2. definit. 10. , & ejusdem cap. lem. 1. , & 2. ] : ergo ut in productione suppositi hujus perfectissimi mundi Deus a necessitate immunis fuerit , non satis est , quod a nulla causa externa coactus fuisse dicatur , sed etiam oportet , ut ne ex sue quidem ipsius naturæ necessitate produxerit .

## P R O P O S I T I O V I I I .

*Semel ac ponatur , mundum omnium possibilium perfectissimum a Deo produci debuisse , necessitas , qua ductus fuit , non hypothetica , sed absoluta esse debuit .*

Prob. Hypothesica necessitas effectum in se spectatum simpliciter necessarium non reddit , sed facta suppositione , quod causa se ipsam determinaverit : unde per hanc necessitatem non tollitur effectus in se ipso spectati indifferentia ad essendum , vel non essendum , sed indifferentia causæ ad eum producendum , aut non producendum , vel propter finem , quem sibi constituit , vel propter immutabilitatem sui consilii ( Hujus lib. sect. 6. cap. 2. definit. 7. ) ; atqui si Deus mundum omnium possibilium perfectissimum producere debuisset , necessitas ad effectum in se ipso spectatum referri deberet : ergo . Prob. mi. Semel ac admitratur , Deum producere debuisse mundum omnium possibilium perfectissimum , quia Bonitas , atque Sapientia ejus ita exigebat , nullus prioræ determinationi locus in Deo relinquitur : ergo necessitas ad mundi productionem referri debet . Prob. ant. Dei Bonitas , & Sapientia idem est cum essentia ejus [ Hujus lib. sect. 3. cap. 2. prop. 3. , & sect. 5. cap. 1. prop. 1. ] : ergo quod Bonitas ejus , atque Sapientia exigat , etiam essentia exigere debet : ergo si propter Bonitatem , & Sapientiam ejus requirebatur , ut mundum perfectissimum produceret , etiam propter essentiam ejus hoc requirebatur ; sed in his , quæ aliquis exigit ob essentiam suæ naturæ , nullus electioni , & determinationi locus esse potest ( Hujus lib. sect. 6. cap. 2. lemm. 2. ) : ergo .

Deinde absolute necessarium id est , ad quod aliqua causa ex sui intrinsicco principio absque ulla indifferentia determinatur ( Hujus lib. sect. 6. cap. 2. definit. 6. ) ; sed si Deus mundum omnium possibilium perfectissimum producere

## COROLLARIUM.

*Neque aliqua mutatio proprie dicta, neque motus, neque successio  
in creatione dari potest.*

Ad mutationem enim proprie dictam oportet, ut præcedat aliquid, quod ante ipsam mutationem diversa ratione sese habeat: ergo si in creatione nihil præcessit, nulla quoque mutatio dari potest. Item quia motus terminatur ad id, quod existit, & sine subiecto nulla successio dari potest; ideo etiam motus, & successio nullum in creatione locum habere possunt. Tantummodo ergo secundum nostrum intelligendi modum quædam mutatio improprie dicta in creatione concipitur, quatenus unam eandemque rem primo ut non existentem: deinde uti existentem intelligimus.

## PROPOSITIO I.

*Ut materia, vel corpori creandi virtus conveniat,  
fieri non potest.*

Prob. Materia, vel corpus in id agere non possunt, quod non existit: ergo materiæ, vel corpori creandi virtus convenire non potest. Ant. constat, quia ut materia, vel corpus agat, aliquid esse debet, quod eorum actionem recipiat. Prob. con. In creatione nihil præexistens præsupponi potest [Definit. unica hujus sect.]: ergo si materia, vel corpus in id agere non possunt, quod non præexistit, impossibile est, ut creandi virtus eisdem convenire possit.

Deinde ut materia, vel corpus in aliud agat, illud tangere debet, aut immediate, aut mediante alia materia, sive corpore: ergo impossibile est, ut in id agant, quod nulla ratione tangi potest: ergo quum in creatione nihil præexistat, quod tangi possit, per materiam, vel corpus aliquid creari impossibile esse consequitur.

## PROPOSITIO II.

*Creandi virtus Deo tantum convenire potest.*

Prob. Creatio est actio prima, atque præcellentissima omnium, quia nullam aliam actionem præsupponit, atque independentem ab omni alia causa facit, ut res existat: ergo creatio soli Deo convenire potest. Prob. con. Nobiliori agenti nobilior quoque actio, atque præstantior respondere debet: ergo.

Deinde fieri non potest, ut existant entia contingentia, nisi existat ens necessarium (Lib. 1. sect. 2. cap. 3. prop. 1.), quod infinite perfectum esse debet [ejusdem capituli prop. 3.]; sed Deus est hoc ens necessarium infinite perfectum (Hujus lib. sect. 1. prop. 1., sect. 3. cap. 1. prop. 2., & seq.): ergo solus Deus creare, seu aliquid ex nihilo educere potest. Prob. con. Ideo fieri non potest, ut existant entia contingentia, nisi existat ens necessarium, quia entia contingentia sibi dare non possunt, ut sint: sicuti vero ens contingens quum,  
non

non esset, sibi dare non poterat, ut esset; ita etiam dum exiit, efficere non potest, ut habeat rationem entis, quod antea nullam habebat, seu erat nihil: nam licet existat; tamen ipsum nihilum non potest attingere; ergo solum ens necessarium, per quod existunt entia contingentia, aliquid ex nihilo creare, potest: ergo.

Tandem inter esse, & nullo modo esse infinita distantia est: ergo ut id, quod nullo modo erat, incipiat esse, requiritur virtus infinita: ergo solus Deus potest facere, ut incipiat esse, quod nullo modo erat; hoc est creare.

### PROPOSITIO III.

*Nulla causa secunda neque etiam per participationem habere potest creandi virtutem.*

Prob. Instrumentum, quando agit, necesse est, ut moveatur; sed in creatione nullus motus esse potest [Hujus sect. definit. unica coroll. unico: ergo.

Deinde creatio non fit ex præsupposito subiecto (Hujus sect. definit. unica) ergo. Prob. con. Ut causa instrumentalis participet actionem causæ sibi superioris, necesse est ipsam ratione sibi propria dispositive operari ad effectum agentis principalis: ergo si creatio non fit ex præsupposito subiecto, causa secunda nihil habet, circa quod dispositive operari possit, ideoque neque etiam per participationem creandi virtutem habere potest. Ant. constat: nam instrumenta & frustra adhiberi non debent, & determinata esse oportet, ut agenti principalj deserviant, alioquin quovis instrumento quolibet res confici posset.

### PROPOSITIO IV.

*Deus materiam ex nihilo produxit.*

Prob. Materia a se non est, neque necessario existit, sed est ens contingens [Lib. 1. sect. 1. prop. 6., & 8.): ens autem contingens existere non potest, nisi existat ens necessarium, a quo producatur, atque illud ens necessarium infinite perfectum debet (Lib. 1. sect. 1. cap. 3. prop. 1. & 3.): sed hoc ens necessarium est Deus (Hujus lib. sect. 1. prop. 1., & seq., ac sect. 3. cap. 1. prop. 2., & seq.): ergo.

Deinde materia a se esse, ac necessario existere non potest, sed est ens contingens (Lib. 1. sect. 1. prop. 6., 7. & 8.), ergo si existit, ex nihilo productum fuisse oportet. Prob. con. Quod a se esse, & necessario existere non potest, sed est ens contingens, tam esse, quam non esse potest: hoc autem, semper verum erit, licet hanc materiam ex alia, atque alia in infinitum produisse dicatur, immo quum tunc non unam tantum rem, sed infinitas sine causa exitisse supponatur, id supponitur, quod infinite repugnat (Lib. 1. sect. 2. cap. 3. prop. 2.): ergo si materia a se esse, ac necessario existere non potest, sed est ens contingens, si existit, ex nihilo a prima causa, quæ a se, & necessario sit, productum fuisse oportet.

Postremo ante materiam vel præexistebat aliquid, vel non præexistebat, si non præexistebat; habemus, quod volumus: nam materia a se esse, & necessaria-

cessario existere non potest ( Lib. 1. sect. 1. prop. 6., & seq. ), si autem aliquid præexistit dicatur, quod materiale esset; quum illud quoque ob eandem rationem, quia neque a se esse, neque necessario existere potuerit, antequam ab alio primo principio per se existente, atque necessario esset, materiam dare non poterat, ut existeret. Demum si illud materiale, a quo materia profluxit, ab alio, & alio materiali in infinitum derivasse supponatur, id supponitur, quod infinite repugnat ( Lib. 1. sect. 2. cap. 3. prop. 2. ): ergo.

S E C T I O I X.

De Deo Provifore.

D E F I N I T I O I.

Nomine *providentia* universalis intelligitur quædam suprema ratio, quæ prima, & universalis causa rerum omnium cuncta disponit, atque gubernat.

C O R O L L A R I U M

In hac ergo providentia duo spectari possunt. Prius est ratio ordinis rerum provifarum in finem, alterum vero exequutio hujus ordinis, quæ *gubernatio* dicitur.

D E F I N I T I O I I.

Hæc providentia universalis *immediata* est, si non solum prima causa, nulla alia secunda interveniente, per se ordinet omnia in finem, sed etiam ordinationem rerum omnium in finem per se exequatur.

D E F I N I T I O I I I.

Erit autem *mediata* si ad exequutionem rerum in finem ministerio aliarum causarum utatur,

P R O P O S I T I O I.

*Providentiam in Deo esse oportet.*

Prob. Deus ex vi suæ naturæ mundi gubernacula tenere, rebusque omnibus prospicere debet: ergo quum universalis providentiæ nomine quædam suprema ratio intelligatur, qua prima, & universalis causa rerum omnium cuncta disponit, atque gubernat, [Hujus sect. definit. 1.] providentiam in Deo esse oportet. Prob. ant. Deus alia a se vult propter se ipsam (Hujus lib. sect. 6. cap. 1. prop. 4.): ergo. Prob. con. Omnia propter se ipsum frustra vellet, nisi ejus dispositioni subjacerent: ergo si Deus omnia vult propter se ipsum, ob vim suæ naturæ mundi gubernacula tenere, rebusque omnibus prospicere debet.

Deinde a Divina natura alienum est, ordinem a se jam constitutum negligere; sed hic mundi ordo in se spectatus & est præstantissimus, & a Deo constitutus fuit [Lib. 1. sect. 2. cap. 2. prop. 6., & 9.]: ergo. Ma. constat: alienum enim est ab excellenti natura Dei, ut Deus ea negligat, quæ semel sapientissime constituit.

## PROPOSITIO II.

*Divina Providentia cuncta subjiçiuntur.*

Prob. Providentiam in Deo esse oportet (Prop. præced.) ergo: Prob. con. In hac rerum universitate omnia inter se mutuo connexa sunt, atque unum ab altero pendet: ergo si providentiam in Deo esse oportet, nihil esse debet, quod Divinæ providentiæ non subjiçatur.

Deinde Deus omnia alia a se propter se ipsum vult (Hujus lib. sect. 6. cap. 1. prop. 4.): ergo omnia regit, atque moderatur. Prob. con. Esse non potest, ut quis ea non curet, quæ in certum finem ipse ordinat: ergo si Deus omnia vult propter se ipsum, Divinæ providentiæ omnia prorsus subiecta esse debent.

Tandem quæ secundum sui naturam distinguuntur, in unum ordinem convenire non possunt, nisi ab uno quodam principio cuncta regantur; sed in hac universitate rerum, licet plura inter se distincta, immo & contraria, occurrant, omnia tamen in unum ordinem conveniunt, atque unione cunctorum totius ordinata universitas conlittuitur, & servatur: ergo.

## PROPOSITIO III.

*Deus, quoad ordinem rerum provisorum in suum finem, rebus omnibus per se, & immediate prospicit.*

Prob. Ideo eum, qui supremum dominatum gerit, universalia tantum in certum finem dirigere, rerum vero minimarum ordinem inferioribus committere contingit, quia per se omnia cognoscere non potest; sed Deus per se omnia clare, atque distincte cognoscit: ergo. Ma. ipsa experientia constat. Prob. mi. Deus est infinite intelligens, uno actu in sua essentia omnia videt, propriamque cujusvis rei rationem perfectam habet [Hujus lib. sect. 5. cap. 1. prop. 2. & seq., ac coroll. 2. ejusdem cap.]: ergo.

Deinde quum Deus sit prima causa omnium, quod entia creata habent, a Deo habent: ergo illud quoque ab ipso habere debent, ut in suos fines peculiaries tendant: ergo quoad ordinem rerum provisorum in finem Deus rebus omnibus per se immediate prospicit. Prob. secunda con. Ideo qui rebus humanis præest, non est causa ordinis illarum rerum, quæ inferiorum curæ committuntur, quia eisdem industriam non confert, quo omnia disponant: nam si illam conferret, ordo eorum, quæ per inferiores causas disponuntur, ei, qui præest, tribui deberet, & causæ inferiores exequerentur, quod secundum ordinem sibi inditum a superiori causa constitutum esset: ergo si entia creata virtutem a Deo habent, qua in suos peculiaries fines omnia dirigunt, Deus quoad ordinem rerum provisorum in finem omnibus per se immediate prospicit.

Tandem sub generali Providentia Dei omnes aliæ providentiæ peculiaries contineri debent: ergo aut continentur universaliter, aut particulariter. Universaliter contineri non debent, tum quia providentia eo perfectior est, quo omnia, etiam minima peculiariter quoad ordinem attingit, tum quia si universaliter continerentur, quum regulæ universales ad particularia semper applicari non possint, maxime in iis, quæ mutantur, oporteret, ut subordinati proviores præter regulas acceptas de rebus sibi subiectis aliquando disponerent: ergo de regulis superioribus judicare possent; sed repugnat, ut supra universales providentiæ leges a Deo constitutas agentia inferiora judicium habeant: ergo.

Pro-

## PROPOSITIO IV.

*Deus quoad executionem ordinis utitur ministerio causarum secundarum, neque per se omnia regit, atque moderatur.*

Prob. Providentia Dei ex summa ejus perfectione oritur, & ex eo, quod Divinæ naturæ imperio omnia creata subjiciuntur: ergo licet Deum quoad ordinem rerum provisarum in finem rebus omnibus per se, & immediate prospicere debeat, non tamen quoad executionem ordinis per se omnia regere, ac moderari oportet, quin ministerio utatur causarum secundarum. Prob. conf. Ordinatio in finem ad cognoscendi virtutem, atque ad imperantem pertinet; executio autem magis ad subiectum, quam ad imperantem, pertinet: ergo.

Deinde ordinatio eo perfectior est, quo plura, atque etiam minima complectitur; executionem autem decet fieri per operam agentis proportionati; hoc est majorum rerum per actionem sublimioris agentis, minorum per inferioris: ergo.

## SCHOLION I.

*Creatura rationales Divina Providentia peculiari modo subjici debent.*

Unumquodque enim par est, ut secundum suæ naturæ conditionem Divinæ providentiæ subjiciatur: ergo. Prob. con. Creaturæ rationales quum sint intelligentia, atque libertate præditæ [Hujus lib. sect. 5. cap. 2. prop. 1., & seq., ac sect. 6. cap. 2. prop. 1., & seq.], ad ultimum finem sua operatione pertingere possunt: ergo diversâ ratione, ac alia, quæ hoc non habent, Divinæ providentiæ subesse debent: ergo si unumquodque secundum suæ naturæ rationem, par est, ut Divinæ providentiæ subjiciatur, creaturæ rationales Divinæ providentiæ peculiariter subjici debent.

## SCHOLION II.

*Hæc subjectio peculiaris, quam habent creaturæ rationales, in eo potissimum posita est, ut propter se ipsas regantur, alia autem in ordine ad illas.*

Nam cujuslibet ordinati regiminis ratio postulat, ut liberis propter se ipsos provideatur, servis autem propter liberos; sed creaturæ rationales liberæ esse non possunt, quia impossibile est, ut iisdem vis cogitandi conveniat [Hujus lib. sect. 5. cap. 2. prop. 2.]: ergo quum Dei regimen quam maxime ordinatum esse debeat, creaturas rationales propter se ipsas a Deo regi oportet, alia autem in ordine ad illas.

## SCHOLIUM III.

*Hæc subiectio peculiaris in eo quoque consistit, ut creaturæ rationales in suis actibus a Deo regantur, non solum prout speciei eorum, sed etiam prout unicuique individuo congruit; hoc est, non solum bonum speciei, sed etiam individui per se intendatur.*

Creaturæ enim rationales agendi, vel non agendi indifferentiam habent (Huius lib. sect. 6. cap. 2. prop. 1., & seq.): ergo. Prob. con. Agendi, vel non agendi indifferentia in iis esse non potest, quæ in suis actibus tantum diriguntur prout ii ad speciem pertinent, quia tunc agunt ex instinctu naturæ, & quatenus omnibus individuis illius speciei naturaliter convenit (Huius lib. sect. 6. cap. 2. lemm. 1., & seq.): ergo si creaturæ rationales agendi, vel non agendi indifferentiam habent, dirigi a Deo debent etiam prout earum unicuique individuo convenit.

## SCHOLIUM IV.

*Dens alias creaturas per intellectuales regis, intellectuales vero inferiores per superiores.*

Ut enim in omnibus rebus quidam proportionatus ordo servetur, Divinæ providentiæ quam maxime consentaneum est: ergo. Prob. con. Debita proportio ordinis in eo consistit, ut inferiora superioribus subiecta sint, atque ab illis pendeant; sed creaturæ intellectuales iis omnibus sunt præstantiores, quæ vim intelligendi non habent: ergo si ad Divinam providentiam spectat, ut proportionatus ordo quoad omnia servetur, per creaturas intellectuales quam maxime convenit, ut ceteræ regantur.

Quia vero etiam inter creaturas intellectuales ut eadem ordinis proportio servetur, Divinæ providentiæ consentaneum est; ideo substantiarum quoque intellectualium inferiores a superioribus regantur oportet.

## COROLLARIUM.

*Alia ergo ab aliis secundum diversam suam naturam virtutem reguntur, non quidem quoad rationem ordinis rerum provisoriam in finem, sed quoad executionem huius ordinis.*

Nam ut quoad omnia profectus servetur ordo proportionatus Divinam providentiam quam maxime condecet: quia ergo proportio ordinis quoad rem ipsam in eo posita sit, ut secundum naturæ diversitatem, atque perfectionem unum alteri subiaciat; ideo alia ab aliis regi debent secundum diversam naturam suæ virtutis; regi, inquam, debent non quoad rationem ordinis rerum provisoriam in finem, sed quoad executionem huius ordinis (Huius cap. prop. 3., & 4.).

## SCHOLIUM V.

*Deus præter suam providentiam ordinem agere potest, quatenus scilicet sub absoluta potentia Dei alia quoque objecta continentur præter ea, quæ cadunt sub præsentis illius providentia.*

Nam Deus hunc ordinem necessitate naturæ non constituit (Hujus lib. sect. 6. cap. 1. prop. 7., est infinite potens [Hujus lib. sect. 7. cap. 1. prop. 4.]; iisque, quæ fecit multo plura, atque perfectiora facere potest (Eadem sect. cap. 2. prop. 1.): ergo præter ea, quæ in hoc ordine continentur, alia quoque potest facere, & gubernare.

## SCHOLIUM VI.

*Fieri non potest ut Deus agat aliquid, quod sub Divina Præordinatione non continetur,*

Ordo enim Divinæ præordinationis processit a scientia, & voluntate Dei in suam bonitatem omnia dirigentis [Hujus lib. sect. 6. cap. 1. prop. 4.]: ergo. Prob. ant. Intellectus, voluntas, atque bonitas ab essentia Dei non distinguuntur [Hujus lib. sect. 5. cap. 1. prop. 1., & sect. 6. cap. 1. prop. 2., ac sect. 3. cap. 2. prop. 3.]: ergo quum fieri non possit, ut Deus præter se ipsum agat, neque etiam fieri potest ut præter suam scientiam, voluntatem, atque bonitatem agat: ergo.

Deinde præter ea, quæ semel constituimus, alia sæpe volumus, quia multa videmus, quæ antea non videramus; argui hoc in Deo, qui est infinite, intelligens (Hujus lib. sect. 5. cap. 1. prop. 2.), contingere non potest: ergo.

## SCHOLIUM VII.

*Præter ordinem inditum rebus, qui in eo consistit, ut inferiora per superiora moveantur, Deus agere potest; hoc est nulla secunda, atque proxima interveniente causa, aliam effectum producere potest.*

Substantiæ spirituales esse non possent, si Deus non existeret (Hujus lib. sect. 5. cap. 2. prop. 3. coroll. unico); materia quoque a Deo producta fuit ex nihilo (Sect. 8. prop. 4.,): ergo. Prob. con. Operatio ad principia, substantialia consequitur: ergo qui absque interventu causarum secundarum rei substantiam producit, potiori jure etiam effectus illius, ipsa non interveniente, producere potest: ergo si, Deo non existente, substantiæ spirituales existerent non possent, & materia ex nihilo producta a Deo fuit, quoscumque effectus causarum secundarum, ipsi non intervenientibus, potest Deus producere.



## SCHOLIUM VIII.

*Contra naturam tamen non sunt, quæ Deus præter naturæ ordinem operatur.*

Nam tum ordo, qui in hac rerum universitate conspicitur, tum id omne, quod ordinatum est, a Deo habet, ut sit [ Lib. 1. sect. 2. cap. 2. prop. 7. & seq., & ejusdem sect. cap. 3. prop. 1. ]: ergo cuncta ei omnino subiecta sunt: ergo & actioni ejus, uti principalis agentis, deservire debent, prout ipse voluerit: ergo non sunt contra naturam, quæ Deus præter naturæ ordinem operatur. Prob. ult. con. Quando Deus præter naturæ ordinem aliquid operatur, tunc agentia creata ei peculiariter deserviunt, atque subjiuntur; sed quando id, quod alteri subiectum est, ei peculiariter deservit, atque subjiuntur, nihil contra naturam committitur. ergo.

## COROLLARIUM.

*Quod ergo Deus præter naturæ ordinem operatur, est quidem contra hunc, vel illum peculiarem naturæ ordinem, non vero contra naturam simpliciter & universaliter acceptam.*

Quandoquidem fit secundum dispositionem naturæ universalis, & omnium primæ, qualis est Deus.

Hinc vero est, quod quæ sunt contra hunc, vel illum peculiarem naturæ ordinem, ea contra naturæ ordinem simpliciter esse, dici non potest. Nam quivis ordo peculiaris universali ordini oportet, ut subjiuntur, quia ad universalem ordinem singuli peculiares ordines referuntur; adeoque ordo universalis simpliciter attendi debet; & si nulla in eo mutatio fiat, naturæ ordinem servatum esse, simpliciter affirmari debet.

## PROPOSITIO V.

*Divina Providentia est certa, atque infallibilis.*

Prob. In providentia duo spectari possunt, & ratio ordinis rerum provisarum in finem, & exequutio hujus ordinis (Hujus sect. definit. 1. coroll. unico); sed Dei providentia secundum utrumque certa est, atque infallibilis: ergo. Prob. mi. Deus quoad ordinem rerum provisarum in finem omnibus per se, & immediate prospicit [ Hujus sect. prop. 3. ], atque ut aliquid agat, quod sub Divina præordinatione non continetur, fieri non potest (Hujus sect. prop. 4. schol. 6.): ergo secundum rationem ordinis rerum provisarum in finem Divina Providentia est infallibilis. Quum vero cuncta Divinæ providentiæ subjiuntur [ Hujus sect. prop. 2. ], possibile non est, ut aliquid occurrat, per quod exequutio hujus ordinis impediri possit.

Pro-

## P R O P O S I T I O VI.

*Ex certitudine, atque infallibilitate Divinæ Providentiæ non sequitur, ut cuncta necessario contingere debeant.*

Prob. Ad perfectionem Divinæ Providentiæ procul dubio spectat, ut non solum attingat, quæ futura sunt, sed etiam modum, quo futura sunt: ergo si Divinæ Providentiæ etiam conditionem causarum, & modum attingit, quo res fiat, consequens est, ut ideo res aut necessario, aut libere fiat, quia ex Dei providentiâ necessario, aut libere, fieri debet: ergo tantum abest, ut propter certitudinem, & infallibilitatem Divinæ Providentiæ omnia necessario contingere existimanda sint, quin potius ob eam ipsam causam sicut multa necessario debent contingere, quia Dei providentiâ, quæ certa est, & infallibilis, sic ea ordinavit, ut fiant necessario; ita quoque ob eandem rationem multa libere contingere debent.

Deinde plura, & varia genera causarum esse in hoc mundo, quarum aliz necessariæ, aliz liberæ sint, non solum ad pulchritudinem ejus plurimum confert, sed etiam potentia, atque sapientia illius principii, a quo manavit, perspicue inde cognoscitur: ergo quum per Divinam Providentiâ tolli non possit, quod ad pulchritudinem totius plurimum confert, atque potentiam, & sapientiam creatoris commendat, ex ejus infallibilitate, & certitudine sequi non debet, ut cuncta necessario contingant.

Postrremo Divinæ Sapientiæ, Bonitati, atque Justitiæ consentaneum est, ut homo sit libertate præditus [Hujus lib. sect. 6. cap. 2. prop. 2.]: ergo quum Divinæ Providentiæ nullo modo contraria esse possit Sapientiæ, Bonitati, atque Justitiæ Dei, propter infallibilitatem Divinæ Providentiæ causæ liberæ e medio tolli non debent.

## S E C T I O X.

De Deo Conservatore.

## D E F I N I T I O I.

*Conservatio est ipsius rei conservatæ continuata productio:*

## D E F I N I T I O II.

Conservatio *immediata* esse dicitur, quando una causa non per alteram causam rem aliquam conservat, sed per se ipsam.

## D E F I N I T I O III.

*Mediata* autem est, quando una causa per alteram causam rem aliquam conservat.

## D E F I N I T I O IV.

Conservatio *ensis simpliciter* ea est, qua aliquid creatum conservatur, quantum est ens.

Desp.

## D E F I N I T I O V.

Conservatio autem talis entis est illa, qua aliquid creatum conservatur, quatenus ad hanc, vel illam speciem pertinet, atque tale individuum est.

## C O R O L L A R I U M.

*Res ergo creata duplici ratione considerari possunt; & simpliciter, atque absolute, quatenus habent, ut sint; & specificè, atque in particulari, quatenus sunt individuum alicujus speciei.*

Hoc per se manifestum est: nam propter communem rationem entis nulla sunt, quæ inter se non convenient: contra vero unum ab altero omnino differt, quatenus unius alteriusve speciei peculiare individuum est.

## P R O P O S I T I O I.

*Rerum conservatio nonnisi a Deo esse potest.*

Prob. Conservatio rei est ipsius continuata productio [ Hujus sect. definit. 1. ]: ergo rei cujuslibet productio & conservatio, ejusdem agentis esse debet; sed ad solum Deum spectat aliquid ex nihilo producere ( Hujus lib. sect. 8. prop. 2. ), & nihil eorum, quæ existunt, existere posset, nisi aliqua causa necessaria admittatur, quæ est Deus ( Lib. 1. sect. 2. cap. 3. prop. 1. ): ergo etiam conservatio eorum, quæ producta sunt, ad solum Deum spectare potest.

Deinde nulla res creata a se habet, ut sit: repugnat enim & creatam, & a se ipsa esse, quum nihil seipsum creare possit: ergo neque etiam conservationem a se habere potest. Prob. con. Quum conservatio sit continuata productio [ Laud. definit. ], si aliqua res se ipsam conservaret, pro toto illo tempore, quo se conservaret, a se haberet, ut esset: ergo si nulla res creata a se habere potest, ut sit, neque etiam possibile est, ut se ipsam conservet.

## P R O P O S I T I O I I.

*Si res creata absolute, atque simpliciter in se spectentur, quatenus habent rationem entis, a solo Deo immediate conservantur.*

Prob. Nulla causa creata neque etiam instrumentaliter aliquid ex nihilo producere potest [ Hujus lib. sect. 8. prop. 1. , & 3. ]: ergo. Prob. con. Simpliciter, atque absolute aliquid est, seu habet rationem entis, quatenus simpliciter ponitur extra nihilum, non vero quatenus sub hac, vel illa specie continetur; immo sub hac, vel illa specie continetur, quatenus extra nihilum positum est: ergo quum conservatio sit continuata productio ( Hujus sect. definit. 1. ], si nulla causa creata aliquid ex nihilo producere potest, neque etiam instrumentaliter, res creata, prout habent rationem entis, oportet ut a Deo immediate conserventur.

Pro-

## PROPOSITIO III.

*Si res creatas spectemus, quatenus sub aliquo genere, aut specie continentur, nonnullæ earum non immediate a Deo conservantur.*

Prob. Idem esse debet modus conservationis, & productionis, quia conservatio est continuata productio; sed mediantibus secundis causis Deum multum producere quoad determinatum esse, quotidiana experientia compertum habemus: ergo etiam in conservatione eorum quoad determinatum esse Deus causarum secundarum ministerio utitur: ergo nonnullæ res creatæ, quatenus sub aliquo genere, aut specie continentur, non immediate a Deo conservantur (Hujus sect. definit. 3.).

## COROLLARIUM.

*Substantias spirituales Deus immediate conservat.*

Quandoquidem spirituales substantias Deus per se immediate producit; si ergo idem est modus conservationis, ac productionis, quia conservatio est continuata productio, consequens est, substantias spirituales a Deo immediate conservari.

## COROLLARIUM II.

*Solus Deus efficere ergo potest, ut quæ producta sunt, in nihilum abeant.*

Nam solus Deus res conservat quatenus sunt extra nihilum, entisque rationem habent [Hujus sect. prop. 2.], alia quoque a se Deus libere vult, neque ideo, quia voluntas ejus semper impletur, sit ut necessaria evadant [Hujus lib. sect. 6. cap. 1. prop. 7., & 9.]: ergo conservationem ab iisdem, subtrahere solus ipse potest, atque efficere, ut in nihilum abeant,

## SCHOLIUM.

*Nullam tamen rem in nihilum redigendam esse dici debet.*

Nam Divina potentia, atque bonitas magis innotescit ex conservatione, quam ex destructione eorum, quæ semel produxit: ergo. Ex conservatione enim certa, atque non interrupta argumenta Divinæ potentiae, & bonitatis secum per occurrunt. Hoc enim discriminis est inter conservationem rerum in esse, simpliciter, & in esse secundum speciem, quod etiam si res non conservetur in una specie, tamen corruptio unius est generatio alterius; si autem res omnino, & quod esse simpliciter destrueretur, nullum inde rei cujusquam bonum exurgeret; & simpliciter non esse, summum rei malum est.

## SECTIO XI.

De Deo supremo omnium Domino.

## DEFINITIO I.

Tom. II.

I i

Jus

Jus in alterum ille habet, cui ut alter subiectus sit, æqua ratio postulat.

#### COROLLARIUM.

*Inde vero sequitur, ut quo plus juris in uno inest, magis alter illi subiectus esse debeat.*

Quum enim subiectio, quam quispiam erga alterum servare debet, fundata sit in jure, quod alter supra ipsum habet; æqua ratio quoque postulat, ut quo plus juris in altero est, eo majorem subjectionem ille profiteatur, qui subesse debet.

#### DEFINITIO II.

Nomine *summum juris* intelligitur potestas quædam peculiaris, atque præcellens, qua nulla superior fingi, aut excogitari potest.

#### DEFINITIO III.

Subiectio, quam homo profiteri erga alterum debet, secundum illius naturam esse dicitur, si propria sit hominis, quatenus homo est, ac prout in determinata specie constituitur. Nam quatenus homo est, distinguitur ab aliis eantibus, atque elicere potest proprias actiones.

#### PROPOSITIO I.

*Deus in omnia creata habet summum jus.*

Prob. Omnia a Deo habent, ut sint (Lib. 1. sect. 2. cap. 2. prop. 7., & seq., ac cap. 3. ejusdem sect. prop. 1.), nihil in iisdem inerat, ut propter se ipsa Deus ea velle posset (Hujus lib. sect. 6. cap. 1. prop. 4.), sed plenissima libertate cuncta produxit (Ejusdem sect., atque cap. prop. 6.; & 7.); eum item Deus rerum omnium provisor, atque gubernator (Hujus lib. sect. 9. prop. 1., & seq.), cuncta quoque conservat, & eo non conservante, in nihilum abirent (sect. præced. prop. 1., & seq.); atqui peculiarem, atque præcellentem potestatem, qua nulla major excogitari possit, in Deo super omnia inesse, ita apertissime demonstrant: ergo quum summum jus in peculiari, atque præcellenti potestate consistat, qua nulla major fingi, aut excogitari possit (Hujus sect. definit. 2.), Deum habere summum jus in omnia, constatendum est.

#### PROPOSITIO II.

*Recte, atque ad Divinam voluntatem accommodate agere est secundum naturam hominis.*

Prob. Id secundum naturam hominis esse dicitur, quod ei convenit, quatenus est ratione præditus (Hujus sect. definit. 3.): ergo. Prob. con. Humini, quatenus est ratione præditus, recte agere convenit; sed potissimum recte agit quando ad Divinam voluntatem accommodate agit: ergo si id secundum naturam hominis esse dicitur, quod ei convenit, quatenus est ratione præditus, recte, & ad Divinam voluntatem accommodate agere secundum naturam est hominis.

Pro-

## PROPOSITIO III.

*Homines interno cultu, qui animo, & mente perficitur, Deum prosequi debent.*

Prob. Deo competit summum jus in omnes creaturas [Hujus sect. prop. 1.] ergo. Prob. con. Quo plus juris in uno inest, eo alter magis ei subiectus esse debet [Hujus sect. definit. 1. coroll. unico]: ergo si in omnia creata Deus habet summum jus, homo omnino ei subiectus esse debet; sed hæc omnimoda subiectio internum cultum requirit: est enim animus pars hominis, eaque potissima: ergo homines interno cultu Deum prosequi debent.

Deinde suadet recta ratio, ut quisque erga alterum, a quo non solum habet, quicquid habet, sed etiam immensa ejus bonitate, atque largitate habet, summopere bene affectus sit; sed homo, quæ habet, hoc modo a Deo habet, & hac de causa supremum jus in hominem Deo competit (Hujus sect. prop. 1.): ergo omnibus animi viribus erga Deum debet bene affectus esse, atque hunc ei animi cultum exhibere.

Tandem ut recte, & accomodate ad Divinam voluntatem quispiam sine simulatione vivat, interius erga Deum bene affectum esse oportet: ergo quum sit secundum naturam hominis recte, & ad Divinam voluntatem sine simulatione vivere [Prop. præced.], secundum eandem quoque esse debet, ut Deum interno animi affectu colat. Ant. constat: nam sine interna sinceritate animi nullus verus cultus erga alterum esse potest.

## PROPOSITIO IV.

*Deus fide imprimis ab hominibus colendus est.*

Prob. Homo vi intelligendi præditus est, [Hujus lib. sect. 5. cap. 2. prop. 3.], atque arbitrii libertatem habet (Hujus lib. sect. 6. cap. 2. prop. 2., & seq.): ergo quum interno cultu oporteat, ut Deum prosequatur (prop. præced.), etiam assensione intellectus eum colere debet: ergo fide potissimum oportet, ut eum colat. Prob. secunda con. Maximum intellectu nostro obsequium alteri præstamus, dum propter ejus auctoritatem credimus, quæ nobis proponit, quamvis supra nostram cognitionem ea sint: ergo hoc quoque obsequio Deum oportet, ut colamus; sed in hoc obsequio intellectus fides consistit: ergo fide potissimum Deum colere debemus.

Deinde quamvis multa sint, quæ de Deo certo novimus, adhuc tamen plura supersunt, quæ noscere, & multa quoque, quæ nullo modo videre possumus, uti ex demonstratis constat: ergo oportet, ut intellectus noster Deo per fidem subjiçatur. Prob. con. Si ea definire velimus, quæ per nostram cognitionem non possumus, necesse est, ut fallamur: ergo ut de Deo, quod debemus, sentire possimus, intellectus noster subjiçatur oportet ei revelanti quæ supra nostram cognitionem sunt: ergo.

## PROPOSITIO V.

*Etiam amore potissimum oportet, ut homines Deum colant.*

Prob. Homo est libertate præditus (Hujus lib. sect. 6. cap. 2. prop. 2., & seq.) : ergo. Prob. con. Cultum internum, quam maximum possumus, Deo exhibere debemus (Hujus sect. prop. 3.) : ergo quum simul libertate præditi, voluntate quoque oportet, ut eum summopere colamus; sed id summopere, voluntate colimus, quod summopere ita amamus, ut nihil sit apud nos eo antiquius : ergo Deum summo amore prosequi debemus : ergo etiam in amore interni cultus nostri pars altera potissima consistit.

## PROPOSITIO VI.

*Non solum autem interno, sed etiam externo cultu oportet, ut homines Deum prosequantur.*

Prob. Ut beneficium acceptum etiam re, prout ab unoquoque fieri potest, compensetur, grati animi officium postulat; sed creaturæ rationales omnia a Deo receperunt [Hujus sect. prop. 1.] : ergo etiam re, prout ab eis fieri potest, se Deo gratas exhibere debent; sed quando exterioribus actibus suam erga Deum obligationem testantur, etiam re se Deo gratas exhibent : ergo his quoque oportet, ut Deum colant : ergo etiam externo cultu Deum prosequi debemus.

Deinde summum dominium habet Deus supra nos (Hujus sect. prop. 1.) : ergo. Prob. con. Quo plus juris in uno inest, eo magis alter ei subjectus esse debet (Hujus sect. definit. 1. coroll. unieo) : ergo quibus potest argumentis & significationibus suam subjectionem profiteatur oportet : ergo si Deus summum dominium supra nos habet, quibus possumus argumentis & significationibus nostram erga eum subjectionem profiteri debemus : ergo quum hoc etiam per actus exteriores præstare possimus, Deum exterioribus quoque actibus colere debemus.

Præterea homo, quia corpore, & animo constat, pro præsentis vitæ statu, & conditione, rebus sensibilibus, & externis multum movetur : ergo externo cultu Dei eo magis & ipse ad fervorem Divini cultus movetur, & ceteros homines ad Deum colendum inducit.

Tandem quia homo est natura sociabilis, decet, ut suum erga Deum cultum etiam eatenus exercent, quatenus in societate vivit; sed societati hominum externi solum actus cuiuscumque hominis patent, interni autem ignoti sunt : ergo.

## S E C T I O XII.

De Deo Legislatore.

## D E F I N I T I O I.

*Lex naturalis communis, quæ omnibus convenit, est ordo illorum motuum,*

tuum, quibus singula creata aguntur. Cuncta enim, quæcumque tandem ea, sint, suas proprias inclinationes a Deo habent, quibus naturaliter regitur natura eorum.

## DEFINITIO II.

Lex naturalis, quæ hominis *propria* dicitur, est participatio legis æternæ a Deo indita rationali creaturæ; sive impressio Divini luminis, quo ad ea, agenda dirigimur, quæ rectæ rationi sunt consentanea, & ad ea vitanda, quæ ab ipsa ratione dissentant.

## COROLLARIUM.

*Lex ergo naturalis propria hominis in æterna Dei lege primo continetur, deinde vero in ea vi judicandi, quæ per participationem Divini luminis homini naturaliter inest.*

Ipsam enim naturæ lumen, quo cognoscimus, quid sit a nobis agendum, vel non agendum, ab æterna Dei lege derivat, estque legis æternæ quædam participatio: oportet ergo ut lex naturalis ab ipsa lege æterna primo pendeat, quum lex naturalis consistat in impressione Divini luminis, quo ad illa agenda dirigimur, quæ rectæ rationi consentanea, vitanda autem, quæ ab ipsa ratione dissentanea sunt.

## DEFINITIO III.

*Diffata rationis* sunt peculiariora iudicia, quæ ab ipsa ratione ob participationem Divinæ legis proficiuntur; legisque naturalis intimationes, seu applicationes dici possunt, & quid agendum, vel omittendum sit, demonstrant.

## DEFINITIO IV.

Lex *proprie mutabilis* dicitur, quando in se aliquam mutationem subire; hoc est, vel desinere, vel injusta evadere, vel abrogari, vel per dispensationem restringi potest.

## DEFINITIO V.

Est autem *improprie mutabilis*, quando aliquid ei superaddi potest.

## DEFINITIO VI.

Legis naturæ præcepta *primaria*, atque *universalissima* ea dicuntur, quæ sub se cetera omnia continent. Talia sunt ista: *Declina a malo, & fac bonum: Quod tibi non vis fieri, alteri ne feceris: Homini secundum rectam rationem vivendum est.* Hæc autem, licet determinatam materiam non habeant, quia honestatem generatim præscribunt, aut turpitudinem prohibent; tamen sunt de iis, quæ quum intrinsecam bonitatem, vel malitiam ex sui natura habeant, uti infra demonstrabimus, mutari non possunt.

Disq.



## D E F I N I T I O V I I .

Præcepta *secundaria relative* sunt [ hoc est relate ad primaria ] quæ licet omnino prima dici non possint, quum ab illis dimanent; tamen secundum aliquam acceptionem prima sunt, quia ex eis alia quoque derivant. Talia sunt Decalogi præcepta.

## D E F I N I T I O V I I I .

*Secundaria autem absolute* dicuntur, quæ non solum ex primis, & universalissimis, sed etiam ex aliis minus universalibus derivant.

## D E F I N I T I O I X .

Ea præcepta nihil *determinate* in particulari jubent, quæ determinatam materiam peculiarem non habent, cum qua turpitudine, vel honestas infallibiliter conjuncta sit. Hujusmodi sunt ista: *non occides: depositum reddes*: nam., servato justitiæ ordine, & occidi homines publica auctoritate possunt, & non reddi depositum debet, si restitutio ejus tendat in perniciem alterius.

## D E F I N I T I O X .

Illa vero aliquid *determinate* peculiariter jubent, quæ determinatam materiam semper habent, cum qua turpitudine, vel honestas infallibiliter conjuncta est, & circa id versantur, quod est intrinsece bonum, aut malum; ita ut nunquam contingere possit, ut quod bonum erat, malum evadat, aut e contrario. Hujus generis sunt ista: *justitia servanda est: non est mentiumdum: non injuste occidendum*; atque etiam omnia primaria præcepta, quæ licet quoad actionem peculiarem determinatam materiam non habeant, habent tamen quoad actionum turpitudinem, & honestatem.

## L E M M A U N I C U M .

*Quædam ex sui natura turpia esse, contra alia honesta, rectæque rationi consentanea, nemo in dubium revocare potest.*

Prob. Ut quod simpliciter honestum est, turpe, quod simpliciter turpe est, honestum evadat, nullius auctoritate fieri potest: ergo. Prob. ant. Sicuti veritas falsitati, ita turpitudine honestati opponitur; sed nullius auctoritate fieri potest, ut quod simpliciter verum est, falsum, quod simpliciter falsum est, verum evadat: ergo neque etiam fieri potest, ut quod simpliciter honestum est, turpe, quod simpliciter turpe est, honestum evadat: ergo quædam ex sui natura turpia sunt, contra alia honesta, & rectæ rationi consentanea.

Deinde essentia rerum sunt æternæ, immutabiles, atque necessaria: (Hujus lib. sect. 5. cap. 2. lemm. 1.): ergo etiam essentia turpitudinis, & honestatis sunt æternæ, immutabiles, atque necessaria: ergo aliquid naturaliter turpe, aliquid naturaliter honestum est. Prob. 1. con. Non minus spectat ad essentiam turpitudinis a ratione abhorreere, & ad essentiam honestatis rationi convenire, quam ad essentiam hominis ratione præditum esse: ergo sicut institutum non

non fuit, ut homo esset ratione præditus; ita neque etiam institui potuit, ut aliquid ex sui natura turpe, aut honestum esset: ergo essentia turpitudinis, & honestatis sunt æternæ, immutabiles, atque necessariæ.

Postremo ut declinare a malo, non sit bonum, ut facere bonum, non sit malum, ut injulla occisio non sit injusta, ut recta commiseratio alienæ miserie non sit recta, nulla lege, auctoritate, consuetudine, aut institutione fieri potest: ergo. Prob. ant. Nulla lege, auctoritate, consuetudine, aut institutione fieri potest, ut alteri damnum injulle non attulerim, si revera allatum a me fuit, ut non bene ei fecerim, si fecerim, ut injulle vitam non eripuerim, si illi vita injulle a me erepta fuit, ut maxima pecuniæ quantitate non subleverim miseriam ejus, si hoc revera fecerim, ergo. Prob. con. Alteri damnum injulle asserre est facere malum, ei vero prodesse est facere bonum: ergo si nulla lege, auctoritate, consuetudine, aut institutione fieri potest, ut alteri damnum injulle non attulerim, si revera allatum a me fuit, ut non bene ei fecerim, si plurimum profuerim, neque etiam fieri potest, ut declinare a malo, non sit bonum, & facere bonum, non sit malum: ergo.

P R O P O S I T I O I.

*In homine legem naturalem inesse debere, qua cognoscere possit, quæ in se turpia, aut honesta sunt, evidentissima ratio suadet.*

Prob: Homines libera agendi, vel non agendi facultate præditi sunt (Hujus lib. sect. 6. cap. 2. prop. 1. & seq.); aliunde autem recte, & ad Divinam voluntatem accomodate agere, est secundum naturam eorum (Sect. præced. prop. 2.): ergo naturaliter quoque id hominis cognoscere debent, quod turpe, vel honestum est, seu quid agendum, aut omitendum sit; sed lex naturæ, de qua loquimur, in cognitionem eorum, quæ turpia, aut honesta sunt, nos ducit, seu tradit, quid agendum, & non agendum sit (Hujus sect. definit. 2.) ergo naturæ lex omnibus indita esse debet.

Deinde naturale lumen in nobis inest, quo multa cognoscere possumus: ergo lumen quoque naturale inesse debet, quo quæ agenda, vel non agenda sunt, videamus. Prob: con: Ut præ ceteris omnibus ea noverimus, quæ agere, vel non agere debemus, nostræ naturæ conditio postulat (Hujus lib. sect. 6. cap. 2. prop. 1. & seq., præced. sect. prop. 2.); sed hoc præstare non possumus, si ea non noverimus, quæ agere, vel non agere debemus: ergo.

P R O P O S I T I O I I.

*Legem naturalem in nobis reversa inesse ex internis animi nostri sensibus apertissime constat.*

Prob: Quoddam esse vitæ genus, quod necessario probamus, contra aliud omnino turpe occurrere, quod non averitari non possumus, nullus sane negaverit; immo etiam si quispiam turpem vitam agit, honestam, aliisque utilem, agendi rationem non probare non potest; sed hoc non alia de causa contingere potest, nisi quia legem naturalem nostris animis insitam habemus: ergo. Prob. mi. Illud nonnisi a communi natura hominum repeti potest, quod in omnibus

nibus hominibus communiter, & universaliter reperitur, præsertim si in quibusdam etiam contra ipsorum peculiarem affectionem tamen reperiatur: ergo communis ille sensus, quo omnes homines, etiam qui improbi sunt, tamen sua sponte bene acta probant, male acta improbant, nonnisi a natura, hoc est a lege nobis naturaliter indita, repeti potest.

## PROPOSITIO III.

*Etiam ex conscientia hominum legem naturalem iisdem iudicari esse, peculiariter evincitur.*

Prob. Sicut recte institutam vitam grata, & jucunda voluptas; ita etiam flagitiosam molestæ sollicitudines naturaliter comitantur: ergo Prob. con. Lex naturalis probat, quæ ad honestam, damnat autem, quæ ad vitam flagitiosam pertinent (hujus sect. definit. 2.): ergo.

## SCHOLIUM.

*Improbi quoque homines rem istam confirmant.*

Nam suæ conscientiæ stimulos quamvis non valde acriter patientur, quia impietati assueverunt; tamen & aliquo modo patiuntur, & si possent, quæ consequi sunt, sine ullo crimine consequutos se esse vellent,

## PROPOSITIO IV.

*Etiam per naturales inclinationes aperte monemur legem nobis naturalem infusam esse.*

Prob. Plura quoad Deum, alios, atque nos ipsos pertinentia recte facta occurrunt, ad quæ naturaliter inclinamur: ergo etiam ob inclinationes naturales legem naturalem nobis infusam esse monemur, quia per legem naturalem ad bene agendum incitatur (Hujus sect. definit. 2.). Prob. ant. Facere non possumus, quin, si Dei naturam contemplemur, in admirationem ejus rapiamur, illumque colamus, & veneremur, si ad beneficia nobis ab ipso præstita attendamus: desiderium levandi miseras aliorum, amor prolis in parentibus; pietas filiorum erga parentes, observantia erga eos, qui laude, & honore digni sunt, familiares, & benevolæ consuetudines amicorum, præmiorum retributio, atque insitio poenarum, sunt præclara officia, ad quæ naturaliter inclinamur: tandem ad ea, quæ nostram vitam commendant, naturaliter ferimur, averfamur autem, quæ dehonestant, atque deturpant: ergo.

## PROPOSITIO V.

*Apertissimum tandem pro lege naturali nobis indita argumentum depromitur ex iudicio, quod unusquisque peculiariter de sua agendi ratione ferre solet.*

Nam rem, quam expetat, sine scelere potius, quam cum eo adipisci, nemo est, qui non cupiat: scelere autem si adeptus fuerit, illud aut occultare, aut minuire, aut excusare, vel etiam uti bonum aliquod habere non contemdat: contra omnes, prout debebant, sese gessisse putant, quando recte, aut virtuose egerunt, & quin talem agendi rationem probent, facere non possunt, vel saltem ut talem, atque in se honestam non probare non valent: ergo etiam ex iudiciis, quæ de nostris actionibus naturaliter scriimus, legem naturalem nobis inditam esse constat.

## COROLLARIUM I.

*Si nullum jus naturale daretur, nulla quoque obligatio legum civilium esse posset.*

Nam ut civiles leges obligent, Legislatoribus obtemperandum esse prius constare debet. Hoc vero est, quod nonnisi per legem naturalem compertum habemus. Hinc Legislatores sibi obtemperandum esse præsupponentes, iis pœnas comminantur, qui suis mandatis non paruerint.

## COROLLARIUM II.

*Superflue non sunt civiles leges, licet iisdem multa sæpe præcipiantur, quæ in se naturaliter bona, aut mala sunt; tamen per eas præcipue non fit, ut homines bonum sequi, aut malum fugere debeant, sed illam obligationem, quam a lege naturali habent, civiles leges confirmant.*

Tanta namque est infirmitas hominum, ut quamvis bona videant, tamen deteriora sequantur. Unde propter metum pœnarum, atque spem præmiorum, quæ per leges civiles constituuntur, & quod bonum in se est, facilius amplectuntur, & quod malum est, diligentius fugiunt. Quum vero etiam ante legem civilem, quod bonum, aut malum in se est, bonitatem, aut malitiam haberet; ideo civiles leges obligationem jam præexistentem declarant, atque confirmant.

## COROLLARIUM III.

*Quæ ergo ad bonitatem, vel malitiam indifferentiam habent, bona, aut mala evadere possunt ex voluntate Legislatoris, atque ex ea in nobis inducitur obligatio, ut faciamus, quod præceperit, fugiamus, quod prohibuerit.*

Nam quamvis ista ex sui natura non sint bona, aut mala; tamen fieri potest, ut temporis, loci, personarum, atque nationum habita ratione, plurimum referat, si præcipiantur, aut prohibeantur. Id autem auctoritate Legislatorum oportet, ut fiat, quia bono communi prospicere ipsi debent.

Tom. II.

K k

PRO-

## PROPOSITIO VI.

*Legis naturalis, quam omnes infusam habent, Deus est auctor.*

Prob. Quod toti hominum naturæ commune, & naturale est, id nonnisi ab auctore naturæ provenire potuit; sed lex naturalis omnibus hominibus indita est, hoc est toti naturæ hominum communis est (Hujus sect. prop. 1. & seq.): ergo Deus est auctor ejus legis naturalis, quam omnes homines infusam habent.

Deinde per legem naturalem homo ordinatur, ut in actionibus suis liberis recte, & ad Divinam voluntatem accommodate agat (Hujus sect. prop. 1.); sed ordinatio rerum ad suos debitos fines proprium est munus Divinæ providentiæ (sect. 9. prop. 2. 3. & 4., & Scholio 1. 2. 3. 4.): ergo nonnisi Deus auctor esse potest legis naturalis, quam omnes homines infusam habent.

## PROPOSITIO VII.

*Legem naturalem si violent homines, Divina majestati injuriam faciunt.*

Prob. Recte, & ad Divinam voluntatem accommodate agere, est secundum naturam hominis (Sect. præced. prop. 2.); atque ut Deus quo fieri potest, exquisitiori cultu tum interno, tum externo, colatur ab hominibus, ratio evidentissima suadet (Ejusdem sect. prop. 3., & seq.): ergo si homines legem ubi a Deo inditam transgrediantur, contra Deum peccant.

Deinde summo juri summa quoque obligatio respondet (Sect. præced. definit. 1. coroll. unico); sed Deus habet summum jus in omnes homines (Sect. præced. prop. 1.): ergo eam legem, cujus Deus auctor existit, omnes homines diligentissime servare debent: ergo si non servant, Deo injuriam faciunt.

## COROLLARIUM.

*Per infusionem legis naturalis omnibus hominibus Deus sapientissime providit, sive secundum conditionem privatam, sive secundum naturalem societatem, sive secundum civilem confederationem spectentur.*

Nam per legem naturalem cognoscunt singuli, quæ suæ partis sint, aut esse debeant, quid uti turpe fugere, vel, uti honestum, amplecti oporteat. (Hujus sect. definit. 2.): ergo per legem naturalem uniuscujusque privatæ conditioni recte prospectum est.

Est etiam lex naturæ potissimum fundamentum societatis naturalis, quum per eam fiat, ut homines inter se communi quodam vinculo colligati consentiant in iis, quæ recta, aut turpia sunt, vel esse possunt.

Demum civiles quoque confederationes naturali legi potissimum innituntur: pactis enim ut fides habeatur, civiles confederationes necessario exigunt: pactis autem fidem habendam esse, sola naturæ lege constare potest, quia quæcumque hac de re conventio fiat, semper aliam legem præsupponi oportet, ob quam conventiones servari debeant.

## PROPOSITIO VIII.

*Lex naturalis mutationem improprie dictam subire potest.*

Prob. Lex est improprie mutabilis, quando aliquid ei superaddi potest [ Hujus sect. definit. 5. ] ; sed multa lege positiva constituta esse, quæ lege naturali non sanciebantur, plura quoque superaddita iis, quæ in lege naturali sancta erant, nemo negaverit: ergo lex naturalis improprie mutari potest.

## SCHOLIUM.

*Ut aliqua legi naturali superadderentur, sapientissime provisum fuit.*

Quum enim multa, quæ pecuniaria sunt, a quibus humanæ vitæ ratio plurimum pendet, in lege naturali non expresse continerentur; ideo ut ad communem utilitatem illa quoque per leges civiles constituta essent, operæ pretium fuit.

## PROPOSITIO IX.

*Secundum mutationem proprie dictam lex naturalis quoad prima, & universalissima principia est omnino immutabilis.*

Prob. Propter mutationem proprie dictam lex vel desinit, vel injusta evadit, vel abrogatur, vel per dispensationem restringitur ( Hujus sect. definit. 4. ) ; sed legi naturali quoad prima, & universalissima principia nihil tale contingere potest: ergo. Prob. mi. Universalissima legis naturalis principia, quamvis materiam determinatam non habeant, quia honestatem generatim præscribunt, & turpitudinem generatim damnant, de iis tamen sunt, quæ intrinsecam bonitatem, aut turpitudinem habent [ Hujus sect. definit. 6. ] : ergo. Prob. con. Quod intrinsece, & ex sui natura tale est, nunquam diversum evadere potest; alioquin intrinsece, & ex sui natura tale non esset: ergo si quæ per principia universalissima præcipiuntur, aut prohibentur, intrinsece, & ex sui natura sunt turpia, vel honesta, nunquam ea aliquo modo mutari possunt.

## PROPOSITIO X.

*Legis naturalis præcepta secundaria, quæ peculiariter non habent determinatam materiam, cum qua turpitud, vel honestas necessario conjuncta sit, ob materiam, vel circumstantias mutari possunt.*

Prob. Quod intrinsece, & ex sui natura malum non est, vel bonum, fieri potest, ut ob aliquam circumstantiam bonum, aut malum evadat, quum ex sui essentia non habeat, ut sit malum, vel bonum; sed talia sunt nonnulla secundaria præcepta, quæ peculiariter determinatam materiam non habent, cum qua turpitud, vel honestas necessario conjungatur ( Hujus sect. definit. 9. ) : ergo quoad ista lex naturalis mutari potest.

## COROLLARIUM I.

*Illud ergo præceptum : non occides, si generatim accipiat, ex parte materiæ mutationem subire potest.*

Nam, rationabili causâ interveniente, atque legitima auctoritate, sit, ut occisio hominis illicita censeretur nullo modo debeat. Tunc autem præceptum illud : *non occides*, in se spectatum non mutatur ; sed hanc peculiarem materiam, hoc est peculiarem occisionem sub eo non contineri decernitur.

## COROLLARIUM II.

*Idem quoque judicium esto de hoc altero præcepto  
Deposita reddi debent.*

Nam si depositi restitutio tendat in damnum commune, aut privatum, tunc procul dubio ab ea abstinendum est. Hæc ergo secundaria præcepta ejus naturæ sunt, ut propter materiam cum hisce, aut illis circumstantiis conjunctam mutari possint, immo aliquando debeant, ut communi, vel privatæ utilitati consulatur.

## PROPOSITIO XI.

*Lex naturalis quoad prima universalissima principia  
e cordibus hominum deleri non potest.*

Prob. Lex naturalis quoad sua prima, atque communissima principia naturæ hominum congenita est : ergo tam fieri non potest, ut e cordibus hominum deleatur, quam ut homines amittant eam naturam, quam habent. Prob. ant. Legis naturalis præcepta primaria, & universalissima sunt illa, quæ reliqua omnia sub se continent (Hujus sect. definit. 6.) : ergo sunt naturæ hominum congenita. Prob. conf. Lex naturalis congenita est hominibus (Hujus sect. prop. 1. 2. 3. 4.) ; sed lex naturalis primis, & universalissimis principiis potissimum continetur, quibus sublati, reliqua sub illis contenta tolli necesse est : ergo.

Deinde ita se habent in moralibus prima, & universalissima principia, ut ista : *derline a malo, & fac bonum : & quod tibi non vis, alteri ne feceris* ; sicut in cognoscibilibus prima, & universalissima principia illa : *totum est majus sua parte, & qua sunt eadem uni tertio, sunt eadem inter se* : & utraque, sunt similiter a natura indita tamquam reliquorum principia ; sed fieri non potest, ut hæc de mente hominum deleantur : ergo.

## PROPOSITIO XII.

*Quoad usum tamen, seu in particulari operabili, hæc quoque  
universalissima principia e cordibus hominum deleri possunt.*

Prob. Quamvis enim mala fugienda, bona amplectenda unusquisque semper non noscere non possit ; tamen ut vel pro bono habeat, quod malum est, vel pro malo, quod bonum est, sæpe contingere, experientia compertum habemus ; nam vel a concupiscentia, vel a pravis consuetudinibus sæpe incita-

tur, ne conformiter ad ea prima principia operetur: ergo prima principia quoad usum, seu in particulari operabili, deleri possunt. Quemadmodum ergo contingit in cognoscibilibus, ut si non habeatur ratio convenientiæ, vel disconvenientiæ duorum inter se, & consequenter male judicetur de convenientia, vel disconvenientia duorum cum aliquo tertio, falsa sequamur, atque teneamus; ita quoque in particulari operabili non recte agimus, si propter nostrum aliquem defectum, quæ haberi deberet, primorum principiorum ratio non habeatur:

## PROPOSITIO XIII.

*Lex naturalis quoad quadam præcepta secundaria e cordibus hominum deleri potest.*

Prob. Sæpe fallimur in iis, quæ ex primis principiis speculativis consequuntur, ita ut pro veris habeamus, quæ vi illorum principiorum nonnisi falsa esse possunt: ergo potiori jure & in iis quoque falli possumus, quæ ex primis practicis principiis consequuntur, ita ut pro veris habeamus, quæ vi illorum principiorum nonnisi falsa esse possunt: ergo. Prob. con. In iis, quæ ex primis principiis speculativis consequuntur, ob falsas persuasiones falli possumus: ergo & in iis, quæ ex primis principiis moralibus consequuntur, potiori jure falli possumus. Prob. conf. Quoad ista non solum falsa intellectus persuasio, ne, sed etiam pravus animi affectionibus abducimur, timore, odio, amore, audacia &c.: ergo.

## COROLLARIUM.

*Hinc est, ut lex natura quoad prima universalissima principia communis sit apud omnes, siue cognitio, siue reſtitutio ejus spectetur: quoad ea vero præcepta, quæ ex primis principiis dimanant, quamvis plerumque sit eadem apud omnes, aliquando tamen contingit, ut neque quoad cognitionem, neque quoad reſtitutionem eadem sit.*

Aligua ergo lex quoad cognitionem eadem apud omnes esse dicitur, quam do principia, & præcepta ejus, uti vera, ab omnibus recipiuntur; quoad reſtitutionem vero, quando de æquitate præceptorum nullus dissentit.

Quum itaque prima universalissima principia e cordibus hominum deleri non possint (Hujus sect. prop. 10.), consequens inde est, ut in omnibus, in quibus natura humana reperitur, eadem esse debeant. E contrario autem quia e cordibus hominum lex naturalis quoad secundaria præcepta deleri potest [Prop. præced.] ideo contingere quoque potest, ut quoad ista lex naturalis non sit eadem apud omnes, tam si cognitionem, quam si reſtitutionem spectemus.

## SCHOLIUM.

*Omnes æstus virtutum, si generatim accipiantur, prout virtuosus sunt, ad legem naturæ spectant; si autem secundum propriam speciem, siue propriam eorum naturæ rationem considerentur, in naturæ lege non omnes continentur.*

Nam quando virtuose agimus, recte, & consentanee ad rectam rationem agi-



agimus: ergo omnes actus virtutum, si accipiantur prout virtuosus sunt, ad legem naturæ spectant. Prob. con. Per legem naturalem cognoscimus, quæ agenda sunt, uti ipsi rationi consentanea, & quæ vitanda, uti ab ipsa dissimulata (Hujus sect. definit. 1.): ergo si quando virtuosè agimus, rectè, & consentanee ad rectam rationem agimus, omnes actus virtutum, prout virtuosus sunt, ad naturæ legem referuntur.

Quia vero nonnulli actus, qui secundum propriam speciem spectati virtuosus non sunt, pro variis temporum, locorum, & personarum circumstantiis evadunt valde utiles, atque commendabiles; inde consequitur, ut non omnes actus virtuosus secundum propriam eorum rationem in naturæ lege contineantur.

### S E C T I O XIII.

De Deo Retributore præmiorum, atque pœnarum.

#### C A P. I.

De Conditione præsentis vitæ hominum prout virtuosè, vel contra rationem vixerint.

##### D E F I N I T I O I.

Quia beatitudo esse debet bonum perfectum, atque per se sufficiens; vita omnino beata est, quæ omne malum excludit, & omne desiderium explet.

##### D E F I N I T I O II.

Ob oppositam rationem illa vita est omnino misera, quæ continet omne malum, nullumque desiderium explet.

##### C O R O L L A R I U M I.

*In vita ergo prorsus beata nihil occurrere debet, quod malum dici possit, vel quoad animam, vel quoad corpus, nihilque desiderandum superesse debet.*

Nullam itaque ignorantiam esse in intellectu, neque pravas affectiones in voluntatem dominari oportet, quia sicut illa est quoddam malum quoad intellectum, ita etiam istæ sunt quoad voluntatem. Item corpus non debet esse, obnoxium aliquibus pœnis, quæ sunt ipsius physica mala. Tandem si aliquid in vita beata desiderandum supersit, se ipsa non potest esse contenta; quod sane cum vera beatitudine simul flare non potest.

##### C O R O L L A R I U M II.

*In vita itaque omnino misera omne malum tum animæ, tum corporis contineri, nullumque desiderium expletum esse debet.*

Hæc omnia constant ex oppositione, quæ intercedit inter vitam omnino miseram, & beatam.

Pro-

## PROPOSITIO L

*Exercitatio virtutis plurimum felicitatis, atque utilitatis conjunctum habet :*

Prob. Per exercitationem virtutis & animi tranquillitate fruimur, & mentis jucunda suavitate delectamur : ergo exercitatio virtutis plurimum felicitatis in se continet. Prob. ant. Tunc animi tranquillitate fruimur, & mentis jucunda suavitate delectamur, quando, prout debebamus, nos operatos fuisse videmus ; sed propter exercitationem virtutis, nos, prout debebamus, operatos fuisse videmus : ergo. Prob. mi. Recte, & ad Divinam voluntatem accommodate agere est secundum naturam hominis (Hujus lib. sect. 11. cap. 1. prop. 1.) ; aliunde quoque legem naturaliter insitam habemus, ob quam ea, quæ in se turpia sunt, fugienda, & quæ honesta sunt, amplectenda cognoscimus (Sect. præced. cap. 1. prop. 1., & seq.) : ergo. Prob. con. Quando in operibus virtutis nos exercemus, & recte, atque ad Divinam voluntatem accommodate agimus, & legis nobis naturaliter insitæ præcepta sequimur : ergo si recte, & ad Divinam voluntatem accommodate agere est secundum naturam hominis, & quæ in se turpia sunt, fugienda, quæ autem honesta, amplectenda esse, naturaliter cognoscimus, dum vacamus exercitationi virtutis, prout debebamus, nos operatos fuisse videmus.

Deinde virtus etiam commoda vitæ præsentis sua efficientia faciliter promovet : ergo. Prob. ant. Si virtuose vivamus, & sanitatem corporis tueri, & bona, quæ non habemus, consequi, vel quæ habemus, diutius retinere, & apud alios in honore longe facilius esse possumus, quam si vitam turpem agamus : ergo virtus commoda quoque vitæ præsentis sua efficientia promovet.

Porremo a bene instituta civili, atque politica societate uniuscujusque, felicitas, & utilitas quam maxime pendet : ergo. Prob. con. Civilis, atque politica societas bona fide, atque iustitia potissimum continetur ; sed tam bona fides, quam iustitia sine exercitatione virtutis subsistere non possunt : ergo si a bene instituta civili, atque politica societate uniuscujusque utilitas, & felicitas quam maxime pendet, exercitationem virtutis unicuique valde utilem, & fructuosam esse consequitur.

## PROPOSITIO II.

*Plura mala sunt conjuncta cum turpitudine vitæ.*

Prob. Turpitudine vitæ & molestas sollicitudines parit, & mentem ægritudine conficit : ergo. Prob. ant. Tunc molestis sollicitudinibus angimur, & mens nostra ægritudine conficitur, quando contra conscientiam nostram monita agimus, atque contra ea præcepta operamur, quæ indita naturaliter habemus ; atqui propter vitæ turpitudinem & contra nostræ conscientiam monita agimus, & contra ea præcepta operamur, quæ indita naturaliter habemus : ergo. Ma. constat : tunc enim & conscientiam nobis exprobrantem non sentire, & naturaliter insita præcepta rationis aspernari non possumus. Prob. mi. Recte, & ad Divinam voluntatem accommodate agere est secundum naturam hominis (Hujus lib. sect. 11. cap. 1. prop. 2.), qui etiam legem naturalem insitam habet, ob quam

quam fugienda esse videt, quæ mala, amplectenda autem, quæ bona sunt (Sect. præced. cap. 1. prop. 1., & seq.): ergo turpiter agere eil contra naturam hominis, atque contra ea præcepta, quæ indita naturaliter habet: ergo.

Deinde turpitude vitæ incommoda hujus status sua efficientia promovet: ergo. Prob. ant. Si turpem vitam agamus, & sanitatem corporis tueri, & bona consequi, vel quæ habemus, diutius retinere, & apud alios in honore longe difficilius esse possumus, quam si honeste vivamus: ergo. Ant. conitatur si quis enim effundatur in voluptates, sanitas corporis illius ut plurimum detrimenti subeat necesse est, & si vitiosi homines aliquando bona consequuntur, vel apud alios in honore sunt; ideo contingit, vel quia virtutem simulant, vel quia sua vitia tegunt, vel tandem propter aliquam speciem virtutis, qua excellunt.

Postremo recta institutio civilis, atque politicæ societatis per turpitudinem vitæ tollitur: ergo. Prob. ant. Recta institutio civilis, & politicæ societatis sine bona fide, atque iustitia consistere non potest; sed tum bona fides, tum iustitia, uti per se patet, adversatur turpitudini vitæ: ergo per turpitudinem vitæ tollitur recta institutio civilis, atque politicæ societatis: ergo quum omnes plura incommoda pati debeant, si recta institutio civilis, atque politicæ societatis pervertatur, vitæ turpitudinem causam plurimorum malorum esse consequitur.

#### COROLLARIUM.

*Hinc vero est, ut licet aliquando contingat, saltem quoad ea, quæ spectant commoda vitæ præsentis, eos bene se habere, aut in honore esse, qui male agunt; contra alios, qui honestam vitam ducunt, male se habere, atque contemni, neutrum tamen horum vitii, aut virtutis efficientia fiat.*

Quandoquidem aliquando vitiosi bene, virtuosius autem male se habent; illi in honore sunt, isti contemuntur, vel quia utrorumque agendi ratio occulta manet, vel quia conditio fortunæ nostræ a iudicio hominum improborum aliquando pendet, vel quia aliqui turpiter viventes nonnulla tamen habent, quæ per se spectata merentur laudem, & e contra nonnulli honeste viventes aliquibus defectibus non careant, propter quos vituperentur.

#### PROPOSITIO III.

*Exercitatione virtutis hujus vita status omnino beatus effici non potest.*

Prob. Vita beata illa est, quæ omne malum tum corporis, tum animi a se excludit, nihilque ei desiderandum superest: (Hujus cap. definit. 1. & coroll. 1.) ergo. Prob. conf. Propter exercitationem virtutis neque graves dolores tolli, aut sedari possunt, neque afflictæ valetudini prospici potest: pauperatatem vero, intemperiem aeris, aliæque physica mala, quibus vita præfens obnoxia est, facit quidem virtus, ut æquo animo feramus, eorum tamen incommoda ut non sentiamus, facere non potest: ergo exercitatio virtutis non excludit omne malum corporis. Sed neque etiam animi: nam ut quis interius non sentiat dolorem, quando vel non consequitur, quod mereretur, vel nullum ejus virtuti meritum retribuitur, per virtutem effici non potest, quamvis illud efficiatur,

ut

ut vel dolori non succumbat, vel gravitatem ejus non moleste ferat. Deinde an non qui virtuti studet, appetitus inferiores sibi obfistere, plura se ignorare, multa sibi acquirenda superesse, atque ad ea se ferri non sentit? ergo exercitatio virtutis non tollit omne malum animi: ergo exercitatio virtutis non omne malum tum animi, tum corporis excludit: ergo si vita omnino beata, cuiusvis tum corporis, tum animi mali expertes esse, nihilque desiderandum in ea superesse debet, exercitatio virtutis vitam omnino beatam non efficit,

## PROPOSITIO IV.

*Per turpem agendi rationem hujus vite status non omnino miser efficitur.*

Prob. Sensus oblectari, quando re etiam illicita perfruuntur, negari nemine potest: ergo turpitudine vite aliquam oblectationem, quæ spectet ad corpus, secum affert. Animus autem quamvis noxiis voluptatibus satiari, aut in iisdem omnino quiescere non possit; tamen semel ac obtemperat lenocinio sensuum, ita ut propriam sui naturam exuisse videatur, & ad turpia inclinat, & re turpi etiam delectatur: ergo cum turpitudine vite etiam aliqua delectatio conjuncta est: ergo si vita omnino misera illa dicitur, quæ omnia tum corporis, tum animi solatia a se excludit (Hujus cap. definit. 2.), propter turpem agendi rationem hujus vite statum non omnino miserum effici posse consequitur.

## COROLLARIUM.

*Quapropter neque perfecte beati, neque perfecte miseri in hac vita esse possumus.*

Sicuti enim vita perfecte beata omne malum, ita etiam vita perfecte misera omne solatium a se excludere debet; sed neque si recte vivamus, cuiusvis mali omnino expertes esse possumus (Hujus cap. prop. 3.), neque si turpiter agamus, hujus vite status omnino miser efficitur (Prop. præced.): ergo.

## PROPOSITIO V.

*Propter exercitationem virtutis multa tum in corpore, tum in anima ut quis patiatur oportet.*

Prob. Propter exercitationem virtutis sensuum pravus inclinationibus, quæ molestæ esse nunquam desinunt, resisti, multasque illicitas corporeas delectationes repelli debere, nemo non novit, immo etiam non experitur: ergo propter exercitationem virtutis quisque multa in corpore patiatur oportet. Deinde quam multa quoque quæ corpus saltem præter tempus opportunum exigit, propter perfectiorem exercitationem virtutis ei negari sæpe debent.

Quum vero exercitatio virtutum non solum gravem laborem, qui spectat ad corpus, secum afferat, sed etiam unum valde occupatum, atque intentum reddat vel ad ea repellenda, quæ noxia sint, vel ad præcavenda, quæ talia esse possint, & nullum præmium sæpe consequatur, sed invidiam, contemptum, & persecutionem multorum in se aliquando trahat; consequens inde sit, ut qui virtuose agit, etiam in animo multa pati debeat.

Tom. II.

L I

PR-

## PROPOSITIO VI.

*Propter vivendi turpitudinem tum in corpore, tum in animo quispiam aliqua ratione, indigna tamen homine honesto, latatur*

Prob. Secundum corpus quispiam gaudet, atque delectatur, quando re corporea dulciter afficitur; sed vitæ turpitudinem hanc dulcem affectionem secum affert: ergo. Prob. iii. Propter vitæ turpitudinem fit, ut sensus juxta suam inclinationem noxiis quoque voluptatibus perfruantur: ergo.

Quia autem quispiam etiam animo gaudet, quando ea consequitur, quæ vellet, & voluptuosi homines illa quoque velint, quæ in se turpitudinem habent; etiam animo eos gaudere oportet, dum ista consequuntur: ergo ob vivendi turpitudinem tum in corpore, tum in animo aliqua ratione quispiam gaudet.

## COROLLARIUM.

*Sicuti ergo virtuosus sine labore non evadimus; ita etiam vitam turpem sine voluptate aliqua, licet turpis ea sit, non ducimus.*

Nam & ob exercitationem virtutis multa tum in corpore, tum in animo patienda sunt (Hujus cap. prop. 5.), & propter vivendi turpitudinem tum in corpore, tum in animo aliqua ratione gaudetur (Prop. præced.) : ergo.

## PROPOSITIO VII.

*Virtus in se non habet in hac vita, unde, prout debet, compensetur.*

Prob. Quamvis exercitatio virtutis plurimum felicitatis, atque utilitatis sibi conjunctum habeat [Hujus cap. prop. 1.]; tamen propter eam status hujus vitæ omnino beatus effici non potest (Hujus cap. prop. 3.), & multa tum in anima, tum in corpore quis patiatur oportet (Hujus cap. prop. 5.): ergo virtus in se non habet, unde, prout debet, justè compensetur. Prob. con. Qui virtuosè agit, quatenus virtuosè agit, nonnisi præmia meretur: ergo, si, quatenus virtuosè agit, non solum in hac vita beatus effici non potest, sed etiam multa tum in corpore, tum in anima ei patienda sunt, virtus in se non habet, unde in hac vita pro merito compensetur.

Deinde si virtus sufficiens sibi præmium esset, nemo propter exercitationem virtutis certum determinatumque jus ad præmium acquireret: ergo etiam qui non virtuosè operantur, præmio æqualiter digni essent; quo nihil absurdius dici potest. Quum vero ipsa exercitatio virtutis, quamvis tribuat ad præmium, certum jus, tamen secum non afferat consequutionem præmii; alius qui virtuosè agunt, illud semper consequi deberent; inde sequitur, ut virtus in se non habeat, unde, prout debet, compensetur.

Tandem si virtus perfectum sibi præmium esse posset, qui majori est virtute præditus, magis tum corpore, tum animo gaudere deberet; sed hoc falsum est: ergo. Prob. iii. Qui majori est virtute præditus nulla in re indulget sensibus, sed eisdem semper obstitit: ergo quoad corpus minus præ ceteris gaudet. Similiter majori intentione, atque graviore sollicitudine oportet, ut vel minima

nima caveat; quæ noxia esse possunt, & non unius tantum, aut alterius vitio-  
si hominis, sed sæpe multorum propter universalem omnium virtutum exer-  
citationem odium, & inimitiam in se trahat : ergo.

## PROPOSITIO VIII.

*Vitium in se non habet, unde in hac vita puniatur, prout debet.*

Prob. Licet cum turpitudine vitæ plura mala conjuncta sint (Hujus cap. prop. 2.) ; tamen propter eam & hujus vitæ status non omnino miser efficitur (Hujus cap. prop. 4.), & tum corpore, tum animo quispiam aliqua ratione gaudet (Hujus cap. prop. 6.) : ergo. Prob. con. Qui vitiose agit, quatenus vitiose agit, pœnam tantummodo meretur : ergo si quatenus vitiose agit, non solum non omnino miser efficitur, sed etiam tum corpore, tum animo aliqua ratione gaudet, vitium non est sibi sufficiens pœna.

Deinde si vitium sufficiens sibi pœna esse posset, nunquam contingeret, ut vitiosi propter suam vitia gauderent ; sed hoc contingit (Hujus cap. prop. 6.) : ergo.

Nonne illud quoque accedit, ut qui vitiose agit, pœnam mereatur ; nullo autem modo ille, qui vitiose non agit ? ergo vitium pœna sibi sufficiens esse non potest.

Tandem si vitium sufficiens sibi pœna esse posset, qui præ ceteris vitiosiores sunt, magis pati deberent ; sed contrarium contingit : ergo. Prob. mi. Qui vitiosiores sunt, nulla in re suis sensibus non indulgent : ergo quoad corpus minus præ ceteris patiuntur saltem eo tempore, quo indulgent sensibus. Similiter sibi vim non inferunt, ut sensuum oblectationi resistent. Sua vero astitia, dolis, atque calliditate quum quos, revera non sunt, sese esse sæpe fingant, aut alios aliquando specie virtutis deludunt, & decipiunt, aut odium eorum non solum in se non trahunt, sed etiam benevolentiam conciliant : ergo.

## COROLLARIUM.

*Si ergo neque virtus sine debito præmio, neque vitium sine debita pœna esse debet, tum illam alibi compensari, tum istud alibi puniri oportet.*

Rationi quippe contrarium est, ut quod debetur, virtuti præmium non retribuat, sicuti etiam ut vitium condigna pœna non puniatur. Quum ergo neutrum horum in vita præsentis condigne fiat, reliquum est, ut alibi & compensari virtus, & vitium puniri debeat.

## CAP. II.

De altero statu vitæ hominum prout virtuose, vel contra rationem vixerint.

## PROPOSITIO I.

*Alterum vita statum superesse, in quo iusti suum præmium, & impii suam pœnam recipiant, anima nostra conditio demonstrat.*

Prob. Anima nostra est immortalis, sive in se ipsa, sive quoad sui principium spectetur (Hujus lib. sect. 5. cap. 2. prop. 4., & seq.) : ergo alter vitæ status super esse debet ; sed ut præmium in eo recipiant, qui in isto se recte gesserunt, puniantur autem, qui vixere turpiter, rationi omnino consentaneum.

L 1 a

est :

est : ergo . Prob. iii. Virtus in hac vita in se non habet , unde perfecte compensetur , prout debet , vitium quoque in hac vita in se non habet , unde perfecte puniatur , prout debet ( Cap. præced. prop. 7. , & 8. ) : ergo in altera vita virtus compensari , vitium autem puniri debet . Prob. con. Ut in altera vita æque gaudeant , vel æque patiantur , qui in ista omnino inæqualiter sese habuerunt , nihil magis rationi contrarium esse potest . ergo .

Deinde anima libera est ( Huius lib. sect. 6. cap. 2. prop. 1. , & seq. ) : ergo tam recte agere , quam non recte agere potest : ergo si recte agat , præmium , si non recte agat , pœnam meretur ; sed neque si recte agat , debitum præmium in hac vita consequi potest [ Cap. præced. prop. 7. ] , neque si recte non agat , debitam pœnam sustinere ( Eiusdem. cap. prop. 8. ) : ergo .

## PROPOSITIO II.

*Ex præsentis quoque statû vita nostra idem evincitur :*

Prob. Si post mortem nulla operum retributio fiat , non solum aliqua bruti ipsis hominibus quoad sensibiles delectationes beatiora erunt , quia iidem sine ulla molestia plerumque fruuntur , sed etiam inter homines ille beatior erit , [ quatenus scilicet suæ cupiditati indulserit , prout voluerit ] qui omnia vitia consecutus fuerit ; contra autem qui pravis cupiditatibus semper resistit , sapissime vel nullum , vel exiguum præmium reportaret , immo graves arum-  
m sustinere deberet ( Cap. præced. prop. 3. , 5. , & 7. ) ; sed repugnat conditioni vitæ nostræ , ut hoc contingat : ergo . Prob. iii. Nostræ vitæ conditionem talem esse debere nemo dixerit , ut qui bene agit , pati , qui vero male , gaudere debeat : ergo .

## PROPOSITIO III.

*Quum Deus sit Legislator , inde concludi debet alterum vitæ statum superesse , in quo iusti suum præmium recipiant , & impii , prout eis debetur , puniantur .*

Prob. Quum Legislatores vel per præmium , vel per pœnam sibi subditos ad observantiam legis inducant , illorum esse debet punire eos , qui legem violaverunt , compensare alios , qui eandem custodierunt ; sed Deus legem naturalem infudit omnibus , ob quam cognoscerent , quæ uti bona amplectenda , & quæ uti mala fugienda essent ( Sect. præced. cap. 1. prop. 1. , & seq. ) : ergo ad eum pertinet punire homines , vel præmio afficere ; prout meruerint ; sed modo qui bene agunt , multa tum in corpore , tum in anima patiuntur ( Præced. cap. prop. 5. ) , qui autem male , tum in anima , tum in corpore gaudent ( Eiusdem cap. prop. 6. ] , & sicuti virtus sufficiens sibi præmium , ita etiam vitium sufficiens sibi pœna esse non potest ( Eiusdem cap. prop. 7. , & 8. ) : ergo quia Deus est Legislator ; alterum vitæ statum superesse , in quo iusti præmium recipiant , impii autem puniantur , concludi debet .

Pro-

## PROPOSITIO IV.

*Quia Deus est Sanctitate, Justitia, atque Providentia præditus bona iustis, mala autem impiis post hanc vitam retribuat oportet.*

Prob. Sanctitatis proprium est prodesse bonis, & corripere malos, Justitiæ, recte facta præmio donare, & crimina punire; providentiæ, parare omnibus, quæ sibi meruerunt: ergo quia Deus est Sanctitate, Justitia, atque Providentia præditus, bona iustis, mala autem impiis post hanc vitam retribuat oportet. Prob. con. Qui modo bene agunt, multa tum in anima, tum in corpore pati debent (Cap. præced. prop. 5.), qui autem male, tum in anima, tum in corpore aliquo modo gaudent [Ejusdem cap. prop. 6.], & sicut virtus sufficiens sibi præmium, ita etiam vitium sufficiens sibi poena esse non potest (Ejusdem, cap. prop. 7., & 8.), immo impius ad ultimam usque diem prospera, adversa autem fortuna, qui se recte gesserunt, sæpe uti, experientia compertum habemus: ergo.

## PROPOSITIO V.

*Etiam quia Deus est summe bonus, alter vite status superesse debet, in quo iusti suum præmium recipiant, impii autem puniantur.*

Prob. Deus, quia est summe bonus, non potest non amare virtutem, & odisse vitium: ergo præmia, aut supplicia unicuique, prout meruerit, in altera vita. rependere debet. Prob. con. Eorum, quæ Deus amat, felicitatem, quæ autem odio habet, supplicium velle debet; alioquin Dei amor, & odium saltem ab improbis contemni possent, quia nulla utilitas, aut damnum per ea, afferretur: ergo quum quandoque nullum, & semper non quale eisdem deberetur, præmium in hac vita ii consequantur, qui bene, idemque quoad poenam aliis contingat, qui male agunt, ut constat ex demonstratis; præmia, aut supplicia unicuique prout meruerit, a Deo in altera vita retribuenda esse consequitur, si quia summe bonus non potest non amare virtutem, & non odisse vitium..

## PROPOSITIO VI.

*Tandem ut alter vite status supersit, in quo interna nostra opera vel debito præmio, vel debita poena afficiantur, omnes Divinæ perfectiones necessario exigunt.*

Prob. Deum tum interno, tum externo cultu oportet, ut prosequamur (Hujus lib. sect. 11. cap. 1. prop. 3., & seq.), & sicut non minus Divinæ voluntati consentaneum est, quod exterius opere, quam quod interius voluntate, atque mente recte perficitur; ita etiam non minus adversatur, quod exterius opere, quam quod interius mente, & voluntate impie committitur; sed licet ad externa bona opera quoddam præmium in hac vita, ad mala autem quædam poena per homines aliquando consequatur; tamen nihil horum quoad internam operam contingit, aut contingere potest: ergo quum virtus in se non habeat, unde  
per-



perfecte compenſetur, neque vitium, unde perfecte puniatur (Cap. præced. prop. 7. & 8.), multa, immo pleraque bona, aut mala opera, quæ æque, ac alia, Deo placere, aut displicere debent, ſine debito præmio, aut pœna remanerent, ſi altera vita non ſuperſeſſet, in qua juſti præmium conſequerentur, impii pœnam ſuſtinerent; ſed hoc Divinis perfectionibus repugnare nemo non videt: ergo.

#### PROPOSITIO VII.

*De etiam corpus ſimul cum anima in altera vita vel præmium recipiat, vel pœnam ſuſtineat, ordinis, & æquitatis ratio poſtulat.*

Prob. Neque ſola anima, neque ſolum corpus, ſed quod ex utriſque componitur, hoc eſt homo, bene, vel male operatur: ergo totus homo eſt, qui præmium, vel pœnam meretur: ergo tum animæ, tum corpori præmium, aut pœna debetur: ergo ſi altera vita pro retributione præmiorum, aut pœnarum ſuperſeſſe debet, & ratio æquitatis poſtulat ut præmia, vel pœnæ pro uniufcuſque merito diſtribuantur; oportet ut ſimul cum anima etiam corpus pœnam, aut præmium recipiat.

Deinde vitia, atque virtutes ſunt totius hominis, & non animæ, vel corporis tantum: ergo hominem, & non animam tantum, vel corpus puniri, vel præmio affici necesse eſt.

#### PROPOSITIO VIII.

*Ut corpus in altera vita ſimul cum anima puniatur, aut præmium recipiat, ratio æquitatis, quæ cum corpore ſervari debet, peculiariter exigit.*

Prob. Si præmii, vel pœnæ etiam corpus in altera vita particeps non eſſet, tunc ei non rependerentur, quæ conveniens eſt, ut rependantur: ergo. Prob. ant. Sicuti corpus per conjunctionem, quam cum anima habet, eorum omnium laborum, qui in exercitatione virtutum impendi neceſſario debuerunt, particeps fuit; ita etiam de rebus malis voluptatem percepit: ergo ſicuti propter laborem, quem impendit in exercitatione virtutum, præmium, ita etiam propter huiusmodi voluptatem pœnam meretur: ergo.

Deinde plura quoque virtuoſe ſunt, in quibus corpus, quamvis per modum tantum cauſæ instrumentalis, plus laboris, quam anima, agendo ſuſtinet; ſicuti etiam multa præter rationem aguntur, in quibus corpus propter proportionem objectorum, quam cum eo peculiariter habet, ſimpliciter delectationem percipit: ergo ſicuti propter illa præmium, ita etiam propter iſta pœnam meretur: ergo.

## PROPOSITIO IX.

*Ut corpus in altera vita simul cum anima puniatur, aut præmium recipiat, ratio æquitatis, quæ cum anima servari debet, peculiariter exigit.*

Prob. Si corpus simul cum anima non puniretur, aut præmium reciperet; tunc anima non solum suorum, sed etiam eorum quoque laborum fructum perciperet, quos corpus sustinuit in exercitatione virtutis: contra pro multis puniretur, in quæ licet ipsa consenserit; tamen neque ex sui natura dulcedinem eorum exquisivit, neque degustavit, sed sensus exquisierunt, & degustarunt: ergo neque etiam cum anima æquitatis ratio servaretur, si etiam corpus præmii, vel pœnæ in altera vita non esset particeps.

## COROLLARIUM I.

*Per alterum ergo vitæ statum Dei gubernatio ultimum secundum Divinam ordinationem complementum habet.*

Nam quum in altero vitæ statu tum animæ, tum corpori retribuatur secundum ea, quæ moleste sustinuerunt, aut jucunde perceperunt, vel bene, aut male fecerunt; consequens inde fit, ut tunc potissimum præsens providentia suum ultimum complementum habeat.

## COROLLARIUM II.

*Ex hoc autem capite potissimum constat, quam inepta sint, quæ impii contra Divinam gubernationem opponunt.*

Quum enim conditionis hujus vitæ rationem tantummodo habeant, inde fit, ut nonnulla occurrere in ordine hujus providentiæ se demonstrare possent confidant, quæ a Deo aliena esse videntur.

## PROPOSITIO X.

*Dei virtute fieri potest, ut mortuorum corpora reviviscant.*

Prob. Quæ non repugnant, ut sint, Dei virtute fieri possunt; sed non repugnat, ut corpora mortuorum Dei virtute reviviscant, & suæ animæ uniantur: ergo. Prob. ii. Ut nostra corpora, quæ ex minutissimis particulis sensim congmentata sunt, simul cum sua anima per Dei virtutem unita modo vivant, non repugnat; sed quod semel non repugnavit, nunquam quoad idem principium, si idem consiliet, repugnare potest: ergo non repugnat, ut Dei virtute corpora mortuorum reviviscant, ac suæ animæ iterum uniantur.

Pro

## PROPOSITIO XI.

*In Deo inest scientia, quæ requiritur, ut ejus virtute corpora mortuorum reviviscere possint, ac suis animabus iterum uniri.*

Prob. Præcognoscere tum quoad existentiam, tum quoad ordinem, quæ nondum sunt, majorem in se difficultatem habet, quam ea videre, quæ jam existunt; sed Deus & omnia præcognovit, quando nondum erant, & ordinem vidit, quem habitura forent; ergo cognoscere quoque debet omnes partes quorumcumque corporum, quamvis dissipatæ eæ sint, & videre ordinem, quem, ad sua corpora iterum constituenda habere possunt; ergo. Prob. mi. Nihil eorum, quæ sunt, existere posset, si Deus non existeret (Lib. 1. sect. 2. cap. 5. prop. 1.), creandique virtus ipsi tantum convenire potest, atque ipse omnem materiam ex nihilo produxit (Hujus lib. sect. 8. cap. 1. prop. 1., & seq.): ergo quum ea, quæ non cognoscit, nemo facere possit, Deum vidisse oportuit, quæ antea non erant. Idemque etiam de ordine dici debet, quia ordo, qui in hac rerum universitate conspicitur, a solo Deo esse potuit (Lib. 1. sect. 2. cap. 2. prop. 9., & seq.).

Deinde Deus est infinite intelligens (Hujus lib. sect. 5. cap. 1. prop. 2.), & alia se cognoscit, etiam prout ab invicem distinguuntur, atque propria ratione habent (Ejusdem cap. prop. 4., & prop. 7. coroll. 1.): ergo fieri non potest, quin videat omnia, quæ requiruntur, ut dispersæ, atque dissipatæ partes in pristina corpora iterum coalescant.

## PROPOSITIO XII.

*Deo non deest potentia, quæ requiritur, ut mortuorum corpora reviviscant, ac sui animabus iterum uniantur.*

Prob. Omnia a Deo habent, ut sint (Lib. 1. sect. 2. cap. 3. prop. 1.), atque ipse fuit, qui hunc in mundo ordinem constituit (Ejusdem lib., & sect. cap. 2. prop. 9. & seq.): creandi potestas soli Deo competit, & materiam ex nihilo ipse produxit (Hujus lib. sect. 8. cap. 1. prop. 1., & seq.); prospicit rebus omnibus, & quidem quoad ordinem rerum provisarum in finem immediate prospicit [Hujus lib. sect. 9. prop. 1., 2., & 3.]: est quoque in sua providentia infallibilis (Ejusdem sect. prop. 5.), & præter ordinem rebus inditum agere, hoc est, nulla interveniente secunda, atque proxima causa, quem voluerit effectum producere potest [Ejusdem sect. schol. 7.]: cuncta quoque conservat (Hujus lib. sect. 10. prop. 1., & seq.), ac in omnia creata obtinet summum jus (Hujus lib. sect. 11. prop. 1.): ergo id potentia Deo nullo modo deesse potest, quod requiritur, ut corpora mortuorum reviviscant, & suis animabus iterum uniantur.

Deinde Deus est omnipotens [Hujus lib. sect. 7. cap. 1. prop. 4.]: ergo omnia, quæ non repugnat, ut sint, producere potest, sed Dei virtute possibile est, ut mortuorum corpora reviviscant [Hujus cap. prop. 10.].

Pro-

## PROPOSITIO XIII.

*Neque etiam voluntatem Deo deesse dici potest, ut mortuorum corpora reviviscant, ac suis animabus iterum uniantur.*

Prob. ut ea Deus non velit, quæ æquitatis ratio suadet, dici non debet; sed ut corpora simul cum anima in altera vita puniantur, aut mercedem recipiant, æquitatis ratio suadet (Hujus cap. prop. 7., 8., & 9.): ergo.

## PROPOSITIO XIV.

*Plura sunt, quæ de futura resurrectione nunc quoque nos monet; seu naturæ cursus possibilem esse significat corporum resurrectionem.*

Prob. Vicissitudo, qua tempora, dies, atque noctes redeunt, postquam desierint; seminum plantarumque dissolutio, atque in primum deinde statum restitutio, multaque alia, quæ, licet omnino dispersa, etiam post longa tempora ad conditionem sui primævi status reviviscunt, argumenta esse, quibus futuræ resurrectionis corporum possibilitatem cognoscere possumus, nemo negaverit. Sicut enim virtute Dei auctoris naturæ sit, ut aliorum ordinato cursu anni tempora certa quadam successione redeant, & semina per alimentum, quod e particulis undequaque in terra dispersis trahunt, in arbores concrecant; ita etiam potiori jure virtute Dei auctoris supernaturalis fieri potest, ut particulæ, quæ aliquod corpus componebant, quamvis omnino inter se dissitæ, atque dispersæ sint, ad idem coagmentandum iterum uniantur.

## CAP. III.

De Interminabili, & semper duratura beatitudine iustorum in altero vitæ statu.

## DEFINITIO UNICA.

Beatitudo est *status omnium bonorum aggregatione perfectissimus*, seu adeptio summi boni.

## LEMMA UNICUM.

*Hoc summum bonum quum sit Divina Essentia, ad beatitudinem visio Divina essentia ejusque fructus requiritur.*

Prob. Semel ac aliquid desiderandum, & querendum superest, præcipue vero si illud sit primum, & potissimum omnium, perfecta beatitudo obtineri non potest; sed si non habeatur visio, & fructus Divinæ essentia, id, quod omnium potissimum est, desiderandum, & querendum superest; contra vero, si semel habitis, nihil desiderandum, & querendum superesse potest, quia Deus est omnino perfectus, atque fons, & origo totius bonitatis (Hujus lib. sect. 3. ca. 1. prop. 2. & seq., & cap. 2. prop. 1. ac seq.): ergo.

Tom. II.

M m

PRO-

## PROPOSITIO I.

*Homo est capax adipiscendi hoc summum bonum, seu beatitudinem.*

Prob. prop. Intellectus hominis universale, atque omnino perfectum bonum intelligere, & voluntas ejus illud appetere potest; ergo. Prob. ant. Nullum, terminum intellectui, & voluntati nostræ præscriptum esse, nobis consensimus; ergo.

## PROPOSITIO II.

*Hæc tamen capacitas per se non sufficit, ut homines ad visionem Divinæ Essentiæ pertingant.*

Prob. prop. Creatura rationalis per naturæ vires pertingere non potest ad visionem Divinæ Essentiæ; ergo. Prob. ant. Visio Divinæ Essentiæ claram distinctamque cognitionem ipsius Dei importat; sed ad hanc claram, & distinctam cognitionem ipsius Dei creatura rationalis per naturæ vires pertingere, non potest; ergo. Prob. mi. Creatura rationalis per vires naturæ, quæ finitæ sunt, id videre non potest, quod se ipsam infinite excedit; sed per naturæ vires videret, quod se ipsam infinite excedit, si ad claram, & distinctam cognitionem ipsius Dei per se pertingeret; ergo.

Deinde creatura rationalis sibi repræsentare non potest, quod est undequaque infinitum; sed oporteret, ut sibi repræsentaret, quod est undequaque infinitum, si per se pertingeret ad visionem Divinæ Essentiæ; ergo. Minor constat. Prob. ma. Vires intellectivæ creaturæ, sicut quæcumque aliæ vires proportionatæ sunt suo principio, a quo dimanant, & nunquam fieri potest, ut illud excedant; sed creatura rationalis est finita; ergo id virium intellectivarum habere non potest, per quod sibi repræsentet, quod undequaque infinitum est; ergo.

## SCHOLIUM.

*Quamvis creatura rationalis per eam capacitatem, quam habet, pertingere non possit ad videndum Deum, tamen inde non sequitur eam inanem esse.*

Nam sicuti sapientissime constitutum est, ut quoad ea, quæ non excedunt facultatem hominis, activum agendi principium homo in se haberet; ita etiam sapientissime provisum fuit, ut quoad ea, quæ excedunt facultatem ejus, saltem principium receptivum, seu recipiendi facultatem haberet; & sicuti homini perfecte providetur per hoc, quod habet principia sufficientia, quæ sunt causa finis, quando agitur de fine non excedente naturam ejus; ita etiam, recte consultitur per hoc quod ea principia habet, quæ non sunt quidem causa finis, sed quæ eum constituunt capacem illorum, quæ ducunt ad finem, quando agitur de fine excedente naturam ejus.

PRO-

## P R O P O S I T I O I I I.

*Ut intellectus creatus pertingat ad visionem Divinae Essentiae, indiget aliqua infusione Divini luminis.*

Prob. prop. Intellectus creatus propter eam capacitatem, quam habet, per se pertingere non potest ad visionem Dei (Prop. praeced.): ergo indiget aliquo supernaturali lumine, ut ad eam pertingat. Prob. con. Virtus agentis elevatur ad producendum aliquem actum, quem antea non poterat producere, vel propter majorem intensiorem ipsius virtutis, quam habebat, vel propter acquisitionem alicujus dispositionis superioris, quam antea non habebat; sed virtus intellectus creati per hoc quod magis intendatur, pertingere non potest ad visionem Dei: ergo solummodo pertingere potest per acquisitionem alicujus superioris dispositionis, quam antea non habebat: ergo intellectus creatus indiget aliquo lumine supernaturali, ut pertingat ad Divinam visionem. Minor principalis constat: nam augmentum, quod fit per majorem intensiorem virtutis antea inhaerentis, non elevat virtutem ad operationem diversae speciei, atque ordinis superioris, sed tantummodo efficit, ut virtus majorem vim ad agendum habeat secundum eandem speciem, ut patet in majori intensiōne luminis, caloris &c. Prima consequentia manifesta est: augmentum enim, quod habetur a superiori virtute, juxta sui naturam efficit, ut principium, in quo recipitur, eleveatur ad actionem ordinis superioris. Quia vero dispositio dari debet in intellectu creato in ordine ad videndum aliquid supernaturale, eam in quodam lumine supernaturali consistere debere per se constat, uti secundo loco concludatur.

Deinde semel ac agens ad id elevetur, quod est supra naturam sui, eamque excedit, aliquam supernaturalem dispositionem oportet, ut recipiat: ergo intellectus creatus indiget infusione Divini luminis, ut Divinam essentiam videre possit. Ant. constat: hujusmodi enim elevatio per aliquid fieri debet; & si elevatio sit ad aliquid supernaturale, dispositio quoque supernaturalis sit oportet, ut cum eo proportionem habeat, ad quod elevatur. Consequentia etiam manifesta est: agitur enim de elevatione ad cognoscendum aliquid supernaturale: per lumen vero receptum dispositionem quis accipit ad cognoscendum id, quod antea cognoscere per se non poterat.

## P R O P O S I T I O I V.

*Visio, & fructio Divinae essentiae finem habere non potest ex parte hominis, quatenus ea amplius frui nolit.*

Prob. prop. Fieri non potest, ut quis nolit amplius illud bonum, quo fruatur, nisi in eo aliquid mali, vel saltem quoddam impedimentum majoris boni insit, aut inesse putet, quum appetitus in nihil tendat nisi sub ratione boni, nihilque refugiat nisi sub ratione mali; atqui in visione, & fructione Divinae essentiae, aliquid mali, aut quod impediat majus bonum inesse non potest, quia Deus est omnino perfectus, & fons, atque origo totius bonitatis (Hujus lib. libet.

M m 2

3. ca.

3. ca. 1. prop. 2. & seq., & cap. 2. prop. 1., & seq.): ergo homo amplius nolle non potest visionem, & fruitionem Divinæ essentiz, quasi aliquid mali, vel aliquod impedimentum majoris boni in iisdem insit. Sed neque etiam esse potest, ut aliquid mali, vel saltem impedimenti ad majus bonum in illa visione, & fruitione inesse ab homine falso existimetur, semel ac videt ipsum Deum, eoque fruatur, quia visio illius summæ veritatis omnem falsitatem excludit: ergo.

## PROPOSITIO V.

*Visio, & fruitio Divina essentia neque etiam inde finem ex parte hominis habere potest, quasi homini desit facultas videndi Deum, & eo fruendi.*

Prob. Anima est spiritualis, atque immortalis, sive in se ipsa; sive quoad sui principium spectetur (Hujus lib. sect. 5. ca. 2. prop. 1., & seq.): ergo quum, intellectu, & voluntate sublatis, etiam anima tollatur, si hæc semper esse perseverat, etiam intellectus, & voluntas permanere semper debent: ergo.

Deinde ideo adhibita longiori, & profundiori meditatione, ulterius profectui non possumus, sed ad meditandum aliquo intervallo temporis inhabiles efficiamur, quia fatigantur potentiz, quæ corporeis organis utuntur, sine quibus nunc intellectus noster non potest perficere suas considerationes; at Divina essentia visa & intellectum nostrum omnino perficit, & quia in se simplicissima [Hujus lib. sect. 1. prop. 4. & seq.], ad visionem ejus, qualis in se est, non concurrunt aliquis actus, qui per organa corporea exerceantur: ergo.

## PROPOSITIO VI.

*Visio, & fruitio Divina essentia neque etiam ex parte Dei finem habere potest, quasi Deus se subtrahat a beatis.*

Prob. prop. Creatura naturalis beatitudinem naturaliter appetit, & non potest non velle se esse beatam, licet per voluntatem ab eo desistere possit, in quo vera beatitudo consistit: quod sane tunc contingit, quando id, in quo vera beatitudo consistit, non apprehenditur, ut vera beatitudo, sed aliquid aliud, in quod voluntas, sicuti in suum finem inordinate desecit; atqui beati id, in quo vera beatitudo consistit, apprehendunt sub ratione veræ beatitudinis, & ultimi finis; alioquin appetitus illorum in eo non quiesceret, nec vere beati esse possent: ergo beati suam voluntatem ab eo desistere non possunt, in quo vera beatitudo consistit: ergo perversam voluntatem habere non possunt: ergo neque etiam ex parte Dei finem habere potest ea visio, qua beati perficiuntur, quatenus Deus a beatis se subtrahat. Prob. ult. con. Subtractio sui ipsius quum sit quadam pœna a Deo iudice iusto provenire non potest, nisi propter aliquam culpam; atqui hæc non cadit in beatos, quia a vero ultimo fine desistere non possunt: ergo quum Deus in præmium, & mercedem bonorum operum sui visionem animas beatas semel effecerit, sui visionem nunquam ab iisdem subtrahere debet.

## PROPOSITIO VII.

*Visio, & fructio Divina essentia neque inde ex parte Dei finem habere potest, quasi Deus ipsi beatis subtrahat lumen, quod necessario ad Dei visionem requiritur.*

Prob. prop. Hæc subtractio luminis pœna quædam esset, quæ ab ipso Deo beatis infligeretur; atqui Deus nullam causam habere potest, ut modo demonstravimus, cur beatis aliquam pœnam infligat: ergo.

## PROPOSITIO VIII.

*Visio, & fructio Divina essentia neque etiam ex parte alicujus creatæ causæ exterioris finem habere potest.*

Prob. prop. Beati suam mentem Deo conjunctam habent: ergo supra alia omnia prorsus elevantur: nihil ergo est, per quod abstrahi possint ab hujusmodi conjunctione.

Deinde Deus efficit, ut animæ evadant beatæ visionis sui: ergo nullius creatæ causæ virtute animæ beatorum ab hac visione distrahi possunt.

## PROPOSITIO IX.

*Beatum vitæ statum, quo iusti potentiuntur, perpetuum esse debere, ex ipsa conditione ejusdem status recte concluditur.*

Prob. prop. Alter vitæ status admitti debet in quo iusti suum præmium, atque mercedem recipiant (Hujus sect. cap. 2. prop. 1. & seq.): ergo. Prob. con. Quando voluntas e bono in malum converti potest, tunc versatur in statu pugnæ, atque militiæ, quum oporteat, ut vel ingruenti malo resistat, vel se ab eo liberet, quo detinetur; sed alter vitæ status non potest esse pugnæ; & militiæ, alioquin non esset status mercedis, atque præmii: ergo.

## PROPOSITIO X.

*Ratio vera beatitudinis, ad quam omnes naturaliter feruntur, perpetuitatem secum affert.*

Prob. prop. Omnes naturaliter vellent bonum undequaque perfectum, quo desiderium illorum prorsus expleretur, & excluderetur omne malum: ergo est de ratione veræ beatitudinis, ut quis perpetuo possideat illud bonum, quo beatificatur. Prob. con. Naturaliter homo desiderat retinere bonum, quod habet, deque ejus perpetua possessione esse securus, & naturaliter affligitur, si certo sciat, vel etiam timeat, se amissurum bonum illud, quo summopere lætatur: ergo si beatitudo esse debet bonum undequaque perfectum, ad quod omnes naturaliter inclinant, qui beatitudine fruuntur, de perpetua duratione illius persuasio sit oportet: hæc autem persuasio falsa esse non debet, quum falsitas sit malum  
lm



lum intellectus, cum quo vera beatitudo conjungi non potest: ergo debet esse vera: ergo de ratione veræ beatitudinis est, ut nunquam ea deficere possit.

### PROPOSITIO XI.

*Ex naturali quoque desiderio, quod homines ad sui beatitudinem inditum habent, constat eam perpetuam esse debere.*

Prob. prop. Homines naturaliter appetere semper esse felices, atque ita quidem, ut nihil eis ad perfectam felicitatem desit, conscii nobis sumus; atqui hoc desiderium in hac vita expleri non potest, tum quia multis erroribus ex parte intellectus, pluribusque pravis affectionibus ex parte voluntatis obnoxii sumus, tum quia & multa mala in corpore pati debemus, & bona vitæ præsentis cito transeunt: ergo ne hoc desiderium a Deo nobis frustra inditum fuisset, dicatur, in altera vita impleri possit necesse est; sed ut in iis impleatur, qui in hac vita recte, & ad Divinam voluntatem accomodate se gesserunt, æqua ratio postulat, quom merces eorum operibus debeatur, & hac de causâ alter viæ status superesse debeat: ergo.

### C A P. I V.

*De interminabili, & semper duratura miseria impiorum in altero vita statu.*

#### L E M M A I.

*Peccatum est Dei Offensa.*

Prob. Multa sunt, eaque gravissima omnium, quæ nunquam dari possint, quibus homo arctissime obligatur, recte & ad Divinam voluntatem accomodate agere [Hujus lib. sect. 11. prop. 1. & seq.], aliundeque Deus summum jus habet in omnia creata (Ejusdem, sect. prop. 1.); sed quando homo peccat, haud recte, & ad Divinam voluntatem accomodate agit, neque ei subijcitur, prout omnino deberet: ergo. Prob. mi. Lex naturalis a Deo indita est hominibus, ut per eam videant, quæ turpia sunt, & contra rationem, atque ab iis prorsus abstineant (Hujus lib. sect. 12. prop. 1., & seq.); sed quando homo peccat, committit, quæ turpia sunt: ergo contra agit, ac sibi a Deo legislatore, cui omnino subesse debet, impositum est: ergo peccatum est offensa Dei.

#### L E M M A II.

*Nou omnia peccata sunt equalia.*

Prob. Tunc quis peccat, quando aliquid turpe committit, quod tale esse cognoscit, quia recedit a regulis rectæ rationis, legisque naturalis a Deo sibi inditæ (Hujus lib. sect. 12. prop. 1., & seq.); sed ab aliqua regula semel proposita necesse non esse, ut semper eodem modo deficiatur, sed ab ea modo magis, modo minus defici posse, experientia compertum est: ergo.

L E M-

## L E M M A I I I.

*Quadam ergo peccata talia sunt, ut per ea a vero ultimo fine quis avertatur, & convertatur ad creatura sicuti ad ultimum finem; alia vero, quae secum afferunt inordinationem circa ea, quae sunt ad finem, servato tamen ordine ultimi finis. Illa lathalia, aut gravia dicuntur, hae vero levia, seu venialia.*

Prob. Quandoquidem ita aliquando quispian peccare potest, & revera peccat, ut voluntas illius ab ultimo fine, hoc est Deo, omnino avertatur, finemque ultimum reponat in re quapiam creatura: aliquando vero ita, ut, licet mens peccantis maneat subordinata ultimo fini; tamen aliquod impedimentum apponat, quo appposito, in finem ultimum libere, & expedite tendere non potest. Ita fit, ut quis aliquando ita agat contra voluntatem sui Principis, ut illum finem omnino pervertat, qui ei propositus esse debet; aliquando vero accidit ejus agendi rationem talem esse, ut licet non destruat finem, qui illi propositus esse debet, aliquod tamen impedimentum apponat, ne idem finis prompte, & expedite obtineatur.

Illam autem peccata lathalia, hae levia, accepta similitudine ab ipsa corporali agritudine, recte vocari contendimus. Nam si talis in corpore humorum deordinatio fiat, ut vitale principium destruat; tunc subsequitur mors: si autem, salvo vitae principio, quaedam in humoribus deordinatio fiat; tunc habetur agritudo. Quoniam ergo principium totius ordinis in moralibus sit finis ultimus, qui quoad operationes se habet eodem modo, ac principium indemonstrabile quoad scientias; consequens inde est, mortale peccatum committi, quando per illud anima ita deordinatur, ut avertatur ab ultimo fine; veniale autem, quando contingit deordinatio citra aversionem ab ultimo fine; hoc est a Deo.

Et re quidem vera qui errat circa prima principia, non habet, unde de veritate persuaderi possit; qui autem errat in alio aliquo capite, praeter quam in ipsis primis principiis, per ipsa prima principia ad veritatem revocari potest. Idem quoque quoad actiones morales contingere debet: nam si quis peccando, ab ultimo fine, qui est primum principium moralium actionum, avertatur, tunc ipse peccati habita ratione, labitur irreparabiliter, & peccatum mortale dicitur; contra vero si non avertatur ab ultimo fine, ex ipse peccati ratione reparabiliter deordinatur, quia salvatur principium, & ideo peccatum veniale est.

## L E M M A I V.

*Tum poena damni, tum poena sensus peccatum puniri potest; & utroque genere poena secundum iustitiae leges convenientissime puniuntur.*

Prob. Poena damni ea dicitur, quae in alicujus boni privatione consistit; poena vero sensus, quae supplicia positiva secum affert. Utrouque autem generis poenae secundum iustitiae leges convenientissimum est, ut peccatum puniatur, quia peccans & eo bono privari, quo male utitur, & quaedam etiam sensibili poena

pœna puniri debet, quia res creatas consecratus fuit contra rectam rationem, contra leges, & mandata eorum, quibus subesse debebat, & contra bonum commune societatis. Hinc vero est, ut etiam per humanas leges quidam malefactores non solum eo bono, quo abusi sunt, spoliuntur, sed etiam suppliciiis positivis, majoribus, vel minoribus pro gravitate culparum, afficiantur.

#### COROLLARIUM.

*Quæ ergo damni pœna gravi peccato debetur, in privatione visionis Dei, quæ autem debetur pœna sensus, in quibusdam panis positivis consistere debet.*

Nam grave, seu læthale peccatum tale est, ut per illud a vero ultimo fine quis avertatur, & convertatur ad creatura sicut ad ultimum finem (Præced. lemm.3.): itaque qui graviter peccat, consequentia hujus ultimi finis privari meretur, quum impie, & præter omnem rationem præponat rem creatam suo creatori.

Pœna vero sensus quum supplicia positiva secum afferat, inde est, ut peccatum ex eo quod puniatur pœna sensus, suppliciiis quoque positivis puniri debeat.

#### SCHOLIUM.

*Diraque tamen pœna non est ejusdem rationis, hoc est, non est infinita secundum quantitatem.*

Nam pœna peccato proportionata esse debet. In peccato autem duo sunt, quorum unum est averſio ab incommutabili bono, quod est infinitum, alterum vero conversio ad commutabile bonum, quod est finitum. Unde ex parte averſionis ab incommutabili bono, quod est infinitum, etiam peccatum quamdam infinitatem habet; ex parte vero inordinate conversionis nulla est in ipso peccato infinitas, tum quia ipsum commutabile bonum finitum est, tum etiam quia ipsa conversio est finita, quia creaturæ actus infiniti esse non possunt. Ex parte igitur averſionis, peccato respondet pœna damni, quæ est infinita; quum sit amissio infiniti boni, cujusmodi est Deus: ex parte autem inordinate conversionis respondet ei pœna sensus, quæ est finita: creatura enim capax esse non potest infinitæ intensiōis.

Deinde pœna damni consistit in privatione, atque ideo ex objecto, quo privat, æstimanda est; pœna vero sensus, quia est positiva, ex subiecto, in quod recipitur, æstimari debet; sed Deus, qui est objectum, quo privat pœna damni, est infinitus; homo autem, qui afficitur pœna sensus positiva, est omnibus modis finitus: ergo secundum quantitatem pœna damni infinita, pœna vero sensus finita est: ergo non utraque ejusdem rationis est.

#### PROPOSITIO I.

*Tum pœna damni, tum pœna sensus peccatum grave in altera vita puniri debet.*

Prob. prop. Pœna debet esse proportionata culpæ; atqui per gravem culpam

pam homo & a Deo avertitur, & convertitur ad creaturas, suumque in illis finem ultimum constituit (Lemm. 3. præced.); ergo si pœna culpæ proportionata esse debet, peccator & ipso Deo privari debet propter indebitam aversionem, quam ab eo habuit, & a rebus sensibilibus aliquid pati debet, quia præter omnem rationem ad eas sese convertit.

Deinde qui ab ultimo fine voluntatem averfam habent, excludi non curant a consequutione ejus: ergo per hoc quod a consequutione tantum ultimi finis excluderentur, non revocarentur a peccato: ergo peccantibus alia quoque pœna constituta esse debet, quam timeant. Ant. constat: nullus enim sollicitus est, ne id amittat, quod non curat. Ult. con. manifesta est: nam pœnæ eam etiam de causâ inferuntur pro culpis, ut homines a peccatis retrahantur.

Tandem non gaudere, & non lætari non possunt de consequutione finis, qui recte egere: ergo qui peccarunt, e contra trīstari, & dolorem de iis percipere debent, in quibus finem ultimum constituere: ergo & positiva mala sustinere debent: sicut enim recte agentibus bona; ita etiam perverſe agentibus mala debita sunt.

## PROPOSITIO II.

*Ut grave peccatum pœna damni in altera vita puniatur, peculiaris ratio suadet.*

Prob. prop. Naturali æquitati consentaneum est, ut quispiam eo bono privetur, contra quod agit; sed qui graviter peccat, contra Deum agit (Lemm. 1. & 3. præced.); ergo & ipso Deo, & omnibus bonis, quæ ab ipsius Dei possessione derivant, privari debet: ergo ut peccatum pœna damni puniatur, quæ in privatione visionis ipsius Dei consistit (Coroll. lemm. 4. præced.), peculiaris ratio suadet. Ant. constat: nam etiam per leges humanas exilio perpetuo aliqua crimina puniuntur, per quæ quispiam societate civium abusus fuerit.

## PROPOSITIO III.

*Ut grave peccatum pœna sensus in altera vita puniatur, peculiaris ratio suadet.*

Prob. prop. Qui graviter peccavit, delectationem ex rebus creatis quam non debebat, percipere voluit; immo ex eo quod suum ultimum finem in illis reposuerit, iisdem semper se delectari velle contra rectam rationem instituit: ergo hæc quoque illicita de creaturis delectatio sua pœna mediis creaturis inferenda carere non debet, semel ac culpæ pœna respondere debet.

## PROPOSITIO IV.

*Grave peccatum in altera vita puniri debet per panam damni, quæ aterna sit.*

Prob. prop. Eo bono quispiam perpetuo privari meretur, contra quod agit: ergo quum graviter peccans contra Deum agat, quia ab eo omnino avertitur (Lemm. 3. præced.), hoc summo bono in perpetuum privari meretur: ergo. Prob. Ant. Qui peccat contra Rempubicam etiam per leges humanas,

Tom. II.

N n

prout

prout per eas fieri potest, morte, vel exilio e Reipublicæ societate perpetuo ejicitur, etsi brevi spatio temporis contra Rempubliam peccaverit : ergo eo bono quispiam in perpetuum privari meretur, contra quod agit.

Deinde qui graviter peccat eodem modo puniri debet, ac si in æternum peccasset : ergo si pœna peccato respondere debet, oportet, ut ea æterna sit. Prob. ant. Deus est infinite intelligens [Hujus lib. sect. 5. cap. 1. prop. 2.], ideoque videt corda hominum, atque cognoscit determinaciones eorum voluntatis : unde quum non minus exterius, quam interius homines ei subiecti esse debeant [Hujus lib. sect. 11. prop. 3. & seq.], voluntatem faciendi pro facto julle reputat ; atqui ille, qui propter bonum temporale averſus est ab ultimo fine, qui in æternum possidetur, fructiorem boni temporalis præposuit æternæ fructi-  
oni ultimi finis : ergo illo temporali bono in æternum frui voluisset : ergo.

Postremo quemadmodum inter leve, & grave peccatum hoc discrimen intercedit, quod illud retardat hominem a prosecutione ultimi finis, hoc vero ipsum omnino avertit ab ultimo fine (Hujus cap. lemm. 3.) ; ita inter pœnam damni æternam, & non æternam, hoc est discrimen, quod, si non sit æterna, erit dilatio solummodo, non autem omnimoda privatio ultimi finis ; si autem æterna sit, omnino privabit ultimo fine : sed pœna peccato respondere debet : ergo pœna damni ut peccato gravi, & averſioni a Deo respondeat, debet esse omnimoda privatio ultimi finis, & non solum dilatio consequenti-  
onis ejus : ergo æterna esse debet.

#### PROPOSITIO V.

*Grave peccatum in altera vita puniri debet ea pœna sensus, qua sit æterna.*

Prob. prop. Hæc pœna homini peccanti debetur, quia sese convertit ad res creatas, (Lemm. 4. præced.), atque in iis suum ultimum finem constituit (Lemm. 3. præced.) ; sed qui ita peccat, in æternum peccare vellet, suumque finem ultimum in rebus creatis in æternum constituere, ut modo dicebamus in superiori propositione : ergo si pœna sensus huic inordinatæ conversioni debetur, æterna esse debet.

Deinde culpa læthalis, etiamsi ea consideretur ex parte conversionis ad commutabile bonum, secundum quam rationem puniri debet pœna sensus, est contra Deum, qui est infinitus, quatenus res creata suo creatori præponitur : ergo quum pœna culpæ proportionata esse debeat, habita injuriæ ratione, quæ per culpam alteri infertur, etiam pœna sensus aliquo ex capite infinita esse debet : ergo quum non possit esse infinita ex parte intensi-  
onis, quia creatura non est capax intensi-  
onis infinitæ (Schol. præced.), saltem quoad durationem infinita esse debet.

#### PROPOSITIO VI.

*Ex perversione ordinis, quam grave peccatum continet, sequitur utramque pœnam tam damni, quam sensus, æternam esse debere.*

Prob. prop. Ex eo quod propter læthale peccatum finis ultimus in re-  
creata constituitur (Lemm. 3. præced.), cum læthali peccato perſectio ordi-  
nis

nis necessario conjungitur, quia rebus creatis postponitur, quod eis omnino anteferri deberet; sed hæc perversio ordinis secundum se inspecta est irreparabilis: ergo quum propter persionem ordinis tum pœna damni, tum pœna sensus peccato debeatur, hæc quoque, ut illi proportionetur, irreparabilis, & perpetua esse debet. Prob. iii. Tunc perversio ordinis est irreparabilis, quando destruitur principium ipsius ordinis; sed propter culpam læthalem destruitur principium ipsius ordinis. Prob. iii. Principium hujus ordinis est finis ultimus, qui est Deus, cui homo adhæret per hoc, quod in ipsum tendat; sed qui graviter peccat, finem ultimum in re creata constituit, & a Deo avertitur. (Præced. lemm. 3.): ergo hoc principium prorsus in eo destruitur: ergo quum propter deordinationem pœna peccato debeatur, si hæc in se inspecta est irreparabilis, etiam pœna in se irreparabilis esse debet: ergo debet esse æterna.

## PROPOSITIO VII.

*Lethali peccato ea etiam de causa debetur æterna pœna, quia per illud Dei infinita majestas offenditur.*

Prob. prop. Peccatum eo gravius est, quo major dignitas inest in ea persona, contra quam peccatum committitur; sed Deus, contra quem grave peccatum committitur, est infinitæ bonitatis, majestatis, excellentiæ: ergo peccatum commissum contra Deum infinitam quodam modo gravitatem habet: ergo pœna quodammodo infinita ei debetur; sed hæc pœna infinita esse non potest secundum intensionem, quia nihil creatum hac ratione infinitum esse potest: ergo saltem secundum durationem infinita esse debet. Ant. constat: nam culpæ quoque, quibus homines offenduntur, eo sunt graviore, quo aliquando, qui offenduntur, ceteris præcellunt.

## PROPOSITIO VIII.

*Non repugnat esse a Deo conditas creaturas rationales, ut beatitudinem consequantur, & tamen impios non perungere ad consequutionem ejus.*

Prob. prop. Creaturam rationalem liberam esse, Divinæ Sapientiæ, Bonitati, & Justitiæ quam maxime convenit (Hujus lib. sect. 6. ca. 2. prop. 2.): ergo non solum in suum finem dirigi, sed etiam ipsa se in finem dirigere debent: ergo si seipsam in suum finem se non dirigat secundum regulas sibi præstitutas, ad eum assequendum perungere non potest; sed impii secundum regulas sibi præstitutas se ipsos in debitum finem non direxerunt, quatenus posuerunt finem ultimum in rebus creatis (Lemm. 3. præced.): ergo rationi consentaneum est, ut excludantur a consequutione ejus ultimi finis, ad quem a Deo destinati erant, si tamen, qua ipsi poterant, & debebant, ratione cooperati fuissent: ergo finis a Deo præintensus non pervertitur per hoc, quod impii ultimum illum finem non assequantur, quem Deus illis constituerat, ut assequendum tamen cum eorum cooperatione, & quidem secundum suæ Bonitatis, Sapientiæ, ac Justitiæ leges, quia iidem consentaneum fuit, ut creatura rationalis libera conderetur.

## COROLLARIUM.

*Dei ergo Bonitati, Sapientia, atque Providentia nihil detrahatur per hoc, quod impii ad finem ultimum non pertingant.*

Nam Divina Bonitatis, Sapientia, atque Providentia esse non debet, ut aliqua præter ordinem a se constitutum in suum finem dirigantur: quum ergo creaturae rationales ex Divina institutione ita ad suum finem dirigi debeant, ut ipsæ simul cooperentur; consequens inde est, ut si ipsæ contra ac poterant, & debebant, cooperatae non fuerint, neque etiam secundum Dei Bonitatem, Sapientiam, & Providentiam, ad ultimum finem pertingere debeant.

## PROPOSITIO IX.

*Illud desiderium, quod homines ad sui beatitudinem naturaliter habent, inane esse inde non consequitur, quia impii ad eam non pertingant.*

Prob. prop. Illud desiderium inane esse dicitur, quod expleri non potest, non vero quod actu non expletur ob culpam eorum, in quibus inest: ergo quum etiam in impiis desiderium beatitudinis expleri potuerit, & eorum culpa non expleatur, neque etiam in eis hujusmodi desiderium inane dici potest. Ant. constat: si enim expleri non possit, nunquam fiet, ut expleatur, ideoque omnino in se inane erit: si autem non expleatur culpa eorum, in quibus inest, in se inane dici non potest. Conf. quoque manifesta est: impii enim ea libertate, qua præditi sunt (Hujus lib. sect. 6. cap. 2. prop. 2. & seq.), abutuntur, & potius quam in Deo, suum finem ultimum in re creata constituunt (Lem. 3. præced.).

Deinde per hoc quod impii beatitudinem non consequantur, tunc tantum quod habent naturale desiderium consequendæ beatitudinis inane dici posset, si illud per se sufficere deberet ad consequendam beatitudinem; atqui hujusmodi desiderium tale non est: ergo. Prob. mi. Quum homines liberi sint (Hujus lib. sect. 6. cap. 2. prop. 2. & seq.), etiam ipsi ad consequutionem beatitudinis cooperari debent, & recte, ac ad Divinam voluntatem accommodate agere (Hujus lib. sect. 11. prop. 2. & seq.): ergo.

## PROPOSITIO X.

*Non est contra ordinem sapientis, atque optimi provisoris, quod impii per penas alterius vita ad debitum ordinem non redigantur.*

Prob. prop. Grave peccatum in altera vita puniri debet æterna pœna, æamni, & sensus (Prop. 4., & 5. præced.): ergo quum non sit contra ordinem sapientis, atque optimi provisoris, ut fiat id, quod debet; neque etiam erit, si impii in altera vita ad debitum ordinem non redigantur, nec respiciant, quia per hoc quod respicerent, æterna pœna eis amplius non deberetur.

Deinde læthali peccato ea etiam de causâ debetur æterna pœna, quia per

per illud Dei infinita majestas offenditur (Prop. 7. præced.) : ergo. Prob. con. Quia Deus est provisor sapiens, atque optimus ; omnia disponere, & curare, debet, prout suæ majestati potissimum conveniunt : ergo si peccato debetur æterna pœna quia læditur Dei infinita majestas, Deus æterna pœna ipsum peccatum punire debet.

Tandem neminem Deus ad debitum ordinem præter ipsum ordinem redigere debet ergo. Prob. con. Tunc Deus aliquos ad debitum ordinem præter ipsum ordinem redigeret, quando id præstaret, licet perversio ordinis esset irreparabilis tum ex parte rationalium creaturarum, tum ex parte sui ipsius ; sed perversio ordinis in homine impio post hanc vitam est irreparabilis tum ex parte ipsius hominis, tum ex parte Dei [Præced. prop. 6.] : ergo.

PROPOSITIO XI.

*Ex Æternitate pœnarum crudelitati, & sævitia locum in Deo esse, nonnisi impiissime, & præter omnem rationem concluderetur.*

Prob. prop. Tunc tantum sævitix, & crudelitati locus esse potest, quando immitius, quam debet, peccatum puniatur ; sed læthale peccatum ob plura capita meretur pœnam æternam [Prop. 4. præced. & seq.] : ergo.

Deinde qui graviter peccat, eodem modo puniri debet, ac si in æternum peccasset (Præced. prop. 4.) : ergo si citra ullam sævitiam, & crudelitatem per leges humanas, prout tamen per eas fieri potest, civitatē, aut vita aliqui malefactores perpetuo puniuntur, quamvis neque constet, neque constare possit in admisso crimine perpetuo permanens, immo licet pœnitentiam præferant, & antequam pœnam subeant, & postquam subierunt ; potiori jure citra ullam sævitiam, atque crudelitatem impiis æterna pœna a Deo infligitur.

PROPOSITIO XII.

*Ut impiis in æternum puniantur, Divina Misericordia, & Clementia nullo modo adversatur.*

Prob. prop. Ut misericordiæ, & clementiæ locus esse possit ; qui peccarunt, a sua malitia resipiscere debent ; sed impios a sua malitia resipiscere voluisse, dici non potest : ergo. Prob. mi. Qui propter temporale bonum aversus est, sicuti aversi sunt impii, ab ultimo fine, qui in æternum possidetur [Cap. præced. prop. 2. & seq.], fruitionem boni temporalis præposuit æternæ frui-tioni veri ultimi finis : ergo quantum est ex se, temporali bono in æternum, frui voluisset, quum suum ultimum finem in eo posuerit : ergo censeri non potest a sua malitia eum resipiscere voluisse : ergo quum Deus videat corda hominum, quia est infinite intelligens (Sect. 5. cap. 1. prop. 2.), hanc quoque videt in impiis perpetuam peccandi voluntatem : ergo ut sua misericordia, atque clementia erga eos utatur, æquum non est ; nam determinata, atque completa faciendi voluntas apud Deum pro facto reputatur, quia per eam nos a Deo, ipso Deo vidente, & cognoscente, avertimur, & uti modo dicebamus, tunc tantum locus est misericordiæ, atque clementiæ, quando peccatores a sua malitia resipiscunt.

Pro-



## PROPOSITIO XIII.

*Divina justitiæ legibus consentaneum est, ut peccatum in æternum puniatur, quavis illud brevi spatio temporis commissum fuerit.*

Prob. prop. Quod exigit Divina Majestas, Divinæ Justitiæ legibus consentaneum non esse non potest; sed ut grave peccatum in æternum puniatur, exigit Divina majestas (Præced. prop. 7.): ergo.

Deinde etiam secundum humanas leges nihil injustum committitur, si pœnæ diuturnitas durationi peccati non respondeat: ergo.

Postremo qui ultimum finem ponit in re creata, ut ii faciunt, qui graviter peccant (Præced. lemm. 3.), frui in æternum re creata sibi constituunt (Præced. prop. 4.): ergo in æternum graviter peccare sibi proponunt: ergo si æternitati culpæ æternitas pœnæ respondere debet secundum justitiæ leges, justitiæ legibus est consentaneum, ut grave peccatum in æternum puniatur.

F I N I S .

IN-





## I N D E X

AUCTORUM, ET RERUM QUARUMDAM  
NOTABILIMUM.

*Notæ Romanæ Tomum, Arabicæ ejus Tomi paginas,  
Litteræ Aduotationes indicant.*

## A

**A** Bacilardus Deum non esse liberum  
deliravit. I. 165.

Acolla citatur. Vide Japonenses.

Academix Berolinensis Acta citantur.  
I. 69.

Amazones non sine Religione. I. 32.

Ambrosius evincit nullam in Deo esse  
compositionem. I. 111. Et ab eo non  
negligi, quæ fecit. II. 15. Constituit  
quæ sit Dei unitas. I. 136.

Animæ spiritualitas manifesta ex operi-  
bus illius. I. 107. Ejus quoque est  
cognitio eorum, quæ spectant ad sen-  
sus. I. 121. Atque judicat de sensi-  
bilibus. I. 122. Oculi illius cum cor-  
poreis comparari non possunt. Ibidem.  
Animam non evincitur esse mortalem,  
quia alimentum desiderare videatur. I.  
117. a. Neque ex eo quod patiat. I.  
150. & seq. Animæ judicium non  
constitit in sensatione. I. 120. & seq.  
Et ejus intelligendi vis a sensu dif-  
fert. I. 123. & seq. Anima non est in  
corpore, sicut in vase, sed potius cor-  
pus in ea. I. 117. s. Cur dum anima  
in meditatione occupatur, patiat  
corpus. I. 117. & seq. Et cur ea sit uni-  
ta corpori. I. 151. & seq. De immor-  
talitate ejus constat ex consensu gen-  
tium. I. 143. Et ex natura ejus. I.  
144. & seq. Et ex principio, a quo  
producta. I. 141. & seq.

Antropomorphita quidam fuerint. I.  
108.

Arades non sine Religione. I. 44.

Ardæ populi non sine Religione. I.  
51.

Aristoteles alterum futurum vite statum  
pro justis, & impiis admisit. II. 91.

T. II.

Arnaldus laudatur. I. 322. b.

Assemanus citatur. I. 50.

Atheismus quid sit. I. 19. Atheus vel  
Præcicus, vel Theoreticus. Ibidem.  
Quatuor Atheistarum sectæ distingui  
possunt. I. 18. Athei imple timent  
metum, qui a Religione incutitur.  
I. 22. Ad tuendam honestatem vitæ  
ad pœnas, & gloriæ cupiditatem Athei-  
stæ inepte recurrunt. I. 25. Sicut etiam  
ad ipsam rationem honestatis. I. 27.  
Hac eadem de causa exempla aliquo-  
rum imperite obtrudunt. I. 28. & seq.  
Per Religionem destrui imperium civil-  
le falso jactant. I. 34. & seq. Et de  
effusione humani sanguinis per inju-  
riam queruntur. I. 38. & seq. Ineptas  
hypotheses confingunt quoad terram  
producentem. I. 78. Ex mutationi-  
bus in cælo, & in terra factis nihil  
pro se concludunt. I. 79. Sicuti ne-  
que etiam ex iis, quæ in terra visce-  
ribus aliquando inventa sunt, vel ex  
eo quod in insulis accolæ fuerint. I.  
80. Infinitas revolutiones atomorum  
falso confingunt. I. 73. Et quæ casu  
producta erant, deinde ad certos usus  
accomodari potuisse. I. 86. Mandum-  
que imperfectum esse. I. 87. & seq.  
A paritate entis contingentis male ar-  
gumentantur. I. 96. Possibilitatem  
infinitarum causarum temere suppon-  
unt. Ibidem. Sicut etiam præ ceteris  
sibi non opponi, qui admittunt Reli-  
gionem revelatam. I. 97. Sunt autem  
ipsi in sui errore inexcusabiles. Ibi-  
dem. Neque in eo tranquilli remane-  
re possunt. Ibidem. Impie reprehē-  
dunt morem, quo pueri de existentia  
O o Dei

**Dei** premature præmoneri consueverunt. **L. 98.** Et studia eorum, qui adlabrant in demonstranda existentia Dei ibidem.

**Athenagoras** evincit animam cum corpore simul in altera vita aut frui, aut pati debere. **II. 108.** Indignum non esse Deo resuscitare corpora. **II. 113.** Ad id faciendum ei non deesse neque potentiam, neque sapientiam. Ibidem. Materiam ponit in manu Dei, sicut lutum in manu figuli. **L. 15.** Poetas, & Philosophos Dei unitatem agnovisse, tradit. **L. 65.** Deum sibi non fecisse mundum observat. **II. 10.**

**Atomi a se habere non possunt motum rectum, aut declinationis. **L. 72.** Atom hunc ordinem rerum per se producere non potuerit, sicut isdem motum a Deo impressum fuisse supponatur. **L. 72.** & seq.**

**Auctor libelli inscripti Apum Fabula** (vulgo Mandeville) impudenter affirmat vitia utilia bono communi. **II. 85. a.**

**Auctor libelli inscripti: Code de la Nature** impie ponit libertatem in delectatione sensuum. **L. 277. a.** Et legem naturalem a propria utilitate dimanare. **II. 51. a.** Et per spiritum Christianismi destrui moralia principia. **II. 81. b.** Et non offendi Deum propter morale malum. **II. 103. a.** Et quod est revera inordinatum quoad nos, non esse quoad Deum. Ibidem. Et pravitatem morum esse originem publicæ, & private felicitatis. **II. 81. c.**

**Auctor opusculi inscripti: Discours sur la vie heureuse** legem naturalem audacter negat. **II. 51. a.** Et libertatem. **L. 277. a.** Felicitatem turpiter in eo ponit, quod sensus suaviter afficit. **II. 81.** Materiam cogitationem convenire posse tribuit. **L. 199.**

**Auctor Epistolæ Indicarum** (vulgo M. D'Argens) nonnulla bruta hominis perfectiora esse inepte ponit. **L. 249. b.** Brutis ratiocinationem falso tribuit. **L. 215. a.** Et materiam cogitare posse statuit. **L. 199.** Cultum externum erga Deum inutilem esse effutit. **II. 41. a.**

**Auctor Epistolæ Cabalisticarum** (vulgo idem M. D'Argens) cultum Dei eternum uti inutilem impie traducit. **II. 41. a.**

**Auctor Epistolæ Persicarum** (vulgo M. De Montesquieu) impie affirmat Deum non omnia cognoscere, quia homo est liber. **L. 189. a.** Et contingentiam cum Dei præscientia consociari non posse. **L. 190. b.** Et successionem non esse infinitam, quæ Deus facit, quia Dei voluntas non mutatur. **L. 269. a.** Et non dari præscientiam futurorum, quia ea non sunt. **L. 192.** Et non peccare contra Deum, qui se occidit. **II. 28. a.** Et cultum externum erga Deum esse inutilem. **II. 41. a.** Inepte argumentatur pro æternitate mundi. **L. 269. a.** Futurum vitæ statum miserum aut felicem audacter oppugnat. **II. 92. a.** Sibi contradicit, dum peccatum a Deo non puniri decernit. **II. 92. a.**

**Auctor Epistolæ Persicarum** Dei cultum externum uti inutilem impie rejicit. **II. 41. a.**

**Auctor Epistolæ Turcicarum** eodem modo delirat. Ibid.

**Auctor Epistolæ Philisophicarum.** Vide Voltæus.

**Auctor libri inscripti: L'Esprit des Loix** (vulgo M. De Montesquieu) inepte affirmat ea in Religione leges esse debere severiores, in qua admittitur necessitas actionum. **L. 287. b.** Effutit plus in nos posse diversitatem climatis, quam Moralem. **L. 291. a.** Et Religioni præscriptos esse terminos a diversitate climatis. Ibidem. Legem Naturalem insipienter oppugnat. **II. 90. a.**

**Auctor libelli inscripti: Sur l'Inégalité des hommes** materiam cogitationem convenire posse falso contendit. **L. 199.**

**Auctor libelli inscripti: Les Mœurs** cultum Dei externum in se inutilem impie censet. **II. 41. a.** Et eum institutum ad uniendo homines in professione unius Religionis. **II. 44. a.** Et ob subjectionem tantum Deo exhibendum. **II. 42.** Et Deo placere quemvis cultum etiam falsæ Religionis. Ibid.

Au-

Auctor libelli inscripti: *Oracles de la Raïson* ex materia substantiam intelligentem derivare potuisse a paritate falso infert. **L. 242. a.**

Auctor libelli inscripti: *Penées Philosophiques* falso queritur opponi Atheistis, quod eam Religionem impugnent, quam tuebantur aliqui SS. Patres. **L. 4.** Religionem uti rem tristitem, & formidolosam impie traducit. **L. 21. b.** Etiam supersticiosum cultum ex confessione hominum probari posse falso contendit. **L. 5.** Et ante edita opera aliquorum Philosophorum nullas occurrisset demonstrationes de existentia Dei. **L. 97.** Et Deistas, non vero Christianos opponi Atheistis. **L. 92.** Atheistis culpæ non tribuere audeat, si veritatem inquisitam non invenerint. Ibidem. Stoicum tranquillo animo de existentia Dei dubium remanere posse impudenter affirmat. Ibidem. Inique reprehendit morem, quo pueri de existentia Dei præmaturo moneantur. **L. 98.** Passiones fovendas esse delirat. **L. 148. c.**

Auctor Philosophiæ *De Bon Sen* (vulgo M. D'Argens) materiæ cogitationem convenire posse falso contendit. **L. 189.** Posita increata materia, poni systema simplicissimum temere obtrudit. **II. 2. b.**

Auctor libelli inscripti: *Refluxion Critiques* ad vim occultam in materiâ inherentem, qua cuncta facta fuerint, insipienter recurrit. **L. 81. a.**

Auctor libelli inscripti: *La Religion Essentielle* falso excludit supplicia ab altera vita, quia homo tendit ad beatitudinem. **II. 201.** Et a bonitate Dei æternitatem poenarum. **II. 153.** Insipienter statuit, impios post hanc vitam ad suum ordinem esse revocandos. **II. 155.** Et Deum sibi contradicendum, si hi ad ultimum finem non pervenerint. Ibidem. Et poenam æternam non esse proportionatam culpæ momentaneam. **L. 163.**

Auctor Opusculi inscripti: *Traillamed* verisimile esse stulte putat homines e terra erupisse, sicut mures erumpunt e luto Nili. **L. 78. a.** Et non pertinere

ad honorem Dei, quod minima quæque curet. **II. 16. a.**

Auctor inscripti Operis: *Ceremonies, & Coutumes Religieuses* *Eccl.* sæpe citatur. **L. 47. & seq.**

Audium existimasse Deum esse corporeum ex S. Epiphanio evincitur. **L. 109. a.**

S. Augustinus Spinosisas refellit. **L. 116.** Explicat rationem, ob quam aliqui putaverint Deum esse corporeum. **L. 208.** Quo sensu intelligi possit Deum a Tertulliano admissum corporeum.

**L. 108.** Quomodo sit accipiendum quidquid de Deo dicitur. **L. 122.** Quid in Deo sit, vivere, intelligere &c. **L. 123.**

Qua ratione Deus sit bonus. **L. 125.** Loca ejus, in quibus tradit Deo consubstantiale esse, quidquid ejus est. **L. 131.**

Et in quibus tradit quidquid de Deo dicitur secundum qualitates, dici secundum substantiam. **L. 121. 122. 124. a. 131.**

Exponit quid attendendum sit quoad cognitionem scientiæ Dei. **L. 184.** Quam differat a nostra scientia Dei. **L. 184.** Præscientiam Dei non esse causam peccati. **L. 146.** Conciliat

cognitionem futurorum contingentium cum infallibilitate scientiæ Dei. **L. 190.**

Acute observat nihil esse posse, quod Deo prius notum non fuerit. Ibidem c.

Et a Deo omnia videri immutabiliter. **L. 192.** Unam, & immutabilem Dei voluntatem esse tradit. **L. 159.**

Ejus vero causam quæri non debere. **L. 161.** Et successionem in Dei effectibus esse posse, quin in ejus voluntate sit. **L. 169. a.**

Explicat qua ratione a Deo voluntatem mutari dicatur, quando ei iratus evadit, quem antea diligebat. **L. 172.**

Quomodo non sit præter voluntatem Dei etiam quod sit contra voluntatem ejus. **L. 175.**

Repugnare ostendit, quod res aliqua se ipsam faciat. **L. 12.** Omne, quod est, a Deo esse evincit. **II. 6.**

Et omnia a Deo facta ex nihilo. **II. 7.** Atque mundum factum ob eum ordinem, quem habet. **II. 8.**

Inde affirmat Deum curare, quæ sunt, quia eadem curavit, antequam essent. **II. 13.** Tradit P. illo-

phos

O o 2

phos sapientiores admisisse Dei providentiam etiam quoad minima. II. 17. Non impediri tamen per Dei providentiam, quin omnia agant secundum suos modos. II. 20. Et Deum non agere contra naturam, quando prater consuetum naturæ ordinem agit. II. 26. Sine Dei conservatione omnis peritura esse evincit. II. 34. Divinæ misericordiæ notionem tradit. II. 159. Et in Deo locum esse misericordiæ, & justitiæ. II. 160. Explicat cur poena æterna dura esse videatur. II. 161. Observat humana supplicia æterna esse non posse, & tamen habere quamdam æternitatem. II. 162. Gravi peccato etiam momentaneo evincit deberi poenam æternam. II. 163. Justitiæ Dei convenire ostendit, quod homo sit liber. I. 144. Sine libera voluntate recte vivi non posse. I. 145. Si quis autem per eam male vivat, Deo non imputandum. Ibidem. Immo laudandum, licet homo peccet. I. 151. Nal. loque modo peccata hominum Deo tribuenda. I. 149. Et in Deum vitium hominis redundare non posse, quia etiam naturæ hominis contrarium est. I. 150. Divinæ bonitatis non esse seadet, ut liberum arbitrium, etiam ad mala tendens impediatur. I. 147. Neque cum ea pugnare, quod aliqui in peccato perpetuo maneat. I. 148. Potentiaque, & bonitati Dei nihil detrahi, licet peccata non impediant. I. 151. Ad defectus dimanasse in posteros non repugnare Divinæ justitiæ. I. 154. De ea neminem conqueri posse ob suam ignorantiam. Ibidem. Neque ob mortem, & poenas parvulorum. I. 155. Neque ob dolores brutorum. Ibidem. Neque ob frigus, malam bestiam, aliaque hujusmodi. I. 108. Explicat cur modo Deus aliqua puniat, aliqua non puniat. II. 18. Cur non omne peccatum, sed aliquod modo plectat. I. 168. Cur aliquando bona largiatur, aliquando non largiatur. Ibidem. Cur cum malis etiam boni nunc aliquando puniantur. I. 169. Maxima tamen semper esse observat Dei munera temporalia, & spiri-

tualis. II. 169. Probat malum non esse aliquam naturam. I. 140. Omnes naturas esse bonas. I. 162. Cunctarum suam utilitatem habere. Ibidem. Eam vero amittere propter pravam usum. I. 168. Non esse malam naturam hominis, quia peccat. I. 153. Malum tamen rationali creaturæ imputandum. Ibidem. Explicat unde sit origo peccati in homine. I. 171. Docet convenire Divinis attributis alterum prater præsentem statum esse felicem, aut miserum. I. 157. Et de ratione summi boni esse, ut nemo invitus illud amittat. I. 152. Utilitates externi cultus erga Deum commemorat. II. 44. Ostendit a nemine non probari, quod rectum est. II. 55. Neminemque male uti posse virtute. II. 84. Libertatem oppugnantem inde refellit, quod libertate utantur, dum eam oppugnant. I. 189. Refellit eos, qui ad monstra recurrunt, ut mundi imperfectionem inde evincant. I. 88. Ex modo, quo anima intelligit, eam spirituales esse insert. I. 218. Advertit pertinere ad mentem etiam cognitionem eorum, quæ spectant ad sensus. I. 221. Et nos habere sensum spirituales interiore, quo de omnibus judicamus. I. 223. Quid ei conveniat, exponit. I. 125. Oculos mentis cum corporeis comparari non posse tradit. I. 223. Animum judicare etiam de sensibilibus. Ibidem. Eum modum, quo res sunt in nostra memoria, materialem non esse. I. 226. Nulla futura vitia in corporibus resurgentibus recte conjicit. II. 117. Et ea non habitura defectum propter pinguedinem, vel maciem. II. 118. Non esse supra Dei virtutem ostendit, ut dispersæ particule congregentur. Ibidem. Explicat ad quod compositum pertinebunt dissolutæ partes. II. 119. Ostendit corpora non impedienda a gravitate, ne esse possint in cælestibus. II. 120.

## B

**B**ælius triplex genus Atheorum distinguit. I. 24. a. Falso putat solo amore gloriæ, & fuga vituperii, aut poenæ homines retrahi posse a male agendo.

agendo. I. 15. Atheum rectum inde ridicule facit, quia habere potest timorem revelandi in somno sua crimina etiam occulta. I. 16. a. Et quia honestatem respicit. I. 17. Et quia ita ferre potest indoles ejus. Ibidem. b. Atheos uti honestos deprædicat, quatenus Atheismi sectatores. I. 17. Sibi contradicit, atque se ipsum confutat. I. 18. Præter regulas argumentationis utitur exemplo aliquorum Christianorum in favorem Atheistarum. I. 19. a. Imperite interpretatur testimonium S. Clementis Alexandrini in favorem Atheistarum. I. 19. Imperite etiam, aut mala fide Ciceronis testimonio utitur, ut evincat per Atheismum servari civilem societatem. I. 20. c. Sibi contradicit, & contra se concludit, dum affirmat Atheistas bene agere posse, sicut Sadduconi egerunt. I. 20. Sadduconos autem recte, aut non aliter, ac ceteros Judæos, vixisse falso putat. I. 21. Eandem tum Christianorum, tum Atheistarum conditionem esse affirmat, & negat. I. 24. Ex Epicuro nihil pro se concludit, quouslibet moribus ille fuerit. I. 31. Atium curaturum bona societatis, quia in iis etiam sua continentur, frustra suadere contendit. I. 36. a. Vanum celebrans refutatur. I. 31. Etiam ipse de Vanino palinodiam canit. I. 33. a. Refellit Atheismum supra Idololatram extollens. I. 39. a. Et versus mala Religionis impie, & falso iactans. I. 38. 39. Et dum invehit contra ministros Religionis. I. 36. b. Ipse etiam dat nihil esse facilius quam ut ab unoquoque prima, & universalis causa cognoscatur. I. 54. Et tam falso, & sibi contrarius vult multas olim fuisse, & modo esse gentes sine Religione. I. 53. 54. Gentium communem consensionem audacter contemnit. I. 63. Ut eam deprimat ad populi testimonium inepte recurrit. I. 64. Et ad Polytheismum. I. 65. Et ad vitium *petitionis principii*, & *circuli vitiosi* non minus inepte appellat. I. 67. Spinosam solide confutavit. I. 110. Duo prima principia

contra evidentissimam rationem admittens refellitur. I. 159. & seq. Pro iis falso concludit ex imperfectione rerum. I. 161. & seq. Et ex molestis sensationibus, gravibus curis, huius vitæ miseris, ignorantia, morte puerorum, & malis brutorum. I. 163. & seq. Et ex malis moralibus. I. 170. & seq. Et variis paritatibus, atque exemplis. I. 179. & seq. Deum amaro vitæ ex malis moralibus impie, & inepte concludit. I. 177. Et illi imputari mala moralia, quia ea non impedit. I. 178. 177. Alia in suam opinionem de duobus principiis impie congerens refutatur. I. 179. & seq. Vim eandem rationis in brutis, & hominibus inesse delirat. I. 114. b. Sic ut etiam opinionem de mortalitate anime non impedire, quia homo virtute tendat ad immortalitatem. I. 154. De humana libertate non constare falso tuetur. I. 177. a. Rationem cogi a temperamento impie contendit. I. 302. b. Futilia quedam contra libertatem obtrudit. I. 308. Et ex conservatione inepte infert non habere homines adivum agendi principium. I. 309. a. Dei immensitatem immaterialitati ejus contrariam esse oblaterat. I. 313. a. Ad imaginationem inepte recurrit, ut creationem oppugnet. II. 9. a. De lege naturali dubitat, & eam admittit. II. 16. b. Futurum vitæ statum oppugnans confutatur. II. 90. & seq. Et eternitatem poenarum Dei clementiæ, & misericordiæ repugnare effutens. II. 157. Quod sane ratione, & exemplis confirmare frustra nititur. Ibidem & seq. Eadem ratione frustra tentat evincere repugnare justitiæ Dei eternitatem poenarum. II. 165. & seq. Bannesius laudatur. I. 276. Citatur. I. 41. a. S. Bassius sarisfecit objectionibus Manicheorum. I. 180. & seq. Benin regni habitatores, ejusque viciniore populi nomine Religione. I. 52. S. Bernardus cuncta a Deo habita ei reddenda tradit. II. 44. Boetius providentiam definit. II. 11. Et beatitudinem. II. 122.

Brigma.



Bragmani non sine Religione . I. 44.  
 Braſilienſes non ſine Religione . I. 52.  
 Brukerus Stoicos facit Atheiſtas . I. 18.  
b. Citatur . I. 45. 46. 47. 48. 49. 50.  
 Bruta a natura, non a ratione edocen-  
 tur . I. 213. Sunt ea deſtituta ratione,  
 quia nihil novi invenerunt . I. 213.  
 Ideoque quæ faciunt, ſine certa ra-  
 tione ſalunt . Ibidem . Quamvis in  
 eis multa conſpiciantur, quæ a certa  
 ratione procedere videantur . Ibidem .  
 Sunt autem deſtituta ratione, licet ca-  
 pacia ſint alioꝝ inſtructionis . I. 214.  
 Non ratiocinantur . I. 215. c. Habeat  
 cognitionem ſenſitivam, non intelle-  
 ctualem . I. 216. Non differunt ab homi-  
 nibus propter ſalam organizationem .  
I. 213. & ſeq.  
 Burnetius citatur . I. 34. c.

## C

**C**æſari non ſine Religione . I. 52.  
 Canadenſes non ſine Religione . I. 52.  
 Cardanus fidem alterius vitæ inutilem,  
 eſſe eſſe ad beatæ vivendum . I. 29. b.  
 Cartæſius affirmans eſſentias rerum non  
 eſſe æternas, immutabiles, & neceſſa-  
 rias reſellitur . I. 197. Incertum, an  
 primus omnium affirmaverit Deum im-  
 poſſibilia facere poſſe . Ibidem .  
 Chaldei non ſine Religione . I. 43.  
 Chaumeix citatur . I. 237.  
 Ciceronis præclarus locus contra Hobbe-  
 ſii, Spinoſæ, & Baſii deliria . I. 37.  
 Cicero paucis conſutat Epicuri ſyſte-  
 ma . I. 74. 75. Præclare deſcribit or-  
 dinem totius univerſitatis rerum . I. 81. & ſeq. Eundem ordinem opus for-  
 tæ eſſe non poſſe evincit . I. 84. Ele-  
 ganter exponit varietatem perfectio-  
 num, quæ in rebus diverſis adinven-  
 niuntur . I. 87. Loquentem inducit  
 Lucilium Balbum reſutantem caſum .  
I. 75. Malos eos dicit, qui propter me-  
 tum a malo abſtinent . I. 25. Nihil  
 impie agendum conſtituit, licet om-  
 nes celare poſſemus . I. 26. Optimos  
 ideo recte operari dicit, quia decet .  
I. 38. Velleſum inducit reprehenden-

tem poetæ . I. 33. Caſtimoniæ ani-  
 mi præfert caſtimoniæ corporis . I. 56.  
 Omnibus inſculptum tradit eſſe Dens .  
 Ibidem . Et naturæ iudicium nos cer-  
 to ſequi poſſe . I. 59. Loca ejus de  
 conſenſu gentium in Religionem . I. 60.  
 Conſenſum gentium naturæ legem  
 vocat . I. 64. Aſſignat diſcrimen inter  
 homines, & bruta . I. 215. a. Ariſto-  
 xenum Materialiſtam conſutat . I. 220.  
a. Animum eſſe iudicem omnium ſen-  
 ſibilium obſervat . I. 222. Memoriam  
 intellectualem materialem non eſſe,  
 evincit . I. 225. Hominem brutis diſ-  
 ferre inſert ex iſtis principiis, ob quæ  
 homines ſocietatem inire . I. 207. Im-  
 mortalitatem animæ probat ex con-  
 ſenſu gentium . I. 243. Determinat  
 quid homines habeant commune cum  
 brutis, & quid proprium . I. 249. Re-  
 fellit effluentes animam mortalem eſſe,  
 quia patitur . I. 250. a. Epicurum  
 negantem Divinam providentiam ir-  
 ridet . II. 23. a. Epicureos vocat mi-  
 nutes Philoſophos . II. 95. Et ab om-  
 nibus contemptui habitos affirmat .  
 Ibidem . eos negaſſe dicit futura ſuppli-  
 cia, ut liberius male agerent . Ibidem .  
 Non potuiſſe tamen quoad rem iſtam  
 naturale lumen extinguere . II. 96.  
 Explicat unde homo inſiciatur . II. 41.  
 Deſendit aliquid ex ſui naturæ  
 turpe, vel honeſtum eſſe . II. 53. Ob-  
 ſervat omnes probare quod honeſtum,  
 reprobare quod turpe eſt . II. 55. Virtu-  
 tis, & vitii grave eſſe ipſius conſcientiæ  
 pondus . II. 57. Semper potius ſine  
 facinore, quam cum eo rem quamlibet  
 unumquemque adipiſci velle . Ibidem .  
 Impios ſemper querere excuſa-  
 tionem ſuorum criminum . Ibidem . Ex  
 conſenſu gentium conſtare de lege na-  
 turali . II. 98. Adum eſſe de virtuti-  
 bus, ſi utilitate omnia metiamur . II. 62.  
 Hominem naturaliter appetere ſo-  
 cietatem . II. 64. Id latiffime patere .  
II. 65. Etiam non ſuadente neceſſita-  
 te, a nobis appeti ſocietatem aliorum,  
 Ibi . Quæ ſocietatis ſunt per vitia de-  
 ſtrui . II. 66. Ius pactis conſtitutum,  
 non eſſe evincit . II. 69. Pugnat pro ſe-  
 licia .

lici aut misero fu tura vite statu. II. 91.  
Clarkius citatur. I. 96. 171. a. Falso  
putat infinitatem Dei esse infinitatem  
plenitudinis. I. 318.

Clericus somnia explicat. I. 304.

Collinsius *libere cogitantibus* Salomonem,  
& Prophetas impudenter accenset. I.  
18. a. Cardano assensitur, fidem alteri-  
us vite utilem non esse ad beate vi-  
vendum. I. 19. b. Falso effudit Epicu-  
ri systema admittendum, si omnis  
caussa non sit necessaria. I. 166. a.  
Eam tantum libertatem admittit, que  
a voluntario dimanat. I. 180. a. Etiam  
eos, qui non libere peccant, pœna-  
dignos inepte facit. Ibidem. Irra-  
tionabiliter putat nobiscum melius  
agi, si necessario determinaremur. I.  
289. a. Et si ab objectis necessario tra-  
heremur. I. 299. a. Ad utilitatem sua-  
tionis, ut ea in nos necessario agat,  
imperite requirit. I. 281. a. Nos libe-  
ros non esse inde falso putat, quia  
ob aliquam rationem unum præ alio  
facimus. I. 281. a. Et quia eadem ma-  
nente cognitione, ut falsum habere  
non possumus, quod verum esse co-  
gnovimus. I. 287. a. Et quia deter-  
minamur ab eo, quod grave, aut dū-  
ce putamus. I. 288. a. Et quia sem-  
per ducimur aliqua necessitate,  
quam non evigilamus. I. 289. a.  
Et quia aliquæ idæ menti nostræ ne-  
cessario observantur. I. 295. b. Et  
quia aliqui libertatem negarunt, &  
qui eam admisere, diversimode ex-  
plicarunt. I. 296. a. Et quia aliquem  
actum, objecto quodam proposito, ne-  
cessario elicimus. I. 300. a.

Compositio est triplicis generis. I.  
181.

Consensus gentium in Religionem ab in-  
teriori humane naturæ voce prorsu-  
xit. I. 58. Et ab ipso sensu commu-  
ni. Ibidem. Habet vero magnam au-  
thoritatem ad persuadendum. I. 63.  
Hic tamen consensus certus, semper  
consens, & universalis esse debet. I.  
65. Consensus gentium in varios er-  
rores ob defectum harum conditionum  
nullam auctoritatem habet. I. 67. Con-  
sensus in Religionem alius a consensu

in Polytheismum. I. 65. Cur gentes  
conferent non æque in unitatem  
Dei, ac in ipsam Religionem. I. 65.  
& seq. a. Universalis consensus in se-  
firmum argumentum habet, licet a  
natura corrupta proveniat. I. 67.

Conservatio secundum unam rationem a  
creatione distinguitur, non vero secun-  
dum aliam. II. 32.

Contentiosus laudatur. I. 108.

Contingentia duplex est. I. 277.

Creatio neque motum, neque successio-  
nem admittit. II. 2.

Cudworthus distinguit quatuor sectas  
Atheitarum. I. 18. Definit quinam  
Athei sint. I. 43. Cartesium refellit.  
I. 199.

S. Cyprianus observat animam natura-  
liter Deo reddere testimonium. I. 18.

S. Cyrillus Alex. evincit scientiam Dei  
non distingui a substantia ejus. I. 184.  
Virtutem rem liberam esse affirmat. I.  
302. a. Et de libertate ex experientia  
perfectum. I. 303. a. Julianum negan-  
tem providentiam auctoritate, & ra-  
tione confutat. II. 14.

## D

Deus incomprehensibilis. II. 102.  
Dei cognitio quæ præcipue ratione  
comparanda. I. 100. & seq. Est nobis  
aliquo modo naturalis. I. 58. c. Quo-  
modo intellectus noster se habet in co-  
gnitione ejus. I. 100. Et cui potissi-  
mum vim insistere debet. Ibidem. De  
Deo quidquid dicitur, secundum sub-  
stantiam dicitur. I. 121. & seq. 131.  
135. Quædam dicuntur in tempore  
sine mutatione ejus. I. 121. Dei at-  
tributa affirmativa, & negativa sunt.  
I. 101. Absoluta, & respectiva. Ibid.  
In Dei attributis distinguendum quod  
significatur, & significandi modus.  
Ibidem.

Dei bonitatis non est impedire liberam  
voluntatem peccantem. I. 247. Ni-  
hilque ei detrahatur, si non impe-  
diat. I. 251. Neque cum ea pugnat,  
quod aliqui in peccato remaneant. I.  
148. Est ergo Deus laude dignus, li-  
cet homo peccet. I. 252. Dei munus

ac:

- ra spiritalia, & temporalia in nos maxima. II. 168. Deus non fecit hominem ob suam utilitatem. II. 10. Dei bonitati convenit alterum a presenti statum esse. I. 157.
- Dei clementia unde proficiscitur. II. 160. Ei non repugnat aternitas poenarum II. 157. & seq.
- Dei cultus reverentia, & subiectione constat. II. 47. Internus, & externus esse debet. II. 45. Quoad internum fide potissimum eum colere debemus. II. 43. Et voluntate ipsi adherere. II. 43. Quoad externum corporalia obsequia exhibenda. II. 46. Externo cultu ad internum excitamur. II. 44. Et interno ad externum. Ibidem.
- Deus per suam immensitatem ubique est. I. 323. Quomodo ubique est. Ibidem. Ejus immensitas cum immaterialitate conciliatur. Ibidem.
- Dei iustitia convenit, ut homo sit liber. I. 144. Non repugnat dimanasse in posteros Adm defectus. I. 154. De ea nemo queri potest ob suam ignorantiā. I. 154. Neque ob mortem, & poenas parvulorum. I. 155. Neque ob dolores brutorum. Ibidem. Deus ob certam rationem aliquando bona largitur, aliquando non largitur. I. 169. Sicut aliquando nunc pleuit peccatum, aliquando non pleuit. I. 168. II. 31. Et cum malis bonos aliquando punit. I. 169. Cur non statim peccatores aliquando puniat. II. 18. Et hominem indigentem creavit. I. 165. Dei iustitiae non repugnat aternitas poenarum. II. 163. & seq. Convenit alterum a presenti statum esse. I. 157. In Deo est iustitiae, & misericordiae locus. I. 3. II. 160. Ejus est punire, & praemia dare. II. 91.
- Dei misericordia unde dimanat. II. 159. Qualis est. Ibidem. Ei non repugnat aternitas poenarum. I. 157. & seq.
- Deus offenditur ex peccato hominum. II. 103. Quamvis sit immutabilis. II. 105. Actiones nostrae apud Deum vel meriti, vel demeriti rationem habent. II. 104. Et peccator, quantum in se est, aliquid Deo detrahit. Ibidem.
- Deus passiones affectuum non habet. I. 163. Affectum tamen siue passione habet quoad ea, quae sibi non repugnant. I. 164.
- Deus quid posse, & quid non posse debeat. I. 321. a, & 320. Deus potest facere meliora iis, quae fecit. I. 324. a, b. Rem vero eandem potest facere meliorem accidentaliter. I. 325. Res ita perfectas producere non oportuit, ut in eis nulla esset admixta imperfectio. I. 161. Neque etiam omnia aequaliter perfecta producere oportuit. Ibidem. Eorum quae produxit nihil inutile est. I. 162. Dei potentiae nihil detrahitur, quia peccata non impedit. I. 151. Supra Dei potentiam non est collectio particularum, quae in futura resurrectione facienda erit. II. 118.
- Dei perfectiones suam peculiarem rationem habent. I. 131. Earum infinitas non facit in Deo compositionem. I. 130. Neque etiam obstat simplicitati ejus. I. 132.
- Dei providentiae non opponitur frigus, calor, & quodvis incommodum, quo afficimur. I. 88. Neque ut sint monstra. Ibidem. Ejus est servare omnia in suo statu. I. 176. Deus agere potest praeter consuetum providentiae ordinem. II. 25. Qua ratione ita agere potest. Ibidem a. Quae ita agit, non sunt contra naturam. II. 16. Sed per ea Deus clarius manifestatur. Ibidem. Cur Deo grave non sit curare singula. II. 17. 2.
- Scientia Dei qua ratione accipi debeat. I. 184. In quo praecipue differt a nostra. I. 185.
- Deus se ipsam in se videt. I. 191. Et etiam alia a se. Ibidem. Suam essentiam cognoscit uti propriam rationem omnium entium. I. 193. a. Omnia cognoscit etiam prout inter se distinguuntur. I. 193. a. Nulla est compositio in scientia Dei. I. 195. a. Tamen etiam composita Deus cognoscit. Ibid. b. Scientia

tia Dei non est variabilis . L. 193.  
a. Tamen etiam res variabiles attin-  
 git . L. 149. Complectitur etiam mala .  
L. 188. a. b. Tamen non eodem mo-  
 do bonum , & malum complectitur ,  
 Ibidem , Complectitur futura contingentia .  
L. 188. c. d. Nec certitudo ejus  
 opponitur cognitioni rerum contingen-  
 tium . L. 189. Dei praescientia non  
 obstat contingentiae rerum L. 190. Ne-  
 que est causa peccati . L. 146. Deus  
 non eodem modo se habet ad scita ,  
 ac ad volita . L. 269.

Deus virtutes habet , sed non per mo-  
 dum habitus . I. 265.

Dei voluntas immutabilis . L. 268. Sem-  
 per impletur . L. 172. Licet mala mo-  
 ralia contingant . L. 275. Non sunt  
 tamen necessaria , quae Deus vult .  
 Ibidem . Etiam contingentia ab eo di-  
 manare possunt . L. 274. Neque ex  
 actione Dei aeterna sequitur effectus  
 aeternus . L. 269. a. Divinae volunta-  
 tis lex est ipse Deus II. 99. Dei sim-  
 plicitati non opponitur , quod diver-  
 sa velit . L. 272.

Dei unitatem etiam Ethnici agnovere .  
I. 237. & seq.

## B

**B** Educatio . Vide Religionem .  
 Ethiops non sine Religione . L. 46.  
 Aegyptii non sine Religione . L. 45.  
 Engelbertus Kaempferus citatur I. 47.  
 Encyclopaedia citantur . L. 214. d. Re-  
 felluntur effutientes cognitiones esse  
 sensationes L. 220. & seq.  
 Epicurei apud Ciceronem ipsam Reli-  
 gionem perhorrescunt . L. 202. Vide  
 Ciceronem L. 74. 75. II. 12. a. , 95. 96.  
 Epicurus quibuscumque fuerit moribus in-  
 certum relinquitur . L. 21.  
S. Eusebius impie reprehendit  
 studia eorum , qui in demonstranda  
 Dei existentia adlaborant . L. 98.  
 Eusebius Chaldaeorum mores describit .  
L. 43. Et Sadduceorum . L. 31. Si-  
 cuti sensationes , ita & libertatem  
 nobis competere esse tradit . L. 289.  
a. De libertate etiam esse certum ex  
T. II.

nostris determinationibus . L. 295. Ex-  
 plicat , cur homo in libertate simul ,  
 & servitute versetur . 202. & seq. Et  
 cur aliquando liberi esse non videa-  
 mur . L. 311. Qua ratione opinio-  
 nibus aliorum aliquando vincamur ,  
 vel eisdem resistamus . L. 311.  
 Existentia alicujus entis certo cogno-  
 sci potest , quin ejus essentia cogno-  
 scatur . L. 202.

## F

**F** Abricius citatur . L. 18.  
 Ferrariensis explicat in quo confi-  
 stat conservatio . L. 310. Ex doctrina  
 S. Thomae conciliat libertatem cum  
 praevisione . II. 130. Explicat quid requi-  
 rat , ut naturale desiderium non sit  
 inane . II. 124. a. Laudatur . II. 140.  
a. , 148. c.  
 Floridenses non sine Religione . L. 23.  
 S. Fulgentius tradit Deum esse incom-  
 prehensibilem . L. 202.  
 S. Franciscus Xaverius citatur . L. 47.

## G

**G** Alii non sine Religione . L. 45.  
 Gassendus citatur . 31. b. Somaio-  
 rum notionem tradit . L. 305. a.  
 Gauri non sine Religione . I. 51.  
 Georgius laudatur . L. 51. a.  
 Germani non sine Religione . I. 46.  
 Getæ non sine Religione . Ibidem .  
 Goenses non sine Religione . I. 50.  
 S. Gregorius Magnus tradit Deum non  
 scire eodem modo malum , & bonum .  
L. 188. b. Quæ sit differentia inter  
 nostram , & Dei cognitionem . Ibi-  
dem d. Quomodo variabilia in Dei  
 scientia sint . I. 294. Non opponi sim-  
 plicitati Divinae voluntatis , quod De-  
 us diversa , & inter se contraria  
 velit . L. 272. Explicat quæ ratione  
 Deus ubique sit , licet immaterialis .  
I. 223. Affermat Deum curare quæ sunt ,  
 quia curavit , ut ea essent , quando  
 non erant . II. 13. Loca ejus de Di-  
 vina providentia erga minima quæ-  
 que . II. 16. 17. Loca ejus explican-  
 tia ,  
 P p

tis, quomodo Deus fiat esse peccata: **II. 31.** Exponit cur Deus impius nunc aliquando puniat, aliquando non puniat. **II. 38.** Cur crucientur impij, si non expiatur. **II. 157.** Cur impij post hanc vitam semper cruciari debeant. **II. 164.** Multa semper nunc a Deo praestari, ne in aeternum pereamus. **II. 168.**

**S. Gregorius Nazianzenus** Deum corruptibilem inserit, si materia constaret. **L. 111.** Explicatur anima uniatur corpori. **I. 251.**

**S. Gregorius Nyssenus** in brutis rationem non iacere inserit ex unitate specifica, actionum, quas eliciunt. **L. 213.** Et brutis propriam dispositionem agendi inesse observat. **L. 233. a.** Hominisque proprium esse eisdem dominari. **L. 236.** Tradit animam nostram non esse in corpore, sicut in vase. **L. 237. a.** Et eam esse iudicem etiam omnium sensibilem. **II. 222.** Atque ferri ad diversa, & longe distita. **Ibidem.** Et quid diversum eam esse a sensibus. **I. 213.** Sicut quid diversum esse principium cognitionis, & physicam sensibilitatem. **Ibidem. a.** Et comprehensionem eorum, quae in nos corporaliter agunt, esse intellectualem. **I. 228.** De figura hominis multa praclare differt. **I. 234.** & seq. Ex virtute homini data animam immortalem esse concludit. **I. 247. a.** Explicari non posse tradit, quomodo anima corpori uniatur. **L. 251.** Et non mirandum si anima cum corpore deficere quandoque videatur. **Ibidem.** Hominem liberum facit, quia ratione praeditum. **I. 282.** Sublato libero arbitrio, etiam sublatam virtutem, & institutionem poenae affirmat. **L. 287. b.** Exemplis ostendit resurrectionem corporum haud impossibilem Deo. **II. 279.**

## H

**H**elvetius arguitur, semel a Deo impresso motu elementis, ipsa deinde post inordinatas combinationes fuisse in equilibrio posita, atque ab iisdem hanc rerum universitatem ita constitutam. **L. 24.** Cum ceteris

materialibus falso putat materiam cogitare posse. **L. 199.** Effutit produci cognitiones physica sensibilitate. **L. 218.** & seq. Et differentiam inter homines & bruta consistere in exteriori organizatione. **L. 223.** & seq. Impudenter affirmat passiones esse fovendas. **L. 248. c.** Impie habet pro Moralibus principiis dolorem, voluptatem, & propriam utilitatem. **II. 51. a.** Et pravitatem morum pro origine felicitatis. **II. 81. b.** Obtrudit nos non esse liberos, quia eadem maerente cognitione, ut falsum habere non possumus, quod verum esse cognovimus. **L. 287. a.** Et quia homines tendunt ab bonum, quod naturaliter appetunt. **I. 298. a.** Et quia quod appetunt, sub ratione boni appetunt. **L. 299. a.** Nugatur cogitationes, & de terminationes esse effectus impressionum, quas objecta in nos faciunt. **I. 302. d.**

**S. Hilarius** describit, quae ratione in Dei voluntate nulla mutatio sit. **L. 168.**

**Hobbesius** impossibilitatem entis perfectissimi ab infinitate inepte concludit. **I. 5.** Infinitum vocem insignificanter esse imprite contendit. **Ibidem.** Res tantum sensibiles nos percipere falso putat. **L. 6.** Ejus impia principia humanam societatem evertentia. **I. 24.** Religionem obesse potestati temporali impie contendit. **L. 44.** Et esse causam tristitiae, quia a metu proficiscitur. **L. 22. b.** Deum spirituales non esse blasphematur. **L. 122.** Et Divinas perfectiones dei infinitas, quia intellectus noster eas assequi non potest. **L. 130.** Et ob nostram tantum imbecillitatem nos Deo obsequi debere. **II. 47.** Et Deo placere quemcumque cultum etiam falsae Religionis. **Ibidem.** Quoad deliberationem falso comparat hominem cum brutis. **L. 226.** Falso putat hominem determinari ab externo principio, quia quidvis ab alio habet ut sit. **L. 307. Quod** existit, necessario exilire ex causa sufficienti inepte concludit. **L. 306.** Duo contraria principia inter se mutuo convenisse obtrudit. **L. 160.** Et pu-

pugnat pro possibilitate materiæ cogitantis. **I. 199.** Nihil sui natura torpe, aut honestum esse falso censet. **II. 49.** Et jus patris constitutum esse. **II. 69.** Et mensuram juris esse utilitatem. **II. 51. a.** Veritate convicius concedit aliqua non facienda, licet civili lege precipiantur. **II. 53.** Negat esse hominem animal politicum. **II. 62. b.** Et naturaliter appetere societatem. **II. 64. a. b. c.** In quocum. que statu ponit bellum omnium adversus omnes. **II. 67. d.** Sibi contradicit, dum affirmat naturam dedisse unicuique jus in omnia. **II. 68. e.** Legem naturalem, contra quam pugnat, invitus admittit. **II. 69.** Et quædam sui natura esse bona, vel mala. **II. 70.** Et legem naturalem a Divina derivare. **II. 74.** Futurum vitæ statum audacter oppugnat. **II. 90.** Horatius citatur. **I. 25.**

## I

**J** Amblicus citatur. **R. 47.** Japonenses non sine Religione. Ibidem Jaquelotus per systema Leibnitianum libertatem non medi defendit. **I. 316.** Immutabilitas. Vide Libertas. Indi non sine Religione. **I. 44. 49.** Infinitum non est vox insignificans, ut Hobbesius contendit. **I. 5.** Infinitum aliud quoad esse, aliud quoad perfectiones. **I. 128.** S. Joannes Chrysostomus hominem ob peccatum puniri non posse statuit, si non sit liber. **I. 187. b.** Ex repentinis nostris mutationibus arbitrii libertatem infert. **I. 189.** S. Joannes Damascenus paucis completur quæ urgeri possunt contra essentiam hunc ordinem a casu esse. **I. 85.** Deum unum tantum esse evincit. **I. 126.** Eum clarius cognosci tradit per remotionem imperfectionum. **I. 101.** Et incomprehensibilem esse. **I. 102.** Resellit essentiam Deum non debuisse creare eos, quos perimros prenoverat. **I. 172.** Evincit Deum, quia bonus, prospicere huic mundo. **II. 13.** Tradit consultationem esse argumen-

tum libertatis. **I. 309.** Joannes Franciscus Buddeus laudatur. **I. 109.** Josephus Hebræus Sadduceorum mores describit. **I. 31.** S. Irenæus materiam immotabilem non esse evincit. **I. 12.** Observat Deum non fecisse hominem ob suam utilitatem. **II. 10.** Et Ethnicorum communem opinionem fuisse Deum præesse huic mundo. **II. 13.** Julius Cæsar citatur. **I. 46.** S. Justinus materiam increatam non esse evincit. **I. 12.** Et Christiano homini nihil utilius esse civili societate. **I. 22.** Et Poetas, ac Philosophos Dei unitatem agnovisse. **I. 65.** Et resurrectionem corporum Deo possibilem esse. **II. 114.** Justitia. Vide Misericordia; Justitia infinita. Vide misericordia infinita.

## K

**K** Ortholtus Herbertum, Hobbesium, & Spinosam imposturæ accusat. **I. 33.** Citatur. **I. 55.**

## L

**L** Astantius nos a malo cohiberi observat eo conscientie testimonio, quod de Deo habemus. **I. 21.** In cognitione, & cultu Dei vitæ nostræ rationem ponit. **I. 24.** Et multa esse, quæ Deum a nobis honorandum suadeant. **II. 43.** Sapientiam veronem Religionem esse conjunctam. **II. 43. 40.** ea ejus de necessitate Religionis quoad naturalem societatem. **I. 21.** Observat eos Philosophos, qui tollunt metum, tollere etiam Religionem. **I. 62.** Metus duplicem utilitatem exponit. **I. 32.** Eiusdem præclarus locus contra Epicureos. **I. 74.** Contra stoicos, & Stratonicos acute concludit. **I. 77.** Spinosisa refellit. **I. 116.** Philosophos inde errare affirmat, quia cognoscere contendunt, quæ non possunt. **I. 89.** Eos confutat, qui mandatum naturæ factum esse dicunt. **I. 20.** Faciendâ potestatem materiæ convenire non posse.

Pp-2

posse

posse ostendit. **II. 1.** Refellit Cicero-  
nem asserentem materiam improdu-  
ctam. **II. 4.** Materiam increatam non  
esse evincit. **II. 1.** Eamque in se ha-  
bere argumenta suæ productionis. Ibi-  
dem. Solum Deum non factum affir-  
mat. **I. 11. 6.** Explicat cur factus  
mundus. **II. 10.** Etiam Ethnicos pu-  
tasse tradit Deum præesse huic mun-  
do. **II. 11.** Et providentiæ Dei argu-  
menta evidentiâ in eodem mundo oc-  
currere. **II. 14.** Pluralitatem æqualium  
Deorum impossibile ostendit. **I. 136.**  
Et etiam casum ex compositione par-  
tium ipsorum animalium. **I. 74.** Ani-  
mam immortalem esse concludit ex  
cognitione Dei, & Religione, quam  
ipsa habet. **I. 141. d.** Sicut etiam ex  
virtute, quæ soli homini data est. **I.**  
**147. a.** Et quia efficit, ut corpus sen-  
tiat, & vivat. **I. 250. a.** Confutat  
Lucretium effluentem animam mor-  
talem esse. **I. 118. a.** Exponit cur non  
statim Deus peccata puniat. **I. 180.**  
A Balli calumniis vindicatur. **I. 183.**  
& seq.

Laertius citatur. **I. 30. b.**

Leibnizius citatur. **I. 55.** Quoad motiva  
nostræ determinationis refellit. **I.**  
**181.** Et quoad mundum, quem ipse  
tuetur, omnium possibilium perfectis-  
simum. **I. 126.** & seq. S. Thomæ ju-  
dictum *grave* esse dicit. **I. 137. a.**

Lesser citatur. **I. 137. b.**

Lex naturalis inseparabilis a ratione,  
hominis. **I. 48.** Duplex lex naturalis  
distingui debet. Ibidem. Plures male  
philosophantes homines pugnant con-  
tra legem naturalem. **I. 49.** & seq.  
Quædam turpia, alia honesta sunt ex  
naturæ lege. **I. 91.** De lege naturali  
constat ex internis animi nostri sen-  
sibus. **I. 55.** & seq. Et ex conscientia,  
**I. 56.** Et ex naturalibus inclinationi-  
bus. Ibidem & seq. Et ex iudiciis no-  
stris. **I. 57.** & seq. Et ex confessione  
populorum. **I. 98.** Jus naturæ a præ-  
judicata infantia, & educatione suam  
originem non duxit. Ibidem. Prima  
principia juris naturalis sunt commu-  
nia omnibus quoad cognitionem. **I.**  
**59.** Nihil concludi potest contra le-

gem naturalem ex feritate quarundam  
nationum. **I. 60.** Neque etiam ex di-  
versa opinione gentium in iis, quæ  
ad Religionem spectant. **I. 61.** Sum-  
mo jure unumquemque appetere quod  
sibi utile putat, Impiis audacter effu-  
tunt. **I. 62.** Et hominem non esse  
natum ad societatem. **I. 63.** Et nul-  
lum esse inter homines vinculum so-  
cietatis. **I. 64.** & seq. Et jus non ef-  
se constitutum natura, sed pacis. **I.**  
**69.** Et Scholasticos in defensione ju-  
ris naturæ implicari vitioso circulo.  
**I. 70.**

Libertatis veram notionem nonnulli Phi-  
losophi pervertunt. **I. 170.** Alii ius-  
modi principia ponunt, propter quæ  
nullus remanet libertati locus. Ibi-  
dem. Libertas alia improprè dicta,  
alia propriè dicta. **I. 178.** Quid ad  
istam requiratur. Ibidem. & **180.** Li-  
beri, & voluntarii notio non una, &  
eadem est. Ibidem. Quod est intrin-  
sece contingens est etiam liberum. **I.**  
**177.** Non vero est liberum quod est  
extrinsece contingens. Ibidem. Et  
quod spontaneum est. **I. 179.** Liber-  
tati opponitur necessitas absoluta. **I.**  
**181.** Non autem hypothetica. Ibidem.  
Libertas cognitionem prærequirit. Ibi-  
dem. Et iudicium rationis. **I. 182.**  
Propter motiva Inducimur ad volen-  
dum, aut nolumdum. **I. 182.** Neque  
ex hoc lãditur humana libertas. **I.**  
**183.** Neque etiam quia intellectus rei  
evidenter cognitæ assentiri debet. **I.**  
**187.** Neque eo quod voluntas sequat-  
ur ultimum iudicium rationis. Ibi-  
dem. Homines esse libertate prædi-  
tos ipsa experientia constat. **I. 187.**  
Fatalistæ opposcentes nos semper ali-  
qua necessitate duci, quam non co-  
gnoscamus, contra experientiam pu-  
gnant. **I. 188.** Corpora celestia non  
possunt esse causæ directæ nostræ in-  
telligentiæ. **I. 290.** Neque etiam vo-  
luntatem nostram directe movere pos-  
sunt. **I. 291.** Homo libertatem habet,  
quia ratione præditus est. **I. 181.** Et  
quia objecta voluntatem hominis al-  
licere, non trahere, aut movere pos-  
sunt. **I. 197.** Fatalistæ incepte oppo-  
nunt

hunc corpus non moveri ex actu mentis, quia ignoramus quid possit corpus secundum naturam leges. **L. 301.** Et quia ignoramus quot gradus motus a voluntate imprimi possint corpori. Ibidem. Falso obtrudunt passionem nostras a nobis regi non posse **L. 301.** Et ipse appetitus esse causam nostrarum electionum. Ibidem & seq. Inepte ad libertatem requirunt, ut de iis, quæ volumus, recordemur, aut obliviscamur. **L. 304.** Ad somnia pro sua causa imperite confugiunt. **L. 304.** Ibidem & seq. Hominem, dum vult, determinari ab exteriori creato principio falso contendunt. **L. 307.** & seq. Et nos non esse de nostra libertate certos, quia certi non sumus a nobis velle. **L. 308.** Immo esse incertos, quia ideas revocare non possumus, & ex menti recurrunt, quas non vellemus. **L. 309.** Et quia plura argumenta velleitatis, quam libertatis, in vita nostra occurrunt. Ibidem. Et quia non sumus liberi quoad sensationes. Ibidem. Et quia nescimus rationem, qua volumus. Ibidem. Ex conservatione Dei inepte inferunt non esse in nobis activum principium agendi. **L. 310.** Puerorum, & senum exempla frustra obtrudunt. Ibidem. Atque ad diversam rationem agendi pro diversa institutione inepte recurrunt. **L. 311.** Libertas, & immutabilitas simul conciliantur. **L. 312.** Sicuti etiam libertas, & infirmitas providentia. **II. 27.** Divina providentia est nostram servare libertatem. **II. 30.** Pluribus Divinis attributis convenit, ut homo sit liber. **L. 142.** Et libertas est Dei donum præclarissimum in ordine nature. **L. 143.** Quivis illa homo male uti possit, & quandoque utatur. Ibidem.

Lokius pugnat pro possibilitate materię cogitantis resistitur. **L. 102.** & seq. Veram notionem libertatis pervertit. **L. 127.**

Lucretius delirat fieri potuisse, ut quæ sui initio sortuito producta fuerunt, successu temporum ad certos usus accommodaretur. **L. 86.** Sibi contra-

dicat in illo principio: *ex nihilo nihil fit.* **L. 17.** Et sibi etiam contradicens admittit immortalitatem animarum. **L. 144. a.**

Lybisurum populi non sine Religione, **L. 45.**

## M

**M** Adagiaris insule habitatores non sine Religione. **L. 51.**

Magi non sine Religione. **L. 53.**

Malabarienses non sine Religione. **L. 49.**

Malebranchius id a nobis agi affirmat quod Deus efficit in nobis. **L. 212.** Per sua principia libertatem destruit. Ibidem. Quæ ad veram tamen libertatem requiruntur, ipse quoque admittit. Ibidem. Falso putat sentire cum iis, qui physicam præmotionem admittunt. Ibidem.

Mamachius laudatur. **L. 40. a.**

Mali physici notio exponitur. **L. 164.** & seq.

Materia est passiva. **L. 8. 16.** Est intrinsece indifferens quoad esse, & omnes modificationes. **L. 13.** & seq. Vim motricem, seu conatum a se non habet. **L. 69.** Neque motus includitur in idea ejus. **L. 70.** Prædita non est vi genitrice, vel effetrice. **L. 76.** & seq. Ei essentialiter repugnant quæ cogitationi necessarii convenire debent. **L. 199.** & seq. Certo perspicimus Deum non dedisse materię vim cogitandi. **L. 202.** Id perspicimus non quia ignoramus, quomodo id a Deo fieri possit. **L. 203.** Sed quia repugnare videmus. Ibidem. Neque inde sequitur secundum nostras ideas Dei potentiam restringi. **L. 104.** A motu non potest oriri cogitatio. **L. 114.**

Materialitas ad materię occultas proprietates inepte recurrunt. **L. 105.** Ad deprimendam spiritualitatem animæ alii eorum operationum brutorum exequantur operationibus hominis, alii illarum dignitatem supra illas agnoscunt, sed ea non repetunt a perfectione organizationis. **L. 121.** Brutorum exempla frustra obtrudunt. **L. 111.** & seq. Et ea instructionis capacia esse. **L. 114.** Corporis & animæ unam esse naturam.

tam



ram mentiuntur. *L. 117.* Physica sensibilitate produci ideas, & cognitiones somniant. *L. 120.* Et iudicium esse quandam sensibilitatem. Ibidem. Et diversitatem cognitionis hominum & brutorum pendere ab organizatione. *L. 123.* Argumentum contra eos ductum ab uniformi actione brutorum frustra eludere contendunt. *L. 114. a.* Pugnant animam vel in se mortalem, vel saltem incertum, num a Deo destruenda sit, refelluntur. *L. 122. & seq.* Vide Besium, Helvetium, Hobbesium, Spinosam, Voltareum, Maupertius falso putavit ex ordine, pulchritudine, & perfectione rerum Dei existentie evidens argumentum duci non posse. *L. 91.* Memoria intellectiva admitti debet. *L. 127. & seq.* In ea res non sunt modo materiali. *L. 126. & seq.* Merfenus citatur. *L. 122.* Metus. Vide Religionem. Metus, qui a Religione incutitur, est valde utilis, & salutaris. *L. 123.* Mexicani non sine Religione. *L. 123.* Minucius Felix observat nos de Deo testimonium reddere naturaliter. *L. 127.* Et plura esse, quae nos moneant de futura resurrectione. *II. 115.* Mundi originem praclare describit. *L. 90.* Misericordia, & iustitia simul conciliantur. *L. 92.* Misericordia infinita non pugnat cum iustitia infinita. *L. 122.* Monelis laudatur. *L. 12. d., 73. f., 304. c., 322. c., II. 2. d.* Morini dissertatio citatur. *L. 124. d.* Mosheimius Hobbesii astutiam, calliditatem, impietatem, & malam fidem detexit. *L. 126.* Hobbesium aliquando finxisse putat, ne alios contra se concitaret. *II. 70. a.* Mundum qui imperfectum esse inde putat, vel quia in eo multa corrumpi advertunt, vel quia plurimorum rationem non assequuntur, falsitatis convincuntur. *L. 87.*

## N

Narsinge populi non sine Religione. *L. 40.*

## O

O Rigenes exponit, cur Deus hominem indigentem creaverit. *L. 166. & seq.* Et utilitatem malorum physicorum. *L. 166.* Ostendit omnia mala a Deo non impedienda per liberi arbitrii subtractionem. *L. 179.* Observat Deum diverso tempore facere, quod huius universitatis bono congruit. *L. 172.* Explicat quid Deus posse, & non posse debeat. *L. 121. a.* Afirmat unicuique experimento constare de sua libertate. *L. 194. a.* Rursus ad eandem experientiam provocat. *L. 302. a.* Pro animae spiritualitate pugnat. *L. 107.* Refellit Celsum comparantem naturam hominum cum natura brutorum. *L. 122. & seq.* Et opponentem non minus bruta laedi ab hominibus, quam homines a brutis. *L. 126.* Et essentiam Deum aequè providere hominibus, ac ceteris rebus. *II. 122.* A Besii calumnia vindicatur. *L. 121.* Falso putavit aeternam vitam finendam esse in iustis, & impiis. *II. 121. a.* Origeniste non imposuere suam futuræ vitæ iustorum. Ibidem.

## P

P Assonum defensionem suscipiunt increduli recentiores. *L. 168.* Patuzzius laudatur. *II. 95. 118. b.* Pausanias citatur. *L. 44. 45.* Pegueses non sine Religione. *L. 49.* Perviansi non sine Religione. *L. 51.* De la Plata habitatores non sine Religione. Ibidem. Phoenices non sine Religione. *L. 44.* Philostratus citatur. Ibidem. Plato recenset antiquos Philosophos, qui nihil ex sui naturae turpe esse putarent. *II. 49.* Alterum futurum vitam statum pro iustis, & impiis admittit. *II. 91.* Plinius refert quaedam animalia duntius vivere, quam homines. *L. 135. a.* Plotinus pro animae spiritualitate pugnat. *L. 108.*

Poly-

Polytheismus nunquam omnium hominum fuit error. I. 65. Cur non omnes eum rejecerint, sicuti irreligionem rejecerunt. I. 66.

Pomponius Mela citatur. I. 45.

Possibilitas alicujus entis ut cognosci possit, quid requiratur. I. 6. Alia est intrinseca, & absoluta, alia extrinseca, & relativa. I. 106.

Prevoftus laudatur. I. 87. a.

Prudentius a Bellii calumniis vindicatur. I. 183. & seq.

Pufendorffus contra legem naturalem, multa tradit. II. 50. Imperite Scholasticis opponit, quod vitioso circulo laborent. II. 71.

Pythagoras non fuit athenus. I. 47. Italicæ sectæ fuit institutor. Ibidem.

## Q

Quinæ gentes non sine Religione. I. 51.

## R

Religio non profluxit a metu. I. 59. Neque ab ignorantia. I. 60. Neque ab astutis Legislatorem. I. 61. Neque ab educatione, vel institutione. I. 62. In ea posita est felicitas privati hominis. I. 20. Ea sublata, illa officia tolluntur, quibus constat humana societas. I. 22. Religio est fundamentum bonæ fidei. Ibidem & seq. Maxime confert ad observationem legum civilium. Ibidem. Et per eam tollitur defectus, qui latet in sanctione civilium legum. Ibidem. Religionis Christianæ observantia felicitatem importat. I. 99. Cum Religione conjungitur metus salutis. I. 23. Per Religionem imperium civile non destruitur, sed servatur. I. 25. Per eam custoditur quicquid imperio civili convenit. Ibidem.

Richardus Victorinus tradit summam Sapientiam, potentiam &c. esse in Deo summam essentiam. I. 221.

Rinos citatur. I. 50. 52. 53.

Rouffes materiam cogitare posse effutit. I. 199. a. Plus aliquando unum hominem ab alio differre, quam

bruta ab hominibus. I. 215. a. Et homines ab initio non fuisse rationales. II. 51. a. Contra legem naturalem pugnat. Ibidem. Et jus naturale positum in propria utilitate impie obtrudit. Ibidem.

Ruinartus citatur. I. 39.

## S

Sadducæ, Vide Josephus, & Willemerus.

Selvanus de providentia Dei præclare disserit. II. 12. Ex eo quod Deus sit rerum conditor, earumdem & gubernatorem esse inferit. II. 16.

Scoti principia Spinofæ Syllæmati contraria. I. 120.

Seneca tradit etiam malis insitum probare rectis. II. 58. Et probare meliores. II. 82. Alterum vitæ statum non negavit. II. 97. & seq. In omnibus Religionem esse tueretur. I. 64. Siameses non sine Religione. I. 49. 55. Sineses non sine Religione. I. 47.

Socrates alterum futuræ vitæ statum pro iustis, & impiis admisit. II. 90. Spinofæ impia principia humanam societatem evertentia. I. 24. Spinofa cum Epicureis tenuit motum ab uno corpore in aliud. & aliud in infinitum fuisse communicatum. I. 70. Ejus systema exponitur. I. 209. Quod omnino absurdum, & impium ab unitate entis a se collegit. I. 139. Inepte distinguit divisibilitatem, & indivisibilitatem in qualitate. I. 114. Obscuritate laborat. I. 117. Est male fidei. I. 118. Sibi contradicit. Ibidem. Materie cognitionem convenire posse falso putat. I. 199. a. Deum liberum non esse delirat. I. 265. Ei vero nos ob noxas tantum imbecillitatem obtemperare debere. II. 47. a. Hominem liberum non esse, & se credere liberum, quia suorum appetitum esse conficius. I. 176. Et quia homines falso arbitrantur se plura agere, quæ a voluntate pendeant. I. 300. Et quia ignorant, quæ ratione voluntas moveat corpus. Ibidem. Et quia plura agunt, de quibus

bus deinde dolent. I. 301. Es quia nostræ electiones pendent ab appetitibus. Ibidem. Et quia nihil agere possumus, nisi ejusdem memoria nobis occurrat; memorie autem non dominamur. Ibidem. Et quia quædam somniamus eodem modo agere nobis videmur, ac dum vigilamus. Ibidem. Jus naturale cupiditate, & potentia determinari impie constituit. II. 49. § 1. a. Pactum servandum ob utilitatem ponit pro fundamento legis naturalis. II. 61. a. Impossibile esse obtrudit, ut una substantia ab alia producat. II. 6.

Stoici secundum multos ab Athetismo absolvi non possunt. I. 18. h. Cur putaverint omnia peccata esse paria, explicat S. Thomas II. 140.

Strabo affirmat quosdam elephantis diu, ejus vivere, quam homines. I. 235. a. Citatur. I. 44. 45.

## T

**T**artari non sine Religione. I. 50. Tatianus resurrectionem corporum Dei virtute fieri posse evincit. II. 114.

Telapontenses non sine Religione. I. 50. Tertullianus, si materia æterna esset, Deo æqualem futuram concludit. I. 21. Contra Hermogenem materiam increatam non esse evincit. I. 12. Observat nostram animam naturaliter reddere testimonium de Deo. I. 17. Deum incomprehensibilem dicit. I. 101. Corporem tamen cum fecit. I. 108. Deum unum esse evincit. I. 236. Repugnare ostendit eum consensisse cum malo principio. I. 160. Et animam non esse mortalem, licet alimenta discedere videatur. I. 217. a. Atque esse in nobis argumenta resurrectionis. II. 115. Et convenire Divinæ justitiæ, ut homo sit liber. I. 144. Homini autem datum liberum arbitrium, ut voluntarie bonus evaderet. I. 145. A Divina bonitate hoc donum tolli non debuisset, licet eo aliquando homines male utantur. I. 246. Observat dupliciter attendi pos-

se debitum in operatione Divina. I. 157. a.

Tales Milesius Jonicæ sectæ institutor. I. 47. Non fuit Atheus. Ibidem.

Theodoretus pro providentia Dei in hæc omnia præclare disputat. II. 15.

S. Theophilus materiam Deo æqualem futuram affirmat, si ea æterna esset. I. 11. a. Quod genitum, etiam mutabile esse tradit. I. 12. Observat non futurum fuisse quid magnum, si Deus fecisset mundum ex subiecta materia. II. 3. Et ex providentia cognosci Deum. II. 13. Atque futurum vitæ statum admissum fuisse a multis Poetis. II. 94. a. Resurrectionem corporum Dei virtute fieri posse evincit. II. 114. Ad eam credendam Incredulos præclare adhortatur. II. 216.

Thibetani non sine Religione. I. 51. S. Thomas Aquinas conveniens fuisse tradit, ut entia intelligentia a Deo producerentur. I. 196. a.

Intellectum non esse corporem evincit, quia non continet aliquid per commensurationem quantitatis. I. 107. Et quia actiones ejus sunt distinctæ a corporeis. Ibidem. Et quia homo sibi conscius est se intelligere. I. 208. Et quia reflectit supra se ipsum. I. 209. Maximum discrimen interesse probat inter cognitionem sensitivam, & intellectivam. I. 226. Et cognitionem coloris, & seni differre per comparisonem ad sensum, non vero intellectum. I. 228. Atque sensibilem cognitionem non esse totalem causam cognitionis intellectivæ. I. 241. Memoriam intellectivam esse dicit conservare species. I. 226. Explicat cur bruta agant aliqua, quæ a ratione proficisci videantur. I. 212. Probat substantiam spirituales in se non habere, unde corrumpi possit. I. 244. Neque etiam corrumpi posse ab aliqua causa creata. Ibidem. Neque etiam ex eo quod separatur a corpore. I. 245. a. Neque etiam a Deo destruendam. Ibidem. c. Constat autem de incorruptibilitate ejus etiam ex iis, quæ sunt præcipuum ejus

ejus obiectum. Ibidem. *b.* Non repugnare vero, ut aliqua creata abfolute, & neceffario perfeverent. *L. 105.* Statuit liberum arbitrium ab electione pendere. *L. 187.* Ad electionem concurrere cognitivam, & appetitivam virtutem. *190.* Et rationem esse collativam plurimorum. *L. 186.* Et quæ agunt neceffitate naturæ ad unum esse determinata. *L. 128.* Et hominem liberum esse, quia est ratione præditus. *L. 181.* & seq. Et quia obiecta voluntatem hominis allicere possunt, non autem movere, aut cogere. *L. 197.* & seq. Explicat quare homo beatitudinem neceffario velit quoad determinationem actus. *L. 198. 184.* Non vero quoad exercitium. Ibidem. Et quare bona particularia neque etiam quoad determinationem actus neceffario velit. Ibidem & 197. Et quare neceffario non velit quæ ducunt ad beatitudinem. *L. 198 s.* Et quando intellectus neceffario assensatur conclusionibus. *L. 185.* & seq. Explicat, quo sensu facti nomen accipi possit, vel non possit. *L. 190.* Ostendit intellectum non moveri a cœlesti corpore. *L. 191. a. b. c.* Aliquid tamen in intellectu nostrum operari cœlestia corpora. Ibidem. Neque etiam voluntatem moveri a cœlesti corpore. Ibidem. *c. f.* Indirecte tamen cœlestia corpora esse occasionem nostrarum electionum. Ibidem. Inclinationes esse subiectas iudicio rationis. *L. 103.* Præmoveri nos quidem a Deo, non tamen cogi. *L. 107.* Et quid libero arbitrio conveniat, prout est in natura creata. *L. 178.* Et Divinæ providentiæ non convenire, ut per eam libertas tollatur, aut impedistur. *II. 30. a.*

Explicat quid sit intelligendum nomine legis naturalis. *II. 72.* Probat fuisse conveniens ut lex naturalis homini imprimeretur. *II. 72.* Duplicem legem naturalem in homine esse. *II. 47.* Et duplicem esse regulam humani actus. *II. 105.* Aliquid spectare ad ius naturæ dupliciter. *II. 78.* Quædam esse naturaliter tur-

Tom. II.

pia, & quædam honesta. *II. 54.* Esse contra naturam hominis, quod est contra rationem. *II. 40.* Et recte agere esse secundum naturam hominis. *II. 39.* Ita curandum ab homine corpus, & vires inferiores, ut rationis actus non impediantur, sed juvetur. *II. 56.* Esse in homine naturalem inclinationem ad veritatem, & societatem. *II. 52.* Et aliquos actus esse homini naturaliter convenientes. Ibidem. Dupliciter esse aliquid naturale homini. *II. 40.* Ab homine participari rationem æternam, per quam inclinatur ad bonum. *II. 55.* Esse hominem animal sociale. *II. 63.* Explicat quænam præcepta legis naturalis, & quonam modo mutari possint. *II. 59.* Quomodo lex naturalis deleri possit. *II. 80. a.* Et quomodo sit communis apud omnes. Ibidem *b.* Et quomodo præcepta Decalogi mutabilia, & non mutabilia sint. *II. 79.* Et quomodo actus virtutum spectent ad naturæ legem. *II. 81. s.* Utilitatem humanarum legum probat. *II. 77. a.* Ostendit per legem De homines ordinari in Deum. *II. 128.* Explicat qua ratione Dei cultus & internus, & externus sit. *II. 45.* Et quomodo externus ab interno proficiatur. *II. 46.* Cultu interno per fidem potissimum Deum colendum tradit. *II. 43.* Et per amorem. *II. 42.* Cultu autem externo per corporalia obsequia. *II. 46.* Dei cultum reverentia, & subiectione constare tradit. *II. 47.* Et verum famulatum spectare ad Religionem. *II. 48.*

Exponit unde sit in hominibus potentia peccandi. *L. 171.* Et unde in iis peccata proveniant. *II. 41.* Quomodo peccatum sit causa mortis & omnium defectuum. *L. 166. a.* Explicat cur aliqua corpora pluribus defectibus obnoxia sint. Ibidem. Corpus nostrum incorruptibile fuisse tradit ex parte causæ efficientis. Ibidem. Et passiones dupliciter spectandas. *L. 168.* Evincit non dari malum morale, per quod Deus non offendantur. *II. 103.* Hæc ipse Deus sit omnino immutabilis. *II.*

Q 9

105.

105. Et nostras actiones habere rationem meriti, vel demeriti apud Deum. II. 104. Et hominem per peccatum, quantum in se est, aliquid detrudere Deo. Ibid. Offensam commissam contra Deum esse aliquatenus infinitam. II. 151. Et dupliciter peccatorem contra Deum agere. II. 139. Non tamen omnia peccata esse paria. II. 140. Sed alia gravia, alia levia. Ibidem. Gravia ex sui natura esse irreparabilia, non levia. II. 141. Animam ob peccatum amittere nitorem. II. 141. Et contrahere maculam. Ibidem. Peccata a Deo puniri debere. II. 145. Ad suum finem non pertingere eos, qui ob sui culpam ab eo deficiunt. II. 102. Ut aliqui a fine ultimo excludantur, spectare ad Dei providentiam. II. 153. Impios post hanc vitam a penis non esse liberandos. II. 143. Pœnam inferni, qua puniuntur, duplici de causa esse æternam. II. 144. Et inferni pœnam esse sensus, & damni. II. 145. Utrumque esse æternam. II. 146. Peccatum mereri pœnam æternam licet brevi mora temporis commissum. II. 148. Non requiri ut pœna adequetur culpæ secundum durationem. II. 164. Voluntatem perfectam computari pro facto. II. 148. c. Et offensam commissam contra Deum habere quamdam infinitatem. II. 151. Esse suam utilitatem in æternis penis impiorum. II. 163. Quandoque pœnæ ad correctionem infingendæ. II. 163. Etiam pœnas humanas in se habere quamdam perpetuitatem. II. 166. Annihilationem non esse pœnam convenientem peccati. II. 168.

Afirmat operationes hominis esse tum animæ, tum corporis. II. 107. Et corpus esse instrumentum animæ. II. 109. Resurrectionis causam exponit. Ibidem. Eandem numero animam eidem numero corpori in resurrectione uniendam tradit. II. 112. Explicat quid requiratur ad perfectam resurrectionem. Ibidem. Tradit ad complementum beatitudinis requiri etiam corpus. II. 109. Exponit qualia erunt

corpora resurgentia. II. 116. Duplex genus partium in resurrectione corporum distinguit. II. 119. Explicat ad quod compositum partes dissolutæ pertinebunt. II. 119.

Notionem tradit veræ, & completæ beatitudinis. II. 121. Evincit veram beatitudinem esse æternam. II. 123. Et veram beatitudinem expeti ab hominibus. Ibidem. Distinguit inter communem, & peculiarem rationem beatitudinis. II. 124. Tradit veram, & completam beatitudinem haberi non posse in hac vita. II. 125. Eam vero positam in contemplatione Dei. Ibidem. Non tamen in cognitione, quæ communiter habetur. II. 126. Vel quæ habetur per demonstrationem. II. 127. Vel per fidem. II. 128. Sed in visione Dei iisque omnibus, quæ ad visionem consequuntur. II. 129. Hominem non posse assequi beatitudinem visionis Dei propriis viribus. II. 131. Intellectum Dei lumine indigere, ut Divinam essentiam videat. II. 132. Esse ultimum finem hominis intelligere Deum. Ibidem. Fieri hominem participem vitæ æternæ per visionem Dei. II. 133. Et ideo eos, qui Deum vident, in perpetuum esse viuros. II. 134. c. Illos, qui Deum vident, habere voluntatem immutabiliter conversam ad bonum. Ibidem. c. Beatos non posse deturbari e statu felicitatis ab aliqua causa creata. II. 136. c.

Loca rursus de perfectione causæ comparatæ ad effectum, & effectus ad causam. I. 7. Tradit quomodo res præexistat in virtute suæ causæ. I. 95. Et materiam esse causam alterius rei secundum quod mutatur. I. 8. Et quod possibile est non fieri actu sine aliqua causa. I. 9. Refutat eos, qui rebus naturalibus actiones proprias subtrahant. I. 314. c.

Dei cognitionem naturaliter omnibus infinitam esse tradit. I. 38. c. Explicat quomodo nobis compertum sit Deum existere. I. 124. Afirmat per attributa negativa a nobis potissimum cognosci Deum. I. 100. Cognosci etiam aliquo modo per attributa affirmativa.

tiva. I. 101. In hisce attributis distinguit, quod significatur, & significandi modus. Ibidem. Definit quoniam de Deo ratione naturali cognosci possint. I. 100. Exponit in quo consistat error idololatæ. I. 39. *a*. Explicat quomodo sit accipiendum quidquid dicitur de Deo. I. 121. Et qua ratione non fatiatur intellectus, quando de Deo compositionem format. I. 123. Explicat qua ratione Deo tribuantur, quæ conveniunt corpori. I. 122. Creaturam ad Deum se habere dicit, quomodo se habet aer ad solem illuminantem. II. 35. Explicat qua ratione intelligi debeat, Deum a se esse. I. 105.

Deum corporeum non esse evincit. I. 111. Spinose principia destruit. I. 112. Docet actualem existentiam idem in Deo esse cum essentia ejus. I. 124. Non esse Deum subiectum accidentium. I. 120. Et non constare Deum genere, & differentia. I. 125. *a. b. c. d.* Neque in eo esse relationem realem ad creaturam. I. 127. Esse tamen in creaturis relationem realem ad Deum. Ibidem. Dicit tamen in tempore nomina de Deo, quæ significant relationem Dei ad creaturas. I. 127. Et quidquid de Deo dicitur, non dici ut realiter distinctum ab essentia ejus. I. 121. Licet Deus simplex sit, tamen plures propositiones de eo enuncitari posse affirmat. I. 128. Et multiplicia nomina non repugnare Divine simplicitati. I. 129. Nec ea esse synonyma. Ibidem. Ob infinitatem perfectionum non fieri in Deo compositionem. I. 120.

Explicat unde sit in Deo clementia. II. 160.

Statuit omnia conservari a Deo. II. 33. Aliqua ab eo conservari mediantibus secundis causis. II. 36. Et fieri posse, ut producta in nihilum redigantur. II. 37. *a*. Aliquid tamen in nihilum non redigendum. Ibidem *b*.

Soli Deo vim creandi convenire posse evincit. II. 3. Eam materiam convenire non posse. II. 2. Et a nulla secunda causa posse participari. II. 5. *a. b.*

Non requiri aliquid præexistens ad ea, quæ Deus producit. II. 8. *a*. Exponit in quo locum habeat illud principium; *in nihilo nihil fit*. I. 9. *a*. Docet debitum quoad Deum duplici ratione accipi debere. I. 157. *a*. Exponit unde sit in Deo misericordia II. 159. Et Deum, quantum in ipso est, misereri omnibus. II. 161. *a*. Ejusque esse punire, vel premia dare. II. 92.

Probat esse maxime perfectum, quod maxime est in actu. I. 94. Deo nihil deesse de perfectione essendi, quia per se substitit. Ibidem. Et nihil potest esse causa ejus. I. 123. *a*. Tradit quod mundus non parificaretur Deo, licet esset æternus. I. 96. *a*. Deum in se infinite perfectum evincit. I. 129. Et in sua perfectionibus. Ibidem. Explicat qua ratione Deus secundum diversa attributa largiatur perfectiones. I. 131. Omnes creaturas aliquam cum Deo similitudinem habere observat. I. 133. Deum infinite bonum evincit. I. 134. Et nullum in eo esse malum admittit. I. 135. Sed esse bonum per suam essentiam. Ibidem. *a*. Non esse in eo passiones affectuum. I. 162. Sed actum sine passione quoad ea objecta, quæ Divine perfectioni non repugnant. I. 164. Et virtutes in Deo esse, non tamen per modum habitus. I. 165.

Statuit potentiam activam in Deo esse. I. 318. *a*. Eamque non distingui a substantia, & actione ejus. I. 319. Explicat quid Deus possit, & non posse debeat. I. 321. *a*. Quomodo Deus sit in omnibus. I. 323. Probat Deum meliora facere posse iis, quæ fecit. I. 324. *a. b.* Et rem eandem facere meliorem accidentaliter, non substantialiter. I. 325. *a*. Loca ejus contra Leibnitianos de mundo perfectissimo. I. 336.

Evincit Deum providere huic mundo. II. 22. Et rerum omnium providentiam in Deo esse. II. 16. Explicat quæ Deus præordinaverit ad constitutionem hujus mundi. II. 17. Assignat rationem, cur Deo grave non sit singula

gula curare. II. 17. *a.* Tradit omnibus immediate prospicere. II. 20. Non tamen omnia per se immediate exequi. Ibidem. *b. c.* Homines subijci peculiariter providentiæ Dei. II. 22. Ceteras creaturas a Deo regi per intellectuales. II. 24. *a.* Explicat secundum quam rationem Deus agere præter ea possit, quæ illius providentiæ subijciuntur. II. 25. *a.* Affirmat a Deo aliquid fieri posse præter consuetum providentiæ ordinem. II. 25. Et ob huiusmodi opera Deum quandoque clarius manifestari hominibus. II. 26. Ea tamen non esse contra naturam. Ibidem. Ordini providentiæ Dei non opponi casum. II. 27. Ad Dei providentiam pertinere servare omnia in suo statu. *L. 176.*

Explicat qua ratione Deus se ipsum comprehendat. *L. 186.* Docet Deum se ipsum per se, & primo cognoscere. *L. 187. a.* Cetera autem in se ipso. Ibidem *b.* Deum omnia cognoscere per suam essentiam. *L. 191. a. b.* Suam essentiam cognoscere ut propriam rationem omnium entium. *L. 193. a.* Se ipsum, & alia in se ipso videre. *L. 191. c.* Cognoscere etiam mala. *L. 188. a. b.* Et futura contingentia. Ibidem. *c. d.* Cognoscere omnia etiam prout inter se distinguuntur. *L. 193. a. Et* omnia distincte cognoscere in sua essentia, quia suam essentiam perfecte cognoscit. *L. 191. d. b.* Cum certitudine scientiæ Dei conciliat cognitionem rerum contingentium. *L. 189.* Tradit scientiam Dei non esse variabilem. *L. 193. a.* Tamen etiam res variabiles attingere. Ibidem. Non habere ratiocinium. *L. 194. a.* Simplificissimo actu omnia complecti. Ibidem. *b.* In scientia Dei non esse compositionem rationis. *L. 191. a.* Tamen etiam composita a Deo cognoscit. Ibidem *b.*

Ostendit in Deo esse voluntatem, quæ non distinguitur ab essentia ejus. *L. 186.* Velle, & amare Deum quæ habet. *L. 187.* Divinam essentiam esse præcipuum obiectum Divinæ voluntatis. *L. 188.* Deumque velle omnia

propter se. Ibidem. Nihil detrahi perfectioni, & simplicitati Dei, quia Deus etiam alia a se velit. *L. 189. a.* Deum unico actu velle se, & alia a se. Ibidem *b.* In Deo esse volendi rationem. *L. 161. a.* Non tamen causam. Ibidem. *b.* Deum velle quod ratio suæ sapientiæ habet. *II. 99. Et* sibi esse legem. Ibidem. Inane non esse querere etiam de aliis causis a voluntate Dei. *L. 162.* Duplex indifferentiæ genus distinguendum. *L. 167.* Deum se ipsum determinari a se. Ibidem. Se ipsum necessario velle. *L. 168.* Non autem velle necessario alia a se. Ibidem. Non velle Deum necessario omne bonum, quod est diversum a se. *L. 174.* Divinum scire habere necessariam habitudinem ad scita, non autem velle ad volita. *L. 169.* Ex actione Dei æterna non se. qui effectum æternum. Ibidem. *a.* Contingentia a Deo dimanare posse, licet ipse sit eas necessario. *L. 174.* Dei voluntatem semper impleri. *L. 173.* Nec tamen necessaria esse omnia, quæ Deus vult. Ibidem. Dei voluntatem impleri licet mala moralia contingant. *L. 175.*

Explicat qua ratione Deum unum dicamus. *L. 136.* Observat antiquos Philosophos unum tantum posuisse principium. *L. 137. a.* Evincit malum non esse aliquam naturam. *L. 141. a.* Et unum cum indivisione conjungit. *L. 13. b.*

Thomasius legem naturalem in iis imple ponit, quæ vitam magis tranquillam, & diuturnam reddunt. *II. 40.* Thomas Waldensis citatur. *L. 265.* Thraces non sine Religione. *L. 44.* Tolandus Moysem Pantheistis impudenter accenset. *L. 18. a.* Falso effutit Atheum civili reverentia promissorum a male agendo cohiberi. *L. 122. a.* Cardano assentitur fidem alterius vitæ utilem non esse ad beate vivendum. *L. 29. b.* Motum materiæ essentialem esse falso contendit. *L. 68. a.* Eodem artificio, quo quondam Numa usus, etiam Legislatores usos fuisse audacter effutit. *L. 61. a.* Et

ex

ex materia substantiam intelligentem  
derivare potuisse a paritate inepte  
concludit. I. 241. a.  
Tyndalius contra futurum vite statum  
impie pugnatur. II. 90.

V

**V** Alfecechius laudatur. I. 24. a., 34.  
e., 10. a., 97., 117. a., 207.  
Vaninus impie moritur. I. 32.  
Victoria citatur I. 41. a.  
Virginenses non sine Religione. I. 53.  
Vite presentis utilitatem per vitia pro-  
moveri increduli per summam insi-  
pientiam affirmant. II. 85. Vite futu-  
ræ statum etiam Ethnici admiserunt.  
II. 90. & seq. De eo constat, si ha-  
beatur ratio naturæ ipsius animæ.  
II. 91. & seq. Et ipsius Dei prout  
est legislator. II. 92. Et prout est  
summe perfectus. Ibidem. Et prout  
non potest non amare virtutem, &  
non odisse vitium. II. 93. Et prout  
ei non minus placet, aut displicet,  
quod interius recte, aut prave sit.  
Ibidem & seq. Ex discrimine etiam,  
quod est inter homines, constat de  
futuro vite statu. Ibidem. Hunc  
futurum vite statum licet aliqui ne-  
gaverint, tamen ex ratione naturali  
de eo constat. II. 95. & seq. Politi-  
cos vero philosophi eum non nega-  
runt. II. 96. & seq. De Deo credi-  
tore quoad offensam acceptam fru-  
stra Deitæ sibi in re ista blandiun-  
tur. II. 98. & seq. Et de constantia  
Divinæ administrationis. II. 100.  
Et de innata propensione hominum  
ad beatitudinem. II. 101. Opinio-  
nem de Deo vindicæ scelerum esse  
commentum humane politicæ, falso  
obtrudunt. II. 101. Et Deum non  
offendi peccatis hominum. II. 103.  
Ut in altera vita etiam corpora pu-  
niantur, aut gaudeant, præmiis, vel  
pœnæ equitas postulat. II. 107. Et  
iustitia, quæ tum cum corpore, tum  
cum anima servari debet. Ibidem &  
seq. Et quia homo anima, & cor-  
pore operatur. II. 108. Quoad resur-  
rectionem corporum Deo neque vo-

luntas neque potentia deest. II. 109.  
& seq. Deus omnia potest quæ ad  
executionem resurrectionis corporum  
requiruntur. II. 116. & seq. Iusti in  
altera vita perpetua felicitate fruun-  
tur, quia suum ultimum terminum  
assequuti sunt. II. 125. & seq. In  
perpetuum puniri impio æquitati,  
& rationi contrarium non est. II.  
144. & seq. Neque oppositur boni-  
tati, sapientiæ, & providentiæ Dei,  
uti Increduli falso putant. II. 153.  
& seq. Neque tunc esse debet Divi-  
næ bonitatis, sapientiæ, providentiæ  
per pœnas revocare ad suum ordi-  
nem creaturas rationales. II. 155.  
Neque etiam Dei clementiæ, & mi-  
sericordiæ opponitur, quod in per-  
petuum impio puniantur. II. 157. &  
seq. Quoad rem istam Increduli mul-  
ta exempla pro se inepte obtrudunt.  
II. 161. & seq. Inceptisque querunt  
de utilitate huiusmodi pœnarum.  
II. 161. Suadere frustra contendunt  
non futuram æqualitatem inter pœ-  
nam, & culpam, semel posita æter-  
nitate pœnarum. II. 163. Et exem-  
plis, quæ in rem istam afferunt, ni-  
hil concludunt. I. 165. & seq.

Voltaireus audia eorum, qui in demon-  
stranda existentia Dei adlaborant uti  
causas offensionum impie reprobant.  
I. 58. Imperite illud argumenti ge-  
nus contemnit, quod ad demon-  
strandam existentiam Dei sumitur  
ex utilitate hominum. I. 14. Bælio  
sibi æquali assentitur quoad duo pri-  
ma principia. I. 140. a. Materiæ co-  
gitationem convenire posse effutit.  
I. 199. e. Et de libertate nostrâ  
perfectum non esse. I. 177. a. No-  
stras electiones pendere a mechani-  
smo corporis I. 197. a. Homines na-  
turali instinctu determinatos. I. 202.  
c. Ad oppugnandam libertatem etiam  
ad somnia confugit. I. 204. a. Pro-  
videntiam audaciter negat. II. 11. b.  
Sub eodem providentiæ ordine ho-  
mines & bruta imple reponit. II.  
21. a. Obtrudit eum non peccare  
contra Deum, qui sibi vitam eripit.  
II. 38. a. Et cultum externum cri-



ga Deum esse lautilem. II. 41. a.  
Wicleffus Deum liberum non esse bla-  
sphemavit. L. 165.

Willemerus Sadducæos impuris mori-  
bus fuisse contendit. L. 31. b.

Wolffius citatur. L. 314. b. Impugnatur  
uti de libertate male sentiens. L.  
315. & seq. Refellitur quoad hunc  
mundum omnium possibilium perfe-  
ctissimum. L. 316. & seq. Cum laude

de S. Thoma mentionem sæpe fa-  
cit. 335. a.

## X

**X** Enophon tradit quid de altera vi-  
ta senserit Socrates. II. 20. Una  
vit illius hæc de re cum suo ma-  
gistro Socrate sententia. Ibidem.

F I N I S.

# ERRATA Tomi I. CORRIGE

Pag. 3. lin. 34. comprehenduntur  
 p. 3. lin. 35. fines  
 p. 7. lib. 35. debili  
 p. 8. lin. 36. aeteris  
 p. 10. lin. 36. exillendi  
 p. 16. lin. ult. Quis vero  
 p. 18. lin. 1. colum. 1. crist  
 p. 55. lin. 9. bellarum  
 p. 63. lin. 15. certissima  
 p. 91. lin. 38. argumentorum  
 p. 92. lin. 17. requiriri  
 p. 100. lin. 30. se  
 p. 153. lin. 18. ab  
 p. 178. lin. 1. pon  
 p. 233. lin. 11. turpidinem  
 p. 240. lin. 44. fenibus  
 p. 243. lin. 7. Eunius  
 p. 255. lin. 38. mellorem

comprehenditur.  
 fines.  
 debilitari.  
 ceteris.  
 exillendi.  
 superabundat usque ad Quis.  
 crit.  
 belluarum.  
 certissimam.  
 argumentorum.  
 requiri.  
 sed.  
 ob.  
 non.  
 turpitudinem.  
 fenibus.  
 Eunius.  
 meliorem.

# ERRATA Tomi II. CORRIGE

Pag. 2. lin. 1. Materiar  
 lin. 18. propeticis.  
 p. 28. lin. 1. summa  
 p. 31. lin. 35. fortuna  
 p. 38. lin. 34. dubitato  
 p. 41. lin. 1. & externi  
 p. 51. lin. 4. & col. 1. Veritablenfes  
 p. 70. lin. 35. existere  
 p. 85. lin. 47. nam  
 p. 175. lin. 10. ba  
 p. 180. lin. 8. vix

Materia.  
 propheticis.  
 summe.  
 fortunam.  
 dubitatio.  
 externi.  
 Veritable sens.  
 existeret.  
 non.  
 ab.  
 vis.

Cetera, quæ aut minoris momenti sunt, aut nostram fortasse diligentiam  
 fugerunt, ipse per se Lector deprehendet, & corriget.

2454731









